

28
M e

Ex Bibliotheca
majori Coll. Rom.
Societ. Jesu

III. 19. e

69. 2. 14

28	28
D	D
4	3

13-24, 2, 5

Mureti.

Centus Roma. 1564.

181. d.

1844

1844 - 1845

1844

DE SACRIS ECCLE-
SIÆ MINISTERIIS AC
BENEFICIIS LIBRI VIII.

In quibus quicquid ad plenam Iuris Pontificij cogni-
tionem necessarium est, breuiter ac dilucide
explicatum continetur.

ITEM,

~~PROVIDENTE ECCLESIAE~~
~~Gallia aduersus Romanam auctoritate Defensio Parisiensis episcopi~~
~~Ludovico XVI. Galliarum Regi quondam oblata~~

Authore Francisco Dnareño Iureconsulto, & ordi-
nario Iuris ciuilis Doctore in ciuitate Biturig.
Opus ab authore denuo auctum ac emendatum.

I
N
M
E
M
O
R
S.




I
N
M
E
M
O
R
I
A.

P A R I S I I S,

Apud Hieronymum de Marnef, & Guilieum
Cauellat: sub Pelicano, Monte D. Hilarij.

1 5 6 3.

CVM PRIVILEGIO REGIS.



DIPLOMATE Henrici Frácorum Regis interdictum est horum librorum impressione distractionéque omnibus typographis ac bibliopolis, nisi quibus imprimere eos ac distrahere Fránciscus Duarenus permiserit. Diploma signo Regio maiore obsignátū est, cui Andreas Guillartus magister libellorū, & Claudius Albaspineus viri clarissimi subscripserunt.

EX ACTIS CVRIÆ PAR-
lamenti Parisiensis.

CVM Franciscus Duarenus libello Senatui oblato exposuisset, se octo libros de sacris ecclesiæ ministeriis, ac beneficiis conscripsisse, cūmq; aliquot Senatores eiusdem curiæ renūciaissent se eos libros legisse, nec aliquid eis periculosum, aut suspectum contineri, decrevit Senatus licere Fran. Duareno eos libros edere ac publicare, vt in actis Curix plenius perscriptum extat. Die 19. Nouembris 1551.

Subscriptore Camusio secretario.



FRAN. DVA-
RENVS LE-
CTORIS;

ETSI non diffidebam
cùm hos de iure Ponti-
ficio libros emisi, ope-
ram meam in re hone-
sta, conatúmque integris & sanis
hominibus probari posse: tamen
fœlicior fuit eorum librorum, vt
ita dicam, genius, quàm spera-
bám. Nec verò id ita esse iudico,
quòd tam auidè expetiti sint à
multis, vt eos, quàm sœpissimè
excudi formis necesse fuerit. Non
enim is sum, qui iudicio multitu-

dinis multum tribuam, & bonis placere quam plurimis honestius semper esse duxi. Sed quia ex literis multorum, ac nunciis cognoui nullum ferè locum in Europa esse in quo hominibus piis, ac intelligentibus gratus non sit noster hic qualiscunque est labor, meritò id fœlicitati cuidam, aut diuinæ potius erga nos bonitati adscribendum esse puto: cum præsertim neque ea vis ingenij in me sit, neque eruditio, ut tot taliumq; virorum iudicio respondere me posse existimem. Itaque facilè animum induxi, ut hos libros denuo in manus sumens menda corrigerem, & nonnulla adderem quæ omiſſa fuerant in superiore editione. Hoc autem maturius eram facturus, si mihi per typographum quendam licuisset,

cuisset, qui iam quater eos impres-
sit me inscio, & ita imitari, & ex-
primere conatus est primam edi-
tionem, eamq; mendosam, vt pri-
mo aspectu eadem esse videretur.
Nam fuit ea hominis confidentia,
vt annum etiã ipsum ac diem pri-
mæ illius editionis adscribere in
aliis posterioribus non dubitarit.
Quid opus est pluribus? Ipse tan-
dem comperi tractatos non aliter
esse libros meos, quàm accidere
solet, cùm quid furtim, festinãter,
& in magno deprehensionis metu,
admittitur. Feci igitur non minus
libenter, quàm necessariò, quan-
quam aliquantò quàm vellem se-
rius, vt his libris imposita vulnera
sanarem, quibus præter me nemo
facilè mederi poterat. Auarici Bi-
turig. Calend. Maij. Anno 1557.

AD MARGA-
RITAM FRANCI-
CAM REGIS SOROREM,

ducémque Biturigum , epistola scripta
ab authore antequam Lutetia Pa-
risiorum Auaricum Bitu-
rig. migrasset.



V M nuper ex urbe
ad fanum Mauri,
ego & quidam alij
nostri ordinis viri sa-
ne boni, & literarū
amantes festis diebus
otiosisq; concessissemus, nuntiātūque
nobis esset Michaëlem Hospitalem, qui
inter Senatores curiae Parisiensis & in-
tegrissimus & doctissimus habebatur,
illuc aduentasse, confestim ad eius villam
salutadi visendique hominis causa per-
reximus. Qui ut salutes nos comiter
ac humaniter excepit, moram nullam in-
terpo-

terponendam esse putauimus, quin simul cum eo amœnissimis in locis eius vici suauissimè colloquētes deambularemus. Ac multis iam spatiis confectis, tandem ad pratorium hortosque ventum est, qui Gul. Budæi fuisse dicebantur. Quo in loco nullus profectò fuit, quin libentissimè consisteret, nō solūm quia ad æstum, caloremq; vitandum longè erat commodissimus: sed quia talem, tātūmque virum, qui memoria nostra uniuersam Europam sui nominis gloria impleuerat, nobis velut in conspectu ponere videbatur, ac ita versabatur ante oculos species eius & imago, cuius sedem, domiciliū, vestigia contemplabamur, ut nihil posset cadere incundius. Est enim nescio quo pacto naturā hoc nobis insitum, ut locis in quibus summi præcellentesq; viri multum versati sunt, aut supellectile, vel re alia, quā in vsu habuerunt, magis quā

librorum ab eisdem conscriptorum lectione
 sæpenumero commoueamur. Testatur Ci-
 cero cum aliquando venisset Metapon-
 tum, non antè ad hospitè diuertisse, quàm
 locum ipsum in quo vitam adiderat Py-
 thagoras, sedemq; vidiſſet. Et Lucianus
 author est, Epicteti philosophi lucernam,
 quæ fictilis erat, tribus drachmarum mili-
 bus emptam fuisse. In hortis igitur Budæi
 visum est omnibus considerare, qui simul
 Hospitale duce illuc conuenerant, optimis
 sanè ac eruditissimis viris, quorum nomi-
 na, raram eximiamq; eorum virtutem ad-
 miratus, continere me non potui, quominus
 hic adscriberem. Fuerunt enim hi, Bart.
 Fayus, & Anton. Sennetonius, ordinis
 senatorij lectissimi ornatissimiq; viri, &
 insignis cum doctrinæ, tum etiã integri-
 tatis & probitatis nomine conspicui ac
 venerandi, Frācisus & Sebastianus Al-
 basspinei fratres: quorum hic adolescentiæ
 vixdum

vixdū annos egressus, multas legationes magna cum laude obinuerat, ac in rebus gerendis ubique talem se præstiterat, ut amplissimis iam sacerdotiis atque honoribus benignitate Regis auctus esset: ille tuam Biturigum prouinciā ita tum regebat ac moderabatur, ut ab eo omnis equitatis, iustitiæ, prudētiæ, magnitudinis animi exēpla peterentur: uterque nobis propter similitudinem studiorū & beneficiorum magnitudinem coniūctissimus erat. In eo confessu & colloquia multos variōsque sermones habitos fuisse recordor, tum de studiis Budæi, quæ mihi propter veterem cū eo homine consuetudinē aliquanto erant notiora quàm cæteris, tum de tristī admodū atque acerbo casu, quē literæ interiores extincto illo lumine pertulerūt. Ac ut alius ex alio nascitur sermo, hinc arrepta est occasio commemorandi, quàm paucis annis, quantam litera bonæ iactu-

ram, paucorum hominū interitu, in Gal-
 lia nostra fecissent. Nam Budæi fatum
 non longo admodum interuallo secuta est
 Regis Francisci patris tui mors luctuosa,
 principum omnium, quos unquā sol vidit,
 literis deditissimi, ut iam bonorum om-
 nium consensu, literarum ac disciplinarū
 parentis cognomen ei tribuatur. Nec ita
 multò post reginam Nauarrę Margari-
 tam, celesti haud dubiè præditā ingenio
 fæminā, & eo in literas amore ac studio,
 ut Francisco Regi, cuius erat soror, non
 concederet, inuida fata nobis eripuerunt.
 In hanc sententiā cū multa grauius &
 copiosè à singulis dicerentur, memini tum
 ita locutum Hospitalē fuisse, ut dolorem
 nostrū, mærorēque oratione sua non pa-
 rum leniret ac minueret. Is enim ex tanta
 clade fæminam unam superesse dicebat,
 cuius ea esset nō solūm authoritas ac ma-
 iestas, verū etiam doctrina singularis
 cum

cum honesta volūtatē affectūque coniuncta, ut literas collabētes sola facillē sustentaret ac tueretur. Ac postquam de te studiisque tuis, & admirabili literarum omnium, tum Græcarū, tum Latinarum cognitione, pleraque non audita ab aliis, ut ipse affirmabat, sed à se comperta, atque intellecta, nobis magna cum attētionē & admiratione audientibus narrauit, nemo mehercule fuit, qui protinus in cælū manus præ gaudio tolleret, & ad bene sperandum de re literaria vehemētissimē cōmoueretur. Est enim in Hospitālis oratione præter elegātiā & vbertatem eruditissimo viro dignā, grauitas etiam summa, & ut prudentis rectique hominis quædā naturalis auctoritas, quæ ad fidē faciendam plurimum valet. Hunc verò sermonē sic excepit Fran. Albaspineus, ut Biturigū ciuitati prouinciæque mirū in modum gratularetur, quòd nuper eius tibi

procurationē, gubernationē, ducatūque
 Rex Christianiſſ. Henricus frater tuus
 mādasset, atque credidisset. Quid enim,
 inquiebat, nobis optatius, fœlicius, diui-
 nius contingere potuiſſet, poſt eam animi
 conſternationē, quæ Margarita Regina
 Nauarra fato functā, inter ciues noſtros
 oborta eſt, quā repentē eam nobis ducē
 quaſi cœlitus demiffam eſſe, in qua eadē
 pietas ac religio, bonitas par atque huma-
 nitas, ingenium fœlicius, & lōgè politior
 doctrina inſint, quæque ad ea quæ iā re-
 ctè præclarēque inſtituta ſunt, non ſolūm
 tuēda & conſeruanda, ſed etiā augenda
 & ampliſcāda diuinitus quodāmodo no-
 bis data videatur? Subiiciebat ille, ve-
 niſſe iam tēpus, quo Biturigū ciues veriſ-
 ſimè idē dicere poſſent, quod Themistoclē
 Atheniēſem dixiſſe ferunt, cū exul &
 profugus ad regem Perſarum cōfugiſſet,
 & ab eo honorificè exceptus locupleta-
 tūſque

tusque fuisset: O amici perieramus, nisi perissemus. Longum esset, nec valde necessarium sigillatim omnia hîc recensere, quacunque in eo congressu de te recitata sunt. De quibus omnibus tametsi fama ubique terrarum increbuerat (magna siquidē fortuna nihil occultū esse patitur) tamen ad opinionem confirmandā, quam animo utcūque prius imbiberam, magnū pondus habuit ea disputatio. Nam antē vix adduci poterā, ut has lucubrationes nostras in tuo nomine diuulgari & apparere sinerē. Cogitabā enim non eo me hominem esse vel ingenio, vel doctrina, ut quicquā auribus tuis dignum afferre possem, & scholasticas disputationes, de Iure præsertim, & questionibus forēsibus mulieri offerri ineptū ac indecorū quibusdā visum iri satis intelligebā. Ac sicut olim prouerbio notati sunt, qui Veneri suę immolabāt, quod Adonis apri dēte perēptus,

ideoque sus Veneri, ut amasij interfecto-
 gratus non esset: sic ego subueritus sum ne
 mihi vitio detur, quod nec muneris obla-
 ti, nec personæ tuæ rationem habuerim.
 Verum omnem mihi scrupulū dubitatio-
 nemque exemit ista, quæ nunc animo meo
 insedit penitus de te persuasio. Nam sin-
 gularis tua in bonarum artium studiosos hu-
 manitas facit, ut quaecumque sedulitatē
 nostrā te in bonam partē accepturā confi-
 damus, quanuis hoc opus ita à nobis ela-
 boratū perfectūmq; nō sit, ut si ex nostra
 æstimatum fuerit industria, magis quā
 dignitate ipsius argumēti, dignū tuo no-
 mine patrociniōque iudicari debeat. Ac
 si qui fortē sint qui rem à nobis tractatam
 parum tibi conuenire existimēt, in eo falli
 eos constat, quod te ex aliarū mulierū na-
 tura, ingenio & moribus fingunt: nec satis
 norunt quantū inter te reliquāsque huius
 seculi fæminas intersit. Cum igitur ea sit

• G

Et natura tua bonitas, & doctrina ac eruditio, ut præter pudorẽ pudicitiamque insignẽ, muliebri nihil in te conspiciatur, & cũ excellentissimis viris meritò cõferri possis, equidẽ iure culpandus nõ videor, si tibi munus literariũ obtulerim, quod aptum cõueniẽsq; viro esse nemo nõ fateatur. Non deerũt fortasse, qui dicẽt studiũ literarum in muliere quidẽ ferendũ esse, sed non earũ quæ ad res politicas & forẽses pertinent. Sed cũ ita moribus nostris cõparatum sit, ut principes fæminę gubernacula Reipublicæ teneãt, cur earum rerum sciẽtia, quibus ad Rempubicã regẽdam opus est, eisdem interdicta sit nõ video. Nisi fortẽ quis dicat eas vicaria magistratuũ opera uti hĩc solere, quos ista cognoscere sufficiat. Verũ ego ut anxiam nimis & exactã harum rerum cognitionẽ à principibus minimẽ flagito, ita minus idoneos esse ad gubernationẽ Reipublicæ

eos censeo, qui ne primoribus quidem la-
 bris, ut dicitur, hæc degustarunt. Ach-
 iusmodi sunt hi nostri libri, nisi vehemē-
 ter ipsi fallimur, ut iis etiam qui forēsem
 iudiciariāque artem ipsi non exercent,
 sed rerum cūm diuinarū, tum ad statum
 publicum spectantium studio capiuntur,
 nonnihil conducant. Quarum rerum co-
 gnitione ut honesta ac perneccessaria te
 mirificè delectari accepimus. Et hæc qui-
 dem à nobis dicta sunt, ut ineptiarum ac
 temeritatis crimen, quod nobis obiici pos-
 set, si minus à te, certè ab aliis quibusdā,
 in quorum manus scripta nostra venient,
 aliquādo fortassis, dilueremus. Nec dif-
 ficile est ex iis quæ iam diximus perspicere
 ac iudicare, quæ meratio impulerit, ut
 libros meos tibi legendos exhiberem. Ve-
 rùm alia quædam nō levis huius incæpti
 causa etiam fuit, præter eas, quæ hætenus
 à nobis expositæ sunt, quòd videlicet in
 locum

locum illustris Reginae Nauar. ducisque Biturigum modo successeris, quæ studio-
rum nostrorum fructum, si quis existat, iure suo à nobis repetere posset. Quam enim superstitem adhuc & viuam diutissime colui & obseruaui, cum apud Bituriges tuos ius ciuile interpretarer, & annuum mihi eo nomine largiretur, eidem profecto mortuæ quod potero officium præstare quam maximè cupio: ut eius quæ tam præclare ac diuinitus, non dicam de me & studiis, sed de vniuerso hominum genere merita est, sacrosanctam apud nos memoriam esse omnes intelligant. Sed quia animo iam feliciter in cælum recepto humana non conueniunt, nec quantum vellem ei impræsentiarum tribuere possum, quicquam in viuam officij collaturus fui, nemini iustius quam tibi nunc deferendum esse videtur: ut pote quam illa incredibili amore semper complexa sit, &

pietatis, religionis, doctrinae, ceterorúm-
 que ornamentorum suorum velut hære-
 dem quodammodo reliquerit. Et arbi-
 tror pios illos sanctissimósque Manes, si
 loqui nobiscum possent, id sibi pergratum
 ac iucundum esse dicturos. Quo nomine
 fortassis opera hæc nostra, qualiscunque
 ea sit, acceptior tibi futura est, eámque
 ut boni consulas te vehementer etiam
 atque etiam rogo. Vale, Lutetia Parisiq-
 rum, Idib. Iun. 1559.

INDEX SINGVLORVM

capitum, quæ his octo libris continentur.

LIBER PRIMVS.

De Ecclesia, & ministeriis ecclesiasticis.

- D**E Ecclesia, potestate ecclesiastica & ciuili, ac de
vtriusque discrimine Cap. 1.
De potestate, & iurisdictione ecclesiastica Cap. 2.
De pœnis, & coërcitionibus ecclesiasticis Cap. 3.
An ius gladij habeat Ecclesia Cap. 4.
De ciuili gubernatione Cap. 5.
Quam potestatem habeat princeps circa ministeria Ec-
clesiæ Cap. 6.
De Hierarchia, & variis administrationibus Ecclesiæ Cap. 7.
De variis presbyterorum generibus Cap. 8.
De episcopis, qui gradus sint episcoporū, & quæ potestas
olim fuerit eorū, qui chorepiscopi dicebantur Cap. 9.
De episcopo Romano, ac de eius amplitudine, & autho-
ritate, tum de nominibus variis, quibus appellari solet
Cap. 10.
De conuētibus ecclesiasticis, quas synodos vocāt Cap. 11.
De diatonis, hypodiaconis, & aliis inferioris ordinis &
gradus clericis Cap. 12.
De cardinalibus Romanæ Ecclesiæ, cur ita vocentur, &
vnde ortum habuerint Cap. 13.
Qui fuerint olim ostiarij, lectores, exorcistæ, acoluthi, &
cæteri omnes qui clerici appellantur: vnde mos ton-
dendi capitis ortus sit, atque item consuetudo capendi
in sacris ædibus. Cap. 14.
De scholæ ecclesiasticæ magistris, & doctoribus Cap. 15.
De sacris ordinationibus, & cur olim absolute quæquam
ordinari vetitum fuerit Cap. 16.
De pseudoclericis Cap. 17.

I N D E X

De canonicorum collegio	Cap. 18.
De ministris Ecclesiæ, qui clerici non sunt.	Cap. 19.
De monasteriis, & monachis, eorúmque statu, conuersatione & instituto	Cap. 20.
De monachorum sectis	Cap. 21.
De monachorum gradibus, & officiis	Cap. 22.
De mendicantium sodalitate	Cap. 23.
De monialibus	Cap. 24.
De sacerdotiis veterum Romanorum ante Christianismum.	Cap. 25.

L I B E R S E C V N D V S.

De origine, definitione, ac diuisione beneficiorum.

De facultatibus Ecclesiæ, earúmque origine, & processu	Cap. 1.
De vulgari diuisione bonorum ecclesiasticorum in temporalia & spiritalia	Cap. 2.
Vnde dicatur beneficium	Cap. 3.
Quid sit beneficium, beneficij ecclesiastici dominium, vsusfructusque cuius sit, & an pensiones annuæ, atque hospitalia beneficij appellatione contineantur	Cap. 4.
Beneficiorum diuisio, & qualitas	Cap. 5.
Quæ sint dignitates ecclesiasticæ, & quot modis accipiantur	Cap. 6.
De curatione animorum	Cap. 7.
Simplicia beneficia quæ sint, & præbendarum vocabulo quid significetur	Cap. 8.
Beneficiorum diuisio in regularia & sæcularia	Cap. 9.

L I B E R T E R T I V S.

De iis qui possunt beneficia conferre.

Quorum beneficiorum distributione habeat Romanus pontifex, & quemadmodum is ordinari eligique debeat

beat	Cap. 1.
An concilium œcumenicum beneficia conferat, & an ei subsit Romanus pontifex	Cap. 2.
De legato Romani pontificis	Cap. 3.
De episcopis, cæterisque, qui ordinarij collatores dicun- tur	Cap. 4.
De curatore dato episcopo, quem vulgò coadiutorem appellamus.	Cap. 5.
De collegio ecclesiastico vacante sede episcopali	Cap. 6.
De propontifice, qui vicarius appellatur	Cap. 7.
De conductore	Cap. 8.
De possessore	Cap. 9.
Sequestrum beneficia conferre posse, & obiter explicata duo loca, quæ inuicem pugnare videbatur, Iuliani sci- licet, & Florentini Iureconsultorum aduersus aliorum sententiam	Cap. 10.
Ius conferendorum beneficiorum in Gallia regem habe- re, & unde id ius quod regalia dicimus, ortum habue- rit	Cap. 11.

LIBER QVARTVS.

Quibus possint beneficia conferri.

Quibus præditum moribus, & à quibus vitiis alienum es- se eum oporteat, cui beneficium confertur	Cap. 1.
Quarum literarum atque linguarum cognitione instru- ctus debeat esse beneficiarius	Cap. 2.
An ob vitium corporis à sacro ministerio, beneficioque repelli quis debeat	Cap. 3.
De morbis corporis, qui hominē ministerij beneficiique ecclesiastici incapacem reddunt, item qui dicantur ener- gumeni, & engastrimythi in iure pontificio	Cap. 4.
Eos qui ex iustis nuptiis procreati non sunt, ad ministe- rium ac beneficium ecclesiasticum admitti non debe- re, & qua ratione id constitutum sit	Cap. 5.
Quibus sacris initiatū esse eum oporteat, qui ad sacrum	

- beneficium promouetur Cap. 6.
 An cœlibatus beneficiariis necessarius sit Cap. 7.
 Digamū à sacerdotio, & beneficio ecclesiastico summo-
 ueri, & qua ratione id canonibus sancitum sit Cap. 8.
 De beneficiariorum aetate, & legibus annualibus: item de
 iis qui plura aduersus canones beneficia impetraue-
 runt. Cap. 9.

LIBER QVINTVS.

*Quibus modis acquirantur beneficia, & ministri
 Ecclesiæ ordinentur.*

- Quæ sit forma, & ratio eligendi ministros Ecclesiæ, tam
 vetus quàm noua, quidque inter ea beneficia intersit,
 quæ vulgò collatiua & electiua dicuntur Cap. 1.
 De eo genere ad sacra ministeria beneficiâq; promouen-
 di, quod vulgò postulationem vocamus Cap. 2.
 Translatio episcoporum quamobrem sit prohibita, aliter
 explicatum quàm à iuris pontificij enarratoribus factū
 adhuc sit Cap. 3.
 Quale sit nominationis ac præsentationis ius, iis compe-
 tens, qui patroni ecclesiarum dicuntur Cap. 4.
 De iure ordinandi ministros Ecclesiæ, beneficiâque con-
 ferendi, quod tanquam caducum ad superiorem anti-
 stitem deuoluitur Cap. 5.
 Coniunctio beneficiorum, quam vnionem vocant, quæ
 sit, & quibus ex causis permittatur Cap. 6.
 De fiduciis ecclesiarum, tam perpetuis, quàm tēporariis,
 quæ commendationes dicuntur Cap. 7.
 De pontificiis diplomatis, quæ vulgus gratias expectati-
 uas, & mandata de prouidēdo appellat, copiosa dispu-
 tatio Cap. 8.
 De reseruationibus beneficiorum, tam vniuersæ, quàm
 sigillatim factis Cap. 9.
 De pontificum diplomatis, quæ vacantium beneficiorum
 nomine impetrantur Cap. 10.
De

De concilio Constantiano, ac Basiliensi, & de pragmatice Gallorum sanctione, Romanorumque pontificum decretis, quibus eam aut conuellere omnino, aut labefactare studuerunt

Cap. 11.

De nominatione regia in ordinandis antistitibus, quales regis candidatos esse oporteat

Cap. 12.

De scholastica nominatione, qua nunc in Gallia ferè vimur, compendiosa, sed accurata commestatio

Cap. 13.

LIBER SEXTVS.

De iis, quæ in beneficiis distribuendis præcipue observanda sunt.

Beneficium antequam vacet, nec dādum, nec promittendum esse, & quàm grauitè in hac re aduersus sacros canones peccari soleat

Cap. 1.

Omnem ambitum à collatione beneficiorum procul abesse debere

Cap. 2.

De annuo vestigali, quod vulgò Annatam vocant, à nouis antistitibus exigi solito, & explicata lex Iulia de ambitu

Cap. 3.

De annuis siue pensionibus, quæ beneficiis velut seruitutes quædam imponuntur

Cap. 4.

Beneficium purè ac simpliciter cōferendum esse

Cap. 5.

An absque scriptura beneficij collatio valeat

Cap. 6.

LIBER SEPTIMVS.

Quod ius habeat beneficiarius in beneficio suo, & quemadmodum beneficia retineantur & conseruentur.

De decima tam ordinaria & legitima, quàm extraordinaria atque indicta

Cap. 1.

De primitiis

Cap. 2.

De oblationibus

Cap. 3.

De diariis, quæ distributiones quotidianæ appellantur, &

è iij

INDEX SING. CAP.

cur hoc genus erogationis adinuentum sit	Cap. 4.
De redditibus, & obventionibus quibusdam episcoporum	Cap. 5.
De iis quæ sacramentorum, & aliarum huiusmodi rerum nomine contra veteres canones exiguntur	Cap. 6.
An mortuo beneficiario hæres legimus ei succedat	Cap. 7.
An beneficiarius successorem eligere, & fructus beneficii testamento legare possit	Cap. 8.
Quibus ex causis rerum ecclesiasticarum alienatio permittatur: quæ forma in huiusmodi alienatione debeat observari: & declaratus canon Agathensis concilii ad eandem rem pertinens, qui vulgò malè intellectus magnam iudiciorum varietatem peperit	Cap. 9.
Quorum munerum vacationem beneficii, & ecclesiarum ministri habeant	Cap. 10.
De iudiciis & actionibus, quæ pro beneficiis comparatæ sunt	Cap. 11.
De iis qui liberè & quietè beneficium triennio possederunt	Cap. 12.
De subrogationibus iudicialiis	Cap. 13.

LIBER OCTAVVS.

Quibus modis beneficia amittantur, & vacent.

De beneficiis morte beneficiariorum vacantibus	Cap. 1.
De beneficiorum ciuratione, quæ & resignatio appellatur	Cap. 2.
De beneficiorum permutatione	Cap. 3.
De beneficiorum multitudine canonibus prohibita	Cap. 4.
De assiduitate beneficiariorum, quam residetiam appellamus	Cap. 5.
De criminibus propter quæ beneficia amittuntur	Cap. 6.

INDICIS FINIS.



PRÆFATIO IN QVA
DE VNIVERSO IURE PON-
TIFICIO, AC DE INSTI-
tuto authoris disse-
ritur.

CUM de iure canonico siue pontifi-
cio aliquid scribere instituerem, sa-
tis prospiciebam fore, vt hoc consi-
lium meum in varias reprehensiones
incurreret. Non enim adeò rerum
imperitus sum, vt non intelligam, quàm malè audiat
hoc tempore istius iuris professio, quàmque displiceat
non vulgo tantùm & imperita multitudini: sed iis
etiam, qui cæteris acutiores, acriorisque iudicij haberi
volunt. Nam plerisque persuasum est, ius pontificium
nihil aliud esse, quàm inconditam quandam decreto-
rum, & constitutionum farraginem à semidoctis pon-
tificibus ad quæstum magis, quàm ad Reip. Christianæ
commodum editarum: cuius nec liberalis cognitio, nec
admodum necessaria videatur. Nec desunt, qui totum
hoc ius plenum erroribus esse non obscurè testentur,
è quorum numero Cynus Pistoriensis clari nominis iu-

risconsultus fuit. Alij, tamen si multa præclara & vtilia iure pontificio contineri nõ inficietur: tamen quia partim ea in desuetudinem abiisse vident, partim diplomatibus pontificum venialibus ferè subuerti sole-
re, inanem prorsus nostrum esse laborem contendunt, nec ullam in hoc genere doctrinam recõditio-
rem magnopere requiri dictuant, sed eam sufficere, quæ in fo-
ro vsitata sit, & ex vulgaribus commentariis hau-
riatur. Non necesse habeo hîc commemorare, quoties mihi cum his dimicandum fuerit, qui vicem meam
(si Diis placet) non mediocriter dolere se dicerent, quod studiis grauioribus omi-
ssis, in his nugis ineptius-
que tẽpus contererem. Quorum ego iudicium, & au-
thoritatem, vt prorsus non contemno, ita rationes ali-
quas habere mihi videor, quibus hoc institutum con-
siliũque meum bonis & eruditis hominibus appro-
bare facile possim: Nam vt de iure pontificio dicam
quod sentio, constat imprimis iam inde ab initio na-
scentis ecclesiæ apostolos Christi, ac sacerdotes de riti-
bus in ecclesia necessariis quædã constituisse, cum abs-
que ordine & vñtæxiã verum Dei cultum retineri non
posse animaduertent. Hinc Paulus ad Corinthios scri-
bens, πάντες, inquit, ὡς ἡμεῖς, καὶ ἡτὰ τὰς ἐν μέλει.
Hos imitati successores per multas ætates variis in con-
uentibus veluti leges quasdam condiderunt, quas ca-
nones, id est, regulas, seu ius canonicum vocamus. Ea
siquidem erat horum modestia, vt decreta huiusmodi
sua, leges vocare non auderent, ne principum ac ma-
gistratuum auctoritatem sibi arrogare viderentur. Et
quanquam principes ipsi negligentibus episcopis ac sa-
cerdotibus

cērdotibus leges plerūque ad gubernationem ecclesiā-
rum, & ritus ecclesiasticos pertinentes ferrent: tamen
ea veneratione sacros illos canones prosequēbantur, vt
ab eorum præsripto vix vnquam sibi deflectendum
esse ducerent. Et Iustinianus noster disertè ait, se ita le-
ges scribere, vt sacros canones imitentur. Totum autem
ius canonicum, quo nunc vtimur, præcipuis aliquot
voluminibus continetur. Vnum est à Gratiano compo-
situm quadringētis ferè ab hinc annis, quod variis ca-
nonibus, sententiisque veterum patrum vndique col-
lectis refertum est, decretorūque titulo inscribitur.
Nec eo libro vllus est in hoc genere vtilior, quāuis in
eo nonnihil desiderent eruditi. Fatetur Martialis quo-
dam versu, in suis libris mala plura esse, quā bona,
aut mediocria, nec aliter vllum scribi librum solere:
nemo tamen sanus ideo libros eiusmodi omnes cōtem-
nendos aut reiiciendos esse dixerit. At Gratianus no-
ster plurimis abundat præclaris aureisque sententiis, vt
æquum non sit, ob nonnulla, si quæ in eo deprehēdun-
tur errata, è studioforum manibus librum longè vti-
lissimum excutere, nullo duntaxat meliore, probatio-
réque allato. Alterum volumen est Gregorij noni edi-
tum nomine, quod diuersorum pontificum Romanæ se-
dis epistolas, quæ dicuntur Decretales, complectitur.
In eo Decretalium volumine multa intueri licet, quæ
à prisca illa disciplina, quam decretorum liber à Gra-
tiano editus continet, multum degenerent. Atque hinc
natum est illud apud nostrates tritum ac vulgò iacta-
tum, Malè cum rebus humanis actum esse, ex quo de-
cretis alæ accesserunt. Est enim hæc rerum humanarum

conditio, ut ferè in deterius prolabatur: Sic omnia factus, inquit poëta, in peius ruere, & retrò sublapsa referri. Eius tamen libri lectio negligenda iuris studioso non est, quòd multa ad iuris non modo pontificij, sed etiam ciuilis cognitionem vtilia contineat. Quo enim tempore conscriptæ sunt illæ epistolæ, quibus pōtiffices Romani de iure consulentibus more veterum imperatorum respondebant, causæ ecclesiasticæ antiquam simplicitatem iam amiserant, erantque huiusmodi, ut ad eas dirimendas ac definiendas iurisconsulti & pragmatici adhiberentur: vnde factum est, ut canonum peritus, nisi idem iuris ciuilis sciētia instructus sit, vulgari prouerbio inter rudes, & imperitos numeretur. Alius est liber Bonifacij octauī, quē ideò in Francia receptū non esse accepimus, quòd quæ in eo extant cōstitutiones, pleræque in odium, & æmulationē Philippi Francorum regis editæ, & ad Romanæ aulæ quæstū excoGITATÆ credātur. Vt cūque se res habeat, quisquis in foro hodie versari cupit, nō parum eius libri lectiōne iuuari potest: nec dissimilis est cæterorum librorum tum à Clemente quinto, tum ab aliis promulgatorū ratio: ex quibus, si cum iudicio legantur, fructus & commodi plurimū colligere licet. Quanquam enim libenter facio, ut iuuenes ad horum librorum studium adhorter: tamen ab omnibus vitius eos pertinaciter vindicare nequaquam institui. Illud enim fateri vel inuiti cogimur, mores hominum ecclesiæ titulo insignitorum ita paulatim degenerasse, ut posteriores constitutiones pontificum ferè anterioribus cedant, ac de eis merito dici posse videatur quod scribit Homerus,

παῦροι γὰρ τοὶ παῖδες ὁμοῖοι πατρὶ πέλονται.

Οἱ πλεονεκέσιν κακίους, παῦροι δὲ τὴν πατρὸς ἀρίστους. Itaque sicut hoc tempore valde necessarium est, sacerdotum deformatos mores ad priscam religionem reuocare: ita expediret fortassis ex tot tātisque constitutionibus pontificiis, quicquid verius, syncerius ac vtilius est in breue aliquod volumen conferre. Nec id futurum aliquādo desperamus hoc praesertim pontifice Iulio 3. quē rumor est (atque vrinā is vanus non sit) de ruinis ecclesiae succidēdis & restituēdis canonibus antiquis serio cogitare. Quo nihil potest in eius mentem ac cogitationē cadere diuinius. Extāt Hesiodi versus, quibus ætatis suæ vitia deplorat, & se alio tempore natum non esse cōqueritur.

Μηκέτ' ἐπείτ' ὦφελον ἐγὼ πεμπόισι μετῆναι

ἀνδράσι, ἀλλ' ἢ πρότερον εἶναι ἢ ἐπειτα χεῖναι. sed quoniam his votis nihil proficitur, modis omnibus enitendum est, ut veteres mores ac instituta reuocātes, aureā quandam ex ferrea ætate efficiamus. Vetus est illud, Moribus antiquis res stat Romana, virisque. Quod de Ecclesia & statu ecclesiastico multo verius dici potest. Nec aliter censuerunt antiqui illi patres in conuentu Niceensi, qui ita decreuerunt, τὰ ἀρχαῖα εἶναι κρατεῖν. Quam ad rem noster hic tractatus nonnihil ut spero adiumenti allaturus est: hoc enim mihi propositum fuit, ut sensim ab heroicis ætatibus ad nostrorum vsque temporum fecem deueniēs, priscos canones ac instituta primum, deinde recētiōres constitutiones in mediū adducerem: sed temporis vbiq; habita ratione, quo edita, ac promulgata quæq; fuit, exempla quoque inserui, ex Eusebio, Sozomeno, Socrate, Theodorito, Chrysostomo,

PRÆFATIO.

Basilio, Gregorio, Hieronymo, Augustino, Cypriano, atque aliis veteribus scriptoribus ecclesiasticis decerpta, quos mihi eam ob rem euoluere omneis nō sine magno labore ac vigiliis necesse fuit. Itaque quisquis omnium seculorum, atque ætatū à Christo, & eius apostolis ad nostra vsque tempora canones, decreta, constitutiones, ritus, morēsque ecclesiasticos nosse, ac inuicem conferre volet, hi nostri libri si minus satisficient omnino, certè non minimo ei futuros adiumento confirmare ausim. Nam cū hæc primū scribere aggressus sum, mihi tantū animus erat, commentarios ad memoriæ subsidium, & locos cōmunes de rebus in foro vsitatis conscribere, qui mihi ad causas forenses tractandas vsui essent. Verū ab amicis persuasus, vt commentationes meas cum studiosis communicarem, non inuitus feci, vt rerum omnium, quæ in iure pontificio disputantur, fontes indicare ac patefacere, quò ad plures manaret nostrarum vigiliarum, si quæ sit, vtilitas, & non iis tantū qui foro & litibus dediti sunt: sed cæteris etiā omnibus prodessem. In iis sanè quæ ad forum & iudicia præcipuè spectant, modum adhibui, qui docēdi rationi & methodo, quam in toto hoc opere secutus sum (haud scio, quā feliciter) mihi conuenire videbatur: nec singulas quæ incidere solēt, quæstiones, quæque ab aliis spinosè subtilitèrque disputantur, omnino hīc agitandas esse putavi. Quamquam plerasque sic attigi, vt verear, ne à quibusdam in ea re nimis existimer, qui nihil de fece, quod aiunt, nos haurire faciliè patientur. Malè etenim docet, qui omnia docet. Idque à nobis non multos ante annos satus demonstratum est in eo libello, quem

quem de docēdi discēdique iuris ratione ad And. Guil-
lartum scripsimus, qui tum nobis ius ciuile interpre-
tantibus operam dabat, nunc praefectura libellorum
iuuenis adhuc, sed prudētia senili in regia, summisque
tribunalibus fungitur. Ac eleganter Chrysostomus: In
lampadem, inquit, si parum instillaueris olei, satis ali-
mēti habet ignis: sin iusto largius infuderis, etiam quae
in ea est flammam extingues. Nec minus venusta simi-
litudine vsus est Aristo, Gracē quidem, ut et Chry-
sostomus, sed in hanc sententiam: Veratrum si crassius
sumptum fuerit, purgat: tritum verò ac comminutum,
suffocat: sic et nimis anxia subtilisque in philosophia
disputatio. Quod ad elocutionem attinet, quidnam hīc
praestiterim, paucus dicam. Equidem ut à nouo illo et
verè portentofo genere orationis, quod barbari docto-
res condiderunt, multū semper abhorruī: ita dedi ope-
ram, ut propriè, Latinè, ac dilucidè res mirum in mo-
dum inuolutas et obscuras explicarem: nam ius pon-
tificum, quod multos annos iacuit, nec ullum habuit
lumen Latinarum literarum, nonnihil excitare ac illu-
strare conatus sum: idque tametsi consecutum me non
profiteor: secutum tamē esse pra me fero. Ac vehemen-
ter eos hortor, qui maiorem dicēdi facultatem sibi com-
parauerint, ut inchoatū informatumque à nobis opus
aliquando expoliant. Non enim hac nitescere posse dis-
fidimus, modò egregius quispiam artifex operi manus
admoueat. Illud sanè omnino vitare non potuimus, ne
rebus nouis noua quaedam imponeremus nomina, aut
recepta vulgè retineremus: quanquam id à nobis mo-
dicè factum est, et cum ad id nos cogere inopia vide-

batur. Licuit enim, semperque licebit Signatum praesente nota producere nomen. Quod & in philosophia Cicero ipse fecit plerumque, & alij non pauci, quorum apud omnes eruditos grauis est authoritas. Liuius quidem de summis magistratibus Carthaginensium loquens, non Consules eos, sed Suffetes potius vocat. Itaque fastidij delicatissimi est, ea verba contemnere ac despiciere, quae à nostrae religionis authoribus, & veteribus theologis usurpata sunt. Quo nomine Spiridion quendam episcopum apud Cyprios concionantem, acriter obiurgasse fertur, ut Sozomenus ait. Haec de pontificio seu canonico iure, deque nostro instituto paulò fusius praefari volui, ut quanta sit huius iuris non solum utilitas, sed etiam dignitas quaedam & amplitudo, iis praesertim iuuenibus, qui liberalius instituti, cane peius & angue ius pontificiū oderunt hoc tempore, planum facerem, & simul ostenderem in re tenui, ieiuna & abiecta, ut est quorundam persuasio, tantam me operam non collocasse: Nam ceteris, qui nulla re magis quam quaestu & lucro commouentur, quales permultos alunt ferè Tribunalia, superuacanea fortassis oratio nostra futura est: cum hi velleo solo nomine ius canonicum amplectantur, ac velut filiolum exosculentur suam. Ius enim litibus, quae ex rebus ecclesiasticis oriuntur, & iure magis pontificio quam civili dirimuntur, omnia vix foras hodie sufficiunt: cuius rei duae mihi praecipuae videntur esse causae: Vna est, quia personarum ecclesiasticarum, quae iure pontificio reguntur, ea est multitudo ut populus vniuersus in tres ordines distribuatur, Sacerdotium, Nobilitatem, ac Plebem, quorum omnium

nium amplissimae est sacerdotum siue ecclesiasticorum
ordo. Altera causa est, quia immensas ecclesiae opes ne-
mo non quibuscunque modis potest, ad se rapit: innu-
merabiles eius rei gratia passim excogitantur technae
& fraudes, veteres canones indigne miserabiliterque
soluuntur: ut quae inde nascuntur, controuersiarum ne-
que finis neque modus ullus reperiat. Unde fit, ut
nulla ultra ex re uberior quaestus ad cauidicos, prag-
maticosque redeat. Proinde qui ad quaestum omnia re-
ferunt, nec ullum sibi alium finem studiorum, scopum-
que proponunt, hi mea oratione non egent, quod ad stu-
dium iuris pontificij alliciantur. Cum is igitur mihi
res est impraesentiarum, qui cum generosioris indolis
sint, & literis elegantioribus expoliti, ius pontificium
ob eas, de quibus iam diximus, causas auersantur &
fastidiunt, quibus nostra oratione iam aliqua ex par-
te satisfactum esse opinor. Nam isti vituperant factum,
quod ab aliis vnum laudatur maxime: quod videlicet
cum antiquorum canonum simplicitate, & grauitate
recentiorum argutas, ut dicunt, ineptias coniunxeri-
mus. Est enim posteriorum canonum usus hodie maior
& frequentior in foro. Sed illi fortassis de rebus foren-
sibus admodum solliciti non sunt. Itaque illud eis ob-
iiciemus, quod elegans & festiuis poeta scribit: Non
opus est nobis nimium lectore guloso: Hunc volo, qui
fiat non sine pane satur. Et sane mirari satis non possum
ista ab iis despici, qui libros de sacris, sacerdotibus, cae-
remoniisque veterum ethnicorum cum voluptate le-
gunt, eiusque rei scientia, ut honesta ac liberali dele-
ctantur. ~~De rebus forensibus, quibus illi maxime~~

P R A E F A T I O.

*cognoscenda reperitis, loq[ue]re sententiam affe[re]re quae
dam fortassis reperiatis, qua[m] ad ipsam emendationem
correctionemque desideramus aperire forsitan non il-
lus admittet, tam aemus ut ipse cognoscat, tunc aqua[m]
in postea colligat, et sic deinceps perierit. Dignum enim
liberis est, ut de dignitate perdita nouum homi-
nem regere legimus, qui cum iugulis Traiani mar-
ci, & quorundam aliorum, qui prudentes & felices
Romani profuerunt imperio? Est enim harum rerum
cognitio homine politico digna: nec dubium est quin
iura, quibus nunc utimur, pontificia, ad statum publi-
cum & politiam maximè spectēt, quae tamen si aliquā-
do emendata immutataque fuerint, ut saepe res huius-
modi solent: tamen futurum auguror, ut eorum cogni-
tionem nihilominus affectet posteritas, nec satis erudi-
tus habeatur, cui hac ignota fuerint. Illud postremo
hic admonere lectores volumus, quaedam in his scriptis
inueniri posse, quibus nondum suprema manus impo-
sit sit. Id enim nobis non licuit, cū otij temporisque
satis ad ea recognoscenda, limandaque non suppeteret,
& magna nos rationes impellerēt, ne ultra editionem
differremus. Idque cō nos aequiore animo fecimus,
quod spes nobis sit multorum exemplo scripta nostra
quāuis edita iam peruulgataque, cū id necessitas po-
poscerit, emendare, & subinde opus sub incudem ita
reuocare, ut nouissima quaque editione absolutius at-
que limatiùs in publicum prodeat.*

LIBER

LIBER PRIMVS

DE ECCLESIA ET MINISTRIIS ECCLESIASTICIS.

Argumentum.

QVONIAM via & ratione de beneficiis ecclesiasticis differere instituimus, operapretium nobis visum est ab ipsa Ecclesia initium facere: Deinde ministeria, officiaque ecclesiastica sic describere, ut quid vniuscuiusque sit proprium, facile intelligi possit. Nam hoc fundamento non iacto qui rem tractant beneficia-riam, saepenumero eos perturbare omnia ac confundere videmus: Quisquis enim nescit, quid sit ecclesia, quid potestas ecclesiastica, quemadmodum à politica differat, qui sint episcopi, presbyteri, diaconi, hypodiaconi, & alij huiusmodi ecclesiarum siue gubernatores, siue ministri, hunc necesse est in magna rerum, quæ ad hoc argumentum pertinent, ignoratione versari: Elementa siquidem hæc sunt totius iuris pontificij, quo utimur, quodq; tot voluminibus perscriptum nobis pontifices reliquerunt. Sed & de monachis quoque aliquid attingere oportet: idque eo magis, quia beneficia, quæ regularia dicuntur, aliter satis commodè explicari, cognoscique non possunt.

DE ECCLESIA,
POTESTATE ECCLE-
SIASTICA ET CIVILI, AC
de vtriusque discrimine,

Caput primum.



CIVITAS vna est inter Christia-
nos, vnâque Resp. latè per orbem
diffusa, nec vllò circumscripta lo-
co, quam vsitata iam receptâque
appellatione Ecclesiam dicimus:

huius sacrosanctæ & augustæ ciuitatis status in
sacris, & sacerdotibus, & magistratibus consi-
stit, vt de publico Romanorum iure scribit Vl-
pianus ^a. Nam etsi religionis & sacrorum pro-
curatio omnibus aliis rebus antiquior nobis esse
debeat: tamen imperio magistratus ad tranquil-
litatem inter homines tuendam est opus, sine
qua ne religio quidem consistere potest. Itaque
Iustinianus noster maxima Dei inter homines
dona esse ait ^b sacerdotium & imperium: quòd
vnum diuinarum rerum administratio, alterum
humanarum gubernatio moderatiôque sit. Nô
enim vt apud Hebræos quondam atque Roma-
nos iidem & reges erant & Pontifices ^c, ita in
Christiana Rep. idem homo vtrâque personam
sustinet & vtrumque munus exequitur: sed duæ
sunt

^a. L. 1. de Iust.
& Iur.

^b. Nouel. 6.

^c. Eusebius li-
bro 1. hist. ec-
cle. c. 5. c. cle-
ros. 21. dist.

sunt functiones diuersæ, quarum vnàquæque plurimum operis habet ac difficultatis ^{d.}. Communis tamē est vtriusque finis & scopus: nempe religionis & mandatorum diuinorum in otio & pace cōseruatio: Hinc Iustinianus noster de consensu & concordia rerum diuinarum & humanarum, sacerdotij & imperij loquens, symphonix verbo vtitur. Eius verba hæc sunt ^{c.}: *ἡ δὲ τὰ θεοῦ ὁτέρά τε, καὶ ἀνθρώπων αὐτοδραμοῦντα μίαν συμφωνίαν τῶν θεῶν ποιήσασθαι ἡμῶν*. Nec minus imperium magistratus, quàm sacerdotium à Deo constitutum est, vt docet Paulus ad Rom. ^{f.} Sunt enim magistratus & sacerdotium velut vnius corporis, id est, Ecclesiæ duo membra præcipua: quorum alterum alterius auxilio eget. Sed eò sacerdotium magistratu dignius habetur, quòd hic corpori & rebus externis, illud animæ ac spiritui potissimum seruiat ^{g.}. Itaque harum gubernationum altera spiritalis vulgò dicitur, quia spiritus & animæ tantum est curatio: altera temporalis, quia non æternarum rerum ac spiritalium administratio est, sed externarum potius & corporalium, quæ ad temporariam hanc vitam pertinent, & pro tempore, mutationē recipiunt. Id satis ostendit Valentiniani imperatoris oratio de Ambrosij ad episcopale munus promotione, apud Theodorum ^{h.}. Nam cum Ambrosius, qui tum Præfuraungebatur, omnium suffragiis lectus esset episcopus Mediolanensis ecclesiæ, exultans gaudio Valentinianus, dixit se gratias agere Deo,

*d. c. duo sunt.
96. distin.*

c. Nouel. 42.

f. cap. 13.

*g. d. c. duo
sunt.*

h. lib. 4. cap.

quòd is animorum curationem ei viro tradidisset, cui ipse antea corpora commiserat ¹. Tamen si autem Ecclesia, cœtus ac multitudo Christianorum omnium, fideiúmque sit: tamen aliter nonnunquam accipitur in iure pôtificio: nempe pro collegio & conuentu sacerdotum, ac ministrorum doctrinæ diuinæ, qui clerici appellantur ². Hinc potestas ecclesiastica, à ciuili seu politica distinguitur. Sed de vtriusque potestatis discrimine & officiis videndum est, & ab ecclesiastica tanquam sublimiore dignioréque incipiendum.

*lx not. in c. re
latiũ. de testa.
c. cũ clerici de
ver. sig. c. vlt.
Ne pral. vi-
ces suas.*

De potestate & iurisdictione ecclesiastica. Cap. 2.

Sacerdotum functio & officiũ latissimè patet. Nam præter docendi munus administrandi sacramenta, ordinandi ministros Ecclesiæ, & quædam alia, quæ non sunt instituti nostri, potestatem habent aliquas veluti leges condédi de ceteremoniis, & aliis id genus, vt omnia decenter & ordine fiant. Item de rebus in religione obscurioribus iudicium faciūt: ac si quæ dubitatio emerferit, eorum cognitio est, nō magistratuum ciuiliũ ¹. Causam enim fidei in Ecclesia, agendam quis abnuat? inquit Ambrosius ^m. Præterea iurisdictionem aliquam, & coërcitionem habent in Ecclesia, quoniam absque disciplina aliqua munus suum tueri non possunt. Ea autē disciplina duplex est: vna populi, altera cleri: Nam populum sibi commissum, corripiendi castigandique, & à sacra communione arcédi ius habet,

ob

*l. l. omni inno-
uatione. C. de
fac. eccl.
m. c. conue-
nior. 23. q. 8.*

ob graue scilicet delictum & contumaciam, quæ
 noceat Ecclesiæⁿ. Quæ potestas nihil detrahit
 imperio magistratus, quia nihilominus coërce-^{n. ca. Nouit. de iudic.}
 re, & legitimis suppliciis delinquentes afficere ei
 licet^o. Potest & sacerdotibus obsistere, si teme-^{o. l. i. C. de}
 re & ob alias causas, quàm quæ canonibus ex-^{sum. tri. l. pla}
 pressæ sint, quempiam à communione summo-^{et. C. de sac.}
 uerint^p, vt paulò post docebimus. Ad hæc deli-^{eccl.}
 cta quædam sunt, quæ legibus nō puniuntur: vt^{p. No. 123.}
 vsura, concubinatus, periurium, &c. correctio-
 ni tamē Ecclesiæ sunt obnoxia, & ideo crimina
 ecclesiastica appellantur. Hæc de causis crimi-
 nalibus. Causæ verò ciuiles laicorum in Ecclesia
 non iudicantur, nisi quæstio aliqua de fide, aut
 re alia spiritali occurrat^q, aut nisi consentiant li-^{q. d. ca. cōue-}
 tigatores^r. Non ignoro Theodosium imperato-^{nior. d. l. om-}
 rem Romanum legē promulgasse, qua cautum
 erat, vt lites omnes & controuersię forenses ad
 iudicium Ecclesiæ remitterentur, si alteruter li-^{ni innouatio-}
 gatorum id postularet: Quæ lex à Carolo Ma-^{ne.}
 gno postea renouata, confirmatæque fuit^{r. l. si qui ex}. Sed
 mutatis episcoporum moribus, in desuetudinem
 abiit, vt credibile est, vtrique constitutio. Nec
 verò dubium est, quin sacerdotibus reges omnes
 ac principes in huiusmodi rebus cedere, seque
 eis subiectos agnoscere debeant^t. Quamobrem^{t. c. quoniam.}
 Valentinianus imperator, cū de episcopi cu-^{18. distinct. c.}
 iusdam electione ageretur, ita locutus est sacer-^{quis dubitet.}
 dotibus: Talem in pontificali constituite sede,^{c. duo sunt.}
 cui & nos, qui gubernamus imperium, syncerè^{96. dist.},

„ capita nostra summittamus, & cuius monita, dū
 „ tahquā homines deliquerimus, necessariò veluti
 „ curantis medicamēta suscipiamus. & Constan-
 „ tinus ad episcopos conuentus Niceni ! Deus,
 „ inquit, vos constituit sacerdotes, & potestatem
 x. histo. eccl. vobis dedit de nobis quoque iudicandi *. Pro-
 lib. 10. inde Innocent. pontif. Rom. Arcadium Impe-
 ratorem à sacra communione summovit, quia
 consenserat, vt Ioannes Chrysoft. à sua sede pel-
 leretur †. Et Ambrosius Valentiniano Impera-
 y. d. c. duo tori fortiter obstitit iubenti, vt templum sedem-
 sunt. que suam Arrianis cederet. Sed nihil est ea hi-
 storia memorabilius, quam Theodorus lib. 5.
 describit de Theodosio Imp. quem idem Am-
 brosius cū Mediolanensis episcopus esset, non
 solum exclusit à communione & ingressu tem-
 pli : sed etiam ad publicam pœnitentiam depo-
 sita purpura, omniq; regio ornatu, adegit : quòd
 apud Thessalonicam aliquot millia hominum
 indicta causa, ipsius iussu trucidata essent : vt ne-
 scias, maioremne episcopi libertas, an Impera-
 toris obedientia animique demissio admiratio-
 nem mereatur ‡. Ac vt eius rei perpetuum su-
 peresset monumentum, pleniorque esset satisfac-
 tio, suis mōitis & exhortationibus perfecit
 quoque Ambrosius, vt legem promulgaret Im-
 perator, quæ etiamnum in Codice Iustiniani in-
 ter constitutiones Imperatorias extat § in hæc
 b. tit. de pœ- nis. l. si vindi- cari. verba, Si vindicari in aliquos seuerius cōtra no-
 stram consuetudinem pro causæ intuitu iusseri-
 mus,

mus, nolumus statim eos aut subire pœnam aut excipere sententiam: Sed per dies triginta super statu eorum, sors & fortuna suspensa sit. Eadem humilitate ac deiectione vsus est Federicus primus, qui ~~Enobarbus~~ est appellatus, ~~in illa~~ ~~etiam~~ ~~II pontif. Ro. sed vi & annis, de~~ ~~dicta~~ ~~pyramide~~ pontificis coactus, qui Imperatorem pro templi foribus humi prostratum pedibus calcasse fertur, ac illud ex sacris literis pronunciari iussisse: Super aspidē & basiliscum ambulabis, conculcabis leonem & draconem. Nec verò aliorum principum necessaria est commemoratio, qui à pontificibus Rom. excommunicati sunt & anathemate notati: cùm in manibus omnium sint historiæ, & quæ adduximus exempla, ad id quod instituimus demonstrandum sufficiant. Quod ad disciplinam clericorum attinet, notandum est, ob quascunque causas laici castigantur ab Ecclesia, multò magis eos puniendos esse. Sed magistratus nihilo secius in eos animaduertunt, postquam à suis antistitibus depositi, ac de gradu suo deiecti fuerint, nisi crimina sint ecclesiastica^e. Ecclesiastica voco nō ea tantum, de quibus locuti sumus, concubinatum, periurium, &c. sed etiam venationem, bellum, aut negotiorum sæcularium tractationem, aliave id genus, quæ clericis interdicta sunt, cæteris non item. Nam de iis non cognoscunt magistratus^d. De causis verò ciuilibus clericorum non sacerdotes olim, sed præsides & magistra-

c. Nouel. 83.

¶ 123.

d. d. Nou. 83.

¶ 123.

e. l. cum cleri-
cis. l. omnes. l.
Iubemus. C.
de ep. & de.
f. d. No. 83.
C. 123. c. si
quis 11. q. 1.
g. c. significa-
sti c. si diligē-
ti. de foro. cō.

tus cognoscebant^a. Sed ne auocarentur à mini-
sterio suo, & vt promptius lites finirentur, Iusti-
nianus ciuiliū quarundam causarū cogni-
tionem eis permisit: sed ita vt liberum esset vi-
de, sententiæ contradicere, & ad ciuilem ma-
gistratum prouocare. Verū cōstitutiones Ro-
manorum pontificum huic iuri non parū de-
rogauerunt: quibus cautum est, non solum vt
clerici ad magistratus tribunal inuiti non trahā-
tur, sed vt ne volentes quidem iurisdictioni ma-
gistratus se subiicere possint, siue ciuilis sit, siue
criminalis causa^s. Qua de re videnda sunt, quæ
Gratianus ex variis authoribus collegit quæstio-
ne prima causæ siue hypotheseos vndecimæ.

De pœnis & coërcitionibus ecclesiasticis. Cap. 3.

Quod autem diximus de coërcitione, quam
habent sacerdotes tum in clerum, tum in popu-
lum, id paulo longiorem explicationem deside-
rat: quia nondum satis demonstratum est, quo
genere coërcitionis possint vtī, & varia com-
memorantur pœnarum genera in antiquis recen-
tioribūque canonibus, quarum vt grauissima,
ita etiam vſitatissima fuit olim exterminatio illa,
quam canones ἀφορισμός, & ἀνάθημα, nos excom-
municationem vulgò appellamus: Eaque vt ad-
uersus quenquam non licebat, nisi ex graui ali-
qua causa, propter quam canones id fieri iube-
rent, vt ait Iustinianus^b. Nam is qui excommu-
nicatus

^b. Nov. 123.

nicatus & anathema factus est, non solum à sacris summouetur, verum etiam ab hominū consortio, quasi aqua & igni quodammodo interdictum ei sit. Estque hoc pœnæ genus illi non dissimile, quo Druydes sacerdotes Gallorum olim vsos fuisse testatur Cæsar¹ his verbis: Si quis *i. lib. 6. de bel. Gal.* aut priuatus, aut publicus eorum decreto non stetit, sacrificiis interdicunt: Hæc pœna apud eos est grauissima. Quibus est interdictum, ij numero impiorum ac sceleratorū habentur, ab iis omnes discedunt, aditum sermonemque defugiunt, ne quid ex contagione, incommodi accipiant: neque iis petentibus ius redditur, neque honos ullus communicatur. Solebant quoque Græci *ἔρηκται τῆς ἀγορᾶς, καὶ τῆς ἐκκλησίας*, id est, foro & sacris arcere. Cuius pœnæ pleraque in Græcis authoribus exempla reperiuntur. Sed & Plinius¹ testa- *l. lib. 6. c. 22.* tur regem Arabum morte multari, nullo interimente, auersantibus cunctis, & commercia etiam sermonis negantibus. Magnus autem est huius excommunicationis vsus propter disciplinam Ecclesiæ & excommunicati emendationē: est enim neruus ecclesiasticæ disciplinæ, ut verè Innocentius quartus ait^m. Nec ut pereat quis, *m. c. Cū inter. de consue.* ideo excommunicatur, sed ut pudore suffusus resipiscat tandem, & ad frugem bonam redeat. Quod cū acciderit, absoluitur & ad sacram communionem admittiturⁿ. & hæ sunt clau- *n. ca. inter. hac. 33. q. 2.* regni cœlorum, potestatesque ligandi & soluendi, quam Christus apostolis suis eorūque suc-

o. c. *audini-* cessoribus concessit *. Quod est accipiendum, si
mus. c. quod- quis simpliciter excommunicatus fuerit. Si enim
cunque. 24. inter sacros homines, & ut Græci dicūt ἀναθήμα-
q. 1. τας habitus sit autoritate Ecclesiæ propter atro-
 cissimum fortè scelus aliquod, omnis ei spes ve-
 niæ ut plurimum adimitur *p.* Sed quo grauior est
p. c. Engeltru- pœna, eo apud Deum futurus est acceptior, si
dam. 3. q. 6. c. Ecclesiæ iudicium æquo animo ferat, hócque
nemo. 11. q. 3. commodo seueritas condemnationis compen-
c. si quis sua- satur & mitigatur. Verùm animaduertédum est
dēte. 17. q. 4. non temerè quanquam olim absolui consueuis-
 se absq; castigatione aliqua propter exemplum,
 ut dixi, & ut exploratū esset, eum seriò ad Eccle-
 siam redire. Itaq; ut satisfaceret Ecclesiæ quam
 læserat, & simul pœnitentiæ suæ, ac mutati vo-
 luntatis clarum documentum præberet, plorans
 & sordidatus publicè absolutionem petere co-
 gebatur *q.* Sed hæc satisfactio ex causa aliqua ho-
 nestâ aliquando remittebatur, sicut & pleræque
 aliæ pœnæ ecclesiastica autoritate alicui infli-
 ctæ. Eaque remissio quæ indulgentia vulgò ap-
 pellatur, res est apud nos hodie frequentissima.

r. not. in c. Præter hanc excommunicationem, quæ tam
quod autē. de clericis quàm laicis varias ob causas irrogatur,
pœ. c. remis. aliæ sunt pœnæ ecclesiasticæ, quibus clerici præ-
 cipuè affici solent: Nam ministerio, officioque
f. c. presby- suo vel ad tempus *f.* vel in perpetuum iis interdi-
ter. 2. q. 3. citur *. Fitque interdum hæc interdictio simpli-
t. c. si quis vi- citer & sine adiunctione, interdum adiicitur, ut
duā. 50. dist. nudum honoris gradúsque sui nomen retineat
c. si quis amo-
do. 81. distin. absque

absque administratione. Qua pœna Melitiū episcopum aliquādo multatū fuisse scribit Theodoritus^v. Aliquādo etiam augendæ pœnæ causa exprimitur, vt in monasterium cōiiciatur & includatur^x. Est & pœna carceris iure pontificio recepta⁷. Quamuis à iuris ciuilibus authoribus non probetur^a. Sed & curiis olim tradi solebāt, eisdē seruituri, ac ex clericis fiebant curiales, quorū in iure ciuili crebra est mentio^b. Verū curiam interpretati sunt quidam pontifices potestatem ciuilem, & magistratū, cui traduntur solenni exauthoratione præcedente, quam degradationē vocāt, vt magistratus in eos animaduerrat^c. Quod nō eò dico, vt eiusmodi exauthorationē improbē, aut magistratus animaduersionē in criminibus, quæ ecclesiastica nō sunt. Cuius etiā meminit Iustinianus in locis suprā adductis: sed morē in Ecclesia receptū nocētes clericos tradēdi suppliciiis afficiendos, veteribus cognitum fuisse vix mihi persuadeo. Huius autē pœnæ exemplū est apud Iustinianum^d, cū iubet presbyteros aut diaconos, qui post ordinationem vxorē ducunt, curiæ cū bonis suis tradi. Meminit & Theodorus^e. Sed notandū est eos, qui ita cōdemnati essent, honore & priuilegiis curialiū siue decurionum frui solitos non fuisse, quāuis onera omnia curialia subirent, vt ex nouella Iustiniani XLV. de Iudæis, Samaritanis & hæreticis facilē colligitur. Ac de iis curialibus, quos Maiorianus in quadā constitutione seruos Reip. vocat, multa

v. lib. 1. c. 9.
tripar. lib. 2.
c. 12. c. presbyter. 28. dist.
sin. c. presbyteros 50. dist.
x. c. si episcopus. 50. dist.
y. c. quantum. de pœ. in 6.
a. l. Aut dānū. de pœnis.
b. c. clericus. 3. q. 4. c. si quis sacerdotium. c. statuimus. 11. q. 1.
c. c. ad falsarios. de criminali. c. nonimus. de ver. sig. c. degradatio. de pœ. in 6.
d. No. 123. c. lib. 4. c. 22. trip. hist. lib. 7. c. ult. & lib. 6. c. 7.

perfunctoriè & dicis causa, vt ita loquar, tueri
 videtur magis, quàm verè & ex animo. Idq; ap-
 paret primum ex eo quòd fluctuat ille còtra mo-
 rem suum, nec certam profert sententiã. Dein-
 de quia non obscurè significat ideo se eam con-
 stitutionem defendere, quod in loco Ecclesiæ
 Romanæ subiecto maneat*. Extat sanè consti-
 tutio Clementis V. quæ Bonifacianam sic inter-
 pretatur, vt Francorum Regem non aliter pon-
 tifici Romano subiectum esse dicat, quàm ante
 eam constitutionem fuerat. Idq; in Philippi
 Pulchri Fracorum regis gratiam se facere testa-
 tur, qui grauem ea de re contentionem cum Bo-
 nifacio habuerat*. Quis verò hoc beneficium
 pontificis in regem fuerit alij viderint. Ego cer-
 tè neminem paulo saniores, eruditiorémq; hoc
 tempore esse arbitror, cui inceptum illud Boni-
 facij probari possit. Ac maximè verendum est, si
 tales esse pergant reliqui, ne D. Bernardi vatici-
 nium tandem verum esse comperiamus, qui ad
 Eugenium pontificem Rom. scribens de vtro-
 que gladio: Vtrunque, inquit, habere si voles, v-
 trunque perdes. Traditum est in Meroë, Iouis
 sacerdotes adeò superstitione implese animos,
 vt nonnunquã missò nuntio necem regi Æthio-
 piæ demandarent nullo detrectante, aut man-
 datum iussionémve abnegante: donec ad Erga-
 nem regem peruentum est, qui omnes occidit &
 sacerdotium sustulit.

*d. Bar. in l. 1.
 de req. reis,*

*e. extrau. me-
 ruit. tit. de
 priuil.*

*f. lib. 2. de cõ-
 sid. ad Eug.*

De civili gubernatione. Cap. 5.

g. c. quæsitum
23. q. 4.

h. Roma. 13.

i. c. nō frustra.
23. q. 5. l. 1. de
inst. & iur.

l. c. te quidem
11. q. 1.

Politica gubernatio magistratus, à Deo perinde constituta est ac sacerdotium ipsum, vt antè diximus. Quod adeò verum est, vt ita sentiant Ethnici. Inter quos Homerus disertè ait regis imperiū à Ioue proficisci. Versus eius hi sunt, lib. 1. Iliad. ἐπεὶ οὐ ποθ' ὁμοίως ἑμμορε τιμῆς τῆς πτοῦχος βασιλεὺς, ὅτε Ζεὺς κῦδος ἔδωκεν. Et lib. 2. θυμὸς δὲ μαχάς ἔστι θεοφρεσιος βασιλῆος. τιμὴ δ' ἐκ θεοῦ ἔστι. φιλεῖ δὲ ἐμπίετα Ζεὺς. Id enim natura est insitum hominibus, authore Aristotele. Quare cū id ius naturale sit, id est, à Deo naturaliter mentibus nostris inditum, necesse est, vt & diuinum quoque dicatur. Id docet Paulus^b, cū ait, Omnem hominem potestatibus excellentibus subditum esse debere, nec magistratum sine causa gladium gestare, cū ad vindicanda scelera Dei minister sit. Quos enim doctrina & exhortatio sacerdotis compescere ac meliores efficere nequit, hi metu suppliciorū abstinere à flagitijs per magistratum cogunturⁱ. Petrus quoque nos admonet, vt regem honore prosequamur, vtque non tantum ei, sed etiā præsidiis ab eo missis ad nocentium vindictam & laudem rectè agētium pareamus. Magnum igitur Dei donum est, & non mediocris vsus inter homines hæc potestas, quæ rerum omnium ad incolumitatem status publici spectantium gubernationem complectitur. Sola enim sacerdotibus relinquitur Ecclesiæ rerūque ecclesiasticarum ac spiritualium curatio^l. Sed potestas hæc ciuilis utcūque delibata primū à sacerdotibus, deinde

deinde sensim ac pedetētim adeò imminuta est, ut ad extremū penè in ordinem redacta sit. quod iam à nobis demonstratum est. Illud præcipuè hîc tractandum occurrit, an principes seu magistratus in Ecclesiam, resque aut personas ecclesiasticas imperium aliquod & potestatem habeant, & sciendum est verbis tam Petri, quàm Pauli suprà recitatis, quia generalia sunt, etiam clericos & personas ecclesiasticas contineri^m. De Romanis pontificibus aliquid suprà attigimus, quorum aliqui Imperatorem dominū suum nominare haudquaquam veriti suntⁿ. Alij etiam ipsius iudicium libenter, aut æquo certè animo subierunt^o. Sed hoc nimis sanè odiosum hac tēpestate argumentum omittamus. Notādum est præterea magistratum siue principem non modo corporis substantiæque nostræ custodem esse, quasi ad vim atque iniuriam prohibendam tantum constitutus sit: sed etiam religionis & cultus diuini, quod ad externam disciplinam attinet. Quauis enim legibus ciuilibus, ea præcipuè contineantur, quæ ad arcendam iniuriam tuendāque pacem pertinent: tamen & de ple-
risque aliis rebus ad honestatem aliquam, & maximè ad religionem spectantibus leges fiunt. Quarum omnium custodem esse magistratum Aristoteles ait. Tria siquidē iuris præcepta sunt, quorum primū est, Honestè viuere: cuiusq; præcepti multa exempla sunt in iurē ciuili, de quibus alibi diximus. Nec me latet de rebus sacris

*m. c. magnū
11. q. 1.*

*n. c. sacerdotibus. 11. q. 1.
c. Salonitana. 63. dist. c. quoties. 1. q. 7.
o. c. nos si in-competenter,
2. q. 7.*

p. d. l. omni
 in nouatione.
 C. de sac. eccl.
 d. c. cōuenior.

ac spiritalibus iudiciū esse ipsius Ecclesiæ. Nam synodi episcoporum ac presbyterorum de rebus sacris rectius, quàm prophani homines iudicare possunt^p. Quod satis animaduertit Alexander Rom. imperator, quanuis Christianæ religioni addictus non esset. Sic enim de eo scribit Lamprius. Pontificibus tantum detulit & quindecim viris, atq; auguribus, vt quasdam causas sacrorum à se finitas iterari & aliter distingui pateretur. Nec alienum est à proposito, quod de Leontio Tripolitano episcopo à scriptoribus ecclesiasticis memoriæ proditum est. Cū enim Constantius Imperator in conuentu episcoporum de ecclesiasticis multa verba faceret, & promulgaret constitutiones, omnibus aliis approbantibus, hic solus obstinatè tacuit. Ac sciscitante imperatore cur ipse loquentibus cæteris solus taceret, respondit se cogitabundum mirari apud se, quòd à propriis negotiis tantum ei superesset otij, aliena vt curaret. Quanuis autem de rebus sacris iudicium sit Ecclesiæ, vt diximus: tamen vbi semel constituta sunt ac iudicata, magistratus officium est Ecclesiæ iudicia & decreta tueri & conseruare, si id necessarium esse perspexerit. Itaque blasphemias, hæreses, & omnem impietatem externam punit & vindicat^q. Sacerdotes item in officio continet magistratus, disciplinam ecclesiasticam constituit ac reformat^r. Quorsum enim tot constitutiones principum editæ sunt de officio sacerdotum & disci-

q. c. quando.
 23. q. 4. c. de
 Liguribus. c.
 quali. 23. q. 5.
 r. c. filiis. 16.
 q. 7.

disciplina ecclesiastica, nisi eas executioni mandare possint? Quales permultæ sunt Romanorum imperatorum lib. 1. C. Iustinia. & lib. 77. *νικτωρ*. Sed multo plures extant principum Galliarum antiquorum, & Caroli Magni præsertim, breui, ut spero, in lucem exituræ, ut de recetioribus taceam, quæ nemini non hodie in Gallia cognitæ sunt. Ex quibus facile perspicui potest, principem leges condere posse, quibus episcopi cæterique omnes Ecclesiæ ministri ad canonum ecclesiasticorum, veterisque discipline obseruationem in regno ac dirione sua cōpellantur. Eoque iure atque autoritate post hominū memoriam vti ferè sunt reges nostri, non tantum in Galliæ suæ episcopos, sed in ipsos etiam pōtiffices Romani quid in finibus Galliæ aduersus canones & disciplinam ecclesiasticam moliri viderentur, Huiusque libertatis expressissima quotidie vestigia conspiciuntur in summis tribunalibus, cum à rescriptis Romani pontificis appellationes interponuntur. Nam etsi ab executione eiusmodi rescriptorū appellari soleat magis, quàm à rescriptis: tamen effectu hac appellandi genera non differūt. & videtur hic mos ex errore interpretis ortum habere, qui rescriptum D. Pij apud Vlpianum è Græco in Latinum malè conuertit. Et quoties præsens rerū status mutationē aliquam in spiritualibus rebus poscere credebatur, habito conuentu episcoporum Ecclesiæ Gallicæ, quod temporis visum erat conuenire, constituebatur.

f. c. i. de app.

t. c. de capitulis.
lis. 10. dist.

Ac tantum abest, ut Romani pontificis vllum interueniret decretum, ut is etiam interdum in ordinem cogi soleret*. Exemplorum pleni sunt annales nostri & acta monumentaque curiæ Parisiensis de Clodoueo, Carolo magno, Ludouico Pio, Philippo Augusto, sancto Ludouico, Philippo Pulchro, Carolo quinto, Carolo sexto, Carolo septimo, & aliis regibus perpetuæ memoriæ causa diligentissimè perscripta. & vulgo circumfertur libellus curiæ Parisiensis ad Ludouicum vndecimum Francorum regem missus, in quo miserabilis illa Ecclesiæ confusio, ac perturbatio demonstrata est, quæ ex Rom. curiæ nūdinatione tum nascebatur, & simul Regum nostrorum ac magistratuum in asserenda libertate Ecclesiæ Gallicæ aduersus pontificem Romæ virtus, & constantia. Suffragatur nobis Isidorus apud Gratianum, cuius hæc verba sunt: Principes sæculi nonnunquam intra Ecclesiam potestatis adeptæ culmina tenent, ut per eandem potestatem disciplinam ecclesiasticam muniant. & paulò post: Cognoscunt, inquit, se deo reddituros esse rationem propter Ecclesiam, quā à Christo tuendam suscipiunt: nam siue augeatur pax & disciplina Ecclesiæ per fideles principes, siue soluatur, ille ab eis rationem exigit, qui eorum potestati suam Ecclesiam tradidit v. Principes enim sunt religionis & Ecclesiæ defensores, ac, ut Esaias loquitur, nutritij*. Id quod Iustinianus noster expendisse videtur, cum ait se nihilo
minorem

v. c. principes

23. q. 5.

x. c. 49.

minorem Ecclesiæ, quàm vitæ suæ curam habere. Eodem pertinet Ioadis regis exēplum memoria dignum, quod imitari coguntur aliquādo reges magistratūsque nostri: nam cū suspectos haberet sacerdotes, ne pecuniam interuerterēt, quæ offerebatur à populo ad tutelā templi, eam primū in arcam clausam inferri, deinde scriba suo præsente fabris ac cementariis erogari iussit. ^{4. Nou. 3.} Proinde etiam distictius colligipotest, non omnino alienum à vero esse, quod plerique alle- ^{4. 4. Reg. 6. 12.} runt, concilium siue conuentum Ecclesiæ, principis iussu & imperio conuocari posse: Nam & si de pontificis Rom. autoritate cōtendere hīc nolim: tamen si officio in hac re suo non fungatur, nec ceteri forrē eius consiliarij & collegæ, Cardinales vulgō appellati: sed canones omnes, quod abominor, & disciplinam ecclesiasticam contemnant, ac pro nihilo curam hōi eccle- principis est eius negotij curam suscipere, nisi malit Ecclesiæ defector ac p̄ditor verius, quàm tutor haberi. Quod non modo Constantinum, sed plerūque etiam alios imperatores Rom. Ec- ^{b. c. sexta. 16. distinc. c. Adrianus. 63. distinct.} clesie, ceteros testantur in illa.

Quam potestatem habeat princeps circa ministeria ecclesiæ. Cap. 6.

De clericorū ac ministrorum Ecclesiæ ordinatione loco magis idoneo disputaturi sumus. Sed interim animaduertendum est, quāuis sacra

res & maximè spiritualis habeatur, nihilominus regem nostrum in eam plurimum iuris atq; auctoritatis meritò sibi vindicare: nam episcoporum & archimandritarum creatio ferè ex eius nutu pèdet, sublata canonicorum atque monachorum electione. Quod ægrè admodù fert hodie vniuersa ecclesiasticorum hominum natio, querunturque vulgò ex aulicorum fece prophanos abiectissimòsque homines sibi antistites dari solere. Verùm eos cogitare & expendere imprimis decet, cum eorum cupiditas & corruptio tanta esset, vt nulla veterum canonum habita ratione indignissimos quosque promouerèt, vt in re prorsus alioqui desperata, hoc veluti cauteriù quoddam necessarium visum fuisse. Deinde nò ità de his rebus princeps decernit, vt incommodis, si quæ sunt, vitiisque medèdi facultas Ecclesiæ aut eis qui se ~~non possunt~~ eius esse & capita dictitant, omnino erepta sit. In consecrationibus enim & solemnibus ordinationibus liberum est eis, sine graui morum, ætatis, doctrinæ examinatione neminem in clerum recipere, & tales consecrare sacerdotes, qui idonei sint ad quancunque functionem Ecclesiæ, quam princeps ipsis committere voluerit. Nam princeps impositionem manuum, consecrationem, inquisitionem ecclesiasticis viris nunquã ademit, sine qua nemo ecclesiis præficitur. Huc accedit, quòd cum princeps patronus sit ecclesiarum, ac monasteriorum, non permittunt canones eum hoc iure

iure fraudari: quod nihil planè aliud est, quàm præsentatio quædam, seu nominatio: adeò vt pontificibus oblatum nominatúmque, si idoneus non videatur, reicere & aliter ecclesiis cõsulere liceat. Ac certo certius est, nullo vnquam tempore siue canonicos siue monachos tantum potuisse, vt sine permissu regis electionem aliquam celebrare ipsis liceret. Eodémq; iure imperatores ac reges alios plerosque vsos fuisse cõstat etiam in electione Rom. pontificis. Qua de re multa Gratianus collegit, ad quem lectores remitto. Optarem sanè à principibus maiorem *c. c. Adria-* haberi delectum personarum. Attamen res eius- *mus. c. in syno-* modi est, vt ecclesiastici viri de se magis, quàm *do. c. cū lōgē.* de principe, qui patroni tantum, non etiam or- *c. Rentina. 63* dinatoris officio fungitur, conqueri debeant. *distinc. c. hinc* Quod si culpam conferant in pontificem Rom. *etiam. 16 q. 1.* vt plerosque eorum crebrò facere audio, quòd probationem ac examinationē sibi retinere, & legibus omnibus ac canonibus, quoscūque passim soluere cõsueuerit, ipse mē nihil interpoho. Penes alios esto hac de re iudicium. Illud vnum verè ingenuèq; dico, nihil Reipub. ecclesiæque Gallicæ mihi videri vtilius, quàm authoritate regis pastores præfici ecclesiis, si à pōtifice Rotm. obtinere possint episcopi, vt ordinatio, inquisitionis, ac confirmatio secundum veteres canones libera ipsis relinquatur, modò ipsi officij sui meminisse velint. Quis enim est adeò imperitus rerum, vt Rom. curiæ artes non norit, & quantum

ea hirudo gallici exorbeat sanguinis quotidie,
 non satis intelligat? Dicam, quod à viris peritissi-
 mis, ac diu in Rep. versatis non semel accepti,
 quāquam incredibile videtur, quotannis vario-
 rum diplomatum à pontifice obtētorum nomi-
 ne ad septingenta aut eo amplius aureorum mil-
 lia Romam hinc exportari solere, quæ ita illic
 velut capta vinctaque detineantur & custodian-
 tur, vt nullo vnquam postliminio ad nos redeant.
 Quid multa? In prouerbium abiit iandudū Ro-
 mana permutatio, plumbi videlicet cum auro,
 non minus, quàm illa Diomedis & Glauci apud
 Homerum: cuius & Vlpianus noster meminit^{d.}
 Nec causari possunt episcopi huius regni liberā
 non fore ordinationem, si regis autoritas ne-
 cessariò accedat: est enim ad frænandam non
 paucorum cupiditatem summè utilis ac necessa-
 ria, qualis fuit olim populi consensus, sine quo
 non poterant ministri Ecclesiæ ab episcopis or-
 dinari Idque potest iis obiici, quibus absurdum
 videtur ius, quod regaliorum à nostratibus vul-
 gò appellatur, regem nostrum in quasdam sui
 regni ecclesias habere. Quid enim aliud hîc agit
 Rex, si pauca quædam excipias, quàm quòd à ci-
 uibus cuiusque ciuitatis & plebe quondam fieri
 solebat? cuius consensu, vt dixi, pastores ecclesia-
 rum ordinabantur Nam ipsam ordinationem,
 & inquisitionem, quæ cum beneficij collatione
 coniuncta antiquitus erat, nunquam sibi attri-
 buit. Populo autem propter tumultus & dissidia
 verisimile

d. l. 1. de con.
 emp.

verisimile est hoc ius ademptū, ac in principem translatum esse. Nam scinditur incertum studia in contraria vulgus. Quo tamē iure nec semper, nec in omnibus ecclesiis princeps vitur. Sed de his omnibus infra copiosius differemus.

e. lib. 3. c. ult.

De Hierarchia, & variis administrationibus Ecclesiæ. Cap. 7.

Quæ sit potestas ecclesiastica, & quemadmodum a politica differat, satis pro instituto differuimus. Nunc de iis videndum est, per quos ecclesiasticæ res procurantur & administrantur. Quorum varij sunt gradus. Nam, ut Petrus apostolus in epistola Clementis ait, Ecclesia magnæ cuiusdam navis similis esse videtur, in qua præter vectores seu epibatas, gubernatore, proreta, nau-
ta, & ministris quibusdam aliis opus est. Populus enim in Ecclesia vectoribus, episcopus proreta, presbyteri nautis, diaconi & alij qui clerici dicuntur, reliquo navis ministerio comparatur. Horum igitur alij parent, nulloque munere ecclesiastico funguntur: & hi verbo Græco laici, quasi populares vulgò dici solēt. Alij imperant, & principatum quendam in cæteros habent qui hierarchia à Græcis appellatur. Quanquam eo verbo rarissimè vsos fuisse veteres existimo. Hi enim ministri aliorum, quàm domini aut principes vocari maluerunt. Quod eorum singulari modestiæ & sanctitati ascribendum esse puta-

mus. Sed de nomine, modò vt rem teneamus, minus est laborandum. Vt igitur tota res commodius explicetur, ministerium doctrinæ diuinæ, quod Lucas vocat διακονίαν τοῦ λόγου à cæteris ministeriis distinguemus. Circa ministeriū doctrinæ animaduertendum est, Christi legatos, siue apostolos initio exorientis Ecclesiæ per singulas ciuitates, in quibus Christus colebatur, administratores quosdam instituisse, qui gubernarent ecclesias, ipsisque præessent. Hos vocarunt sacerdotes, quòd sacrorum curationem haberent, & presbyteros, id est, seniores, quòd prudentia & grauitate venerabiliores essent cæteris. Nam hoc Græcum verbum non ad ætatem, sed ad dignitatem quandam potius refertur *s.* Idque multis exemplis demonstrat Budæus noster. Quam loquendi formam nostrates imitantur, seignores vulgò appellantes eos, quos honore aliquo dignos iudicant *s.* Dicuntur præterea ministri, vt ait Chrysostomus *h.*, & pastores quòd ministrent magis, quàm dominentur cæteris, & gregem sibi commissum pascant. Quod verbum iis conuenire, qui alios gubernandos susceperunt, indicat Homerus, cùm Agamemnonem subinde vocat ποιμένα λαών. Sed & episcopi quoque, quasi speculatores atque inspectores sunt appellati. Quo ferè sensu episcopi ab Arcadio iureconsulto vocantur, qui panī cæterisque rebus venalibus præsunt *i.* Nam Paulus in epistolis vtraque appellatione, presbyteri nempe & episcopi,

f. c. clericos. 21. distinct.

g. c. 1. de cens. h. homi. 2. in epist. ad Philip.

i. l. ult. de mun. & hono.

episcopi, promiscuè vitur. Idque Chrysost. Augusti. Hierony. & plerique alij annotauerunt ^{l. d.c. clerics.}
 Verùm communis illa administratio presbyterorum visa est incommoda propter dissidia & ^{c. olim. 95. distinct.}
 contentiones, quas pariebat. Quare ne vnusquisque ad se trahens Christi ecclesiam rumperet, vt inquit Hierony. operæpretium duxerunt in singulis ciuitatibus vnum ex presbyterorum ordine cæteris præficere, ita vt cum eorum consilio omnia gereret, atq; administraret. Huic vni nomen episcopi quod antè omnibus erat, commune, attributum: vt insigni aliqua propriâque appellatione à cæteris facilius discerni posset ^{m. m.c. legimus.}
 Proinde ex eo tempore reliqui presbyteri, nunquam episcopi sunt appellati ^{n. Euseb. lib. 93. distinct.}. Quauis episcopi presbyterorū nomen non respuerint: & notandum est in singulis ciuitatibus horum presbyterorum collegium quoddam fuisse, cui præerat episcopus. Cuiusmodi est hodie canonicorum collegium, qui in eorum locum successisse videntur. & hunc cætum presbyterorum vocat senatum Ecclesiæ Hieronymus ^{p. c. ecclesia.}. Nondū enim ^{16. q. 1.} presbyteri separatas habebant ecclesias in quibus docerent, & sacramenta administrarent. Quod vel Sozomenus demonstrat, cū ait, consuetudinem fuisse in Alexandria tempore suo, vt vno existente super omnes episcopo, presbyteri seorsum ecclesias obtinerent, & populus in eis collectas solēniter celebraret ^{q. trip. hist. lib. 1. c. 19.}. Sed crescente numero Christianorū cum passim constructæ


7. c. 13. q. 1.

essent basilicæ seu Ecclesiæ nõ in ciuitatibus modo, sed etiam in vicis atque pagis, tandem inter presbyteros confusionis discordiæque vitandæ causa ubiq; terrarum diuisæ sunt regionibus, ita vt vnusquisq; sua ecclesia regioneque contentus ab aliena omnino abstineret. Cuius rei author fuisse dicitur Dionysius vrbis Romæ episcopus, vt ex ipsius epistola ad Seuerinũ episcopũ Cordubensem scripta colligitur, quæ integra apud Gratianũ non extat. De ecclesiis, inquit, parochianis, vnde apostolicã sedẽ consulere voluisti, qualiter sint custodiendæ per Cordubensem prouinciã, ac diuidendæ sacerdotibus, nihil tuæ charitati melius nobis videtur intimare, quàm vt sequaris, quod nos in Rom. Ecclesia nuper egisse cognoscitur. Ecclesias verò singulas singulis presbyteris dedimus, parochias & cæmeteria eis diuisimus. Sed vnicuique ius proprium habere statuimus, ita videlicet vt nullus alterius parochiæ terminos, aut ius inuadat: sed vnusquisq; suis terminis sit cõtentus, & taliter Ecclesiã & plebem sibi cõmissam custodiat, vt ante tribunal æterni iudicis ex omnibus sibi commissis rationẽ reddat, & nõ iudicium, sed gloriam pro suis actibus accipiat. Hæc quoq; normã. charissime, te & omnes episcopos sequi cõuenit, & quod tibi scribitur, omnibus quibuscũque potueris, notũ facias, vt non specialis, sed generalis fiat ista præceptio. Anacletũ autẽ idẽ decreuisse apud Gratianum legimus, quod Dionysius Romæ factum fuisse refert.

refert. Presbyteri, inquit, per castella & modicas ciuitates atq; villas debent ab episcopis ordinari & poni: singuli tamen per singulos titulos suos, &c. Historiographi^t, diuisionem quandam titulorum & diœcesium in vrbe, Euaristo atque Marcello ascribunt. Sed cuius inuentum hoc fuerit, non multum arbitror ad rem pertinere. Parœcias autem appellarunt veteres fana illa & ecclesias, quæ singulis assignantur presbyteris in cuiusque episcopi diœcesi. Sed paulatim corrupto vocabulo parochiæ appellari cœperunt *v. tit. de paro.* Quamquàm pro tota illa diœcesi ipsius episcopi, quæ in varias regiones distributa est, frequenter hoc verbum accipitur, vt postea dicemus *6. lib. 2. c. 7.* Scîendum est præterea post hanc ecclesiarum partitionem & distributionem episcopi in magna illa diœcesi sua & presbyterorum in suis ecclesiis parem nō fuisse potestatem atque authoritatem: cum ordinatio presbyterorum, cæterorumque ministrorum Ecclesiæ, basilicarum consecratio, & quædam alia episcopo tantum permissa sint, non etiam presbyteris inferioribus^{*}. *x. c. perfectus. 25. dist.*

De variis presbyterorum generibus. Cap. 8.

Presbyteri, quos episcopo subesse diximus: non omnes eiusdem gradus, dignitatis, atque authoritatis sunt. Nam archipresbyteri inter eos reperiuntur: sicut & inter episcopos archiepiscopi⁴. Sunt autem archipresbyterorum duo *4. Grat. in dec. 60. dist. c. 1. de at. & qual.*



genera: quorum urbani quidam dicuntur, alij vicani. Urbani dicuntur, qui in vrbe & in maiore Ecclesia officio suo funguntur. Cum enim episcopus propter absentiam fortè vel occupationes suas, non possit omnia episcopi munia vel solus, vel vnà cum presbyteris obire, sed curas suas cum eis partiri necesse habeat: vtilius visum est ex presbyteris vnum ceteris præponere, qui ea quæ ad presbyterorum officium pertinent, partim ipse exequatur, partim aliis facienda præscribat: quàm omnibus simul presbyteris id committere, ne contentio aliqua inter ipsos ex communione administrationis oriretur⁴. Itaque archipresbyter urbanus eam potestatem habet in maiore Ecclesia, quam quivis presbyter in parœcia sibi assignata habere dicitur. Sed & cæteris quoque eiusdem Ecclesiæ presbyteris, qui cardinales, id est, primarij & præcipui dicuntur ad differetiam eorum qui in inferioribus ecclesiis sunt constituti, haud dubie præest⁵. Archipresbyteri vicani nullâ in vrbe potestatem, nullum ministerium habent, sed in maioribus celebrioribusque pagis constituuntur. Ac singulis præter Ecclesiæ propriæ curationem, certarum ecclesiarum, certorumque presbyterorum, qui videlicet per minores titulos habitât, inspectio, observatioque committitur⁶. Hactenus de presbyteris episcopo inferioribus. Nunc de episcopis est videndum, quorum varij quoque gradus reperiuntur.

*b. c. officiũ de
offic. archi-
presb. de. c.
perlecta. 25.
distin.*

*c. c. 2. de off.
archip.*

*d. c. ult. de
off. archip.*

De episcopis, qui gradus sint episcoporum, & quæ potestas olim fuerit eorum, qui chorepiscopi dicebantur. Cap. 9.

Episcoporum varij sunt gradus. Quidam enim præsent vni alicui ciuitati; & vicis, qui illi ciuitati subsunt. Et hi simpliciter episcopi appellantur. Alij non tantum ciuitati, sed etiam prouinciæ quæ multas ciuitates complectitur, præfident, & dicuntur archiepiscopi: quodd episcopis superiores sint. Metropolitani autem ided vocantur, quia in metropoli aliqua, id est, matrice ciuitate iam olim constituti sunt. Alij non vni prouinciæ, sed multis præfecti sunt: & in omnes non solum episcopos, sed etiam archiepiscopos potestatem habet. Ideoque primates, seu patriarchæ dicti sunt. Hi sunt numero quatuor (præter Romanum episcopum, qui vertex omnium, & princeps esse dicitur, de quo mox videbimus) Constantinopolitanus, Alexandrinus, Antiochenus, Hierosolymitanus *f.* Quibus & alij quidam veluti minorum gentium patriarchæ adiecti sunt, Aquileiensis, Cantuariensis, Biturigensis & Gradenfis. Ideo autem instituta est potissimum hæc hierarchia, vt augustæ illius ac diuinæ ciuitatis, quam nos Ecclesiam vocamus, vnitas ac tranquillitas melius conseruetur. Nam Ecclesia vna est, inquit Cyprianus, quæ in multitudinem latius incremento fecunditatis extenditur. Quomodo solis multi radij,

*e. c. clericos. 21.
distin. c. vrbes
80. distinct. c.
prouincia. 99.
dist.*

*f. c. antiqua.
de priui. c. sacrosanctæ. c.
Cæstātinop. c.
renouantes. c.
diffinimus.
22. distin.*

g. c. loquitur.

24. q. 1.

b. 6. q. 3. *Or*

4.

i. 18. dist. c. si-
cut olim. de
accusat.l. Not. de
sanct. epif.

m. conc. An-

cyr. c. 13. com.

Neocæs. c. 13.

cō. Antioch.

c. 8. *Or* 10. c.

ecclesiū. 68.

dist.

sed lumen vnum: & rami arboris multi, sed ro-
bur vnum tenaci radice fundatum^g. Deinde hu-
ius ordinis hierarchici ingens in eo conspicitur
utilitas, quòd sicut episcopus conuocat presby-
teros suæ ciuitatis & vicorum ciuitati subiecto-
rum, vt eorum consilio res ecclesiasticas admi-
nistret, & controuersias dirimat: sic archiepisco-
pus, aut patriarcha suæ prouinciæ aut nationis
antistites cogit & cōgregat, quòd grauiora nego-
tia in ampliori maiorique conuentu tractari ac
definiri possint, & quæ perperam ac iniuste de-
creta, vel iudicata sunt, ad maius iudicium gra-
datim referantur^h. Nam huius rei gratia synodi
tam ciuitatum, quàm prouinciarum, atque na-
tionum singulis annis indici solebantⁱ. Quod &
constitutione quadam præcipit Iustinianus^l. Il-
lud prætermittendum non est, antiquitus cum
episcopi otio, vt verisimile est, suo consulere vel-
lent, vicarios quosdam episcopos ordinare soli-
tos fuisse, qui vulgò chorepiscopi dicebantur,
authore Damaso in verbosa quadā epistola, qua-
si *χορεισκη*, id est, rustici episcopi: quia non in ci-
uitate, sed per vicos & pagos munus episcopi
quadantenus gerebant. Nam lectores, exorci-
stas, cæterosque inferioris ordinis clericos ordi-
nare ipsis licebat, quamuis presbyteros, aut dia-
conos ordinare non possent^m. Verùm hoc præ-
texu, quòd episcopalem honorem sibi insolent-
er arrogarent tandem, nec vlla satis bona ratio
eorū institutionis appareret, id munus omnino
sublatum

sublatum atque antiquatum est *. & facile mihi
 persuadeo, archipresbyteros, de quibus antè lo-
 cuti sumus, in eorum locum successisse, quibus
 neque episcopi nomen attributum est, neque a-
 liud quicquam eorum, quæ episcoporum propria
 sunt: ne fortasse ipsis audaciæ atque insolentiæ
 illius, propter quam deiecti fuerant minuti isti
 episcopi, occasio præberetur.

n. e. quæst. e.
 chorepif. op.
 68. dist.

*De episcopo Romano, ac de eius amplitudine &
 authoritate, tum de nominibus variis, qui-
 bus appellari solet. Cap. 10.*

Episcopus Romanæ vrbs, quin primus pa-
 triarcharum olim habitus sit, dubium non est.
 Id enim variis cõciliis & principū sanctionibus
 est constitutum *. Vnde in historia ecclesiastica
 non semel legimus ius conuocandi vniuersalis
 concilij ad ipsum pertinere. *Quam potestatem*
~~à Christo accepit, necne, quid diffinire non~~
 est, sed theologiæ professorum. Ego etenim, qui
 me iurisconsultum profiteor, de his rebus tan-
 quam politici cuiusdam ordinis causa hominū
 consensu institutis, ita dissero: veritus scilicet, ne
 theologi nostri temporis aut interdicto mecum
 contendant, aut me ex iure manu cõsertum vo-
 cent, quod tamerò in proprias ipsorum posses-
 siones irruerim. Siue igitur hoc datum est vbi,
 quæ caput imperij erat, siue apostoli Petri me-
 moriæ, qui primus in ea sedisse dicitur, aut deni-
 que ipsius Christi institutioni, vt vulgò receptū

n. Nou. Inst.
 131.

tatem ceteri eius successores non solum mordicus retinuerunt, sed mirabiliter auxerunt etiam: præsertim à Pipini & Caroli Magni Franciæ regum temporibus, qui studio incredibili Ecclesiam Romanam sunt profecuti, adeò vt regium excedat fastigium pontificatus, & magnitudine ~~fratrum~~ laborare videatur. Admirati sunt veteres sacerdotem Commanorum in Ponto, cui vt à Strabone literis proditum est, regum Ponticorum tempore maximus secūdum regem honores habebatur, & regium diadema gestare licebat. Commana etiam imperio eius suberat, cum sacris seruis, qui hieroduli dicebantur, nō pauciores sex millibus, in quos omnem potestatem habebat, dempta solum vendēdi facultate. Nec eo inferior perhibetur Commanorum sacerdos in Cappadocia, de quo multa idem author scribit. Fuerunt & alij, quorum splendor & magnitudo multum celebratur. Verū ea est Pōtificis Romani amplitudo & maiestas, vt omnes, quotquot vsquā fuerunt pontifices ac sacerdotes longo post se intervallo reliquerit. & hæc, vt ita dixerim, monarchia magno consensu Christianorum ideo recepta est, opinor, quia tot tantæque inter episcopos erant dissidia, tam discrepantes sententiæ & voluntates, vt in illa iam propemodum ferrea ætate nullum aliud præsentius remedium ad conseruandam Ecclesiæ vnitatem superesse videretur. Scitū etenim est illud Homeri: οὐκ ἀγαθὸν πολυκοιρανίη, εἴς καίρανος ἔστω, εἰς βασιλεύς.

Quid quod naturales dicuntur esse conuerfiones Rerump. vt mirum non fit Aristocratiam aliquâdo in Monarchiam commutari, & rursus Monarchiam in aliud gubernandi genus, cùm vel hæc in Tyrannidem, vel illa in Oligarchiam degenerat. Etenim Hierarchia hæc de qua loquimur, ecclesiastica eò euasit, vt nō abs re quis ciuili cuiuspiam gubernationi eam comparaue- rit: tamen si longè dignior augustiorque habeatur. Nec sanè me fugit quid Christus ipse de muneris ecclesiastici, & principatus atque imperij discrimine Apostolos suos docuerit, quidq; Petrus ea de re scripserit in graui illa epistola, qua episcopi officiū ab eo describitur. Sed hæc theologi libenter discutienda relinquimus. Quæsitum est à plerisque, cur episcopus Rom. Ecclesiæ Papa appelletur, quasi hoc vocabulum cæteris episcopis commune non sit. Verū illi magnopere falluntur, cùm ex antiquis scriptoribus cōstet, omnes episcopos ac presbyteros, qui sanctitate vitæ & doctrina commendarentur, ho-

q. not. in c. si
Papa. 40. di-
stin.

noris causa sic nūcupari olim consueuisse. Pauca ex infinitis, exempla hīc proferam. Hieronymus in epistolis, Augustinum episcopum Hipponensem subinde Papam vocat. Apud eundē, Athanasius, Epiphanius, Euagrius, Alypius, Chromatius, Theophilus Papæ dicūtur. Martinus episcopus Bracarenfis passim apud Gratia-

r. c. episco 8.

q. 1. cū simil.

num, Papa vocatur, & sæpe concilium Martini Papæ commemoratur ab eodem. Sic enim ferè librum

librum vocant, quem is ex variis Græcorum synodis excerpſit atque collegit. Cyprianus quoque Papa crebrò appellatur in iure pontificio *f. c. abſit. 50. diſtinc. c. omnis de confec. diſt. i. c. i. de conf. diſt. 2.* Nam πάππας Græcum nomen à veteribus uſurpatum patrē ſignificat, vel Suida authore. Hinc Arrianus in Bithyniacis ſcribit, Iouem à Bithyniis πάππας appellari ſolitus fuiſſe. Sed vulgò receptum eſt, vt vni Romano pontifici hoc vocabulum attribuat. Illud quoque proprium eſſe Romani pontificis nonnulli tradunt, vt ſeruus ſeruorum Dei nuncupetur. Quò pertinent *f. not. in præ. D. cret.* vulgares nec omnino inſulſi verſus, quos Decretorum Gratiani interpres refert *v. v. gl. in c. quoties. i. q. 7.*

Roma tibi quondam ſuberant domini dominorum:

Seruorum ſerui, nunc tibi ſunt domini.

Verùm hæc vt otioſa omnino, aut certè non admodum uſui futura iam omittimus.

*De conuentibus eccleſiaſticis, quas Synodos
vocat. Cap. II.*

De Synodis iam aliquid attigimus ſuperiori capite: ſed ea res pleniorẽ diſcuſſionem requirit. Sũt autem Synodorũ tria genera: Vnum eſt earum quæ à cuiusque ciuitatis epiſcopo celebrantur. Nam epiſcopus ſacerdotes ac prebyteros parœciæ ſuæ quotannis conuocare ſolet *a. c. annis. 18. diſtin. c. Sicut olim. de accu.* Sed quoties, aut quo tempore anni iure pontificio non ſatis expreſſum eſt. Itaque hĩc ſpectanda erit conſuetudo. Niceenſis enim concilij ca-

b. ca. habetur. 18. dist. c. glos. prag.

d. c. quod super his. de mai. & obe. c. episco. c. ult. 18. dist. c. ult. 28. q. 2. not. in c. dilectis. de off. ordi. c. ex ore de priuil. e. cap. nimis. de excess. praela.

f. 15. q. 7. in decre.

g. c. regula. 3. dist. & tota. 18. dist.

h. d. c. regula.

non quo certum tempus definitum est, de prouincialibus conciliis loquitur, de quibus mox dicturi sumus ^b. Quod à plerisque animaduersum non est ^c. Ac tametsi solenne ordinariūque sit, sacerdotes qui ecclesias regunt ad Synodum conuocare, non etiam ceteros clericos & archimādras seu monasteriorum præsules: tamen si iusta aliqua causa episcopum moueat, his etiam mandare potest vt ad synodū excedant ^d. De sodalibus mendicantibus aliquando dubitatum fuit. Verū Gregorius pontifex constituit eos ab episcopis cogendos non esse vt solenibus synodis adsint ^e. Illud animaduersione dignum est, eos qui ad synodum ire non compelluntur, canonibus in synodo editis obtemperare nihilominus debere. Olim hi conuentus indicebantur vt episcopus simul cum presbyteris de disciplina cleri, de causis ecclesiasticis, de doctrina diuina deliberaret. Nihil enim quod paulò grauius esset, episcopi absque eo cœtu ac veluti senatu quodam facile decernebant ^f. Sed huius honestissimi instituti vix vmbra hodie retinemus. Synodus prouincialis est conuentus episcoporum cuiusque prouinciæ, qui à metropolitano aut patriarcha cōuocatur ^g. Addit Gratianus autoritate etiam Romani pōtificis præsente ipsius legato concilia prouincialia celebrari ^h. Quamuis autem hic conuentus præcipuè episcoporum sit: tamen ab Innocentio tertio constitutum est, collegia ecclesiastica, quæ vulgò

gò Capitula vocamus, etiam conuocari debe-
re ¹. Quod tamen plerisque iuris pontificij do-
ctoribus parum probatur ². Archimandritas in-
uitos adesse non cogi, vulgò receptum est, quod
singuli episcopi postea ipsis exponant, quæ in
concilio gesta, constitutæque sunt ³. Sed verius
est, non hos tantum, sed interdum etiam laï-
cos homines adesse debere: quòd vel eorum in-
ter sit fortassis, vel necessarium sit eorum consi-
lium ⁴. Nec aliter hoc definiri posse videtur,
cùm ex varietate causarum pendeat. Et animad-
uertendum est huiusmodi synodos secundum
veteres canones bis in anno aut saltem semel
celebrari ⁵. Ac in eo conuentu tractantur & iu-
dicantur causæ ecclesiasticæ, totiusque cleri mo-
res reformantur, & corriguntur, vt scribit Iu-
stinianus ⁶, & synodus Antiochena constituit ⁷.
Cuius rei gratia testes, qui dicuntur synodales,
constitui moris est, sicut & in cuiusque episco-
pi synodo ⁸. Nam si quid grauius occurrat in
conuentu episcopi, & presbyterorum quod ma-
ioris & amplioris conuentus iudicium postulet,
aut si quis ab eo iniuria se affectum conquera-
tur, ad concilium prouinciale id deferendum
est ⁹. Illud quæsitum est an episcopus in eo con-
uentu deponi ac de gradu suo deiici possit. Et
certum est priscis temporibus id vsitatum fuisse ¹⁰.
Sed pontificiis quibusdā decretis talis con-
demnatio prohibita est, inconsulto Romano
pontifice ¹¹. Sed & Gratianus ait huiusmodi con-

*i. c. ult. de his
quæ sunt à
præl.*

*lx. nota. in. c.
grauæ. de pñ.
l. c. discerni-
mus. 18. dist.*

*m. not. in dic.
c. grauæ. c. ad
sedē. 35. q. 5.
n. c. habea-
tur. & seq. c.
quoniam. 18.
d. fin.*

*o. nouel. 123.
de sanct. epif.
p. c. propter.
18. dist.*

*q. c. episcopus
in synodo. 35.
q. 6. c. præter-
ea, de testib.
cog.*

*r. c. si quis à
pprio. 21. q. 5.
f. cōcilio An-
tiocheno. c. 12*

*c. si quis à pro-
prio. 21. q. 5.
t. c. accusatus
& sequen. 3.*

*q. 6. not. in
cap. ex tue. de
cler. nō resid.*

- v. 18. distinct. in princ.* cilia ad corrigendum, non etiam ad constituendum, vel diffiniendum efficacia esse ^v. Verum hanc Gratiani sententiam improbant multi existimantes synodum prouincialem canones constituere posse, qui intra prouinciæ fines vim habeant ^x. Cuius rei pleraque exempla ex veterum monumentis proferre licet. Sanè in iudicandis causis ecclesiasticis antiquitus multum Romanæ sedis tributum est, aded vt plerunque eius sedis arbitrio iudicia episcoporum atque aded conciliorum prouincialium vel infirmarentur, vel rata manerent. Quod vel ex canonibus Sardicensis concilij perspici potest ^y. Ac si tametsi magna sæpe fuerit hac de re contentio, & canonibus concilij Mileuitani ab episcopis Africanis prohibitæ fuerint huiusmodi prouocationes ^a, quas etiam magnopere detestatur Bernardus libro tertio de consid. Romani pontifices ad extremum obtinuerunt, vt eorum iudicio cæteri omnes episcopi subessent, vtque ipsi nullius censuræ essent obnoxij ^b. Quod ad causas tamen attinet in quibus ad Romanam sedem hodie interponitur appellatio, decreta Basilienfis concilij in Gallia ferè obseruantur, nec discutitur aut iudicatur Romæ negotium, sed in qua diœcesi lis cœpta est, in ea iudices dantur ^c. Superest vt de Synodo vniuersali & œcumenica aliquid dicamus. Ac imprimis quaritur, qui interesse huic synodo debeant: quod Panormit. fatetur nullo iure expressum esse ^d.

Et sa-

Et sanè magna canonum decretorùmque pontificiorum varietas hîc reperitur. De episcopis orbis Christiani minus dubitatur, & extat in decretalibus formula & conceptio iurisiurandi, qua obstringuntur omnes episcopi, vt ad synodum veniât ^a. De monasteriorum antistitibus, presbyteris, & quibusdam aliis clericis aliquot exempla leguntur in iure pontificio ^f. Reges præterea ac Imperatores, non adfuisse tantum synodo, sed & præfuisse legimus ^g. Sed & alios quoque laicos homines interdum concilio adhibitos fuisse constar ^h. Verùm illud, scrupulum plerisque iniicit, quòd immensa illa quorumlibet clericorum turba non videtur absque magno incommodo, & confusione ad hunc conuentum admitti posse. Deinde alienum videtur ab ecclesiastica disciplina, vt laici de ecclesiasticis negotiis iudicium faciant ⁱ. Confusio autem vitari potest, si ex singulis provinciis moderatus aliquis numerus eruditiorum ac probatorum eligatur, & ad synodum mittatur. Nam & alioqui pastoribus destitutæ manerent Ecclesiæ. De laicis verò nihil aliud respondendum nunc occurrit, quàm quod Nicolaus Pont. scribit ad Micha. imperatorem ^k. Vbinam legistis, inquit imperatores antecessores vestros synodalibus, conuètiis interfuisse, nisi fortè in quibusdam, vbi de fide tractatū est quæ vniuersalis est, quæ omnium communis, quæ non solum ad clericos, verùm etiam ad laicos, & omnes omnino

e. c. ego. de iureiur.

f. c. in nomine domini. 23. dist. c. Adrianus 63 dist.

g. c. futuram.

12. q. 1. c. nos ad finem. 96.

dist. c. si quis ingenuus. 29.

q. 2. c. Adrianus. 2. 63. dist.

dist.

h. c. ad sedem

35. q. 5.

i. c. bene quidem. 96. dist.

c. non placuit.

16. q. 7.

k. 96. distine.

*l. d.c. bene
qui.*

*m.c. Ecclesia
de consec. di-
stinct. 3.*

n. Acto. 15.

*o. gl. c. Adria-
nus 1. 63. di-
stinct. gl. c. ult.
de his quæ fi-
unt à prel.*

*p. dic. c. ad se-
dem.*

pertinet Christianos? Quamuis enim iudicia ecclesiastica soli exerceant sacerdotes & cleri-
ci^l, tamen ubi de eo negotio agitur quod ad Ec-
clesiam vniuersalem pertinet, quæ non solum
ex clericis, sed etiam ex laïcis constat^m: æquum
non est laïcos ab huiusmodi deliberationibus
summoueri, sed communi potius decreto om-
nia diffiniri, quod & ab ipsis Christi apostolis
observatum fuisse satis Lucæ testatur historiaⁿ.
Atque ita celeberrimi iuris pontificij doctores
senserunt^o: tametsi Panormitanus in libro quæ-
stionum, laïcis deliberationem & consilium per-
mittens, iudicium ac diffiniedi facultatem adim-
mat. Nolim tamen in hunc conuentum quos-
libet laïcos passim recipi, sed cum regibus &
principibus eos qui in quaque prouincia insi-
gnis alicuius doctrinæ & sanctitatis nomine ce-
lebrantur^p. Id quæ si nunquam aliàs, maximè hoc
seculo necessarium est, quo episcopatus & sacer-
dotia indoctissimis hominibus & à religione
alienis deferri solent. Præcis temporibus rarum
ac prodigio simile habebatur, aliquem Ecclesiæ
præfici, qui diuinarum literarum doctor non es-
set, nec ideo laïcorum cōtemnebatur iudicium.
Cum igitur hodie episcopi nostri paucis exce-
ptis, sacrarum literarum scientia cæteris ex po-
pulo longè inferiores sint, quonam ore soli de
rebus diuinis iudicium sibi arrogabunt?

*De Diaconis, Hypodiaconis, & aliis inferioris
ordinis & gradus clericis. Cap. 12.*

Hucusque de iis ecclesiarum administratoribus tractauimus qui ministri doctrinæ diuinæ dicuntur: iam de cæteris est videndū, id est, Diaconis, Hypodiaconis, &c. Dicuntur autē Diaconi verbo græco episcoporum ministri, nec episcoporum modò, sed etiā presbyterorū, vt concilio Carthaginienſi quarto ⁹ sancitum est. Et quāuis ^{q. c. 37. c. diaconi. 93. dist.} Diaconi seu ministri vocabulū episcopis quoque ac presbyteris conueniat magis quā principis aut domini, atque ita olim vsurpatum sit, tamen iis de quibus loquimur propriè id tributum est, vt facilius esset eorum à cæteris distinctio. Appellantur & læuitæ aliquando, propter similitudinem ministerij: lege siquidem Mosæ instituti sunt læuitæ, vt Aarōni sacerdoti inseruirent, ac ministrarēt ^{r.} Quamobrem in cœtu sacerdotum, aut coram sacerdote aliquo diaconis sedere vetitum est ^{s.} Institutio autem eorum orta est ^{f. c. peruenit. c. nō oportet. 93. dist. r. c. dominus. 93. dist.} ab Apostolis, quanuis presbyteri seu Episcopi à Christo ipso instituti sint, vt ait Cyprianus ^{r.} Cū enim Apostoli in diuina doctrina occupati ministrare nō possent mensis, quæ pauperibus tum parari solebant, septem Diaconos, siue ministros eius operis gratia cōstituerunt ^{v.} Eorum ^{v. Act. 6. c.} igitur officium olim in cura pauperū præcipuè, & rerum earum quæ Ecclesiæ offerebantur, pauperum clericorūmq; alendorum gratia versaba-

x. c. præcipi tur *x.* Hinc fit vt hodie in Ecclesia oblationes ad
mus. 12. q. 1. altare factas recipiant, cum hypodiaconis suis *7.*
c. in sancta. Proinde quidam iuris pontificij consultus non
92. dist. leuis apud nostrates authoritatis, Diaconus, in-
y. c. clericos. 21. quit, hospitalitatis nomen est, presbyter ætatis *4.*
dist. c. perle- Sed postea id munus auctum est, vt Clemētis &
etis. 25. dist. Euaristi rescripta indicant. Ait enim Clemens,
a gl. prag. tit. Diaconi Ecclesiæ sint tanquā oculi episcopi ob-
de ata. & errantes, & circumlustrātes cum verecūdia actus
qual. card. totius Ecclesiæ, perscrutātes diligentius si quem
verb. cardina- videant vicinum fieri præcipitio, & proximum
les. esse peccato, vt referat hoc ad episcopum & ita
 episcopo suggerere, quæ ad cultum Ecclesiæ &
 disciplinam eius pertinent, diaconis cura sit *b.* Et
 Euaristus, Diaconi, inquit, qui quasi oculi vidē-
 , tur esse episcopi, in vnaquaque ciuitate septem
 , debent esse, qui custodiāt episcopum prædican-
 , tem, ne ipse episcopus ab insidiatoribus quoquo
 , modo infestetur, aut lædatur à suis, aut verba di-
 , uina detrahendo, aut insidiando polluantur, vel
 , despiciātur, sed veritas spiritali redoleat feruo-
 , re, & pax prædicata labiis cum voluntate animi
 concordet *c.* Hieronymus quoque ad Rusticum
 de Diaconis ita loquitur, vt magnum fuisse eo-
 , rum munus in Ecclesia facillè appareat. Diaconi,
 , inquit, sunt quos in Apocalypsi legimus, septem
 , angeli ecclesiarū, hi sunt septē candelabra aurea:
 , hi sunt voces tonitruorū, virtutū operatione præ-
 , clari, humilitate præditi, quieti, humiles, euāge-
 , lizantes pacem, annūtiantes bona, dissentiones
 &

b. c. diaconi.
93. dist.

c. c. diaconi 2.
93. dist.

& rixas & scandala refecantes: docētes, soli deo »
 colloquētes in templo, nihil penitus de mundo »
 cogitātes: dicentes patri & matri, Nō noui vos: »
 & filios suos non agnoscentes. Sine his sacerdos »
 nomen non habet, ortum non habet, officium »
 non habet. hic minister Dei dicitur: quia scriptū »
 est: Maior est qui ministrat, quā cui ministra- »
 tur. & sicut est in sacerdote ministratio, ita in »
 ministro sacramenti dispensatio. Sacerdotibus »
 etiam propter præsumptionem non licet de mē- »
 sa domini calicem tollere, nisi eis traditus fuerit »
 à diaconis: ita enim dominus noster omnipotēs »
 vniuersa disposuit, vt qui maiorem se esse credi- »
 derit, minor esset: & qui minor videretur, maior »
 existeret. Denique quā hoc verum sit, ipse per- »
 pende. Læuitæ componunt mēsam domini: Læ- »
 uitæ sacerdotibus cū sacramenta benedicunt, »
 assistūt: Læuitæ ante sacerdotes orāt: vt si distin- »
 ctio locorum creditur in mundo, etiam in altari »
 Dei videant sibi episcopi qui superbi sunt, dia- »
 conos anteponi: si humilitatem diligunt, & dia- »
 cono maiores se esse in eo quod sunt humiles, re- »
 cognoscant: tunc demum vt aures habeamus ad »
 Deum, diaconus acclamat, ipse prædicat, ipse »
 hortatur, ipse etiam commouet astantibus sacer- »
 dotibus, ne leuiter hāc vocem qua loquitur hęc, »
 & pacem annuntiat, audiant, aut negligenter a- »
 spiciant. Sufficit huic ordini, tantum fuisse per »
 Deum concessum, vt non solus sacerdos in tem- »
 plo Dei solum agere & implere videatur. Ex *d. c. diaconi.*
§. 93. dist.

quibus locis planum ut arbitror factum est, tum doctrinam diuinam & sacrorum procurationem, tum disciplinam ecclesiasticam ad diaconorum munus & functionem aliquatenus pertinere, quanuis non solum episcopis, sed etiam presbyteris inferiores sint. Extiterunt sanè nonnulli quondam adeò vecordes, ut eos presbyteris anteponendos, nedum exæquandos esse contenderent, aduersus quos acriter inuehūtur Hie-

*e. in Epist. ad
Enag. c. legi-
mus. 93. dist.
f. in quæstio.
vet. & noui.
testa. 9. 101.*

ronymus*, & Augustinus^f. Et hanc scribit Hie-ronymus causam fuisse tantæ insolentiæ & supercilij, quia diaconos paucitas honorabiles, presbyteros turba contemptibiles faciebat. De Diaconis Romanæ Ecclesiæ Cardinalibus vulgò appellatis, qui moribus nostris episcopos omnes non modo presbyteros antecedunt, paulò post differemus. Hypodiaconi longo post Diaconos tempore instituti sunt, quod diaconi omnia quęcunque ad ministerium suum pertinent, obire & exequi præ multitudine negotiorum non possent, nondum videlicet institutis ordinibus, qui inferiores dicuntur. Subest ergo Hypodiaconus diacono, ut presbytero diaconus, iuxta vetus prouerbium δῦλος πρὸ δούλου, ἀπώτης πρὸ

*g. c. clericos.
21. distin.*

ἀπώτου, idque vox ipsa satis indicat^g. Archidiaconi ex corpore diaconorum creati primùm soliti sunt eadem ratione qua & Archipresbyteri ex presbyterorum ordine, de quibus suprà locuti iūmus^h: nempe ut quæ ad diaconorum officium spectant, tam ipsi exequerentur, quàm à diaconis

*h. dic. c. legi-
mus.*

diaconis exequenda perficiendâque curarent ac
 iuberentⁱ. Horûmq; institutionem nouam non
 esse ex eo constat, quòd Hieronymus eorum
 meminerit ad Nepo. & veterum alij plerique^k.
 Tradunt & historicorum nonnulli Laurentium
 martyrem sub Sixto Pont. Ramano hoc mu-
 nere functum, & pecuniæ ecclesiasticæ custo-
 diam habuisse. Porro huic diaconorum cœtui
 qui sub episcopo oblationum omnium obu-
 tionûmq; ecclesiasticarum curam habebant,
 cùm valdè excreuissent ecclesiasticæ posses-
 siones ac reditus, adiuncti sunt œconomi, vel po-
 tius in œconomos hoc onus reiectum est^l: vt li-
 berius possent diaconi presbyteris sacramenta
 dispensantibus in Ecclesia assistere & ministra-
 re: & ne prædiorum possessionûmq; procu-
 ratio variæque lites, quæ earum rerum nomine
 moueri solent, à sacro spiritalique munere eos
 auocarent^m. Horû crebra mentio est in consti-
 tutionibus Iustiniani. Tamen si autem presbyte-
 rorum gradus quàm diaconorum longè subli-
 mior nunquam non habitus sit, & contradicen-
 tium ambitiosa temeritas grauissimorum viro-
 rum autoritate repressa semper ac damnata: il-
 lud tamen obtineri ad extremum non potuit, vt
 archidiaconi in presbyteros, atq; ad eò in archi-
 presbyteros ipsos potestatem non haberent. Id-
 quæ excusatur hoc prætextu, quòd Archidiaconi
 non modo inspectionem & obseruationem, vt
 olim, sed coërcitionē etiam iurisdictionēque

i. c. perfectis.

25. dist. c. vo-

lunt. 89. di-

stinct. c. 94.

distinct. cap. si

quis c. ult.

lx. histo. trip.

lib. 5. cap. 48.

Theod. lib. 2.

cap. 13.

l. c. quoniam

c. in noua. 16.

q. 7.

m. cœ. Chal-

ced. c. 26. c.

hispal. 2. c. 9.

n. c. 1. de offic.
archid. c. per-
lectis. 25. dist.

habeant, & veluti quodam magistratu fungantur. Maxima autem dignationis hoc munus fuisse superioribus sæculis in Gallia, vel illud argumēto est, quòd nostrorum annalium scriptores memoriæ prodiderint, Ludouici Crassi Frācorum regis filium in Ecclesia Patisiēsi hoc munere functum fuisse. Quāquam id alia etiam ratione factum dici fortasse potest.

De Cardinalibus Romanæ Ecclesiæ, cur ita
vocentur & vnde ortum habue-
rint. Cap. 13.

Ordo postulare videbatur vt post Pōtificem Romanum, de amplissimo purpuratorum collegio, qui Cardinalium nomine cēsentur, differeremus: sed quia inter eos episcopi quidam sunt, alij presbyteri, alij diaconi, melius esse duximus & ad docendum accommodatius de diaconis aliquid prius attingere. Et videntur Cardinales appellati quasi præcipui atque primarij, cæterisque episcopis, presbyteris, & diaconis digniores ac præstantiores, non aliter ac magistri quidam militum dicuntur Cardinales in vetere indice ciuiliū, militariūque officiorum, qui absque vllius authoris nomine æditus est. Nam episcopo Romano ad tantæ maiestatis fastigium euecto, par erat non solū episcopos vrbi vicinos, à quibus consecrabatur, sed presbyteros & diaconos quoque eiusdem vrbis simul cum capite suo paula-

paulatim crescere, cum præsertim horum consilio ut quivis episcopus siue archiepiscopus in Ecclesia regenda ab initio vteretur, ut ex iam dictis perspicuum est. Non enim videntur presbyteri urbis Romæ aut diaconi multo maioris olim dignationis, quam aliarum ecclesiarum fuisse. Idque Hieronymus Ecclesiæ Romanæ presbyter & ipse crebrò affirmat. Cuius temporibus Cardinalis appellationem in usu nondum fuisse verisimile est, cum nusquam ea vox in scriptis eius reperiatur. Deducitur autem à cardine, nisi fallor, quo sustinentur & voluuntur ostia siue ianuæ. Eorum siquidem consilio, nutu & auctoritate totus orbis christianus moveri, volui, sustentarique creditur. Inde apud Latinos auctores hæ loquendi formulæ manarunt, In eo rei cardo vertitur, id est, ex eo tota res pendet: & Cardinem causæ in aliquo ponere, id est, summam litis constituere. Quintil. Hic causæ cardinem ponit, in quo si victus fuerit etiam in sequentibus ruit. Quanvis igitur usitatum non fuerit apud veteres Cardinalis vocabulum, tamen ratio probabilis ostensa est, quamobrem summa illa Ecclesiæ columnina nunc ita appellentur. Sed omitendum non est aliquanto latius olim acceptum fuisse vocabulum ab iis, qui illud fabrefecerunt atque usurparunt. Nam Gregorius magnus sæpe numero in epistolarum volumine de episcopis loquens sacerdotes cardinales eos appellat, quod presbyteris, ut supra diximus, maiores & excel-

o. c. relatio. c. illud. 21. q. 1. c. pastor. al. 7. q. 1. p. c. 2. de off. archipres. lib. 5. decret. lentiores sint*. Et Leo^p presbyteros cardinales meo iudicio vocat, nō quosuis presbyteros, sed qui in maiore Ecclesia, quam cathedralem dicimus, rem diuinam simul cum episcopo suo faciunt: Canonici hodie vulgò appellati. Mitto quod in quibusdam ciuitatibus, cuiusmodi Rauenna est & Compostella, etiamnum sacerdotes quidam præcipui hoc nomen retinent. Sed splendor amplitudineque Senatus illius Romani, qui ex cardinalibus constat, facit vt hodie in cæteris ecclesiis, excepta Romana, ludibriis obnoxia sit non minus quàm Iuetotij regis apud nos ista appellatio. Hi enim à regio non longè absunt fastigio, eorūque insigne est ruber pilcus. Cuius vsum Innocentius III. ornandi eius ordinis causa ipsis concessit. Ex his facile est colligere quod interpres Decret. quodā in loco scribit, Episcopi cuiusque ciuitatis maiorem quàm diaconi aut presbyteri Romanæ Ecclesiæ cardinalis dignitatem esse. Quod vel autoritate Augustini confirmatur in quadam ad Hieronymū Romanæ Ecclesiæ presbyterum Epistola. Quāquam, inquit, secundum vocabula quæ vsus obtinuit, episcopatus sit presbyterio maior: Augustinus tamē Hieronymo minor est. Nec aliam esse causam presbyterorum aut diaconorum vrbis Romæ, quàm cuiuscunque alterius ciuitatis demonstrat Hierony. in Epistola ad Euag.^s Quod quidem sacrosanctæ potestatis eleuandæ gratia nunc à me dictum nolim quisquam existimet

q. gl. c. pudor. 32. q. 2.

r. c. quanquā 2. q. 7. vbi gl.

f. c. legimus 93. distin. vbi glos.

stimet, sed vt fons & origo eiusdem magis in-
 notefcat. Verùm hæc inualuit consuetudo, quæ
 speciosis quibusdam rationibus vulgò defendi
 solet, vt tam presbyteri quàm diaconi Romanæ
 Ecclesiæ cardinales longo interuallo omnes al-
 ios episcopos ac presbyteros antecedant. Ac
 tametsi ad dignitatem episcopalem promoueri
 eos quotidie videamus, certum tamen atque ex-
 ploratum est, contra veteres canones & institu-
 ta maiorum id fieri, cùm assidui in Ecclesia pa-
 rœciæque sibi commissa more aliorum cuiusque
 diœceseos presbyterorum, aut diaconorum esse
 debeant. Itaque veniam eis & gratiam cano-
 num impetrare necesse est.

*t. glo. in prag.
 san. in verbo.
 legitime. tit.
 de nu. ego
 qual. card.*

*v. c. 2. de cler.
 non residen.*

*Qui fuerint olim Ostiarij, Lectores, Exorcistæ,
 Acoluthi, & ceteri omnes qui clerici appel-
 lantur: vnde mos tondendi capitis ortus
 sit, atque item consuetudo canendi
 in sacris ædibus. Cap. 14.*

IN VETERI Ecclesia non erat hæc
 munerum distinctio, quæ postea in vsum ve-
 nit, vt alij Ostiarij dicerentur, alij Lectores,
 Exorcistæ, aut Acoluthi, sed Diaconorum Hi-
 podiaconorumque muneri coniuncta erant hæc
 omnia. Huius rei locuples testis est Hierony-
 mus, qui ordines quinque ac veluti classes totius
 Ecclesiæ describens post episcopos, presbyte-
 ros & diaconos, nec ostiariorum, nec lecto-
 rum, aut acoluthorum mentionem vllam facit:

*x. c. 1. 21. dist.
 c. ult. 60. dist.
 y. in. 19. c.
 Esaia.*

sed fideles omnes in quarto ordine locat, & catechumenos in postremo. Verum procedente tempore vnum idemque munus in plura disperitum est, idque à Caio Pontifice Romano primum, vt quidam scribunt: eiusque partitionis faciendæ magna oblata est occasio. Nam vt seminarium quoddam esset eorū, qui episcopis, presbyteris & diaconis succederēt, alebatur sumptu publico magnus iuuenū numerus Ecclesiæ ministerio consecratorum, qui interim non solum instituebantur in studio literarum, sed portio aliqua etiam munerum ecclesiasticorum ipsis committebatur. Eorum nempe quæ leuiora minorisque momenti essent, quæque antea à diaconis obiri solebant, vt his veluti rudimentis quibusdam ad maiora grauioræque obeunda præpararentur. Ac ne qua confusio perturbatioque eam functionem impediret, distincta sunt diuisaque inter ipsos officia, ita vt vnusquisque suo muneri bona fide incumbens, de alieno sollicitus non esset. In qua distributione gradus quidam ideò constituti sunt, quod eorum munerum alia aliis digniora videbantur, nec poterat quisquam ad maius promoueri, qui in minore antea versatus non fuisset. Sed de his gradibus constituendis, ac discernendis, quia non conuenit inter iuris pontificij theologiæque doctores, & subdifficilis est explicatio propter varietatem locorum ac temporum, quæ authorum locis, qui de ea re scripserunt, non nihil tenebrarū obduxit, sequar
 distin-

distinctionem ordinemque traditum à Gelasio
 Sylvestroque pontificibus Romanis apud Gra-
 tianum^a, qui quatuor classes ponunt, ostiario-
 rum, lectorum, exorcistarum, acoluthorum, nec
 dissimilis est enumeratio Leonis Pontificis^b, ni-
 si quòd iis omnibus præponit clericos, sicut &
 synodus Carthagin. psaltras^c, quasi psalterum aut
 clericorum distinctus sit à cæteris ordo, isque
 infimus omnium. Nam Isidori descriptiones non
 moror, in quibus mihi nō videtur usquequaque
 ordinis rationem habuisse^d. Primus igitur gra-
 dus, ut ab infimis incipiamus, eorum est, qui
 Græcè *πύλωποι*, Latinè ostiarii dicuntur, quibus
 aperiendi & claudendi templi cura massidatur,
 eosque repellendi & excludendi, quibus sacra
 communione interdictum est^e. Hi numero cœ-
 tum fuerunt in Ecclesia Constantinopolitana, au-
 thore Iustiniano^f. Secundus gradus est eorum,
 qui sacras scripturas ex suggesto in Ecclesia re-
 citant, & hi *ἀναγνώσται*, id est, lectores dicuntur^g.
 Quo munere aliquando functum fuisse in Ec-
 clesia Iulianum imperatorem testis est Theodo-
 ritus^h. Author est etiam Socrates in Alexan-
 drina Ecclesia nō solum fideles, sed etiam cate-
 chumenos huic ministerio adhiberi solitos fuisse,
 cum in cæteris ecclesiis id minimè obserua-
 returⁱ. Tertius gradus est Exorcistarum, quo-
 rum officium erat catechumenis & energume-
 nis, qui à cacodæmone vexabantur, manus im-
 ponere, & solennibus quibusdam imprecationi-

i. dict. c. per- bus, & obsecrationibus dæmones fugare¹. Vl-
lectis. pianus noster exorcizare verbum impostorum
lx. l. 1. ff. de esse scribit². Nec mirum est ab Vlpiano Chri-
extra cognit. stianæ religionis hoste acerrimo impostores fuisse
l. 2. de off. mil. se ministros Ecclesiæ appellatos, cum & Christo
l. Math. 27. ipsi idem aliquando obiectum fuerit³. Nam Vl-
lib 2. pianus (ut obiter id referam quod de eo Lactan-
lib 1. c. 1. tius scribit) rescripta principum contra Christia-
lib 1. c. 1. nos lib. 5. de Offic. præcons. collegit, ut doceret
lib 1. c. 1. quibus pœnis affici oporteret eos qui se cultores
lib 1. c. 1. Dei confiterentur. Horum exorcistarum non me-
lib 1. c. 1. minit Iustinianus in lib. *l. 1. de iur. iur.*, quod in Ec-
lib 1. c. 1. clesia Constantinopolitana, ut existimo, usitatum
lib 1. c. 1. non esset hoc ministerij genus, sed meminit Va-
lib 1. c. 1. lentinianus⁴. Quartus gradus est eorum, qui
lib 1. c. 1. Acoluthi Græcè dicebantur, id est, comites seu
lib 1. c. 1. ministri; ideo fortassis quia episcopum comita-
lib 1. c. 1. bantur quocumq; proficisci vellet. Nam episco-
lib 1. c. 1. pus magno famulitio stipatus iam olim incede-
lib 1. c. 1. bat, ut author est Iustinianus⁵. Et extat rescri-
lib 1. c. 1. ptum cuiusdam Põtificis apud Gratianum, quò
lib 1. c. 1. præcipitur episcopis ut comites semper aliquos
lib 1. c. 1. secum ducant famæ suspicionisque vitæ cau-
lib 1. c. 1. sa⁶. Vel ideo Acoluthi appellati sunt, quòd fu-
lib 1. c. 1. nus vnà cum canonicarum & ascetiarum cœtu
lib 1. c. 1. comitarentur. Nam eos id munus obire solitos
lib 1. c. 1. fuisse satis perspicuum est ex constitutione Iusti-
lib 1. c. 1. niani⁷. Sed nescio quomodo tandem factum est
lib 1. c. 1. ut hoc munus in luminariorum eorum postea
lib 1. c. 1. contrersum sit, & doctores nostri passim acolu-
lib 1. c. 1. thos

thos ceroferarios interpretentur 9. An autē cantores propriam classem ordinemque distinctum à cæteris habuerint, necne, quæri solet, & hoc sensisse videtur Isidorus, cuius sententia auctoritate Iustiniani utcunque iuuatur 1. Et fortasse aliquo tempore, & aliquibus in ecclesiis ita obseruatum est. Ego autem puto omniū ordinum ac præsertim inferiorū, de quibus antè diximus, commune fuisse psallendi officium 2. Mouet me quod Pontifices, quorum suprà meminimus, in ordinum catalogo hunc non recenseant 3. Idèd autem Leo Ponti. in primo ordine posuit clericos, eosque ostiariis præposuit: & synodus Carthaginienensis psaltas, siue cantores: quia recens cooptatis in clerum non statim proprium concedebatur officium, quanuis permitteretur eis vnà cum cæteris in choro psallere, idque sine vlla episcopi ordinatione 4. Verùm quia nihil habebant quod cæterorum commune non esset, quanuis & psaltæ, & clerici verè dicerentur, in certam classem eos non retulit Gelasius. Vtcunque se res habeat, certum est eos non minus inter clericos, quàm cæteros de quibus suprà diximus numerandos esse, cùm diuino cultui additi mancipatique sint 5. Nam quamuis appellatione τῶν κληρῶν in sacris libris fidelium grex contineatur, qui cuique episcopo siue presbytero fortè obigit gubernandus 6: tamen peculiariter his hoc nomen tribuitur consuetudine loquēdi vulgò recepta, qui sacro ministerio Ecclesiæ dediti

9. dict. c. perlectis.

1. dict. cap. perlectis.
f. nouel. 3.

2. c. in sancta.
92. dist.

3. c. illud. 77.
dist. c. à subdiacono. 93.
distinct.

4. dict. c. psallenda.
missa.

5. c. duo sunt.
12. q. 1.

6. 1. Petri. c. 5

a. c. duo sunt.
12. q. 1.

b. cap. 6.

c. in Enterpe.

*λ. Aug. de
 op. monac. ad
 finem. & in
 retract.*

deuotique sunt, ideò fortassis, quia olim sorte
 eligi solebāt, vel quòd eos Deus velut sorte qua-
 dam in suos elegisse videatur ^a. Specialiter au-
 tem hoc nomine designari solent ij qui raso ton-
 sòque capite in clerum recepti nullo adhuc pro-
 prio ministerio funguntur, nec aliud nomē pro-
 prium habent, vnde autem hic mos tondendi
 radendique ortum habuerit, vix certò cognosci
 potest. Quidam exemplo Nazaræorum Mosai-
 cæ legis inductum id putant, de quorum insti-
 tuto mentio est in libro Numerorum ^b. Nazaræi
 verò dicebantur, vt quidam eruditi interpretan-
 tur, qui vt liberius vacarent legi discenda & ex-
 pendenda benignitati Dei, aliorum commer-
 cio se abdicabant ad tempus, & Domino se ro-
 tos dedebāt: Vel qui cùm profusus vino, & re-
 liquis corporis deliciis vsi fuissent, postea seue-
 riori vitæ generi se mancipabant, vt corpus affli-
 gerent. Alij à sacerdotibus Ægyptiis id ortum
 asserunt, quorum meminit Herodorus ^c. Alij
 hunc fuisse morem antiquum testantur, vt ij de-
 mùm comam nutritent, qui elegantia, ornatus
 & lauriciæ studiosiores essent. Ideòque vt cleri-
 ci inanis cuiuscunque apparatus, & splendoris
 se contemptores profiterètur, statutum fuisse ne
 quis in clerum nisi vertice raso admitteretur ^λ.
 Et huic sententiæ maximè suffragatur quod Æ-
 milius, & alij quidam non leues authores scri-
 bunt, olim in Longobardia capillum barbām-
 que ponere, sanctioris cuiusdam deditiois ar-
 gumen-

gumentum fuisse ^{d.} Nam & apud Francos, ut ^{d. AEmil.}
idem ait ^{e.}, promissa barba intonsusque capillus ^{in Caro. Ma-}
Regiæ nobilitatis insigne habebatur. Adde q^d ^{gno.}
apud Lacedæmonios quondam ingenui tantum ^{e. AEmil. in}
comam alebant. Inde illud Aristophanis ^{Cledo. et Clo} f, cū-
ius meminerunt Paræmiographi, ^{τα. 2. v.} δοῦλος ἐν κόμῳ ^{f. in Auib.}
ἔχῃς, Scruus cū sis, comam habes. Curiosita-
tem verò & delicias veterum Romanorum in
coma & capillis insectatur Seneca ^{g. lib. de bre} s, his verbis: ^{uit. vitæ. c.}
Quid illos ociosos vocas, quibus apud tonsorem ^{12.}
multæ horæ transmittuntur, dum decerpitur ^{12.}
siquid proxima nocte succreuit, dum de singu-
lis capillis in consilium itur, dum aut disiecta
coma restituitur, aut deficiens hinc atque illinc
in frontem compellitur? Quomodo irascuntur
si tonsor paulò negligentior fuit, tanquam vi-
uum tonderet? Quomodo excandescūt, si quid
ex iuba sua decisum est? si quid extra ordinem
iacuit, nisi omnia sua in annulos suos recide-
runt? Quis est istorum qui non malit Rempub.
suam turbari, quàm comam? qui non sollicitior
sit de capitis sui decore, quàm de salute? qui
non comptior esse malit, quàm honestior? Hos
tu ociosos vocas, inter pectinem speculūque
occupatos, &c. Ego in plerisque constitutioni-
bus obseruaui tonsuram pænæ genus, idque gra-
ue & ignominiosum fuisse, quarum nonnullæ
quæ Principum Romanorum sunt, apud Har-
menopulum extant, aliæ inter cōstitutiones Ca-
roli Magni, & quorundam aliorum Franciæ

regum referuntur. Tanta erat hominum eius temporis in comam suam affectus. Sed & Paulus in epistola ad Corinthios indecorum ait viros comatos esse, idque naturam ipsam satis nos docere scribit ⁱ. Quæ Pauli admonitio huius clericorum instituti fortè causa fuit ^k. Verùm ut ad cantiones reuertamur, sciendum est hunc canendi morem longè antiquissimum, & iam inde ab apostolorum temporibus in Ecclesia vsitatum fuisse. Quod vel ex epistolis Pauli facilè animaduerti potest. Testatur id ipsum & Plinius Cæcilius in quadam ad Traianum epistola, in qua de Christianis ita loquitur: Affirmabant hanc fuisse summam vel culpæ suæ, vel erroris, quod essent soliti statò die ante lucem conuenire, carmènque Christo quasi Deo, secum dicere inuicem, &c. Sobria enim illa musica & pronuntiationi vicinior quàm cantui, quam in Alexandrina Ecclesia fertur instituisse Athanasius ^l: facit ut verborum sensus efficacius influât in animos auditorum, non illa operosa & theatrica quæ hoc tempore in Ecclesia frequentatur. In plerisque sanè ecclesiis serò admodum ritus canendi receptus est, cùm Augustinus ^m scribat tempore Ambrosij primùm in Ecclesia Mediolanensi institutum, ac inde in alias occidentales ecclesias perductum fuisse. Et Theodoritus author est ⁿ Flauianum, & Diodorum in Ecclesia Antiochena morem Dauidicos psalmos decantandi in duas partes, diuinitium

i. 1. Cor. 11. c.
lx c. prohibe-
te. 24. dist.

l. Augusti.
lib. 10. confes.

m. in lib. 9.
confes. c. 7.

n. lib. 2. c. 24.

tium cœtibus, induxisse. Hodie sic ista modulatio ubique probatur, ut inter omnia Ecclesiæ ministeria tãquam præcipuum maximèque necessarium habeatur, celebreturque. Nulliusque rei tutela maior est ac sumptuosior in sacris ædibus. Nec tantum iis cantionibus vacant inferiorum ordinum clerici, quibus hæc cura olim mandabatur, sed sacerdotes etiam & diaconi, quibus officio cantandi aliquãdo interdixit Gregorius, ne vel hi à pauperum cura, vel illi à doctrina diuina propter hoc psallendi onus auerterentur. Adde quod sicut ex ordine presbyterorum & diaconorum antiquitus creati sunt archipresbyteri & archidiaconi, sic cantorum choro hodie præsidet vnus, præcentor vulgò appellatus, penes quem est auspicatus melodiæ, quod Græci ὑποψαλμωτὴς vocant. Quo in munere plurimum inesse dignitatis creditur, ad eò ut vel archipresbyteris ipsis, nisi fallor, præponi soleant.

o. c. in sancta.
92. dist.

p. e. clerôs. 27.
distinçt.

De scholæ ecclesiasticæ magistris & doctoribus. Cap. 15.

Quauis episcopi officium sit populum in Ecclesia docere, tamen apud Paulum doctores à cæteris Ecclesiæ ministris & pastoribus distinguuntur. Fuerunt enim antiquitus ecclesiasticæ scholæ, ad clericorum & aliorum egentium eruditionem institutæ: quibus scholis præ-

1. Ephe. 4.

ficiebantur magistri, qui nō literas modo sacras, sed Grammaticā etiam & liberales disciplinas docerent. Erat igitur hoc munus à pastoris officio distinctum & separatum. Qua ratione Gregorius episcopum quēdam obiurgat, quod Grammaticam profiteatur *. Et veteris huius consuetudinis in Alexandrina Ecclesia meminit Eusebius † in qua Ecclesia functos eo munere fuisse Pantenum, Origenem, & Achillam viros doctissimos refert *. Idēque de Didymo Alexandrino scribit Rufinus †. Recentioribus vero canonibus statutum est, ut non solum in maioribus seu cathedralibus ecclesiis, sed in cæteris etiam inferioribus magistri, doctoresque liberalium artium iuventutis erudiendæ gratia ab episcopo & collegio ecclesiastico constituantur ‡. Sed inualuit consuetudo, ut ab episcopo, scholarchus quidam omnibus his scholis ecclesiasticis præficiatur, qui magistros deligat, & cætera quæ ad scholarum tutelam necessaria sunt, procuret & exequatur.

r. c. turbat. 37
dist. c. cū mul
t. 86. dist.
f. lib. 5. eccle.
histo. c. 10.
t. lib. 6. c. 3.
lib. 7. c. 29.
v. lib. 11. eccle.
hist. c. 7.

x. c. de quibus
dam. 37. dist.
c. 1. c. quia
nonnulli, de
magist.

De sacris ordinationibus, & cur olim absolute quēquam ordinari vetitum

fit. Cap. 16.

Presbyter, Diaconus, Hypodiaconus, Lector, &c. nomina quondā fuerunt certotum ministeriorum, ac onerū in quaq; ecclesia, nec ullus horum erat qui munus illud suū non exequeretur.

Nam

Nam quia absolutè & sine titulo ordinationes fieri verabantur, certum erat ministerium cuiusque siue presbyteri, siue diaconi, siue lectoris, &c. & cuique certus locus assignabatur, cui velut mancipatus adstrictusque erat. Verba concilij Calchedonenſis hanc prohibētis ordinatio-
 nem hæc sunt, *μηδένα ἀπολειψμένως χηροτονεῖσθαι, μήτε πρεσβύτερον, μήτε διάκονον, μήτε ὅλως τινὰ τῶ ἐν τῷ ἐκκλησιαστικῷ ταύματι, εἰ μὴ ἰδιῶς ἐν ἐκκλησίᾳ πόλεως, ἢ κώμης, ἢ μαρτυρίῳ ἢ μοναστηρίῳ ὁ χηροτονεύμενος ἐπιμερή- ποιητο, &c.* Quæ verba refert Gratianus L X X. dist. vbi possessionis legitur, pro pagi, sed fortassis interpret. τόμης legit, non κώμης. Huic consentaneum est, & quod ibidem ex concilio Placentino recitatur. Sanctorum canonum statutis cō-
 sona sanctione decernimus, vt sine titulo facta ordinatio irrita habeatur, & in qua Ecclesia quis intitulatus est, in ea perpetuò perseueret. Posterioriores verò constitutiones Pontificum huic iuri derogauerunt, quibus constitutum est, vt irrita non sit ordinatio, sed is qui ordinauit, ordinatum si egens sit, interim alere cogatur, dum certus ei titulus assignatus fuerit. Quæ constitutiones confusionem incredibilem & dedecus attulerunt Ecclesiæ. Idque satis prospexerat futurum Iustinianus, vt ex nouel. III. facillè colligitur. Sed ad rem. Quia igitur reditus ferè aliquis, siue, vt loquimur, beneficium cum ministerio coniunctum erat, simul cum ministerio & beneficium ipsum conferebatur. Non aliter

y. gl. c. ult.
66. distin.

b. c. sanctorum.
70. dist.

c. c. 2. c. episcopo
p. u. c. cum secundum de prebend.

d. l. presbyteros. C. de epis. & cleric. e. l. generaliter. C. de epis. & cleric. e. generaliter. 16. q. 1.

ac hodie cū Princeps magistratum creat, annonas & stipendia illi magistratui attributa cōcedere eadem opera intelligitur. Hinc factum est, vt omnes clerici, tutelæ cæterorūque munerum personalium vacationem habeant, ne videlicet ob munera publica à functione ministerioque suo auocentur ^{d.}. Argumento illud est, quòd iis demum hæc vacatio tribuitur qui in ministerio suo occupati sunt ^{e.}. Hodie nec diaconis, nec alijs inferioribus clericis ullus locus est in Ecclesia, vllūmve ministeriū, aut munus quod exequātur. Sed quia priscis canonibus statutum est, vt nemo presbyter ordinetur nisi per omnes gradus inferiores ascenderit, ideò dicis causa; vt ita dicam, gradatim ordinari solent, idq; certo quodam solēnique ritu, vt ad honorem presbyterij, aut quemuis alium sublimiorem capessendum idonei reddantur. Potēstque dici imaginaria hæc ordinatio, quomodo olim imaginaria militia dicebatur sine vllō labore & exercitatione. Presbyteri autem ordinantur certo etiam ritu ac cæremonia, non vt ecclesiam certam regant, certūmve populum, vt olim fiebat, sed vt si fortè contingat eos ad curationem alicuius Ecclesiæ promoueri, ij quasi iam consecrati atque initiati eam suscipere, beneficiōque illi coniuncto frui possint. Ac interim missas passim celebrare eis permittitur, vel gratis, quod perrarō fit, vel accepta ab aliquo leui tenuisque mercede. Itaque Vtropiensēs presbyteri nō insulsē fortassis nec

nec ineptè dici poterūt, vt à germanis illis presbyteris qui certas ecclesias regunt, discernantur. Septem verò huiusmodi ordinationum gradus vulgò esse dicuntur, totidèmq; sacramenta, quanquam de numero controuersia est inter iuris pontificij theologiaeque doctores. Primus est Presbyterorum, Secundus Diaconorum, Tertius Hypodiaconorum, & sic deinceps. Proinde tam onus procurationis Ecclesiae rerumque ecclesiasticarum, quàm emolumentum beneficiumque illi cohærens ab ordinatione moribus nostris ita separatur, vt ordinatio absq; iniuncto onere beneficijque collato fiat *f.* Et hæc quidem verbi significatio hodiè vulgò probatur, nec eam improbare volo. Ego autem latius hoc vocabulum in tota hac disputatione ferè accipio, nempe pro quacunque ad ministerium ecclesiasticum promotione. Et hoc sensu Archiepiscopi, episcopi, archipresbyteri, archidiaconi, præpositi, decani, æconomi, archimandritæ rectè dicuntur ordinari, cum eliguntur, creantur, instituuntur. Estque hæc significatio apud iuris pontificij quoque authores vsitata. Nam & apud veteres Latinos ordinari dicebatur is, qui ad honorem magistratumve aliquem prouehabatur. Tranquillus in Vespas. Quendam è charis ministris dispensationem cuidam quasi fratri petentem cum distulisset, ipsum candidatum ad se vocauit, exactaque pecunia quantam is cum suffragatore suo pepigerat, sine mora ordinauit. Idem in Domiti.

f. c. cū secundum, de præbend.

g. 60. distin. c. 1. 2. 3. c. abbatem. c. nullam. 18. q. 2.

Auditus est certè dum ex eo quærit ecquid sciret, & quid sibi visum esset ordinatione proxima Ægypto præficere Merium Rufum. Hinc consequitur presbyteri duplicem ordinationem esse. Vna est, cum solenni ritu consecratur, & idoneus redditur ad Ecclesiæ gubernationem, quâvis nulla ei Ecclesia tum assignetur quam regere possit. Altera est, cum ei certa Ecclesia committitur regenda, certumque beneficium conferitur sine vlllo ritu, ac cæremonia: etenim verbo ordinationis vtitur Gratianus in vtraque significatione ^b.

b. c. adici-
mus. 16 q. 1.
vide c. pasto-
ralis. 7. q. 1.

De pseudoclericis. Cap. 17.

Diximus in superiori capite veteres canones hodie frigere & negligi, quibus cautum erat ut nemo absolutè clericus ordinaretur. Qua ex re plurimum incommodi, natum est in Ecclesia Christiana. Nam quia nulli certo muneri destinantur qui vulgò ordinari solent, & rasum habere verticem tatis est, vix vllus reperitur, qui ad sacrum illum ordinem non adspiret, ut eius ordinis priuilegiis atque immunitatibus fruatur. Cum autem nemini ferè hæc initiatio negetur ab antistitibus, qui fortassis è re sua credunt esse quamplurimos sibi obstrictos, subiectosque homines habere, nunc perditissimus quisque ac profligatissimæ vitæ in eum ordinem cooptatur, & ad illud veluti impunitatis asylum confugit.

fugit. Quondam ij demùm clerici habebantur, qui munere suo fungebantur in Ecclesia, nec alius quisquam priuilegia istius ordinis sibi vindicare audebat. Sed hodie inualuit ea consuetudo aut corruptio maxima potius, vt ad seueritatem iudiciorum publicorum eludendam, detonsum caput cum antistitis nescio cuius eloquio, id est grauissimorum scelerum impunitatis symbolo quodam, iudicibus ostendere sufficiat. atque hinc fit vt principum atque magistratuum in tanta tamque manifesta indignitate conuiuentiam satis admirari non possim. Sed de hoc genere clericorum, aut pseudoclericorū potius, aliis in locis infra disseremus.

i. not. in c. vlt. de vita. & honest. cler. l. generaliter. C. de episco. & cleric.

De canonicorum collegio. Cap. 18.

De canonicis satis antè dictum videtur ea parte, qua de presbyteris & aliis quibusdam Ecclesiæ ministris disseruimus. Nam canonicorum collegium quod veluti senatus quidam est Ecclesiæ, vt verbis utar Hieronymi⁴, ex his conflatum est. Dicti autem videntur canonici à canone siue regula, quia communem quandam vitæ regulam, instituturūque obseruant, ideòque canonicè viuere dicuntur à Gregorio⁴. Quo sensu l. c. quoniam. 12. q. 1. canonicas quasdam mulieres à Iustiniano dictas m. Nouel 59. arbitror^m. Nam ecclesiarum ministri antiquitus certis se votis obstringebant, ferè non aliter ac monachi, de quibus mox dicturi sumus. Nec

lx. c. Ecclesiæ 16. q. 1.

eorum vitæ ratio à monachorum instituto multum discrepabat. Sed posteaquam horum sodalitorum nonnulla iis vinculis soluta liberatæque sunt: factum est vt cæteri ab imperitis qui vim Græci verbi parum assequebantur, non simpliciter canonici, sed canonici regulares vulgò dicerentur, quasi diuersa esset vtriusque vocis significatio. Quod si quis à canone dictos potius esse contendat, id est. pensione, siue annona quæ ipsis distribuebatur velut pro stipendio & mercede, equidem non repugno. Canonicam enim ordinariamque ac certam pensionem ij tantum accipiebant fortè, qui in id collegium cooptabantur: cæteris Ecclesiæ ministris siue clericis pro cuiusque merito aliquid erogari solebat, ex oblationibus incertis, quæ fiebant in Ecclesia. Nam ea est ferè eius verbi significatio apud veteresⁿ. Vnde videtur & canonica illa portio nomen accepisse, cuius mentio crebra est in iure pōtificio^o. Quauis Innocentius I I I. satis probabiliter canonicam legitimam interpretetur^l. Habent hæc canonicorum collegia suos quosdam præfectos, qui vel præpositi vel decani secundum cuiusque Ecclesiæ consuetudinem dicuntur.

n. l. placet. C.
de sacro. eccl.
l. 1. C. de in-
dict. tit. c. de
cano. fru. en.
urb. Roma.
ex lib. 1^o 1^o
uapōv const.
128.
o. c. ult. de
testa.
p. c. officij de
testa.

De ministris Ecclesiæ qui clerici
non sunt. Cap. 19.

Quidam sunt ministri in ecclesiis, qui laici
atque adeò plebei nonnunquam magis quàm
clerici

clerici cēsentur. Huiusmodi sunt æconomi qui
dispensationem facultatum ecclesiasticarum sub
episcopo habent, quorum meminit sæpe Iusti-
nianus 7. Item syndici siue defensores & apōcri-
fiarii siue responsales, qui causis forensibus no-
mine Ecclesiæ & legationibus dant operam 7.
Hi quoque qui nolarum ænearum pulsatione &
campanæ sonitu conuocant populum, Ecclesiæ
ministrant atque inserviunt. Sed nemo horum
ideo clericus esse intelligitur. Eadem est causa
eorum qui ad ægrotantium curam adhiberi olim
consueuerant, & Parabolani idē fortassis dice-
bantur, quia παράβολον ἔργον, id est, rem periculi ac
discriminis plenam tractabant 8. His annue-
randi sunt & decani de quibus loquitur Theo-
dosius 9. Nam hos in numerum clericorum non
referri satis apertè ostendunt Iustiniani consti-
tutiones quibus eorum officium describitur 10.
Quauis nonnulli decanos pro clericis & cano-
nicis accipiant 11. Sed cur inter clericos non nu-
merantur, dixerit aliquis, sicut ostiarii & acoluthi,
quorum munus non magis spiritale quàm i-
storum esse videtur? Respondeo ostiarios, acolu-
thos, & alios huiusmodi de quibus suprà di-
ctum est, idē clericos cēseri, quia in clerum re-
cipiantur ut aliquanto spiritualia tractent, & pres-
byterorum atque episcoporum officio fungantur:
Sed onus claudendi templi vel aliud simile, ut
interim se exerceant, & ad sacram functionem
se præparent, ipsis iniungitur. Alij verò qui spi-

q. sub. tit. de
sacro. Eccles.
et tit. de epis.
et cler.
7. tit. de Synd.

f. l. placet. C.
de epis. et
de. et l. pa-
rabolani.
et l. nō plures.
l. qui sub præ-
textu. C. de
sacrof. eccl.
v. Nonel. 43.
et 59.
x. Alc. in
dict. ll.
7. glos. in c. 1.
1. q. 3.

ritali administrationi dicari consecratiq[ue] non sunt, quanuis Ecclesiæ inseruiant ac ministrent, inter clericos non sunt habendi. Constitutionibus tamen plerisque cautum est, vt nō nisi ex clericorū cœtu ad tractanda Ecclesiæ negotia quisquam assumatur ^a. Quod ius aliquam vtilitatem habet, si opera quædam sordida seruilique demas, & earum rerum procuracionem quæ ab instituto clericorum abhorrent, cuiusmodi sunt forenses controuersia ^b. Nam laïcorum opera & labore in talibus negotiis vti magis decet. *C. de episco. & cler.*

De monasteriis & monachis, eorūque statu, conuersatione, & instituto. Cap. 20.

Absoluto tractatu de clericis ac ministris Ecclesiæ, optimum iudicauimus & de monachis eorūque officio & instituto aliquid attingere, quandoquidem eius rei cognitio valde vtilis & necessaria est in re beneficiaria. Dicebātur autē olim monachi verbo Græco homines à cæterorum consortio segregati, & quietam tacitamque vitam durissimè & laboriosissimè in montibus, saltibus, ac speluncis degentes, idque certis legibus ac institutis, de quibus mox videbimus, idē & Eremitæ & Anachoretæ, & hesycastæ vocari ^b. Hinc Hieronymus ad Paulinum: Si cupis, inquit, esse quod diceris, monachus, id est, solus, quid facis in verbis,

bibus, quæ utique non sunt solorum habitacula, sed multorum. Et Pelagius Pontifex Romanus de eorum officio differens, hæc tria ipsis attribuit, quietem, orationem & laborem manuum. Labore enim suo monachi olim victum sibi aliisque egenis parabant, ut Chrysostomus, Augustinus, alique veteres tradunt, adeo ut celebretur in ecclesiastica historia cuiusdam monachi apophthegma, Monachus qui non operatur, latroni par iudicandus est. Quapropter Iustinianus, Duabus, inquit, potissimum in rebus operam & diligentiam reponere oportet Monachos, ut aut sacris vacent scripturis, aut quas manuiarias vocare solent artes monachos decentes meditentur exerceantque: siquidem mens inerti otio dedita haudquaquam sanè quicquam bonorum pepererit. Ac illud quidem ex Hieronymi aliorumque scriptis liquet, literis præsertim sacris operam eos dare solitos fuisse, ut non morum probitate vitæque sanctimonia tantum excellerent cæteris, sed etiam doctrina. Itaque mirum videri non debet quod vitam monasticam Iustinianus ut rem sacram ac diuinam tantopere commendat: cum ij non tantum sibi, sed etiam vniuerso generi humano, precibus suis apud Deum, exemplo, doctrina, labore & industria multum prodesse. Non enim natura abhorrebant ab hominum congressu, quod Aristoteles non immerito damnat, tales improbos esse dicens, aut homine præstantiores. Nec

c. c. si c. c.
 pis. 16. q. 1.

d. c. de præfati
 tium. 16. q. 1.

e. tripas.
 histo. lib.
 8. cap. 1.
 f. Nouel.
 133.

g. c. sic vine.
 c. si clericatus,
 16. q. 1.

h. Nouel. 133.

ita ocio dediti erant, more pseudomonachorum nostri temporis, vt nihil in commune conferrent, & se homines esse, id est, ad societatem hominum iuuandā natos non recordarentur. Non ignoro quosdā in eo grege repertos fuisse, quorum superstitio nemini sano probari queat. Nā

m. lib. 4. c. 28. Theodoritus *m* scribit monachum quendam sexaginta annos neque locutum cum vlllo, neque à quoquam conspectum fuisse. Sed rara admodum fuisse hæc prodigia compertum est. Proinde ex monasteriis velut ex quodam seminario, legi & assumi consueuerant ad munera ecclesiastica, qui probatissimæ inter ipsos vitæ & eruditionis habebantur: Vt Augustinus cū alibi sæpe, tum maximè ad Aurelium scribens te-

n. c. nos autē. statatur *n*. In qua quidē promotione & graduum
c. legi. 16. q. 1. ratio habebatur, de quibus antè differuimus *o*:
o. c. monachos. 16. q. 1. & eorum antistitis seu archimandritæ consensus
p. c. monachi. erat necessarius *p*. Et quoties ad ministeria Ec-
c. cum pro vti clesiæ eos vocari contingebat, monasticum in-
litate. 16. q. 1. stitutum officiūque deserere cogeantur, vt
 maiore præstantiorique fungerentur munere:
 quia simul vtrumque obire & exequi non poterant: sicut & clerici cū vitā monasticā amplectebantur, militiam suam, vt ait Gregorius, munusque clerici amittebant *q*. Officiū enim
q. c. nemo. c. clerici est docere & pascere populum, monachus verò, vt ait Hieronymus, non doctoris, sed
p. byteros. c. plangentis habet officiū *r*. Quam ob causam
ne pro cuiuslibet. 16. q. 1. nulli in monasteriis reperiebantur sacerdotes,
r. c. monachus
c. alia. c. hinc
est. 16. q. 1.

aut

aut clerici *f*: sed tanquam cæteri ex populo qui *f. not. c. non est. de regula.*
 laici Græcè dicuntur, ad communem omnium
 ædem sacram, percipiendorum sacramentorum
 causa se conferebant *r*. Quod & Iustinianus sa- *t. Panor. in c. dilectus. de ca pel. mona. v. Nouel. 133.*
 tis apertè ostendit *v*. Sed & sacerdotem accer-
 sebant interdum qui ipsis liturgiæ, quam missam
 vocamus, solennia celebraret, vt à monachis
 Scythi factum aliquando fuisse refert Hierony-
 mus ***. Ac idcirco suberāt tam monachi, quàm *x. c. hinc etiā. 16. q. 1.*
 eorum antistites, Ecclesiæ presbyteris & cleri- *y. not. in dict. c. cū dilectus. a. c. d. subdiacono. 93. dist. c. generaliter. 16. q. 1.*
 cis *r*, ipsisque longè inferiores habebantur *a*.
 Verùm vt hac molestia liberarentur monachi,
 postea cœperunt ex his aliqui in suis monasteriis
 presbyteri ordinari, sed ita vt in cœtu tantum
 suo, sacramenta administrarent, & velut quan-
 dam ecclesiam inter se constituerent, nec ad al-
 ias ecclesias amplius accedere aut alienos pres-
 byteros aduocare cogerentur *b*. Atque ita ratio *b. c. 1. c. peruenit. c. inter dicimus. 16. quast. 1.*
 excogitata est qua idem & presbyteri, id est, pa-
 storis atque doctoris, & monachi officio funge-
 retur sine vlllo, vt videbatur, incommodo. Cu-
 ius instituti mentio est in historia tripartita *c*. *c. lib. 8.*
 Quare cū quidā episcopus prohiberet in cer-
 to monasterio liturgiam celebrari, acriter eo no-
 mine increpauit eum Gregorius *d*. Idēque Bo-
 nifacius fecisse legitur *e*. Hac via patefacta om-
 nes monachi, passim sine vllius Ecclesiæ guber-
 natione sacerdotes creari cœperunt, quanuis ea
 turba monasterio fortassis non ad eò necessaria
 esset, credo vt ea re maiorem sibi dignitatem

conciliarent. Nam vt supra diximus, monachorum ordo gradu clericorum erat inferior. Præterea variis cōstitutionibus postea sancitum est, non idèò monachum ab instituto vitæque monastica recedere posse, quòd in aliena Ecclesia clericus ordinatus sit, non quòd simul cum ecclesiastica procuratione, monastica obire munia viqueque compellatur, quod vtique fieri nequit, sed vt habitum monasticum retineat, cæteraque huiusmodi obseruet, quorum executionem Ecclesiæ ministerium non impedit. Quãuis autem supra dictum sit, monachos in cœtu suo tantum sacramenta administrare, nec populum eos regere posse: tamē si intra monasterium Ecclesia aliqua sit, in eoque populus regi soleat, constitutum est absque eorum consilio presbyterum illi Ecclesiæ ab episcopo præficiendum non esse. Nam verisimile est ibi Ecclesiam initio institutam esse, vt populus fidelis à viris sanctis & eruditis, quales ferè tum monachi erant, priuatim doceri & admoneri commodius posset, tametsi palàm docendi & concionandi ad populum facultatem non haberent, vt antè docuimus. Potest & alia huius constitutionis ratio adduci, sed ea ex his quæ mox dicentur satis elucescet. Fuerunt postea & aliquæ extra monasteria Ecclesiæ, hodièque sunt ita subiectæ & obnoxiaë monasteriis, vt ab ipsis aut certè ipsorum arbitrio & voluntate presbyteri in eis ordinentur atque instituantur, idque accidit, vel quia in mona-

f. c. de monachu. c. hic est. 16. q. 1.

g. cap. 1. de capel. mona.

monasterij prædiis cōstructæ sunt fortassis ædes sacræ, in quas populus sacramentorum causa conuenit: vel quia à dominis prædiorum monasterio id ius postea concessum est, & aliis quibusdam modis, de quibus suo loco differemus^b. Et harum quidem ecclesiarum duo sunt genera: Quædam enim à monachis tantum reguntur, aliæ à quibuscunque aliis sacerdotibus: quia sic ab initio institutum est, vel consuetudine longa introductumⁱ. Ex his perspicuum est quantum iuris & authoritatis monachorum natio in populum & Ecclesias paulatim sibi vindicavit & acquisierit.

De monachorum ~~cap.~~ Cap. 21.

Monachorum variæ ~~professio-~~ professiones sunt, sed eos tantum persequi in animo est, qui ad institutum nostrum conferunt, & ad rem beneficiariam maximè pertinent, cuiusmodi sunt Benedictini, omnium ut fertur, antiquissimi, & qui Canonici regulares vulgò appellantur. Cum primum igitur exoriri cœperunt monachi, idque in Ægypto, congruentem nomini suo vitam, id est, solitariam agebant. Et quanquam statis horis ferè in vnum locum eos conuenire moris esset, tamen simul non commorabantur, sed domunculas sparsim per montes & saltus extructas habebant, vnde non solum monachi, sed etiam Eremitæ & Anachoretæ meritò dice-

h. c. illud. c. cū pastoralis. c. cum sæculū de iure patr. not. i. c. de monachis. de p̄b. c. pastoralis. de donatio. i. c. possessio- nes. de reb. ec cle. nō alie. c. cū de benefic. de præb. in 6. cle. quia regu lars. de sup. neg. pralat.

bantur. Sed postea visum est conducibilis ac decentius in eisdem ædibus eos habitare & viuere, omnia habentes inter se communia, & paupertatis, castitatis obedientiæque votis obstrictos, quàm Timoniano quodam more in speluncis delitescere. Quod & Iustinianus constituit: & concilio Agathen. & Aurelian. confirmatum est. Cœnobita tunc ea loca à communione vitæ, verius quàm monasteria à solitudine appellata sunt. Sed monachi appellationem nihilo secius hi retinuerunt, quòd ea conuersatio nō multum adhuc abesset à solitudine: Et Benedictini sunt appellati, quòd vir sanctimonia clarus Benedictus honestorum inter eos quorūdam institutorum author fuisset. Deinde cum in vrbibus & celebribus locis manentes viri ecclesiastici, horum monachorū vitam & institutum, sequi in animum inducerent excepta solitudine, quia conuersari cum populo & multitudine propter ecclesiasticum ministerium cogebantur, canonicorum regularium nomen aptius eisdem & accommodatius visum est, quàm monachorum. Quod institutum æmulati sunt & alij ministerio nulli ecclesiastico addicti. Nam & nostra patrūq; memoria in plerisque cathedralibus ecclesiis sacerdotes & clerici qui nunc canonici simpliciter & sine adiunctione dicuntur, simul cum episcopo suo huic monasticæ vitæ generi erant addicti: & aliquas huiusmodi ecclesias adhuc superesse existimo. Itaq; dice-

l. c. si clerici
catus. 16. q. 1.
l. Nouel. 133.
m. cap. 38.
n. cap. 18.
o. ca. mona-
cha. 20. q. 4.
p. dict. nouel.
133.

q. not. i. c. cau-
sam quæ, de
iudic.
r. c. si quis 58.
distin. c. quo-
rundam. 84.
distinc. not. in
dict. c. causa
quæ. c. c.
quid Dei ti-
more. de sta-
menacho.

q. not. i. c. cau-
sam quæ, de
iudic.
r. c. si quis 58.
distin. c. quo-
rundam. 84.
distinc. not. in
dict. c. causa
quæ. c. c.
quid Dei ti-
more. de sta-
menacho.

dicebantur non simpliciter vt nūc canonici, sed regulares ab illo peculiari instituto, ac regula quam amplectebantur, & hoc modo discrimen inter eos designabatur, & aliarum ecclesiarum canonicos, qui huiusmodi se votis non alligauerant, idque supra à nobis ostensum est. Hæc ~~scilicet~~ cuius author Augustinus perhibetur cū Hipponensis episcopus esset, latè Christianū orbem peruagata est, aded vt eorum cœnobia hodie, in quibus locis monachorum nomen deletum non est, nusquam non reperiantur. Sed effectū à cæteris monachis differre non videntur: quanuis plerique asserāt in odiosis monachos eos habendos non esse.

f. c. 2. de pot. tul. t. not. in dict. cap. quod Dei timorem. de sta. mona.

De monachorum gradibus & officiis. Cap. 22.

Inter monachos atque eos qui regulares dicuntur, non minus quàm inter clericos, gradus officiorum & administrationū hodie reperiuntur, quorum insigniores & præcipuos cæteris omisiss breuiter hîc perstringemus: Nam sicut clericis cuiusque Ecclesiæ præest episcopus, ita singulis monasteriis præsidet vnus qui à Iustiano & plerisque veterum archimandrita, & cœnobiarcha, à cæteris vulgò Abbas appellatur. Hinc intra monasterij sui septa præfectum quendam, siue vt loquuntur Priorem claustralē constituit: cuius vicaria vtatur opera vigilantiaque in his, quæ ad sodalitatis gubernationem spe-

stant. Et quia plerunque extra monasterium minores aliqui conuentus, & sodalitia monachorum sunt eidem archimandritæ subdita: alij quidam præfecti eò cum libera potestate & auctoritate dimittuntur, quos Priores conuentuales appellant. In quibus autem locis conuentus ille defyderatur, quem verisimile est olim nusquam defuisse, hi præfecti alia atque alia nomina sortiuntur, de quibus hîc non est magnopere laborandum. Omnibus autem non solum præfectis, sed etiam archimandritis præsidet vnus, qui à Iustiniano Exarchus vocatur^v. Ac haud scio an is sit quem ἀρχεσφάτουον vocat Hieronymus ad Pammach. Sed certæ tantum sectæ monachorum hos summos antistites nouerunt^{*}. Et notandum est quauis in plerisq; cœnobiiis & monasteriis hodie votis illis solennibus & religiosis alligari non soleant, de quibus paulò antè diximus, sed more clericorum viuant qui sæculares dicuntur, pristinam tamẽ appellationem adhuc retinent. Quod ideo adieci, ne quem fortè admiratione teneat, cùm in abbatiarum aut prioratuum sæcularium mentionem inciderit.

^v. *Ysaïel. 133.*

^x. *not. in c. ne religiosi. de regul.*

De mendicantium sodalitate. Cap. 23.

Sodales mendicantes ideo à monachis separauimus, quoniã ab eis differre videtur. Monachorum enim propria est solitudo, & secessus quidã à cæterorum hominũ cõsortio: à quo hî multum abhor-

abhorrent, cū palàm docere euāgelium, & ad populum concionari soleant. Itaque fratres sodalēque dictitātur magis quàm monachi. Eisdem tamen votis & aliquanto grauioribus obstringūtur quàm monachi, cū nec singuli, nec vniuersi quicquam proprium habere queant: & votiuam mendicitatem, nedum paupertatem, quæ illius germana est, ut apud Aristophanem Chremylus ait, si minus re, at certè verbis profiteantur. Discrimen autem *πενίας καὶ πτωχίας*, id est, paupertatis & mendiciratis docet Aristophanes: cuius hī sunt versus in Pluto.

y. Panor. in c. causam quæ. de iudici.

d. c. exiit. de verb. signif. in 6.

πτωχῶν μὲν γὰρ βίος, ὅν σὺ λέγεις, ἦν ὅτι μὴδὲν ἔχοντα.
τῶν δὲ πένιτος ἦν φιλόδοξον καὶ τοῖς ἔργοις προσέχοντα.
περγίνεσθαι δ' αὐτῶν μὴδὲν, μὴ μοῖτοι μὴδ' ἐπιλείπειν.

Porrò hī mendicorum cœtus suos habent præfectos, custodes siue observatores, & administratos, tã vniuersales quàm provinciales, per quos velut quædam Respublica inter eos regitur, & administratur exemplo monachorum de quibus iam diximus.

De Monialibus. Cap. 24.

Non solùm viri, sed mulieres etiam apostolorum, Christi tempore ministerio Ecclesiæ addicebantur, ut constat ex epistola Pauli ad Timotheum: Et harum mulierum quæ diaconissæ dicebantur, crebra in iure tum pontificio, tum ci-

uili est mentio: cumque mortem quasdam Ecclesias retinere etiam nunc accepimus. Verum procedente tempore instituta sunt collegia, siue monasteria virginum Deo consecratarum, & solennibus votis obstrictarum, ut de monachis antè dictum est. ~~Quod genus monialium non existimo non noui Ecclesia~~

b. Nouel. 59.

nianus^b. Hæ in singulis parthenonibus suis, suas habent antistitas exemplo monachorum, quibus nihilominus parent quàm monachi archimandritis suis. De his autem aliquot extant constitutiones Iustiniani, quibus vetat ne duplicia monasteria, id est, virorum simul & mulierum vsquam sint, & ut eunuchi in singulis monasteriis constituentur, qui ipsarum negotia gerant^c. Sed quicquid ad harum monialium institutum & vitæ regulam pertinet, Bonifaciana constitutione & Clementina plenius

c. Nouel. 123.

et 133.

d. c. periculo-
so. de sta. reg.
in 6. cle. attē-
dentes. de sta.
mona.

continetur^d.

De sacerdotiis veterum Romanorum ante
Christianismum. Cap. 25.

e. c. clericos. 20.
dist. c. in illis.
80. distin. et
26. q. 3. q. 5.

In iuris pontificij libris mentio reperitur Pontificum, Flaminum, Augurum, aliorumque huiusmodi sacerdotum, qui apud priscos Romanos ante Christianismum in usu fuere^e. Nec veteris illius sacerdotij cum nostro inutilis videtur esse collatio, cum præsertim Latine scribenda ple-

pleraque vocabula inde mutuemur . Itaque de
 eo pauca quædã ex multis hic dicturus sum, quæ
 ad nostrum institutum magis spectare existima-
 ui. Fuerunt autem hæc ferè sacerdotum genera:
 Pontifices, Augures, Flamines, Curiones, Fecia-
 les, Vestales, Salij, Duces celerum, &c. Põtifices
 omnibus sacris ac cæremoniis præerant, & sacer-
 dotum omnium erant maximi ac supremi, id
 quod ostendit Cicero in Orat. pro domo sua, &
 lib. II. de Legib. Huic Pontificum collegio qui
 præerat, Pontifex Maximus dicebatur, cuius
 officium & authoritatem describit Liuius *f. lib. 1.*
 Numa Pompilio loquens his verbis: Omnia pu-
 blica priuatæque sacra Pontificis scitis subiecit,
 vt esset quod consultum plebs veniret, ne quid
 diuini iuris (negligendo patrios ritus, pereгри-
 nõsque asciscendo,) turbaretur. Nec cælestes mo-
 do cæremonias, sed iusta quoque funebria pla-
 candosque manes, vt idem Pontifex edoceret,
 &c. De eorum etiam munere, authoritate, di-
 gnitatẽque plura scribit Halicarnasseus: & nos *g. lib. 2.*
 ex Pandectis iuris ciuilibus quosdam locos obser-
 uauimus, vt cùm dicitur, Pontificem, dum sacra
 facit, in ius vocari nõ posse *b.* Pontificali autho-
 ritate compelli hæredes ad monumentum ædi-
 ficando *i.* Pontificem de religiosis locis con-
 sulendum esse *k.* Pontificem à quibusdam mu-
 neribus non excusari *l.* Sed longè eorum maxi-
 ma authoritas in legum actionibus conspicitur,
 quas scribit Pomponius apud collegium ponti-

*h. l. 2. de in
 ius vocan.*

*i. l. hereditas
 de peti. hare-
 dit.*

*lx. l. vlt. de
 mortuo infer.
 l. l. vlt. de me-
 ne. & hono.*

m. l. 3. de
orig. iur.

„ ficutum fuisse^m. Nam vt Valerius ait, Ius ciuile per
„ multa ſecula inter ſacra cęremoniãſque deorum
„ immortalium abditum, ſoliſque pōtificibus no-
„ tum fuit. Quanta autem huius pontificatus di-
gnatio fuerit, vel hinc æſtimare licet, quòd Im-
peratores Romani, vt auguſtiores eſſent, ferè eo
ſacerdotio fungebantur. Sed cur hi ſummi ſa-
cerdotes ita appellati ſint inter veteres tum Græ-
cos, tum Latinos authores non conuenit. Scæ-
uola, vt refert Varroⁿ, dicebat pontifices dici à
poſſe & facere. Nam verbum facere apud Plau-
tum, Ciceronem, Virgilium, & alios ſcriptores
probatos, pro ſacrificare accipitur, ſicut *ἀπαύρειν*

n. lib. 10. de
ling. Latina.

apud antiquos, vt docet Athenæus^o. Sed
idem Varro à ponte eos dici mauult, quòd ab
eis Sublicius pons factus primum, ac ſæpè reſti-
tutus ſit. Plutarchus in Numa aliam etymolo-
giam adfert. Verùm hanc inueſtigationem, quæ
non eſt inagni vſus, libèter miſſam facimus. Au-
gures qui à Græcis *οἰωνοπόλοι* dicuntur, auſpiciis

p. Cic. lib. 1.
de natura
deorum.

præerant, vt ſacris pontifices^p. Erant enim artis
diuinandi periti, & ſigna à diis miſſa interpreta-
bantur, vt Halicarnaſſeus ait, quãuis ab vna ſpe-
cie, id eſt, ab auium garritu nomen acceperint.
Tantum autem venerationis, & authoritatis eo-
rum collegio acceſſit, vt nihil publicè ſine auſpi-
ciis, nec domi, nec militiæ gereretur^q. Vt non
immeritò ſcribat Cicero^r authoritatem rerum
bene gerendarum augurio contineri. Itaque no-
biliffimis quibuſque & leſtiſſimis ciuitatis Ro-

g. Cic. lib. 1.
de Diuina.
v. in Orat. de
Aruſp.

manæ

manæ viris hoc sacerdotiū deferebatur : eratque
 perpetuum, adeò vt nemo quamlibet flagitiosus
 eo sese abdicare cogeretur *s.* Quanta verò ho- *f. Plutarchus*
 rum Augurum autoritas fuerit in Republica, *in problem.*
 docet Cicero *t.* : cuius hæc verba sunt, Maximū *t. lib. 2. de*
 & præstantissimum in Republica ius est Augu- *Leg.*
 rum, & cum autoritate coniunctum. Neque
 verò hoc, quia sum ipse augur, ita sentio: sed quia
 sic existimare nos est necesse. Quid enim maius
 est, si de iure quærimus, quàm posse à summis
 imperiis, & summis potestatibus, comitatus &
 consilia, vel instituta dimittere, vel habita rescin-
 dere? Quid grauius, quàm rem susceptam diri-
 mi, si vnus Augur alium dixerit? Quid magnifi-
 centius, quàm posse decernere vt magistratu se
 abdicent consules? Quid religiosius, quàm cum
 populo, cum plebe agendi ius aut dare, aut non
 dare? quid leges non iure rogatas tollere? nihil
 domi, nihil militiæ per magistratus gestum sine
 eorum autoritate posse cuiquam probari? Ac
 huius autoritatis memorabile exemplum re- *v. in Marcel.*
 fert Plutarchus, in hanc sententiā: Cùm Au-
 gures comitiis consularibus vitio creatos consu-
 les renunciaissent, cōfestim senatus literis ab ex-
 exercitu eos reuocauit, quatenus deposito consula-
 tu hostibus vt consules bellū non inferrent. Fla-
 minius acceptas literas non antè aperuit, quàm
 collata pugna versisque in fugam Barbaris, in ag-
 grum eorum excursionē fecisset. Redeunti igi-
 tur & multa referenti spolia, non processit ob-

„ uiam populus, quia reuocatus nō continuò mā-
 „ datis paruerat: sed tā is, quā ipſius collega con-
 „ ſulatu ſe abdicare coacti ſunt. Flamines, quos
 Dionyſius Græcè *σεφαινοφώπυς* vocat, diis ſingulis
 x. Cic. lib. 2. erant attributi *, à quibus cognomina habebant,
 de Legib. auctore Varrone: vt flamen Dialiſ, Martialiſ,
 y. lib. 4. de Quirinaliſ, Carmentaliſ, Pomonalis, &c. &
 ling. Latina. quia inter Deos qui colebantur, aliquod discrimen erat, non omnium flaminum par erat dignitas, vt Feſtus ait. Proinde iſ qui ſacra Ioui faciebat, id eſt, Dialiſ, maximæ dignationiſ habebatur, de quo multa annotauit Gellius. Maiorum minorūque flaminum meminit Feſtus, & archiflaminum Gratianus in rhapsodia ſua. Sed & flaminicarum, id eſt, mulierum, quæ hoc ſacerdotio ſicut viri fungebantur, mentionem apud veteres quoque comperimus. Verū omnia ſigillatim hīc perſequi ab inſtituto noſtro eſt alienum, qui hæc veluti *παρεργα* quædam breuiter perſtringere voluimus. Curiones ſinguliſ erant aſcripti curiis, quæ numero xxx. erant Romæ, vt Dionyſius ſcribit, & pro curialibuſ ſacra faciebant. Horum verò nec genus ſacrificandi, nec inſignia deſcribuntur ab eodem, quibuſ rebus maximè à Flaminibuſ differebant. Illud ex Feſto didicimus, quod minimè prætereundum hīc eſt, Curionem maximum à veteribuſ eum dici, cuiuſ authoritate curiæ, & curiones omnes regebantur. Huiuſque meminit præter Lir. 4. lib. 4. ad-
 ner. gent. „ uium & alioſ veteres Arnobiuſ: Sedēt inquit, in

in spectaculis publicis sacerdotū omnium, magistratuumque collegia, Pontifices maximi, & maximi Curiones, sedēt quindecim viri laureati, & Diales cum apicibus Flamines, sedent aures interpretes diuinæ mentis & voluntatis, necnon & castæ virgines perpetui nutrices & conseruatrices ignis. Quem locum idē hīc referre volui, quia sacerdotiorum Romanorum breuem descriptionem continet. Fecialiū, quos *εἰσθευοδίους* appellat Dionysius, collegiū belli causa institutum fuit: Cū enim religiosus vir, ac quietis publicæ studiosus Numa animaduertēret bellū, quod absque iusta causa infertur, nihil aliud, quā latrocinium esse, totam eam rem ex arbitrio sacerdotum ac religiosorum hominum pendere voluit. Non enim licebat Romæ bellum mouere, nisi cognita causa feciales id iustū esse pronuntiaissent. Itaque fœlicitatem & successum Romanorum in bello, huic instituto & religioni quidam ascribere non dubitauerunt. Quānam autem fuerit horum fecialium auctoritas, & qui ritus præter eundem Dionysium Plutarchus docet in Numa. Vestales erant virgines, quæ Vestæ deæ sacra faciebant, & sacrum ac sempiternum custodiebant ignem: de quarū institutione, ritu, coopratione, castitate videnda sunt quæ Dionysius, Plutarchus, Gellius, & quidam alij memoriæ prodiderunt. Hæc enim, quæ vulgaria sunt & protrita accuratius hīc describere nostri ratio non sinit. Præter

hos sacerdotes, commemorantur & Salij, qui Marti sacra facientes choreis & saltationibus dabant operam, ὑμνισταὶ τῶν ὁσπελίων θεῶν, vt Dionysius ait. Erant & duces Celerum, qui tametsi milites essent & regum custodes: tamen stata quædam solenniâque sacrificia celebrabât nec vlllos alios commemorat Dionysius, diligentissimè omnia persecutus sacerdotia, quæ à Numa instituta fuerunt. Ait enim leges sacrorum Numam ita libro vno complexum fuisse, vt tota ea descriptione in octo partes distributa, de singulis sacerdotiis, quorum erant totidem genera, separatim differeret. Reperitur tamen aliorum apud authores sacerdotum mentio, cuiusmodi sunt Fratres aruales, Rex sacrificulus, duumviri & decemviri sacrorum Galli, Epulones, & qui Titij sodales dicuntur. Quorum sacerdotiorum explicatio, & cognitio ex Tito Livio & aliis veteribus petenda est. Extrat & Pomp. Læti non inutilis ea de re libellus. Quod verò titulo Fenestellæ circumfertur eiusdem argumenti opusculum, recentissimi scriptoris esse nemo dubitat, qui alicuius sit in re literaria iudicij. Vnum supradictis adiiciendum est, quod à cæteris prætermisum esse miror, priscos Romanos non modò sacerdotes habuisse, qui Diis sacra facerent: sed etiam ministros quosdam sacrorum ac sacerdotum iis non absimiles, quos in sacris nostris Diaconos appellamus. Eòsque Camillos tū dictos fuisse testes sunt Dionysius^b, Plutarchus^c, Festus & Seruius,

b. lib. 2.

c. in Numa.

Seruius , cum plerisque aliis . Et hactenus de sacerdotiis vrbis Romæ , quibus similia quædam in prouinciis atque municipiis fuisse dubium non est , quorum in iure ciuili crebra est mentio ^{d.} . Nam Phœniciarchia , & Syriarchia in constitutione quadam Impe. Constantini , nomina sunt prouincialium sacerdotiorum ^{e.} ;

& Martianus ^{f.} verat Flaminî municipali & sacerdoti prouinciæ ne vxorem ducat ancillam , scenicam , tabernariam , & cæt.

*d. l. i. ad l.
Iul. de am. l.
in honorib. de
vac. mun.
e. l. i. C. de
nat. lib.
f. tit. de mat.
Senat.*

G



LIBER SECVNDVS
DE ORIGINE, DIFFI-
NITIONE AC DIVISIONE
beneficiorum.

ARGVMENTVM.

Superiore libro de ministeriis officiisque ecclesiasticis, propter quæ beneficia conferuntur, satis copiose disputatum fuit: iam de beneficiis ipsis tractandum est, & ab origine eorundem diffinitionibusque ac divisionibus incipiendum.

*De facultatibus Ecclesiæ, earumque origine
& processu. Cap. I.*



VT BONORVM, quæ Ecclesia possidet, origo, finis & vsus rectius intelligatur, à Christi vsque ac legatorum eius siue apostolorum temporibus repetenda est nostra oratio. Ac imprimis constat ex sacra historia Christum facultates aliquas, quanuis pertenuēs habuisse: nec ita vixisse eum, vt nihil proprium obtinens medicare cogeretur, quod nonnulli asserere non dubitarunt
ali-

aliquando, sed meritò eorum opinio damnata est ^a. Mendicitas namque in valétibus & otiosis res est minimè toleranda, & furti speciem habet ^b. Oblatam enim sibi pecuniam, aut quocunque modo quæsitam Christus diligenter custodire solitus fuit; ex qua victum vestitumque tam sibi quàm sectatoribus & comitibus suis cõpararet ^c. Hinc Augustinus, Habebat dominus oculos à fidelib. oblata conseruans & suorum, necessitatibus, & aliis indigentibus tribuebat. Tunc primùm ecclesiasticæ pecuniæ forma est instituta, & vt intelligeremus quod præcipit nõ esse cogitandum de crastino, non ad hoc fuisse præceptum, vt nihil pecuniæ seruetur à sanctis, sed ne Deo propter ista seruiatur, & propter inopiæ timorẽ iustitia deferatur ^d. Mortuo atque sublato in cælum Christo, apostoli discipulique & cultores eiusdem non mediocrem pecuniæ vim possedisse leguntur, adeò vt quanuis ingens esset eorum numerus, tamèn nemo inter eos egens reperiretur. Nam vt scribit Lucas de fidelibus Christianis, qui tunc Hierosolymis erant: Multitudinis credentium erat cor vnum & anima vna, nec quisquam eorum quæ possidebat, aliquid suum esse dicebat, sed erant illis omnia communia. Et quotquot erant possessores agrorum aut domorum, vendentes afferebāt pretia, & ponebant ante pedes apostolorum, diuidebāturque singulis, prout cuique opus erat. Eadem referuntur à Clemète, qui illis temporibus fuisse

a. c. 4. §. de verbo. sign. in extra. Ioan.

22.

b. C. de mēd.

val. & in att

th. de quæsto.

c. Ioan. 13.

d. c. habebat

12. q. 1.

2. c. dilectis.

12. q. 1.

f. c. futuram.

12. q. 1.

creditur in epistola, qua fratres & condiscipulos suos ad bonorum communicationem hortatur & incitat *. Quodd autem ex prædiorum vèdicatione pecuniam cōficere maluerint, quàm ea retinere, & ex eorum fructibus se ipsos alere, Melchiades id factum idèd scribit, quia cùm futuram Ecclesiam in gentibus viderent, prædia possessionesque adipisci in Iudæa vrile non putauerunt f. Sed notandum est eos ad communicationem bonorum neminem inuitum compulisse, quodd satis intelligerent eam à Christo non fuisse præceptam, & proprietatē distinctionemque dominiorum, quæ consensu hominum naturalem rationem sequentium recepta est, iuri diuino Christianæque religioni repugnantem non esse: ea siquidem est hominum corruptio & improbitas, vt societas humana cōmodè retineri & conseruari nequeat, si quis Platoniam communionem inter homines indiscriminatim constituere velit: Si qui tamen mutuo illo affectu & charitate, quam nobis vnice commēdauit præcepitque Christus, cōstantissimè ita ducantur, vt vtrò nō modò facultates, sed operā quoque suam, laborem, industriam bona fide & citra fraudem vllam in commune conferant, non dubito quin vita eorum in hac æquabilitate & communicatione rerum omnium, & iucundissima, & fœlicissima futura sit. Scire enim à veteribus illud dictum est, si quis id ciuiliter interpretari magis quàm calumniari velit: Quietissime

me victuros homines si hæc duo verba Meum
 & Tuum de medio tollerentur. Quod & sensit
 haud dubiè Clemens in epistola, cuius paulò an-
 tè meminimus *g. gl. in d. c. dilectissimus.* Idè autem proprietas & di-
 stinctio dominiorum probatur iure gētium, cui
 religio nostra minimè refragatur, quia obtineri
 ab hominibus non posse creditur in tantis eo-
 rum viriis, vt sine fraude & discordia in ea com-
 muniōne perseverent. Proinde cū Ananias
 agri venditi pretium retinisset, parte tātum ad
 Apostolos delata, Petrus eo nomine illum non
 damnauit, sed quod dolo, simulatione ac men-
 dacio vsus esset. Anania, inquit, cur impleuit Sa-
 thanas cor tuum, vt mentireris spiritui sancto, &
 fraudares de pretio agri? Nōne prorsus tibi ma-
 nebat, & vñundatus erat in tua potestate *h. Act. 5.*
 Hæc omnia satis demonstrant, qualis fuerit sta-
 tus atque vsus bonorum Ecclesiæ, tempore apo-
 stolorum: Post eorum verò tempora, cū viderent
 sacerdotes & lauitæ, & reliqui fideles per
 vniuersum orbem dispersi, vtilius fore si hæredi-
 tates & agros, quos vendebant, ecclesiis quibus
 præsidebant episcopi, traderēt, eò quòd ex sum-
 ptibus eorū, tam præsentibus quàm futuris tem-
 poribus plura & elegantiora ministrare possent
 fidelibus communem vitam ducentibus, quàm
 ex pretio ipsorum, cœperunt prædia & agros
 quos vendere solebant, matricibus ecclesiis tra-
 dere, & ex sumptibus eorum viuere. Hæc toti-
 dem ferè verbis ex Urbano transcripsimus *i. c. videntes. 12. q. 1.*

quo id quoque decretum fuisse scribunt Platina & quidam alij eum secuti, vt sacerdotibus liceret prædia ac fundos à cultoribus religionis oblatos recipere. Sed falluntur illi meo quidem iudicio, cùm inter Urbani decreta, quæ extant, excepto eo quod recitauimus, nihil reperiatur quod ad hanc rem pertineat. Ex eo igitur tempore certatim vnusquisque pius & fidelis prædia possessionesque dabat Ecclesiæ: ex quorum fructibus non ministri tantùm, sed quicunq; etiam alij egentes alerentur. Et hinc perspicuum est, quod & supra admonuimus, veteres Christianæ religionis cultores non ita paupertatem affectasse, vt opes nullas sibi parare atque asseruare vellent, quanuis Imperator Iulianus inde ansam arripuerit ecclesias fortunis suis spoliandi. Ecclesiarum enim bona auferens dicebat maximo se beneficio Christianos afficere, nimirum vt pauperes facti citius regnum cælorum intrarent. Qua arte in philosophos quoque nostri iuris authores vsos fuisse aliquando animaduerti^l. Ac præ cæteris Constantini celebratur liberalitas in Ecclesiam^m. Et extat eiusdem constitutio in codice Iustiniani, qua permittit vnicuique bona sua Ecclesiæ relinquere. Licinia quoque diues & potens matrona, bona sua Ecclesiæ Romanæ testamento reliquit, Marcello sedente, vt scriptores ecclesiastici literis prodiderunt. Sed nulli plus contulerunt Ecclesiæ Romanæ, nec magis potentiam eius auxerunt, quàm Pippinus,

l. l. in honorib. de vac. mun.

m. c. Constantinus. 96. distin. c. futuræ. 12. q. 1. Tripert. lib. 1. c. 9.

pinus, Carolus, & Ludouicus Francorum reges. Quid ingentia hîc commemorem beneficia in cæteras totius orbis ecclesias vndique à piis hominibus collata, cùm iustum volumê descriptio eius rei desyderet? Quale illud est quod de Hilario Arelatenſi episcopo Prosper memoriæ mādauit, nempe eum acceptis fidelium numerosis hæreditatibus, ecclesiam mirum in modum locupletasse, ex quo de cæteris cōiectura fieri potest. Ac præter eos redditus, præterque decimam partem, non modò fructuum, sed etiam negotiationis, quæstus & lucri, de qua mox differemus, & alias quasdam largitiones, quotidie in sacro ipso conuentu fiebant oblationes ad altare. Vt mirum non sit, quod nunc omnibus testatum & manifestum est, opes Ecclesiæ in immensum excreuisse. De oblationibus Ecclesiæ Romanæ loquitur Marcellinus *P*: cuius verba quia huius tractatus nostri loca etiam alia quædam illustrant, hîc subiicere volui: Damasus, inquit, & Vrsicinus supra modum humanum, ad rapiendam episcopalem sedem ardentes, scissis studiis asperrimè conflictabantur, adusque mortis vulnerumque discrimina adiumentis vtriusque progressis, quæ nec corrigere sufficiens Viuentius, nec mollire, vi magna coactus secessit in suburbanum, & in concertatione superauerat Damasus, parte, quæ ei fauebat, instante. Constatque in basilica Sicenini, vbi ritus Christiani est conuenticulum vno die centum triginta

n. c. expedit.

12. q. 1.

*o. Theodor.
lib. 5. c. 18. c.
omnis. de con
secr. dist. 1.
p. lib. 27.*

„ septem cadauera reperta, petemptorum, cfferat-
 „ tàmque diu plebem, agrè postea delinitam. Ne-
 „ que ego abnuo, ostentationem rerum consyde-
 „ rans vrbanaum, huius rei cupidos ob impetra-
 „ dum quod appetūt, omni contentione laterum
 „ iurgari debere, cū id adepti, futuri sint ita secu-
 „ ri, vt ditentur oblationibus matronarum, proce-
 „ dantque vehiculis insidentes, circumspectè ve-
 „ stiti, epulas curantes profusas, aded vt eorum
 „ conuiuia regales superent mensas, qui esse pote-
 „ rant beati reuera, si magnitudine vrbis despecta,
 „ quam vitiis opponunt, ad imitationem antisti-
 „ tum quorundam provincialium viuerent, quos
 „ tenuitas edendi potandique parcissimè, vilitas
 „ etiam indumentorum, & supercilia humum
 „ spectantia perpetuò, numini verisque eius cul-
 „ toribus vt puros commendant & verecundos.

Omnes autem huiusmodi obuentiones, redi-
 tus ac oblationes in sua potestate habebat epi-
 scopus, vt præcipiunt canones apostolorum 9.
 Sed ita tamen vt eas res non dispensaret ipse ac
 administraret, sed diaconis, hypodiaconis, æco-
 nomis ac defensoribus earum dispensationem
 distributionemque committeret, qui rationem
 postea totius administrationis suæ ipsi redderēt
 Fiebātque hæc distributio clericis & ministris
 ecclesiarum, quorum erat vt plurimum com-
 munis vita & cōuersatio, quāuis ad eam com-
 munionē inuiti nequaquā cogerētur. Sed præ-
 cipuum locum in hac largitione meritò tenebāt

pau-

q. c. præcipi-
 mus 12. q. 1. c.
 peruenit. 15.
 q. 7.
 r. c. episcopus
 12. q. 1. c. vo-
 bis. 12. q. 2.
 f. d. c. peruenit
 t. c. quia tua.
 c. scimus. c. no
 lo. c. nō dica-
 tis. 12. q. 1.
 v. c. certe. 12.
 q. 1.

pauperes, quorum ingentem numerum alere solebat Ecclesia. Nec enim vlla res vnquam maiori curæ priscis Christianis fuit, quàm pauperum sustentatio, vt plerisque in locis testatur Eusebius. Ac tot tantæque opes eo potissimum consilio in ecclesiâ conferebantur, vt inde nutrentur pauperes, cæque cura mandabatur episcopis, quòd eorum erga pauperes studium omnibus perspectum esset^a. Quare bona Ecclesiæ passim in veteribus canonibus dicuntur patrimonia pauperum⁷. Qua ratione Augustinus eos qui decimas Ecclesiæ non persoluunt, tot homicidiorum reos futuros ait, quot pauperes fame mortui fuerint, quia rem à Deo pauperibus delegatam suis vsibus referuent^a. Proferre hîc possem & alia præclara veterum dicta in hanc sententiam, sed aliquot præcipua tantum referam. Nam omnia persequi infinitum esset. Ambrosius, Aurum Ecclesia habet, non vt seruet, sed vt eroget, & subueniat in necessitatibus. Quid est opus custodire quod nihil adiuvat? An ignoramus quantum auri atque argenti de templo domini, Assyrij sustulerunt? Nõne melius constat sacerdos pro alimonia pauperum, si aliqua subsidia defunt, quàm si sacrilegus contaminat & asportat hostis? Nõne dicturus est dominus, Cur passus es tot inopēs fame mori? certè habebas aurum vnde ministrasses alimoniam, &c.^b. Hieronymus ad Nepot. Gloria episcopi est pauperum opibus prouidere. Ignominia sa-

x. l. i. C. de
episc. aud.
y. c. quia iux-
ta. 16. q. 1.

a. c. decima.
16. q. 1.

b. c. aurum.
12. q. 2.

cerdotis est propriis studere diuitiis. Idé, Amico rapere quidpiam furtum est, ecclesiam fraudare sacrilegium est: accepisse pauperibus erogandum, & esurientibus plurimis illud reservare, vel cautum, vel timidum est, aut quod apertissimi sceleris est, exinde aliquid subtrahere, omnium prædonum crudelitatem superat. Idem, Clericos autem illos conuenit Ecclesiæ stipendiis sustentari, quibus parentum & amicorum nulla suffragantur stipendia. Qui autem bonis parentum & opibus sustentari possunt, si quod pauperum est accipiunt, sacrilegium profecto incurrunt & committunt. Ex his apparet dispensationem facultatum ecclesiasticarum episcoporum arbitrio commissam fuisse. Verum ob cupiditatem quorundam parum rectè ac sincerè administrantium, canones veteres modum rationemque dispensandi ipsis præscripserunt, nempe ut quatuor partes tam oblationum quàm aliarum quarumcunque obuentionum fiant: quarum vna pauperibus distribuatur: altera clericis: tertia in ædificatione templi impendatur: quartam episcopus retineat hospitalitatis exercendæ causa. Sed ut est rerum humanarum conditio in eodem statu nunquam permanentium, hæc communium rerum distributio ad extremum antiquata prorsus & sublata est, ac singulis ministeriis certi redditus adiuncti & assignati, quibus ministri tanquam re propria fruuntur: cõsque ipsi arbitrio suo dispēscent atque administrēt
sine

c. c. gloria. 12.

g. 2.

d. 16. q. 1. c.

vlt.

c. c. vobis. c.

ueterana. c.

cõcesso. c. qua-

tuor. & sequē-

tibus. 12. q. 2.

c. præfulm.

16. q. 3.

sine vllius aut diaconi opera , aut episcopi auctoritate : & hos redditus ministeriis attributos hodie vulgò Beneficia appellamus : cuius verbi significatio & origo plenius infrà discutietur. Quam partem abstulerint pauperes in hoc , vt ita dicam , familiæ herciscundæ iudicio , mihi nondum planè compertum est, tametsi quid ipsis hîc acciderit, & quàm humaniter accepti sint, satis suspicor . Sed hac de re aliàs erit opportunior dicendi locus,

De vulgari diuisione bonorum ecclesiasticorum
in temporalia & spiritalia. Cap. 2.

Bonorum ecclesiasticorum quædam temporalia dicuntur : alia verò spiritalia . Temporalia vocant prædia illa & possessiones , quæ ex principum aliorumque liberalitate obuenerunt. Spiritalia, decimas & alia id genus, quæ à fidelibus, Ecclesiæ offeruntur. Nam decimas primitiâsque, aut quæ loco primitiarum offerri solent, arbitrâtur iuris pontificij doctores diuino iure sacerdotum & Ecclesiæ ministrorum esse, quodd lex Moysaica eas exolui præcipiat . Itaque res diuinæ dicuntur, quodd eas vnus Dei benigne nati, non cuiusquam hominis munificentiae acceptas referamus . Sacra verò & spiritalia , quodd huiusmodi oblationes Deo præcipuè consecrentur , & animæ spirituique nostro maximè existimentur cōferre . Reliquæ autem possessiones , quas non à

Deo, sed ab hominibus accepit Ecclesia, prophana omniſque religione puræ habentur, ideoque temporales vulgò appellatæ ſunt. Nam quæ diuina ſunt ac ſpiritualia, eadem perpetua eſſe & nūquam interitura creduntur: cætera omnia caduca, fluxa & temporaria. Hinc ea videtur fluxiſſe appellatio: Sed vt ingenuè dicam quod ſentio, diuina & ſacra aliquāto rectius & ſignificantius appellari poſſe mihi videntur, quæ ſpiritualia vocant, vt nō incommodè ſic efferatur diuiſio. Bonorum eccleſiaſticorum quædam diuina ſacræque ſunt: alia humana ac prophana. Huius ergo diuiſionis, quam iuris pontificij conſulti probāt, fundamentum eſt lex Moſaïca: de quo quid ſentiendum ſit, viderint alij. Certè ſi Thomæ aliorūq; theologorum opinionem ſequamur, verè ut conſiſtere poſſit ſ. Exiſtimāt enim illi decimas non idcirco deberi ſacerdotibus, quòd lege Moſaïca id præcipiatur, cū ea lege non aſtringamur, niſi quatenus præceptum aliquod morale iurisque naturalis continet &. Naturalis enim lex, quam, vt Paulus ait, gentes habēt ſcriptam in cordibus ſuis, nunquam abrogatur, Itaque quanuis, honeſtum piūque ſit, ac iuri naturæ conſentaneum, quo benemerentes de nobis remunerari iubemur, miniſtros Eccleſiæ & paſtores alere ac fouere. Determinatio tamen certæ quantitatis eo nomine præſtandæ, putà octauæ vel decimæ partis bonorum, &c. non tam iuris naturalis eſt, quàm Moſaïci, id eſt, quod
Deus

*f. not. in c. in
aliquibus de
decim.*

*g. c. translato,
de conſtit.*

Deus per Moſem Iudæis tantùm , non etiam alijs gentibus & populis ad tēpus conſtituit. Quæ ſententia ſi vera eſt, equidem non video cur potius decimæ, quàm alij redditus Eccleſiæ , ſive diuini, ſive ſpirituales dici debeant. Verùm utcunque theologi ſuam tueantur ſententiam, inficiari nemo poterit, vetuſtiſſimam eſſe conſuetudinem de ſoluēdis decimis in Eccleſia, quam ſanctiſſimi & doctiſſimi quique veterum maximè comprobarunt atque commendarunt ^b.

h. c. reuertimini. c. decima. 16. q. 1.

Vnde dicatur beneficium. Cap. 3.

De origine facultatum eccleſiaſticarum admirabilique earum incremento, & ut poſſeſſiones omnes ac redditus, qui antè communes erāt, diuiſi ſint, & certis miniſteriis assignati, ſatis demonſtraſſe videmur ſuperiori capite. Cur autem Beneficium appelletur certa illa reddituum portio, quæ cuique miniſterio obigit, vidēdum eſt. Nam plerique hanc vocem ut barbaram omnino & ineptam refugiunt, & ſacerdotia malunt quam beneficia hos redditus appellare. Verùm, niſi fallor, ſacerdotium pro munere ac dignitate magis quàm pro redditu aut obuentione accipi videtur apud Latinos authores. Et conſtat hæc ſacra ſtipendia non tantùm ſacerdotibus, ſed alijs etiam miniſtris cōcedi. Animaduertendum igitur eſt, moris fuiſſe veteribus prædia quædam ac poſſeſſiones militibus tribuere, ut hoc bene-

i. C. de fund.
limitro.

l. lib. I.

ficio deuincti animosiores ad Remp. tutandam redderentur. Id factum ab Alexandro Seuero testis est Lampridius, quem & alij imperatores ante Iustinianū secuti sunt, vt ex eorum constitutionibus apparetⁱ. Meminit & prædiorum huiuscemodi militarium Constātinus quidam imperator apud Harmenopulumⁱ, eaque *ερασιωτικά κτήματα*, & *ερασιωτικούς τόπους* vocat. Quibus perquam affinia sunt ea, quæ ob fidem & obsequium fruenda conceduntur, moribus non Longobardorum modò, à quibus hoc prædiorum fruentorum genus manasse ad nos videtur, sed etiam nostris, & omniū propè totius Europæ populorum ac gentium. Et hæc quidem prædia nō ineptè beneficia à quibusdam appellata sunt: & beneficiarij qui ea possident. Nam & beneficiariorum militum mentio est apud Cæsarem in Comment. sensu haud omnino dissimili, & apud plerosque alios authores, quorum pura Latinaque est oratio. Hunc verò morem qui in rebus prophanis receptus erat, imitati sunt ecclesiastici viri, & prædia possessionesque ob ministeriū Ecclesiæ singulis ministris adscriptas Beneficia vocauerunt, (quæ vtinam beneficia plerisque hodie non sint) quia post eam, de qua iam diximus, diuisionem hi redditus ecclesiastici magnam cum illis militaribus prophanisque beneficiis affinitatē habere credebantur, id quod alio in loco ostensurus sum. Itaque non tantum de ministeriis, sed etiam de beneficiis ecclesiasticis
hoc

hoc nostrum *σύνταγμα* inscribere voluimus, vt vererem simul & nouam loquendi cōsuetudinem in Ecclesia titulus indicaret. Nam ita hoc argumentum apud veteres tractatum offendimus, vt ministerij ferè mentio fiat, non prouētus aut stipendij alicuius. At postquam honos non onus affectari cœpit, & quæstus est habita ratio magis quàm muneris atque officij, vnà cum moribus hominum mutata est loquendi ratio. Vt exempli gratia: solebant ita disputare antiquiores, vt quærerent, quis Ecclesię ministrum ordinare, & quis ordinari deberet. Recentiorum verò quæstiones hæ sunt vulgò vsitatæ, quis beneficium conferre, cui conferri possit, &c. Quod igitur primarium ac præcipuū meritò habebatur quōdam, id nunc accessionis cuiusdam locum vix obtinet. qua in re tanta est indignitas, vt eam dissimulare nemo bonus possit. Nam si Plinius suo tempore conquestus est ex gemmis confici vasa in quibus aurum, accessio esset, cū gemmæ vasis aureis accedere soleant, quanto iustior hac de re futura est bonorum virorum querela? Hoc autem idedò hīc adiicere volui, vt ostenderem veteres canones de ministeriis loquentes, quanuis ætatem, vt ita dixerim, non ferant, & magna ex parte antiquati sint, tamē ad hanc disputationem de beneficiis plerūque trahi posse. Hinc natæ sunt illæ theses: Qui potest ordinare, potest beneficium conferre. Qui potest ordinari, potest beneficium capere, & contra: Qui non

m. glos. c. si eo
tempore de re
script. in. 6.
glo. c. de his.
28. distin.

potest ordinare, non potest beneficium conferre. Qui non potest ordinari, non potest beneficium capere^m. Ordinationem verò hîc latè accipimus, pro quacunque ad sacrum ministerium aliquod, aut munus ecclesiasticum promotione, vt ante explicatum fuit.

Quid sit beneficium, beneficij ecclesiastici dominium, vsus fructusque cuius sit, & an pensiones annuæ atque hospitalia, beneficij appellatione continentur, . Cap. 4.

Explicatio verborum qua iam vsi sumus, sufficere posse videtur iis qui simplicitatem amant in iuris interpretatione, attamen vt iis quoque faciamus satis qui hac simplicitate non contenti subtiliorem & accuratiore interpretationem requirunt, trademus definitionem beneficij, nō perfectam quidem illam fortassis, & omnibus Dialecticæ legibus inseruientem, sed quæ quantum rei natura patitur, ab earum legum præscripto non longè recedat. Sit igitur hæc definitio: Beneficiū est res ecclesiastica, quæ sacerdoti vel clerico ob sacrum ministerium vtenda imperpetuum concedatur. Cuius definitionis singula verba ἀναθέσπον, vt dicitur καὶ ἀσχετόσπον hîc explicanda sunt. Ac imprimis dicitur res, quoniam non ministerium ipsum siue officium, sed commodum potius inde proueniens beneficium appellatur.

pellatur. Proinde is qui dignitate ecclesiastica ornatus est sine redditu ac prouentu, cuiusmodi sunt Archidiaconi quidam, quos imaginarios & honorarios vocare soleo, is beneficiarius dicendus non est. Dicitur ecclesiastica, quod ea bona Deo & Ecclesie dicata consecrataque sint, ex quibus huiusmodi redditus constant. Dicitur *n. c. res Eccle- sue. 1. q. 3.* Sacerdoti, &c. quoniam si quid fruendum concedi soleat laicis hominibus ex bonis Ecclesie, quales sunt ij de quibus diximus X. I. X. capite primi libri, id beneficium proprie non dicitur. Dicitur ob sacrum ministerium, quia sicut beneficia militaria ac prophana militibus ac prophanis hominibus ob fidem & obsequium dantur, ita hæc sacra beneficia, Deo consecratis ob sacram spiritalemque functionem conceduntur. Itaque hæc beneficia sacra spiritaliaque quodammodo esse dicuntur, quia tamen si prouentus sacri non sint, sed prophani; tamen sacro ita coherent muneri, ut separationem non recipiant. *o. c. 1. c. si quis obiecerit. 1. q. 3. c. ad nostram de simo. c. ult. de rescr. in 6.* Nec ulli conceduntur, qui ad munus illud ob-eundum idoneus non sit, puta sacerdoti aut clerico, ut iam dixi. Nam licet ostiarij, aut acoluthi munus, prophanium fortè quibusdam videri possit: quia sacræ ædis ostia claudere, & alia id genus exequi etiam laicus potest, idque nos quotidie fieri videmus, & experimur, tamen considerandum est, quod supra admonuimus, clericos eos dici, qui sacris initiati sunt, & ad sacram functionem delecti ac destinati, sed in leuioribus

muneribus institutionis cuiusdam causa adhuc occupantur & exercentur, nec eis assignatur potissimum redditus ecclesiastici, ut ostia claudant, sed ut interim alantur ac instituuntur, & sacerdotum episcoporumque perpetuum extet seminarium. Proinde annonæ siue præbendæ ecclesiasticæ laicis hominibus & in canonicorum collegium minimè coopratæ solitæ concedi ob notarum ænearum pulsationem, aut aliud huic simile ministerium, beneficia ecclesiastica propriè non dicuntur, sed abusuè, & latissima significatione. Spiritualia autem officia quæ sint, facile ex his quæ diximus in superiore libro, perspicui potest, veluti doctrina Euangelij, administratio sacramentorum, ordinatio ministrorum Ecclesiæ, excommunicatio, absolutio, dedicatio ecclesiarum, & alia id genus quæ episcoporum, presbyterorum, & diaconorum propria sunt. Et quoties dubitatur an redditus, de quibus hic loquimur, ad spiritale sacrumque ministerium constituti destinatiq; sint, necne: quia facti questio est magis quam iuris, vulgò traditum est ad signa, notas & coniecturas recurrendum esse. Itaque si basilica siue ædes sacra, altare, tintinabula, cœnæterium, & alia id genus, in eo de quo quaeritur loco, reperiantur, sacrum ac spiritale beneficium esse iudicabimus, nisi contrariū appareat. Dicitur Utenda: quia dominium & proprietas clericorum non est, sed quàm diu vivunt, & munere suo funguntur, fructibus perceptis

p. not. in c. cū
M. de Const.
Et in c. dile-
cto. de præb.

q. Sel. i. par.
9.7.

cap. 7. l. 3. c.
v. l. 1. c. 1. c.
c. 1. l. 1. c.
c. 1. l. 1. c.
c. 1. l. 1. c.

ceptis ad alendum se familiamque suam, vtu-
tur. Quod si præter victum vestitumque neces-
sarium aliquid superfit, id alienare tanquam do-
mini non possunt, sed egentibus erogare debent,
extratque hac de re constitutio cuiusdam synodi,
quam vir quidam eruditus diram vocat. Cui
alia similis reperitur concilij Antiocheni. Con-
tendit enim eos vsumfructum beneficiorum suo-
rum habere, & fructus tãquam stipendium ali-
quod mercedemque sui laboris capere. Quod nec
ratione, nec æquitate caret. Sed ~~pau-
peres non~~ ~~nos satis animaduertisse, nihil Ecclesiæ exi-~~
~~uibus postulandum esse, quoniam ministrorum~~
~~eius animo opulentiam, id quod vultus, qui~~
~~non modo Rector, non magister est, ut ait Hieronimus,~~
~~sed etiam pueri summi nonnunquam, & perspi-~~
~~cacissimi quidam, finis deuenit, ut merito illa de~~
~~Sacramentis dicitur posse videtur. Nullum eripien-~~
~~ab eis deindeque libidinis, ex quo pauperis ro-~~
~~menta perit. Rector enim ipsa loquitur. Immen-~~
~~sum principum quorundam munus etiam, ut~~
~~cumque prius esset eorum affectus, tantum viuo~~
~~in Ecclesiam sparsisse, & ex pueri dotibus Pandora~~
~~à pueris detenta, non plus inde in inter ho-~~
~~mines, & calamitatem exhibisse videtur.~~ Initio
agrè admodum hoc datum est Ecclesiæ, ut præ-
dia possessionesque sibi relictas aut donatas reti-
neret. Et satis constat ex epistola Hieronymi ad
Nepot. legibus Christianorum principum ali-
quando prohibitum fuisse clericis, ne heredita-

r. c. episcopus.

10. q. 2.

f. c. episcopus.

c. vlt. 12. q. 1.

tes caperent. Nam ut in omni genere mediocritas illa, quam optimus poeta auream vocat, merito commendatur, ita modus facultatum summo opere hic necessarius est. Bonifacius martyr aliquando interrogatus, an liceret ligneis calicibus in sacris uti, ita respondisse fertur: Olim aurei sacerdotes ligneis vasis, nunc lignei aureis utuntur. Haud dubie sentiens immodicis opibus facile sacerdotes & gubernatores ecclesiarum corrumpi. Quæ ratio impulit veteres illos, ut clericis præter victum necessarium nihil permetteret ex facultatibus ecclesiasticis sumere, nec puto quicquam salubrius potuisse constitui ad cohibendam eorum cupiditatem, & *πλεονεξίαν*, non quod hæc ad vium, ut dicitur, refecanda, & summo iure cum eis agendum existimem, quod nec canones exigunt, opinor: sed quia verissimum est illud Satyrici poetæ: Nemo satis credit tantum delinquere, quantum permittes, ad eam indulgentiam sibi latius ipsi: Legimus in historia triperita, & episcopum quendam Constantinop. nomine Chrysanthum, nihil ex redditibus ecclesiasticis capere solitum fuisse, nisi dominico die panes duos: nec defunt alia huiusmodi exempla in scriptoribus ecclesiasticis: ex quibus apparet quænam fuerit veterum de bonis ecclesiasticis eorumque usu & administratione, sententia. Nec verò dissimile fuit quorundam politicorum hominum in Rep. iudicium, idque satis ostendit Anaxander, qui interrogatus cur Spartani pecunias in ærarium publi

2. c. vasa de
cōsecr. dist. 1.

6. lib. 11. c.
10.

publicum nō colligerent, Ne, inquit, earum custodes corrumpantur. Itaque beneficiarios vsuariis magis quā vſufructuariis cōparandos eſſe non vno in loco Panormit. docet v. Nec vllum arbitror canonem eſſe, cui repugnet hęc ſententia, quanuis ea moribus noſtris recepta nō ſit x. Dicitur imperpetuum, quia cū ad tempus miniſter Eccleſiæ ordinari non poſſit, neceſſe eſt beneficium ipſum, quod miniſterio cōiunctum eſt, perpetuum eſſe a. Nam & de beneficiis militaribus ac prophanis idem cōſtitutum eſt, quibus hęc perquā vicina ſimiliāque eſſe iam admonuimus b. Excipitur tamen Romanus pontifex, qui velut legibus canonibꝯq; ſolutus beneficia ad tempus conferre poſſe dicitur c. Inde conſequitur præfecturas illas monaſteriorum, quas vulgò Prioratus clauſtrales vocant, beneficiis non annumerari quia perpetuæ nō ſunt, ſed precariæ tantum ac temporariæ adminiſtrationes d. Haſtenus de diffinitione Beneficij: cuius vt inagis eluceſcat vſus, tractandæ hīc ſunt duæ vulgares quæſtiones: quarum vna eſt de Annuiſ ſue penſionibus: altera de hoſpitalibus ædibus: an ſcilicet appellatione Beneficij contineantur. Nam contingit aliquando, vt ex redditibus, beneficij certa portio quotannis alicui pendatur auctoritate Romani pontificis, vel alterius epiſcopi ob certas cauſas, de quibus alibi diſſeremus e. Sed huiusmodi penſio, quæ Annuū genere neutro propriè ac latinè dici poſſe nobis videtur,

v. in c. vlt. de pecul. cler. & in rep. c. cum eſſes de teſta. c. illud. 16. q. 6.

x. glo. pragmat. tit. de anna. in verbo. acquiſitos.

a. c. 1. de cap. mo. in 6.

b. tit. in quib. cauſ. feud. amittit. §. vlt. in vſib. feudo.

c. not. in c. veniens, de fil. presbyt. c. ſi gratioſe. de re ſcrip. in 6.

d. Hoſt. in c. de multa. de præbend. Sel. q. 21. par. 3.

e. c. niſi eſſet, de præb.

*f. c. quāvis, de
pbe. in 6. not.
in c. ad audie
tiā, 2. de resc.*

*g. c. possessio-
nes 16. q. 1.
not. in c. prae-
terea 1. c. 2.
de transact. gl.
pragm. tit. de
collatio §. itē
quod vniver-
sitates, in ver.
beneficiorum.
h. tit. de epis.
& cler. Theo-
dor. lib. 5. ec-
cle. hist. c. 18.
Sozome. lib.
6. trip. c. 29.
i. l. si verò, de
his qui de iec.
veleffud. Vi-
tru. lib. 6.*

*l. de. 2. de prae-
bend.*

beneficium non est *f.* Cū enim ob nullum in
Ecclesia sacrum ministeriū constituatur, & non
tantū clericō, sed etiā laico competere pos-
sit, satis perspicuum est definitioni quam tradi-
dimus, non conuenire *s.* Sed de his infra plen-
ius. Quod ad secundam quæstionem attinet,
sciendum est, studium ingens Christianorum in
omnes egenos, debiles, senes, peregrinos ac pu-
pillos semper extitisse, adeo vt omnes passim
Ecclesie nosocomia sua, xenodochia, brepho-
trophia, orphanotrophia, gerōtocomia, procho-
trophia haberent: quorum mentio est apud Iu-
stin. *b* Ea omnia nos hodie hospitalia vocare so-
lemus, quæ vox apud veteres Latinos in vsu fuit,
pro ea parte domus, quam opulentiores hospi-
tibus aduenientibus instruebant, eaque vitur
noster Vlpianus *i*. Sed quæritur an huiusmodi
Hospitalia in numerum beneficiorum referen-
da sint. Et constat ex diffinitione Beneficij, si
ab homine priuato propria autoritate instituta
sint, Beneficia non esse: quia res ecclesiasticæ
non sunt. Quod si in ea institutione episcopi
autoritas interuenerit, ne hoc quidem casu be-
neficium dici meretur *l*, quia eorum reddituum
procuratio & administratio nō clericis, sed qui-
buscunque viris probis & idoneis mādari solet,
qui administrationis suæ rationem exemplo tu-
torum & curatorum reddere coguntur. Et hæc
ita accipienda sunt, nisi ex ipsa institutione, aut
vt loquimur, fundatione, contrarium appareat.
Quod

Quod in synodo Viennensi Clemens V. constituit ^{m.}. Nam contingere potest ut beneficium sacerdoti attributum sit, ita ut præter sacerdotalem functionem, onus quoque pauperes alendi subeat. Certè apud Nicephorum in ecclesiastica historia, Euphemij cuiusdam mentio reperitur, qui simul & ptochotrophus & presbyter fuit.

*m. de. quia
contingit, de
religio. da. l.
orphanotro-
phos. C. de
epif. & cler.
Fel. in c. de
quarta, de p-
scrip. & c. in
nostra, de re-
scrip.*

Beneficiorum diuisio & qualitas.

Caput 5.

Explicata diffinitione, aliquot diuisiones beneficiorum docendæ sunt, ad nostri temporis mores accommodatæ: quarum in forisibus controuerſiis hodie magnus est vsus. Ac summa quidem diuisio hæc est: Quædam Beneficia titulum habent dignitatis: ut episcopatus, archidiaconatus, &c. Quædam habent curam animarum sine dignitate, ut parœcia. Alia neque dignitatis titulum habent, neque curam animarum, sed simplicia nudaque beneficia sunt. Inter hæc tamen aliqua differentia reperitur. Nam quædam aliquid eminentiæ, ornamentum, & decoris habent, ut canonicorum præbendæ. Quædam infima sunt atque humilia, de quibus omnibus sigillatim hîc disseremus.

Quæ sint dignitates ecclesiasticæ, & quot modis accipiantur.

Caput 6.

In rebus publicis honores distinguuntur à mun-
*n. tit. de mu-*neribus *. Et diffinitur honor , administratio
*neri. & ho-*Reipub. cum dignitatis gradu. Munus verò, ad-
*nor.*ministratio Reip. sine titulo dignitatis *. An au-
*o. l. honor. de*ministratio dignitatem habeat necne, ex
*mun. & ho-*consuetudine & hominum existimatione iudi-
*nor.*carì solet *. Similiter in rebus ecclesiasticis quæ-
*p. l. vlti. de*dam administrationes titulū dignitatis habent,
mun. & ho-& Dignitatēs à pōtificibus appellantur †, idque
*q. tit. de præ-*ferè accidit quoties administratio cum iurisdic-
*ben. & dig.*tionē aliqua & potestate coniuncta est *. Sed
*r. glos. in c. 1.*hæc exēplis illustriora fient. Episcopus summam
*de consuet. in*in Ecclesia dignitatem habet, & quāvis alius alij
*6. Panor. &*præponatur, veluti archiepiscopus episcopo , ar-
*ali j c. de mul-*chiepiscopo patriarcha, & his omnibus Pōtifex,
*ta, de præb.*sive episcopus vr̄bis Romæ: idem nihilominus
*f. c. quam gra-*ordo horum omnium esse dicitur. Vnde omnes
*ui de crimin.*episcopi, fratres à Pōtifice Rom. vocari solent †.
*sal.*Archimādrītæ siue cœnobiarchæ, qui & Abba-
*t. c. si quis de-*tes dicuntur, proximum episcopis locum hodie
*inceps. 16. q.*obtinēt, quanvis olim, vt suprà diximus, omni-
*7. c. 1. de eta-*bus clericis postponerētur *. Archidiaconi quo-
*& qual. c. 2.*que, Archipresbyteri, primicerij dignitatem ha-
*de iud. vbi*bent in Ecclesia , eorūque munus antea nobis
*not.*descriptum explanatūmq; est, de quibus specia-
 les extant tituli lib. 1. Decret. Decani nō quorum
 meminit Iustinianus, sed qui vulgò sic appellan-
 tur, hoc tempore , item Præcentores , præpositi
 & cæteri similes , de quorū officio perscriptum
 nihil est in pōtificio iure, dignitate præditi sunt,
 si

si consuetudo ecclesiarum, quæ maximè hîc spectatur, in numerum dignitatû officia huiusmodi referat. Id quod nominatim de Decano scriptum reliquit Bernardus ^v. Sed notandum est, hæc ministeria, de quibus postremò locuti sumus, propriè & vîitate, dignitates appellari in pontificio iure. Itaque specialius hîc accipitur dignitas, quàm suprà diximus, vt videlicet episcopatum non comprehendat ^x. Quæri solet an præfectus monastici conuentus, qui Prior conuentualis dicitur, aut sodalium mendicantium siue præfectus, siue custos & obseruator, dignitatem habeat. Et receptum est eos habere, quoniã appellatione prælatorum continentur, & iurisdictionem aliquam habent ^a. Idem traditum est de vicario generali, episcopi, non de eo qui extra ciuitatem in aliqua diœcesis regione constituitur, quem foraneum vocant ^b. His exceptis nullus clericus in Ecclesia dignitatem habere dicitur, nisi generaliter hoc verbum accipias. Nam ad eò latè patet aliquando huius verbi significatio, vt omnes clerici dignitatem habere dicantur ^c. Atque hinc colligi potest, triplicem huius vocis significationem esse. Nam imprimis generaliter omnem gradum ecclesiasticû significat. **II.** Omnem administrationem, cum qua coniuncta est iurisdictionio. **III.** Archidiaconatum, & alia huiusmodi officia, de quibus iam diximus. Hinc existit quæstio, cùm sit tam varia huius vocabuli significatio, quo sensu accipi debeat. Sed

v. in c. ex parte, de cler. non resid.

x. c. dilectus, de conc. præb.

a. not. in c. edoceri, de rescr. cle. 1 eo. titu. glos. in cle. dudû, de sepult. Fel. in c. insuper, de testib.

b. not. in cle. etsi principalis, de rescrip.

c. c. denique

4. distin. c. reperiuntur, 1.

q. 1. c. si quis post. 51. dist.

ex locis communibus de interpretatione defini-
ri potest, ac imprimis subiecta materia, & mens
disponentis spectari debet. Itaque in materia o-
dioſa, quæ interpretatione adinuari non debet,
ſed potius reſtringi appellatione dignitatis, non
continetur epiſcopatus, veluti ſi de gratia legis,
ſiue canonis facienda agatur ^d.

d. Panor. in c.
cū Vinton. de
elect. ſel. in
x. par. q. 3.

De curatione animorum. Cap. 7.

Ordo poſtulat vt de beneficiis, quæ propter
curam animorum dantur abſque vlllo dignitatis
titulo, aliquid dicamus. Hæc autē beneficia ha-
bere dicuntur preſbyteri, quibus Eccleſia aliqua
parochialis curanda regendæque committitur.
Nam ea diœceſeos pars, cuius curationem ha-
bent ſinguli preſbyteri ſub epiſcopo parochia,
aut fortasſe rectius parœcia appellatur ^e. Budæus
noſter iamdudum admonuit hæc aliter latinè
exprimi poſſe, vt curia dicatur, quam nos paro-
chiam vocamus. Curiales verò parochiani ipſi,
& Curio preſbyter, qui parochianorum curatio-
nem ac gubernationem habet. Non me latet pa-
rochiam uſurpari pro tota diœceſi epiſcopi, quæ
multas complectitur eccleſias ^f. Sed hîc aliter
accipitur. Cura autem preſbyteri, ſiue Curionis
in ligatione animarum, vt ſcriptura loquitur, &
earū abſolutione præcipuè verſatur. Sicut enim
noxios à ſacra communione arcet, ita veniam
poſcentes abſoluit, vt ſuprà docuimus. Itaque
iurisdic-

e. c. omnes ba-
ſilicæ, c. nul-
lus, 16. q. 7

f. c. bonæ rei,
12. q. 2. c. a-
poſtolice, de
donatio.

iurisdictionem quandam spiritalem exercet, quæ pœnitentialis fori potestas vulgò dicitur. Sunt & alij qui disciplinam & contentiosam exercent iurisdictionem, & causas forenses iudicant, quæ iudicia ad Ecclesiam aliquando pertinere supra admonuimus. Et quia spiritualis est ea iurisdictione, eam exercens dicitur etiam curam animarum habere, quanuis fortè nulli curiæ seu parœciæ præfectus sit.

Simplicia beneficia quæ sint, & præbendarum vocabulo quid significetur.

Cap. 8.

Inter beneficia simplicia, quæ nec titulum dignitatis habent, nec curam animorum, primum gradum tenent canonicorum præbendæ. Nam ea maioris cuiusdam dignationis splendorisque existimantur, quàm cætera, propter ius suffragij, quod habent in collegio honoratissimo, ad eò ut separatim de his tractare commodius videatur ^b. Præbenda autem vulgò dicitur annona quædam sodalibus siue canonicis alicuius Ecclesiæ in compensationem ministerij sui præstari solita ⁱ. Utiturque hoc verbo Cassiodorus ^l. Præbenda aliquanto rectius & latinus *πληρωτικὸς* quis vocauerit, exemplo veterum linguæ Latinæ scriptorum, à quibus eam vocem usurpatam esse animaduertimus ^m. Sed & canon ea quoque præstatio dici poterit, ut antè diximus. Huiusmodi

g. Innocent. in c. cum satis, de off. archid. c. dudum, 2. de elect. extr. execrabilis. ad finem de præb.

b. Panor. in c. ult. de præb. i. c. si monachis. 16. q. 1. l. lib. 5. variarum, in epistola ad Ampelium quædam scripta. m. Linniti, de test. Gel. lib. 5. c. 4.

*n. c. dilecto,
de præbend.*

*o. c. 2. de in-
stitutio.*

*p. not. in c. cū
M. de consti-
tutio.*

*q. c. cui de nō
sacerdotali. c.
ei cui de præ-
bend. in 6.
r. c. quia non-
nullis, de ma-
gn. & in præ-
gm. sanct.*

autem annonæ siue præbenda, ideò sacra spirita-
liæque existimantur^a, quòd sodalibus tantùm si-
ue canonicis Ecclesiæ dicata sint, quos sacris ini-
riatos esse necesse est: quorùmque sacra spirita-
lisque functio habetur, quanvis animarum cura-
tionem, quam olim habebant, nūc deseruerint^a.
Nihil tamen prohibet ex redditibus Ecclesiæ cō-
munibus partem aliquam, quæ canonicis adscri-
pta nō sit, laïcis hominibus vt laboris industriæ-
que suæ mercedem largiri, vt puta ædituis, aut
iis quibus cāpanæ tinnitus cura mādatur. Quod
genus erogationis per me licet vt præbenda siue
præbendam quisquis voluerit appellet, sed quia
nihil sacri spiritalisque habet, multum differt ab
ea, de qua hīc disseritur, quam muneri sacro spi-
ritaliæque dicatam esse dicimus^p. Et quia Cano-
nicorum corpus & sodalitiū ex variis Ecclesiæ
ministris conflatum est, quorum aliqui sacerdo-
tes sunt, alij inferiorum ordinum clerici: item a-
lij doctores Theologiæ, alij magistri & professo-
res literarum, magna hinc præbendarum diuer-
sitas nata est. Nam quædam sacerdotales dicun-
tur, quarum nemo capax est, nisi sacerdos: aliæ
inferiorum ordinum clericis conferri possunt,
& hæc varietas in quibusdam ecclesiis obserua-
tur^q. Præterea quædam Theologicae sunt ap-
pellatæ, quæ Theologiæ doctoribus tantùm in
cathedralibus ecclesiis assignantur. Sunt & ma-
gistrales dictæ, quæ literarum magistris & præ-
ceptoribus attribuuntur^r. Sed hæc omnia accu-
ratus

ratius infrà disputabuntur. Ex iam dictis facilè apparet, quænam sint reliqua beneficia, quæ simplicia appellantur. Nam idèd simplicia dicuntur, quia beneficia tantum sunt, nec eis vlla qualitas inest, ex iis quas supra commemorauimus. Quoties igitur beneficium tale est, vt beneficiarius curam alterius non habeat, sed aliter diuinæ rei incumbendo, munere suo defungatur, simplex beneficium vocari solet. Exempla passim obuia sunt.

Beneficiorum diuisio in regularia & secularia. Cap. 9.

Secunda diuisio beneficiorum hæc est, cuius explicatio ex iis quæ superiore libro differuimus de monachis, omnino pendet. Beneficiorum quædam Regularia dicuntur: alia verò secularia. Regularia sunt, quæ monachis & regularibus tantum acquiri possunt. Sæcularia, quæ clericis etiam sæcularibus, id est, monastico voto regulæque non obstrictis. Cuiusmodi censenda sunt omnia beneficia, nisi contrarium ostendatur. Nam si constet ita institutam fuisse ecclesiã, vt à monachis siue regularibus gubernetur, Regulare beneficium dicendum erit. Verùm spatium temporis, nempe XL. annorum, status beneficij potest mutari, vt ex regulari sæculare, aut contra ex sæculari regulare fiat.

f. glos. prag. tit. de collatio. §. itē quod ad dicta. t. c. cum de beneficio, de præben. in 6. cle. 1. de sup. neg. prælato.



LIBER TERTIVS, DE HIS QUI POSSVNT

BENEFICIA CONFERRE.

ARGVMENTVM.

Post diffinitiones diuisionésque beneficiorum ecclesiasticorum, proximus locus est de iis, qui beneficia conferre ac distribuere possunt. Et quia frequentes de ea re incidunt controuersia, propterea quod varij nō solum sacerdotes, pontifices, episcopi, antistites, sed alij etiam prophani homines hoc ius vt fructuosum valde, nē quaestuosum dicam, certatim sibi vendicent, hic locus separatim hic tractandus fuit.

Quorum beneficiorum distributionem habeat Romanus Pontifex, & quemadmodum is ordinari eligique debeat. Cap. 1.



DE HIS qui beneficia conferre possunt tractaturi à Pōtifice Romano incipiemus, qui primus episcoporum, primamq; sedem occupare dicitur. Et huius quidē disputationis nostrę duę sunt pręcipuę quęstiones. Vna de potestate Romani episcopi

episcopi in beneficia & ministeria Ecclesiæ. Altera de promotione ipsius atque ordinatione. Quod ad primū attinet, sciendū est eum priscis temporibus nullum ius nullāque potestatem ordinandorum sacerdotum aut clericorum extra propriam diœcesin sibi vindicasse. Nam veteribus canonibus episcopus à metropolitano & aliis qui sunt in prouincia episcopis, iubetur ordinari electione cleri, ac plebis cōsensu hanc ordinationē antecedente^a. Cæteri verò clerici ab episcopo suo ordinantur, nō à Romano episcopo, sed cum assensu plebis & ciuium, vt de episcopo iam dictum est^b. Cū ergo pontifex Romanus secundum antiquos canones in alienis ecclesiis neminem ordinare, id est, ad ministeriū Ecclesiæ promouere possit, satis perspicuum est ex his, quæ secundi libri cap. III. diximus, ecclesiastica beneficia totius orbis ab eo conferri nō posse. Nec verò dubium est, quin vetustiores sanctioresque vrbes Romæ episcopi sede Ecclesiæque propria contenti, reliquis episcopis ecclesiarum ipsis commissarum liberam administrationē reliquerint, quasi vrbs vnus magis quàm orbis episcopi, vt antè annotauimus. Quæ ratio fortè episcopum nescio quem mouit, cuius meminisse Amylius^c, vt paulò liberius Gregorio vndecimo pontifici Romano responderet. Cū enim Gregorius tum Auenione sedens, ab eo sciscitaretur, cur sedem suam non inuiseret: Si quis, inquit, te roget cur urbem tuam Romam tādū ab

a. 62. 63. 64.

66. dist.

b. 67. dist.

c. li. 9. de reb. gest. Fran.

episcopis suis desertam non adeas, multò minus habeas quod respòsurus sis quàm ego. Posteriores verò pontifices sese intra hos fines non continuerunt, sed velut domini regésque omnia pro potestate agere, ac vniuersalis Ecclesiæ gubernationem sibi arrogare non dubitarunt. Itaque dicitur Pontifex Romanus plenam, liberam, nullisque legum vinculis adstrictam dispositionem omnium beneficiorum habere, & cum omnibus episcopis quoties ei libuerit concurrere, eosque omnes præuenire vacuum beneficium conferendo, & anteuertere posse, idque constitutionibus aliquot expressum est ^d. Quæ quidem ipsæ satis tolerabiles essent, si nihil grauius inde consecutum fuisset. Non enim facilis erat Romanis pontificibus in tot prouinciis, quot habet Christianus orbis longissimè ab vrbe Roma distantes, ea præuentio & occupatio. Ideoque nõ multum incommodi seu publicè, seu priuatim, poterat afferre. Verùm hac via patefacta, mox ratio excogitata est aliquanto certior & expeditior, quæ cæteris episcopis conferendorum beneficiorum facultatem adimerent. Inualuit enim mos, antiquis omnino incognitus, diplomatum expediendorum, quibus beneficia nondum vacantia mandantur certis personis conferri, cum ea vacare contigerit. Gratia expectatiuæ vulgò dicuntur, & mandata de prouidendo, de quibus infra. Hæc de priore quæstione. Nunc de Romani episcopi ordinatione tractandum est, quæ quidem

d. c. cuncta per mundum. 11.

q. 3. c. proposuit, de conc.

præb. c. ad honorem, de auct.

et vsu pal. c.

2. c. dudum, de

præb. in 6. cle.

1. ut lite pend.

glos. pragm.

rit. de electio.

in verb. reservationes.

quidem olim à cæterorum episcoporum electione non multum differebat. Vicini etenim episcopi, qui Cardinales dicebantur, clericis cardinalibus Romanæ Ecclesiæ conuocatis, de ordinatione cum eis tractabant ac deliberabant. Deinde requisito non solum reliqui cleri, sed etiam populi consensu, Pontifex ab ipsis ordinabatur & consecratur, ut sexta Synodus statuit ^{e. c. in nomine domini, 23 dist. finet.} Quod si diuersa fortè essent suffragia, vincebat sententia plurimorum ^{f. c. si trāsitus. 79. dist.} Eligebatur verò presbyter, aut diaconus Ecclesiæ Romanæ, qui per omnes gradus inferiores ascenderat ^{g. c. nullus. 79. dist.} Aliarum ecclesiarum episcopi etiam Cardinales idèd non eligebantur, opinor, quia vetitum erat canonibus ne episcopus vnus Ecclesiæ ad aliam transiret. Quoniam autem multitudinis cōsensus videbatur necessarius, par erat & principis voluntatem non negligi: & eò magis quòd ad compescendam furentis plerūque populi temeritatem, eius autoritas ac maiestas plurimū valeret. Itaque sine Imperatoris Romani consensu & autoritate non solebat antiquitus Romæ pontifex ordinari ^{h. c. Agatho. c. vota. c. quia sancta. 63. dist. finet.} Eadèmq; ferè potestate singuli reges in ecclesias regnū sui utebantur ^{i. c. cum lōge. 63. dist.} Sed non idèd ius eligendi clero ademptum erat. Verum postcà Carolo Magno & Othoni imperatoribus, vtrò ius eligēdi pontificis Romani omnino concessum ac permissum est ^{l. c. Adrianus. c. in synodo. 63. dist.} Quod cū videretur cleri populūq; Romani libertatem infringere, tandem instantibus Romanis ponti-

ficibus, sese non amplius eo iure vsuros confir-
m. c. ego Lu- marunt atque iurarunt *m.* Forma autem iuris-
donicus, cū c. iurandi, quæ apud Gratianum hodie legitur, au-
sequē. 63. dist. thoritatem & consensum imperatoris, qui antè
 adhibebatur, ipsi fortassis nō aufert, sed plenam
 illam potestatem arbitrio suo eligendi, quæ Ca-
 rolo concessa fuerat. Qua tamen in re amplius
n. c. cū Adria- deliberandum est *n.* Hæc ferè ex Gratiano de-
nus. 63. dist. cerpsimus, quibus posteriores aliquot constitu-
 tiones Romanorum pontificum addendæ sunt.
 Vna est Alexandri tertij: in qua id præcipuum
 reperitur, quòd electionem à duabus partibus
 Cardinalium fieri necesse est, cū antea maio-
o. c. licet, de ris partis sententia sufficeret *o.* Altera est Gre-
electio. gorij decimi in concilio Lugdunensi, quæ for-
 mam electionis præscribit: & disertè ea cautum
 est, Cardinales absentes decem dierum spatio
p. c. vbi peri- tantummodo expectandos esse *p.* Tertia est Cle-
culū, de elect. mentis quinti in concilio Viennensi edita, quæ
in 6. pauca Gregorianæ addidit constitutioni, non
q. cle. ne Ro- multum digna quæ hîc referantur *q.*
mani, de ele-
ctio.

An concilium œcumenicum beneficia confe-
rat, & an ei subsit Romanus pon-
tifex. Cap. 2.

Tractatur quæstio, an synodus œcumeni-
 ca, siue vt loquimur, cōcilium vniuersale Eccle-
 siæ, beneficia possit conferre. Quæstionem fa-
 cit, quòd pontifex Romanus, cui hoc ius com-
 perit,

petit, subesse dicitur concilio, & eo inferior esse: Quod an verum sit, ante omnia discutiendum est: Et videtur hoc imprimis iuri diuino consentaneum esse, ut Ecclesia quam representat synodus, potestatem omnimodam habeat, utq; pontifex se ei subiectum agnoscat. Non enim vni Petro, cuius dicitur successor Pontifex Romanus, data est à Christo potestas ligandi & soluendi, sed toti Ecclesiae ^a. Quamquam inficias non eo cæteris apostolis eum præpositum fuisse. Hinc, temporibus apostolorum quoties ordinandus fuit aliquis, siue episcopus, siue diaconus: vel aliquid decernendum, quod ad Ecclesiam pertineret, nunquam id sibi sumpsit Petrus, sed toti Ecclesiae permisit. Illud fuit in eo præcipuum, quod cæteros conuocare tanquam princeps apostolorum, & de his quæ agenda forent, apud eos orationem habere solitus fuit ^b. Sicut hodie apud nos curiæ parlamentalis præses Senatum cogit, primus in Senatu, cum opus est, verba facit, multaque alia exequitur, quæ præstatiâ quendam personæ quam gerit facile ostendant. Non ideo tamen maior aut superior tota curia est, nec potestatem in vniuersos Senatores, aut contra eorum iudicia quicquam decernendi habet: quin imo ipsius curiæ, cuius caput esse præses dicitur, de controuersis omnibus iudicium est, non præsidis. Adde quod curia in ipsum, si res exigat, ut in quemuis aliû ius dicit, & animaduertit. Et hæc quidem olim ita se habuerunt. Verum

^a. Matth. 18.

^c. quodcunque,

24. 9. 1.

^b. Acto. cap.

16. 15.

nescio quo modo tandē factum est, vt summum in omnes Christianos imperiū vni sit tributum, vtque legibus omnibus, canonibúsque synodalibus imperatorum exemplo solutus sit. Nam Paschalis decretali epístola cautum expressumque est, nulla concilia Romanæ Ecclesiæ legem præfigere posse ^e, & in decretis quibusdam synodalibus Romani pontificis excepta reperitur auctoritas ^d. Quæ varietas diu magnam in Ecclesia perturbationem dissensionemque peperit ^e. Sed Constantiensis synodus hanc dirimere voluit controuersiam, statuítque in iis, quæ ad fidem religionemque pertinent, aut Ecclesiæ tam in capite quàm in membris constitutionem & reformationem, cōcilio pontificem subesse, eique obtemperare oportere. Id quod veteribus quibusdam canonibus satis convenit ^f, & synodo Basiliensi postea confirmatum est ^g. Vt igitur ad propositam quæstionem redeamus, nec ius quo nunc vtimur, nec mores, qui vt Plautus ait, optimas leges perducunt aliquando in potestatem suam, videntur permittere, vt synodus vniuersalis beneficiorum conferendorum potestatem sibi vindicet, cū episcopatus distincti sint, & certis personis hæc potestas attributa. Nec veterum exemplo carere videtur vsquequaque hæc sentētia, cū Theodorus scribat ^h, Nectarium in concilio generali episcopum Constantinop. ordinatum fuisse, sed non sine clericorum omnium ciuiumque approbatione. Ac tamen non inuitus

e. c. significasti. de electio.

d. c. ideo. 25.

q. l.

e. Pandormit. in prima sua rum quaestio- num, & in tractatu de concil. Basil.

f. c. Anastasius. 19. dist. c. si papa. 40. distinct.

g. tit. de po. sa. con. in prag.

h. lib. 5. c. 9.

inuitus fatear autoritate Romani pontificis synodum conuocari¹, quod ex Eusebio, Socrate, Theodorito cæterisque scriptoribus ecclesiasticis discere licet, id tamen parum ad rem pertinere existimo, multumque ab iis dissentio, qui in eo firmamentum suæ opinionis constituunt. Non enim hîc quærimus an pontificis totiûsque synodi cõsensu facta collatio valeat necne, quod indubitatum est, sed an quod synodus de ea decreuerit, vel maior pars synodi etiam dissentiente pontifice ratum sit.

De legato Romani pontificis. Cap. 3.

Quãuis Romanus pontifex, vt iam diximus, concurrat cum omnibus ordinariis in beneficiorum collatione, legatus tamen ipsius in prouincia sibi commissa eodem iure non vtitur, nisi sit Cardinalis. Nam si pōtifex ex collegio cardinalium aliquem sibi legauerit, qui vulgò legatus à latere dicitur, hoc præuentionis siue occupationis ius ei competit². Potest & beneficia nondum vacantia reseruare certæ personæ, ita vt secuta, deinde vacatione ordinarius ea conferre non possit³. Ad beneficia tamen vacatura ius concedere ei non licet⁴. Nam mandata quibus hoc ius tribuitur, odiosiora sunt reservationibus, & maiorem captandæ mortis alienæ occasionem præbent. Reservatio enim non impedit, quo minus vacans postea beneficium,

*i. c. multis, 17
distinct.*

*lx. c. 1. de of-
fic. leg. in 6.*

*l. c. presenti,
de off. lega. in
6.
m. c. dilectus,
de præben.*

ab eo qui reservauit, cuius pro ipsius arbitrio conferaturⁿ. Sed notandum est beneficia quædam esse, in quæ legatus, quanuis Cardinalis sit, nullum ius habet: cuiusmodi sunt ampliora beneficia ac dignitates, de quibus in quadam constitutione loquitur Bonifacius^o. Item beneficia ad patroni laici præsentationem spectantia^p. Nam patroni clerici alia causa est^q, vt suo loco demonstrabimus.

De episcopis cæterisque, qui ordinarij collatores dicuntur. Cap. 4.

Beneficiorum collatio nõ nisi extra ordinem Romano pontifici competit, vt iam diximus. Nunc videndum de iis, qui ordinario quodam iure beneficia conferre possunt. Qua in re sic distinguendum videtur. Quoties vacat episcopalis sedes, collegium eius Ecclesiæ futurum episcopum eligit^a; quam electionem confirmat Metropolitanus^b. Idem obseruatur in Metropolitanis ipsius electione, quem ab vniuersis collegis electum confirmat Patriarcha, sicut & Patriarcha ipsum confirmat pontifex Romanus^c. Non dissimilis est causa abbatis. Is enim à monachis eligi^d, & ab episcopo confirmari solet^e. Præbendas autem Ecclesiæ cathedralis, ac dignitates eiusdem receptius est ab episcopo conferri, sed totius collegij ecclesiastici cõsensu accedente, nisi consuetudo contraria ostendatur^f.

In

n. glos. in c. 1. de off. leg. in 6.
o. c. de liberatione, de offic. leg. in 6.
p. c. cū dilectus, de iur. patro.
q. c. dilectus, de off. leg. in antiqu.
a. c. 1. de elec. b. c. cū dilectus, de ele. c. antiqua, de priuileg.
d. c. ult. 26. q. 7. c. abbatem, 18. q. 2.
e. c. 2. 18. q. 2. f. c. ea nō sciuntur de his que fiunt à præla. not. in c. cū ecclesia Vulterrana, de electione.

In ecclesiis verò inferioribus, quæ collegij nomine & titulo insignitæ sunt, præsentatio quidem ad prælatum collegiūque ipsius Ecclesiæ pertinet, sed episcopi tanquam superioris est institutio. Cætera beneficia quæ nomine collegij non censentur, confert episcopus: sed in hac collatione, cleri collegiique consensus siue cōsiliū requiritur ^{h.} Et notandum est simul atque quis electus est & cōfirmatus, ius beneficiorum conferendorum ei competere, licet nondum consecratus sit ^{i.} Quod adeò verum est, ut ne inductio quidem vlla in possessionem sit necessaria, nisi beneficium ab alio prius occupatum sit ^{l.} Sed & sine confirmatione vlla interdū hoc iure uti potest: veluti si episcopus aliquis cis Alpes electus sit, cuius confirmatio à Romano pontifice pendat. Nam interim ei deneganda non est administratio, si totius collegij suffragia meruerit ^{l.} Item Antistita monialium post electionē statim administrare incipit ^{m.} De fiduciariis antistitibus, id est, quibus velut fiducia contracta, commendatur Ecclesiæ moribus nostris, lib. V. dicemus. ^{in 6.}

De curatore dato episcopo, quem vulgò coadiutorem appellamus. Cap. 5.

Cū episcopus ob morbum animi vel corporis aliāve huiusmodi causam fungi munere suo non potest, durum inhumanūque visum est, cum episcopatu suo deicere, sed ne Ecclesia

n. 7. q. 1.
p. lib. 6. ecclef.
histo. c. 9.

p. l. inter bo-
norum, de ad-
mi. tut.
q. l. ambigui-
tatem. C. de
usufr.

v. glo. pragm.
tit. de collat.
f. l. in copulan-
dis. C. de nup.

t. c. quauis.
7. q. 1.

pastore destituta maneat, datur ei adiutor atque dispensator rerum ecclesiasticarum, quem nos & curatorem possumus appellare: qua de re multa leguntur apud Gratianum *. Huius rei exemplum est apud Eusebium * de Alexandro, qui adiutor datus est Narcisso Hierosolymorum episcopo, quod is iam senio fractus pontificis munia obire non possit, Et conuenit inter omnes, si quasi non sanæ mētis homini datus sit huiusmodi curator, eum posse beneficia conferre, quia plenam administrationem habet p. & incertum est, an & quando episcopus ad sanitatem mētis reuersurus sit q. Si verò propter senium vel morbum corporis, qui vsque ad animum non penetret, datus fuerit curator, crebrior opinio est, collationem beneficiorum nihilominus ad episcopum ipsum pertinere r: idque exemplo minoris, qui sine auctoritate sui curatoris contrahit matrimonium s. Sed mihi videtur alia causa esse matrimonij quàm beneficiorum collationis. Nam curator minoris rerum ipsius tantum administrationem habet, non etiam personæ: itaque mirum non est, si in nuptiis contrahendis minimè requiratur eius consensus. Cùm autem generaliter datur hîc curator, rerum ecclesiasticarum dispensationē siue administrationem habet t. Itaque non video cur beneficiorum conferendorum facultas hac generali concessione non contineatur. Fateor tamen hoc casu æquum esse ita curatorem dari ab initio, vt episcopo libera

bera conferendorum beneficiorum facultas relinquitur: aliæque huiusmodi salua ei maneant, quorum executionem morbus senectusve non impedit. Sed de his alibi copiosius v.

De collegio ecclesiastico vacante sede episcopali. Cap. 6.

Paulo antè diximus collationem beneficiorum iure quodam ordinatio ad episcopum spectare, nisi mentis compos non fuerit, &c. Nunc quæritur mortuo episcopo, & vacante sede episcopali, quis possit beneficia cōferre. Et iure cautum est collegiū ipsius Ecclesiæ, quod vulgò Capitulum appellatur, interim conferre non posse, sed collationem futuro episcopo integrā relinquere debere^a. Quod est accipiendum, nisi collatio ad collegium ipsum cum episcopo cōmuniter pertineat. Hæc enim communio efficit, ut deficiente vno, potestas conferendi ad alterum deuoluatur^b. Potest sanè collegium electiones cōfirmare, & præsentatos à patronis instituere^c, quoniam ea res futuro successoris non adeò grauis est, ut beneficiorū collatio. Nam tamen si beneficia principaliter conferantur, ut ecclesiis cōsulari, non personis: tamen episcopus cui vult gratificatur conferendo, & ita viros probos sibi conciliat, ac deuinctos reddit, adeò ut collatio beneficiorum in fructibus ipsius episcopatus numerari soleat^d. Receptum quoque est interim

v. tit. de cler.
ægro. in 6. c.
gradi, de sup.
neg. prælat.
in 6. c. si cui.
de elect. in 6.
c. venerabili,
de offi. deleg.
in antiq.

a. c. 2. ne sede
vac.

b. eo. tit. in 6.
c. c. cum olim,
de maio. c.
ob.

d. not. in d. c.
cum olim.

e. not. in d.c. cum olim, & c. bonæ, de ap. pel. f. tit. de maio. & ob. in 6. not. in d.c. cū olim.
 dum vacat episcopatus, licere collegio Ecclesiæ commendare, & viro idoneo administrationem concedere, donec eligendus episcopus ministrū pastoremq; ei præfecerit^e. Illud animaduertendum est quāvis collegium ecclesiasticum beneficia non conferat, ea tamen quæ iurisdictionis sunt, expedire & exequi posse^f.

De propontifice, qui Vicarius appellatur. Cap. 7.

g. c. vlt. de off. vica. h. not. in d.c. vlt. c. de liberatione. §. vlt. de offi. lega. in 6. c. statutum, de præb. eo. lib. i. c. 2. de cons. in 6. l. c. vlt. de inst.
 Certi iuris est vicarium generalem episcopi beneficiorum, conferendorum ius nō habere^g. Potest tamen specialiter ea facultas ei cōcedi ab episcopo, nec cuiquam alij qui vicarius generalis non sit^h. Quo casu beneficia vacātia quibuscunque personis idoneis rectè confert, præterquam ipsi episcopo, cuius vice fungiturⁱ. Cū enim vna & eadem persona esse intelligātur, inter dantem ac recipientem beneficiū nihil interesset, quod absurdū videtur^j. Verū si vicarius, qui potestatem substituēdi ab episcopo accepit, aliquem sibi substituerit, non prohibetur substitutus vicario beneficium conferre, cū ab episcopo magis quā à vicario substitutus intelligatur^m. Quanuis autem beneficia non conferat vicarius generalis, confirmare tamen electos & præsentatos à patronis instituere posse creditur.ⁿ Tractari solet an episcopus vicario suo certi tantum beneficij conferendi facultatem concedere possit. Quod dubitationem non habet, si de beneficio

neficio iam vacante loquamur. Sed si nondū vacet beneficium, vulgò traditum est hanc facultatem ne vicario quidem cōcedi posse^o, ne fraus fiat Lateranēsi concilio, quo beneficiorum nōdum vacantium collatio tanquam inducens votum captandæ mortis alienæ prohibetur^{p.}

*o. c. cōstitutus,
de conc. præb.*

*p. c. nulla, de
conc. præb.*

De conductore. Cap. 8.

Conductor reddituum obventionūque episcopaliū, an possit beneficia conferre quæsitū est. Solent enim antistites nostri temporis nouo more ac veteribus incognito, muneris sui vacatione impetrata, ecclesiarum sibi creditarum redditus omnes fruendos locare, vt lib. VII. dicemus. Et videtur non posse, cū id ne vicario quidem ipsi liceat, vt suprà diximus. Ius tamen præsentandi habet, vt ex Alexātri rescripto colligitur, quod nōnulli interpretatione ita restringunt, vt de conductione ad non modicum tempus facta intelligatur?

*q. c. ex literis,
de iure patro.*

De possessore. Cap. 9.

Qui ius non habet conferendi beneficia, si bonæ fidei possessor sit, nihilominus conferre potest. Quod aded verum est, vt ea collatio proprietarij ipsius collatione prior habeatur^{a.} Nam collatio beneficiorū, vt antè admonuimus, fructuum pars esse intelligitur: & constat bonæ fi-

*a. c. cū olim,
de cau. poss. c.
querclam, de
elect. c. cōsul-
tationibus, de
iure patro.*

b. §. si quis à
non domino,
inst. de re di-
vis. c. gratis,
de re dit. spol.

c. c. in literis,
de rest. spo. Pa-
nor. in d. c. cō-
sultationib.

d. l. sequester,
de verb. sig. l.
ei apud quem
l. proprie. l. li-
cet, de pos.

e. Innocent. in
c. examinata,
de iud. Fel. in
c. cū Bertol-
dus, de re iud.

f. l. interesse,
de acquiren.
pos.

dei possessorem fructus consumptos lucrari ⁴. Proinde si malæ fidei possessor contulerit beneficium, irrita est ea collatio. Et quorundam sententia est, hoc casu collationem à proprietario, qui non possidet, factam valere. Sed opinio contraria verior est, cū propria authoritate inuadentem spoliarē non debuerit ⁵.

Sequestrum beneficia conferre posse: & obiter explicati duo loci, qui inuicem pugnare videbātur, Iuliani scilicet & Florentini iureconsultorum, aduersus aliorum sententiam. Cap. 10.

Quæstio est cōtrouersi iuris, an sequester beneficia conferre possit. Sequestrem vocamus eū apud quem res controuersa deponitur, vt finita lite & controuersia, restituatur victori ⁴. Et probabilior mihi videtur eorum opinio, qui existimant eum conferendi ius habere ⁵, nō quòd possideat: nam & possessor esse, & non esse potest. Qua de re magna est inter iuris Doctores contentio, nec satis conuenit quando possidere dicendus sit. Ego autem ita sentio, si ea mente sequestratio fiat, vt ipsa possessio, de qua existit cōtrouersia, dimittatur, sequestrem possidere, aliàs custodiam rei tantum ei commissam videri. Sed si incertum sit, qua mente id factum fuerit, possessionem in eum translata minimè interpretabimur: id quod ex Iuliani verbis apertissimè colligitur ⁶. Nec me mouet quod Florétinus scribit

bitz, Rei depositæ proprietas apud deponentem ^{g. l. licet, de-} manet, sed & possessio, nisi apud sequester de- ^{pos.} posita est. Nam tunc demum sequester possidet, &c. Quibus verbis significare videtur sequestrū semper possidere, quanuis depositarius non possideat. Hæc enim verba nō rectè meo iudicio ab interpretibus vulgò accipiuntur, sed mihi videtur is sensus esse, rei depositæ possessionem apud deponentem manere, nisi ipsa possessio deposita est, id est, nisi res animo dimittēdæ possessionis tradita est, vt Iulianus ait ^{h. d. l. inter-} ^{esse.} Nam deponere verbum, dimittere significat, vnde imperiū deponere, magistratum deponere, & similes locutiones. Et Vlpianus cap. 34. de acquiren. poss. deponere possessionem dixit eodē sensu: A nimo, inquit, deponere & mutare possessionē nos posse Celsus & Marcellus scribūt. Cui interpretationi mirum in modum congruunt & sequētia eiusdem Florentini verba: Nam tunc demum sequester possidet, id est, eo tātum casu possidet sequester, cum possessio apud ipsum dimissa depositæque est. Et subiicitur ratio. Id enim agitur ea depositione, vt neutrius interim possessionis tēpus procedat. Dixerit aliquis: Nihil ergo opus erat sequestri mentionē facere, sed generaliter excipere sufficiebat, nisi deposita est possessio id est, dimissa Respondeo sequestri mentionē idēd factā esse à Florēt. quodd penes depositariū non soleat possessio dimitti, nisi sequester sit. Vt igitur ad propositam quæstionem reuertamur, quanuis se-

*l. cle. de seq.
pos.*

*lx. c. ne pro
defectu, de e-
lectio.*

*l. cle. de seq.
pos.*

*m. glos. c. cum
olim de ma.
et obed.*

*n. c. cum Ber-
tholdus, de re
ind.*

queſter fortassis nō poſſideat, eum nihilominus beneficia conferre poſſe arbitror. Nemo ſiquidē inficiari poteſt, quin adminiſtrationē habeat nō temporalium modò, ſed etiā ſpiritualium¹. Itaque fructuū collectio ad eum pertinet, in quibus & beneficiorū collatio numeratur. Adde quod utilitas exigit, vt primo quoq; tempore eccleſiis vacantibus prouideatur². Non obſtat huic ſententiæ quòd fructus rei ſequeſtratae debent reſtitui victori, quos ſequeſter conſumere hīc videtur³. Nam id accipiendū eſt de fructibus, qui conſeruari poſſunt: at collationē beneficiorū diſferre, donec finē acceperit cōtrouerſia, fauor Eccleſiæ nō permittit: nec vlla eſt alia horū fructuum reſtituendorū ratio. Taceo quòd tametſi viros bonos conferendis beneficiis demereri fructus nō exiguus meritò habeatur, quo nō temerè quinquam priuari oportet^m, nimis tamen præſtate hoc ius defendere haud ſcio an ſacerdotem deceat: ſuſpicionem certè *πλινεξίας* cuiuſdam, atq; adedò turpis quaſtus effugere vix poteſt, qui tanti hoc ius facit, vt pro eo ſibi aſſerendo tanquā pro reditu quouis cōmodoque pecuniario dimicandum putet. Nihilomagiſ obſtat quòd ſequeſter nomine tantū alieno adminiſtrat, & creditori ſimilis videtur, quē cōſtat ob ius patronatus, quod cum vniuerſitate ei obligatum eſt, præſentare ad beneficium obtinēdum neminem poſſeⁿ. Ceſſat enim hīc ratio, cuius ante meminimus, cum patronus, idēque debitor interim præſentare queat.

queat. Nullus autē litigatorū, quādiu res sequestrata est, eius rei nomine quicquā exequi potest.

Ius conferendorum beneficiorum in Gallia regem habere, & unde id ius quod Regalia dicimus, ortum habuerit. Cap. II.

Quædam sunt in Gallia cathedrales seu episcopales Ecclesiæ, quibus rectore pastorēque destitutis, si quæ beneficia interim vacauerint, dū aliquis in demortui pontificis locum suffectus fuerit, rex noster iure suo, sed certo quodam modo ea confert ac distribuit. Nam quæ beneficia pontifex ipse viuis ac superstes conferret (exceptis, quæ parochiales dicuntur, ecclesiis) eorum collatio interim principis est: idque ius, Regalia vulgò appellatum, singularia quædam præcepta habet: de quibus variis in locis huius tractatus nostri differemus^a. Nec dubitandum est, quin hoc ius regi competat, saltem ob temporis vetustatem quæ hominum memoriam excedit^b. Sed quia collatio beneficiorum res sacra spiritalisque esse dicitur, ideoque à laïcis prophanisque hominibus aliena^c, sunt qui hanc consuetudinem ex errore magis, quàm ratione profectam esse contendunt^d. Cuius opinionis refellendæ gratia non dicā quod Marsilius Patavinus ante annos ducentos ad Ludouicum IIII. Imperatorē Romanorum scripsit, nempe beneficiorum distributionem rem omnino prophanam tempora-

a. c. generali, de elect. in 6.

b. c. i. de præ-

scr. in 6.

c. c. decernimus, de iud.

d. Archid. in c. imperium,

10. distin.

e. lib. 3. in Ca-
rolo Simplex.

lémque iudicadam esse, quæ principibus ac ma-
gistratibus prophanis magis quam episcopis cō-
ueniat. Quæ res fortè quondam ex regibus no-
stris nonnullos impulit, vt proceres ac milites
prophanos monasteriis præficerent, eisque mo-
nasteriorum opes fruendas largirentur. De qui-
bus ita scribit Æmylius*, Summi proceres pro-
phani locupletissimorum cœnobiorum opes be-
neficio regum acceperant, ac monachis tantum
in sumptum suppeditabant, quantum necessa-
rius vsus postulabat, ex eisque ipsi deligebāt qui
non Abba (nam id sibi nomen velut amplissimū
arrogabant) sed decurio vocitaretur. Per multas
ætates is mos tenuerat, iam episcoporum iura in-
uadebant. Simplex coaëto concilio diuitias Pō-
tificum sanctas esse constituit. Cœnobiorum li-
bertas sanciri nondum poterat, quod eorum fa-
cultatibus Robertus magister equitum ac Vgo
fratres militem alebāt, ac iam cum factionis suæ
hominibus ad occupandum regni ius eniteban-
tur. Idem lib. V. Cœnobiorum opes prophanis
proceribus attributas in Francia, ostēdimus. Ro-
bertus Francus rex eum morem soluit. Henricus
rex paternæ sanctitatis ea in re fuit æmulus.
Quauis igitur beneficia ecclesiastica Marsilius
non minus prophana esse cēsuerit, quàm quauis
alia prædia, & regēs Franciæ prophanis homini-
bus ea erogare non dubitauerint, tamen nec ra-
tione, nec exemplis huiusmodi ius Regaliorum
tueri velim. Illud dicam quod lib. 1. iam attigi,
&

& cuius mediocriter docto homini, facile me probaturum spero, in his Regalibus nihil esse, quod à Christi apostolorumq; doctrina, & veterum Ecclesiæ patrū canonibus & institutis magis discrepet, quàm in pontificia beneficiorum collatione. Nam si ad priscorum institutorum normā omnia exigere velimus, nullū est in Gallia beneficium, nullū Ecclesiæ ministeriū, quod absque regis cōsensu cuiquā deferri possit. Constat enim secundum veteres canones in eligēdis Ecclesiæ ministris, nō solūm cleri, sed etiam populi consensum maximè requiri: idq; ab apostolis etiam ipsis obseruatum fuisse postea docebimus lib. V. Cū igitur princeps nō modò vnus è populo, sed totius populi κορυφαῖος sit, in quem omne ius quod populus habet, aut potest habere, transfusum est, satis liquet veteribus canonibus hoc ius ei ablatum non esse. A dempta siquidem populo ob tumultus fortè ac seditiones eligendi facultate, magna ratio suadet vt in principes populi ac magistratus, magis quàm in sacerdotes translata ea potestas intelligatur. Dixerit aliquis, principē ius omne quod clerus olim habebat hīc sibi vindicare, adeò vt nullum clero, antistitibūque suffragium relinquat. Quod vtiq; perquàm absurdum esse videtur. Nam etsi nominationem illam, qua principes velut ecclesiarum ac monasteriorū patroni, vtuntur, de qua suo loco dicemus, tolerabilem esse fateantur plerique, quod clero suum ius hīc saluum maneat,

nulla tamē ratione fieri aiunt, vt plenum ius mi-
 nisteria beneficiāque ecclesiastica deferēdi prin-
 cipes habeant. Verū admonuimus lib. 1. ordi-
 nationem, consecrationem ac probationem mi-
 nistrorum Ecclesiæ, quæ olim cum beneficij col-
 latione coniuncta erat, regem sibi non arrogare,
 sed antistitibus liberam omnino atque integram
 dimittere. Videant igitur antistites ne vlti-
 mos ordinent clericos absolutē & sine certa fun-
 ctione in Ecclesiā, vt concilio Chalcedonensi
 præcipitur, cuius lib. 1. meminimus: vel ne quen-
 quam ordinent, qui ministerio Ecclesiæ dignus
 non sit, cui rex eum præficere voluerit. Hoc si
 facere in animum induxerint, nec passim quos-
 libet canonibus ecclesiasticis soluere, vt fieri hoc
 tempore solet, confirmare ausim hoc ius Rega-
 liorū à nominatione illa, quæ fundatoribus pa-
 tronisque ecclesiarum recepto iure competit, nō
 multum differre. Itaque meritō antistitibus, qui
 grauitur eo nomine de regibus conqueruntur,
 obiici potest vetus prouerbium, *Δασύπυς κρείων
 ἐπιθυμῇ*. Ex iam dictis perspicuum est, si vetustis-
 simorum canonum atque institutorum ratio ha-
 beatur, principem in omnia Ecclesiæ ministeria
 atque beneficia plurimum iuris & autoritatis
 habere: tantum abest vt ius Regaliorum, quo
 nunc utitur in quibusdam tantum ecclesiis, nul-
 la autoritate aut ratione in mores perductum
 dici debeat. Posteriora verō decreta Romano-
 rum pōtificum, item synodi ecclesiasticæ, quan-
 tum

tum regibus ac imperatoribus hac in re tribuāt,
 vel ex Gratiani rhapsodia satis notum est, ex qua
 nos quæ sequuntur excerptimus *f. 63. dist.* Adrianus pon-
 tifex Romanus cū vniuersa synodo Romæ con-
 gregata, Carolo Magno ius cōcessit Romanum
 pontificem creādi, præterea statuit, vt archiepi-
 scopi & episcopi per singulas prouincias ab eo
 inuestituram acciperent, vtq̃ue aliter consecrari
 non possent *g. c. Adria- nus ead. dist.* Nec verò ista concessio, vt priui-
 legium aliquod ex mera pōtificis gratia & libe-
 ralitate profectum accipi debet, si vera sunt quæ
 antè diximus, sed tāquam hominis vltro bonam
 fidem agnoscentis confessio. Leo pontifex Ro-
 manus cū toto clero ac Romano populo Otho-
 ni imperatori idem ius concessit *h. c. in syno- do, ead. dist.* Concilium
 Toleranum X I I. apertè decreuit episcoporum
 creationem regij iuris esse *i. c. cum lōgē, ead. dist.* Leo pontifex Ro-
 manus quadam epistola Lotharium & Ludoui-
 cum imperatores rogat, vt Reatinæ ecclesiæ gu-
 bernationem cuidā dīacono concedat *lx. c. Reatina. ead. dist.* Apud
 Gregorium mētio est cuiusdā monasterij, quod
 in finibus erat Franciæ, præcipitūque ne abbas
 in eo absque Regali prouisione constituatur *l. c. hinc est, 16. q. 1.*
 Possem & alia quædam non leuiora his testimo-
 nia proferre: sed quia volumen illud Gratiani ita
 vulgò probatum est, vt pars iuris pontificij ho-
 die habeatur, libenter feci vt autoritatibus ex
 eo sumptis vterer. Nō sum autem nescius quan-
 ta fuerit postea inter pontifices & imperatores
 quosdam de huiusmodi inuestituris contentio.

Quod vel ex Æmylio rerum Gallicarum scri-
 ptore luculentissimo cognosci potest. Sic enim
 „ scribit lib. V. Dum bellum sacrum in Asia ge-
 „ ritur, & in Europa summus pontificatus cum
 „ imperio Cæsaribusque decertabat, quod vetu-
 „ sta iam cōsuetudine Augusti scipionem sacrum
 „ annulūmq; pastoralementis episcopis cæterisque pa-
 „ tribus dabant, eamque sacrarum dignitatum ve-
 „ stituram iurāque regia appellabant, contende-
 „ bantque illa Carolo Magno à pontifice maxi-
 „ mo Adriano cum patritiatu, & à Leone cum
 „ imperio data penes se esse. Idem eodem lib. de
 „ Henrico imperatore loquens: Paschali necesse
 „ fuit caput hostis sui corona exornare, ac ius sa-
 „ crarum vestiturarum fando illi permittere. Di-
 „ scessus Cæsaris pōtifex habita synodo decretum
 „ vi factum induxit. Eod. lib. Vestituræ ecclesia-
 „ sticæ baculique sacri ac annuli dandi iuri cessit
 „ Augustus. Et legatus Romanus in gratiam con-
 „ sortionemque piorum recepit: & ius litui dan-
 „ di ea ratione restituit, vt id priuilegium foret,
 „ ac homini datum ad posteros non valeret, nec
 „ exemplo haberetur. Eodem lib. Philippo pri-
 „ mum ac deinde Crasso regibus mirum est, quā-
 „ tum incrementi res sacræ cœperint. Imprimis
 „ abrogatum est ius Cæsaribus locupletissima sa-
 „ cerdotia, quibus videretur, dandi, quæ res mul-
 „ tum virium illorum maiestati detraxit in animis
 „ popularium. Causa impetratorum victa, indi-
 „ gnatio tamen manebat & querela. Fuit etiam de

eare controuersia non mediocris inter Philip-
 pum Pulchrum Francorum regem & Bonifa-
 cium V I I I. cuius meminit idem Æmilius lib.
 V I I I. Post tantas igitur, tamque diutinas con-
 certationes, hoc ius, quod Regaliorum appella-
 tur, in sacra beneficia solum retinuerunt reges
 nostri. & credibile est eos ita decidisse ac veluti
 transgisse cum Romanis pontificibus, eum to-
 tum obtinere quod petebant, ipsis non liceret.
 Certè illud ius concilio Lugdunensi primùm,
 cui Bonifacius V I I I. præfuit *, deinde Basi-
 liensi probarum atque confirmatū est *. De hoc
 autem iure melius erit fortassis pauca quædam
 obiter subiicere ad forensē vsum necessaria,
 quanuis ea disputatio ab huius libri argumento
 paulo alienior esse videatur. Ac imprimis scien-
 dum est, hoc ius non solum in distributione be-
 neficiorum, sed etiam in perceptione fructuum
 consistere. Nam princeps quandiu vacat episco-
 palis sedes, prædiorum omnium administratio-
 nem suscipit, ipsisque arbitrio suo vitur ac frui-
 tur: idque existimant nonnulli ex clientelarum,
 seu vt nunc loquimur, feudorum lege ortum es-
 se, quod à vero non abhorret. Nec sanè multum
 refert, quomodo vacet Ecclesia episcopalis, an
 morte, an promotione ad aliud munus ecclesia-
 sticum, aliisve modis, de quibus lib. V I I I. tra-
 ctabimus. De eo qui in cardinalium Romanæ
 Ecclesiæ ordinem & collegium cooptatur, quæ-
 stio agitari solita est. Verùm ex iis quæ scripsi-

*n. c. generali,
 de elect. in 6.
 o. §. itē quod
 dicto, de an-
 nat. in prag.*

p. Panor. in c.
bonæ, de post.
prælato.

q. 1361. 20.
Nouëb. 1384.
2. Iul. 1363.
20. Ianna.

mus lib. 1. satis apparet Cardinalis Romani officium huiusmodi esse, ut alterius ciuitatis episcopo id exequi non liceat. Proinde is qui ad eum dignitatis gradum prouehitur, non immerito dicitur episcopalem honorem amittere. Atque ita sæpe iudicatum est in curia centumuirali, cuius propria ac peculiaris est de Regalibus cognitio. Ut autem vacare desinat episcopalis sedes, quædam requiruntur, quæ vulgari illa constitutione, cuius initium est, D V M episcopus, dissertè expressa sunt. Primum enim nouum antistitem ritè ac legitime creatum lectumve esse oportet, Deinde eum ut regis clientem iureiurando in ipsius verba adactum esse, & literas regias iurisyurandi huius solennis nomine apud præfecturam ratiociniorum recepras perscriptasque esse necesse est. Hoc amplius aliis literis opus est, quibus præfecti ratiociniorum, regio fundorum episcoporum dispensatori mandent, ut nouum antistitem eisdem frui sinat. Nec antè desinit rex iure suo uti, quàm administrator ille, seu dispensator huiusmodi literas acceperit. Et quia sæpenumero quæri solet, in quas episcopales ecclesias hoc ius Regalium rex sibi vendiceret, apponam hîc catalogum, qui apud præfecturam ratiociniorum perscriptus reperitur, in hunc ferè modum: In tota prouincia Senonensi, excepta diocesi Antissiodorensi Regalia locum habent: in prouincia Rhemensis, excepta diocesi Cameracensi: In prouincia Bituricensi, excepta

Lemo-

Lemouicensi, Caturcensi, Ruthenēsi, Albiensi, Mimatensi: In pronincia Turonensi, excepta Maclouienſi, Venetenſi, & aliis Britāniæ eccleſiis. In archiepiſcopatu Burdegalenſi ſolum, non etiā in aliis eiufdē prouinciæ. De Piſtauēſi, quia dubitabatur, præcepit rex vt inquireretur, &c. In tota Normania, Regalia locum habēt. Superest vt ex præceptis Regaliorū ſingularibus quædam hîc perſtringamus. Nam ōmnia perſequi nō eſt huius loci neque inſtituti. Ac præcipua quidem eorum præceptorum ad vacantia beneficia perſtinēt, quæ Regaliorum iure rex diſtribuit, tantisper dum ſedes epiſcopalis vacat. Queritur enim quādiu vacantia iudicari debeant, vt rex ea cōferre poſſit: & an ea quæ vacare cœperunt ob mortem, delictum, aut aliam huiusmodi cauſam ante Regaliorum incœptorū tempus, collato alicui beneficio, vacare deſināt. Et receptum eſt, quāuis beneficium ante id tempus collatum ſit à pontifice, ſi tamen poſſeſſio nondum fuerit eo tempore apprehenſa, liberum ſit regi beneficium vt vacans, arbitrio ſuo conferre. Duplīciter enim hîc dicitur vacare beneficium. I. Cū nemini ante tempus Regaliorum ita collatū eſt, vt ius aliquod adhuc ei quaſitum ſit. II. Cū is cui fortē collatum eſt, nō poſſidet: tamenſi iure communi poſſeſſionis rātio haberi nō ſoleat. Siue igitur vtroque modo beneficium, ſiue altero tantum vacet, collatio regis eſt iure ſingulari: idq̃ue Philippina cōſtitutione nominatim cau-

tum est. Sed & quorundam opinio est, durante lite, quæ possessionis nomine mota est sine fraude, adhuc vacare beneficiū, donec vindiciæ alterutri adiudicatæ fuerint, quāvis fortè quis corpore incumbat possessioni. Secūdum quam opinionem iudicatum est, anno 1387. die 18. Ianua. Idémque dicendum putant aliqui, & si quis per procuratorem tantum possessionē beneficij adeptus fuerit. Quia constitutio Philippina verā requirit possessionem, nec vllam iuris fictionē admittit. Sed hæc sententia scrupulo non caret, vt aliàs demonstraturi sumus. Adde quod si quis in canonicorum collegium lectus & cooptatus sit, receptio & in possessionem inductio, quæ ab eodem collegio peti solet, adeò necessaria est, vt de ea re collegium appellasse, & omnē diligentiam adhibuisse non sufficiat, vt iudicatum est anno 1380. die 27. Nouemb. Aliud ius singulare in Regalibus reperitur, quia pendēte lite possessio quam statum vocant, interim regia liberalitate subnixo adiudicari, nec aduersarius rem controuersam sequestrari postulans audiri consuevit. Quinimo si triennij continui possessionem alleget, ne hac quidem præscriptione regis beneficiarius summovebitur, cui sola XXX. annorū exceptio obstare poterit, vt Ludouici XII. cōstitutione sancitum est. Sed vereor ne cancellos, quos mihi ipse circundedi, iam nimium egredi videar. Itaq; finem hîc facio, reliqua paulo commodius suis quæque locis explicaturus.



LIBER QVARTVS,

QVIBVS POSSINT BENE- FICIA CONFERRI.

ARGVMENTVM.

sequens locus, est de personis quibus beneficia possunt distribui, quò nullus est in tota hac disputatione tractatus dignior. Non enim Isocrati assenimur, qui ad Nicocle scribens ait: Non sicut sacerdotiam, ita & regnum cuiusvis hominis esse, cum in his beneficiis conferendus, morum, eruditionis, ætatis, natalium, coniugij, aliarumque huiusmodi rerum maxime sit habenda ratio, ne parum idonei ad honores ecclesiasticos promoveantur. De quibus sigillatim in hoc libro differere, & à moribus promovendorum exordiri instituimus.

Quibus præditum moribus, & à quibus vitiis alienum esse eum oporteat, cui beneficium confertur. Cap. i.

N E V M qui ordinandus est, & ad sacrum ministerium promovendus sic inquirendum esse canones præcipiunt, ut morum & vitæ antea potissimum habeatur ratio. Nam sicut constitutio imperatoria

d. r. c. in cum-
t. de elect.
c. si quis vi-
duā, 50. dist.
c. qui in ali-
quo, 51. dist.
c. prius, 55.
dist.

magistros & professores artiũ primũ vult ex-
b. l. magistros cellere moribus, deinde facundia^b, ita à sacer-
c. de profes. dote, morum grauitatem & honestatem præci-
et med. puè efflagitamus. Scitum etenim illud est: Qua-
 les in rebus publicis principes sunt, tales & reli-
 quos solere esse ciues. Quod & ad Ecclesiæ præ-
 fectos ac ministros pertinere dubium non est.
 Quomodo enim potest, inquit D. Hieronymus,
 præses Ecclesiæ auferre malum de medio eius,
 qui in delictum simile corruit? aut qua libertate
 peccantem corripere potest, cum tacitus ipse sibi
e. c. ult. 25. respondeat, eadem se admisisse quæ corripit?
dist. Sed & aliam rationē affert Iustinianus noster^d:
d. nouel. 123. Si hi, inquit, quorum munus est orare pro popu-
 lo, indigni ministerio Dei inuenti fuerint, quo-
e. 49. dist. in modo pro populi delictis placare Deũ poterũt?
pr. Et constat hunc morem iam inde ab initio fuis-
 se in Ecclesia obseruatum, vt nemo ad sacerdo-
 tium seu ministerium Ecclesiæ reciperetur, nisi
 publicè in eius mores inquisitione facta. Quod
 vel Lamprid. testatur in Alexãd. Seuero his ver-
 ,, bis: Vbi aliquis voluisset vel rectores prouinciis
 ,, dare, vel præpositos facere, vel procuratores, id
 ,, est rationales ordinare, nomina eorum propo-
 ,, nebat, hortans populum, vt si quis quid haberet
 ,, criminis probaret manifestis rebus, si non pro-
 ,, basset, subiret pœnam capitis. Dicebátque gra-
 ,, ue esse cum id Christiani & Iudæi facerent in
 ,, ordinandis sacerdotibus, non fieri in prouin-
 ,, ciarum rectoribus, quibus & fortunæ homi-
 num

num committerentur & capita. Ob quæ au-
 tem vitia arceatur quis à sacro illo ministerio,
 Paulus ipse non vno in loco docet ac demon-
 strat. Ex quo ferè sumpta sunt ea quæ diffusis-
 simè tractantur à Gratiano, à X X V. distin-
 ad L. suorum collectaneorum. Ait enim Pau-
 lus eum eligi episcopum seu presbyterum de-
 bere, qui sit *νεφάλιος*, id est vigilans, *σώφρων*, id
 est sobrius, *κῆσμιος*, id est modestus, *φιλόθεος*, id
 est hospitalis, *μη πείροινος*, id est non vino dedi-
 tus, *μη πληκτής*, id est non percussor, *μη ἀσχρο-
 κερδής*, id est non turpis lucri cupidus, *ἀμαχης*,
 id est, à pugna & contentione alienus, *ἀφιλάργυ-
 ρος*, id est pecuniæ non avidus, *μη αὐθαδής*, id est,
 nō superbus nec præfractus, *μη ὀργιλός*, id est non
 iracundus. *φιδάργος*, id est bonarum rerum stu-
 diosus, *δίκαιος*, id est iustus, *θεός*, id est pius suus
 sanctus, *ἐγκρατής*, id est, temperans. Hoc autem
 ita accipi debet, non ut episcopus is demum
 eligatur, in quo nihil horum vitiorum peni-
 tus insit: res enim contra naturam pendē est,
 (inquit Hieronymus) sine peccato aliquem esse,
 sed egregium & ab imi dotibus virtutibusque
 præcellentem multitudinē esse oportet, ut eius
 comparatione (quod idem ait) ceteri grex di-
 cantur. Maximè verò illud cauendum est, ne
 quid accusatione iudiciali criminationēque di-
 gnum ab eo perpetratum sit. Quod satis ostēdit
 Paulus cum ait eum *ἀνέγκλητον*, aut quod idem est,
ἀνεπίληπτον esse debere. Et quanquam Paulus in

f. x. ad Timo.

c. 3. ad Titum

c. 1.

g. c. vnum,

25. dist.

b. c. odit, 1. q. 1. eo loco de episcopis loquitur, tamen de cæteris
i. c. inter hæ- omnibus presbyteris dubium non est, quin ea
resim. 24. q. 3. verba accipi debeant, cum eo tempore iidem &
l. l. si quem- presbyteri & episcopi appellarentur, ut Chryso-
quam. C. de stomus & Hieronymus aiunt. De diaconis verò
episc. c. nobis, seu ministris ecclesiarum, qui presbyteri nōdum
de simo. c. cū creati sunt, paulò post ita loquitur Paulus, ut fa-
clerici, de cile appareat eum non minorem vitæ integritate
pact. tem puritatēq; ab illis, quàm à presbyteris exi-
m. c. felicit, gere. Hinc à nostris traditum est ob crimen hæ-
de pæn. in 6. reseos^b, schismatisⁱ, ambitus^l, maiestatis^m, sa-
n. c. venerabi- crilegijⁿ, falsi^o, periurij^p, homicidij^q; & alia
lem, de elect. huiusmodi crimina hominem beneficii incapae-
o. c. ad falsa- cem reddi. Et obseruandi hīc sunt canones at-
riorū, de cri- que constitutiones, quæ causas continent, pro-
ful. pter quas amittitur beneficium, de quibus po-
p. c. querelā, steà aliquanto plenius differemus. Nam ob eas-
de iureiur. dem causas multo magis beneficiū adipisci quis
q. c. accedens, prohibebitur^r. Adde supradictis eum, cui nota
de accusat. c. aliqua infamiae iniusta est, & cuius apud bonos
ad aures, de & graues viros grauata est existimatio, benefi-
ata. & qual. cium cōsequi non posse^s. Quod & in eo locum
e. ult. de tēp. habet, qui reus alicuius delicti postulat^t est,
ord. quanuis fortè damnatus nondum sit^t. Idem de
r. c. ult. 15. q. eo est dicendum, cui vel sacra communione, vel
1. c. super his, officio ministerioque suo interdictum est^u. Hæc
de accus. autem omnia sic accipienda sunt, nisi veniam
f. c. laici. 33. restitutionēque impetrauerit beneficiarius vel
distin. c. vl. de à summo pontifice, cuius plenissima est in
furt. hac
t. c. ult. de te- stis de accusa.
sti. c. omni-po- tis de cler. ex-
tes de accusa. cō. c. cū bonæ, de ata. & qual. c. cum dilectus de consuet.

hac re potestas ac libertas: vel ab alio inferiore episcopo cui interdum & gratiam canonis face-
re permittitur*.

x. c. 2. de cler.
non ord. mi-
nist. c. 2. de
cler. pug. in
duel. ubi not.

*Quarum literarum atque linguarum cogni-
tione instructus debeat esse benefi-
ciarius. Cap. 2.*

Imperitis literarum beneficia cōferenda non
esse certi iuris est^a, ad eò ut irrita censeatur hu-
iusmodi collatio auctore Innocētio, quem &
Felinus sequitur^b. Proinde si quis fortè literarū
ignarus ad sacrum ministerium obrepisse depre-
hendatur, is confestim ab eo remouendus est^c.
Nam si laicis prophanisque hominibus doctri-
na necessaria est, in iis profectò qui ceteris præ-
sunt & se doctores aliorum profitentur, in-
tolerabilis est, nec ullam veniam meretur insci-
tia^d. Hinc legitur Osee 4. c. Quia tu scientiam
repulisti, ego te repellam ne sacerdotio fungaris
mihi^e. Et Mal. 2. Labia sacerdotis custodiunt
scientiam & legem exquirunt de ore eius^f. Qui-
bus locis admonentur sacerdotes, ut ignorātiā
veluti pestem quādam, ut ait Isidorus, & ut legi-
tur in concilio Toletano, matrem cūctorum er-
rorum à se abiiciant^g. Sacerdotis enim partes
sunt, non solum docere verbum Dei, sed etiam
contradicentes refellere, ac ut Paulus ad Titum
scribit^h, in 150 m. 34. Et rationem omni poscētī de
fide sua eos reddere iubet Petrusⁱ. Quæ omnia

a. c. illi erator
36. dist. c. pæ-
nitentes, 55. di-
stin. c. cum in
cunctis, de e-
lect. c. ult. de
tēp. ord. in 6.
b. Innocē. in
c. cum nostris,
de con. prab.
Feli. in c. per
tuas, de simo.
c. c. ult. de æ-
ta. & qual.
d. c. si in laicis
38 dist.
e. c. omnes, 38
dist. c. nisi cū
pridem, de re-
nunc.
f. c. sit rector.
43. distin.
g. c. ideo, 37.
distin. c. 1. 38.
distin.
h. c. 1.
i. 1. Pet. c. 3.

absque doctrina & eruditione præstari non possunt ⁴, periculum siquidem est, ne si cæcus cæco dux fuerit, ambo in foueam cadant ¹. Verum ad hanc eruditionem sibi parandam, studio, labore, vigiliis, meditatione opus est. Cuius rei quod nam locupletius testimonium esse potest, quàm quod Paulus ad pedes Gamalielistarum & prophetas se didicisse testatur ^m? quòdque Timotheum ac Titum ad studium & lectionem tantopere hortatur & stimulat ⁿ? Qua ratione constitutum est, vt beneficiarius studiorum causa absens, integros sui beneficii fructus percipiat ^o. Nec nos mouere debet quòd nostræ religionis Coryphaei literas non didicerint, cum omnia spiritus sanctus ipsis suggereret, vt ait Hieronymus, essentq; vt loquitur Esaias ^p Theodidacti. Nec verò sacras tantum literas, id est, vetus & nouum Testamentum intelligere sacerdotem oportet, sed canones quoque, qui dogmata & disciplinam ecclesiasticam continent, nosse debet ^q. ac præsertim episcopus, cui ad dirimendas de matrimoniis aliisque huiusmodi negotiis controuersias, canonici iuris scientia per quã necessaria est ^r. Alia causa videtur esse iuris ciuilis, cuius studium beneficiarius quibusdam Honorius tertius pòtifex interdixit ^s. His etenim opprobrium est, inquit Iustinia. si peritos se velint ostendere forensium disceptationem ^t. Si ramen ius ciuile sacerdos velit legere, non vt in foro versetur, & causas agat, sed vt ex illo æquitatis iustitiæque vber.

lx. c. qui eccle
siasticis, 36.

dist.

l. c. ideo, 37.

distin. c. que

ipsis, 38. dist.

c. cum sit de

ata. & qual.

m. Acto. 22.

n. 1. ad Ti-

mot.

4. ad Titum

c. 1. 38 dist. c.

1.

o. c. 2. de pri-

uil. in. 6.

p. c. 54.

q. c. nulli, 38.

dist.

r. c. 1. de con-

sang. vbi not.

f. c. super spe-

cula ne cler.

vel mo.

t. l. repetita.

C. de episco.

vberriimo fōte aliquid hauriat ac degustet, quod ad professionem suam conferat, minimè id improbandum reor: nam vt de illo doctrinarum orbe taceam, qui à Græcis *ἡγουκλεισθία* dicitur, ius canonicum siue pontificium, saltem id, quo nunc vrimur magna ex parte cum iure civili cōiunctum est, vt absque eo commodè tractari nequeat. Quæ ratio fortassis mouit Alexandrum cum tota synodo Lugdunensi, vt non modo iuris ciuilis studium permetteret beneficiariis, sed vacationes quoque & immunitates studiosis largiretur. De Honorio sanè nobis affirmare religio est, quod iuris pontificij interpretes Goffredus Beneuentanus in literas retulit, ignorantiam iuris in pontifice notans, nempe Honorium non aliter ac vulpem fecisse, quæ cū vuas proceræ cuiusdam vitis decerpere frustrà diu conata esset, tandem eas contempsit ac damnavit, quòd sibi acerbiores viderentur. Allusit opinor ad illud Gabriæ poëtæ Græci tetraстichum:

κερδῶ βότρυον, βλέποντα μακρᾶς ἀμπέλαι,

33

πρὸς ἕψος ἤρτο, καὶ καμῶσαι πολλὰ κίς

33

Ἐλῆν, ἀπῆλπε, πρὸς δ' ἐαυτὴν πάντ' ἔψυ·

33

Μὴ καί μιν, ῥαγὲς ὁμφαιζέουσιν μάλα.

33

Verùm de his iam plus satis. Studium medicinæ, seu vt loquuntur, physicæ, eadem Honorij cōstitutione non aliter ac ius ciuile prohibitum est. Nam medicos rudi illo seculo physicos fuisse appellatos, multis testimoniis argumenrisque compertum habemus*. Videndum tamen est

x.c. ad aures,
de ata. C.
qual.

meo iudicio quorsum hoc medicinæ studiū amplectatur, vt de iure ciuili diximus. Quod enim præfatur Honorius de amplificando theologiæ studio, satis ostendit constitutionem de his accipiendam non esse, qui eo consilio student medicinæ, vt theologiam cōmodius ac fœlicius tum discere, tum docere queant. Constat enim plurimum commodi atque ornamenti ex medicina, sicut & ex reliqua philosophia, theologiæ studio accedere posse. Vt mittā quod Galenus doctrinam anatomicam theologiæ initium esse scribit, & aditum ad agnitionē Dei. Id quod satis probasse videtur synodus Basiliensis, quæ professores medicinæ à sacris beneficiis minimè arcen-

*a. tit. de colla.
§. insuper. in
prag.*

*b. c. turbat,
37. dist.*

c. c. 1. 37. dist.

*d. c. inter cæ-
tera, de offic.
ord.*

dos esse voluit^a. Ac vt summatim omnia complectar, nulla est liberalium disciplinarum, quāuis fortè ethnicorum libris contineatur, quæ sacerdoti admodum vtilis ac necessaria non sit, si modū in ea re adhibeat, & ad eum, de quo iam dixi, scopum studia sua cōferat^b. Qua de re Basilius magnus in homilia, cui titulus est, De utilitate capienda ex Gentilium authorum libris, copiosissimè differit. Nec aliter veteres illos patres sensisse verisimile est in synodo Carthag. cū episcopo præcipiunt ne gentilium libros legat: nisi quis eorum nimix simplicitati, ne dicam superstitioni id adscribere malit. Paulus episcopum διδασκαλικόν esse vult, id est aptum idoneumq; ad docendum: id enim est episcopi munus præcipuum^d. At docere & explicare commodè non potest,

potest, qui in veterum authorum lectione diu versatus, magnam ac variam doctrinam sibi non comparauerit. Quamobrem Iulianus imperator, qui dictus est Apostata, quod à religione Christiana defecisset ad hellenismum, scholas Grammaticorum, Rhetorum ac Philosophorum, Christianis, quos Galilæos vocabat, interdixit, futurum sperans ut absque liberali eruditione religionem tueri suam non possent. Author est Amianus Marcellinus ¹. Et Theodorus ² his eum verbis usum fuisse refert: Propriis pennis configimur, ex nostris enim libris arma capiunt, quibus in bello aduersus nos utantur ³. De peregrinis linguis, quibus theologiæ fontes continentur, extat Clementis V. constitutio in concilio Vien. edita, quæ nemini non iuris pontificij studioso hodie nota est ⁴. Et Augustinus in quadam epistola: Ut veterum, inquit, librorum fides examinanda est, ita nouorum veritas græci sermonis normam desiderat ⁵. De libris ethnicorum pulchrè loquitur Beda, cuius verba hinc subiecimus: Turbat acumen legentium, & deficere cogit, qui eos à legendis secularibus libris omnibus modis existimat prohibendos, in quibus si qua inuenta sunt utilia, quasi sua sumere licet, alioqui Moses & Daniel sapientia & literis Ægyptiorumque Chaldæorumque non paterentur erudiri, quorum tamen superstitiones simul & delicias horrebant. Nec etiam ipse magister gentium aliquot versus poetarum suis vel scripturis vel dictis in-

e. lib. 22. &

25.

f. ecclesiasticæ
historiæ lib. 3.g. Vide eundem
lib. 4. c.29. & Tri-
per. histo. lib.

6. c. 17.

h. cl. 1. de
mag.

i. c. ut veterum,

9. dist.

lx. c. turbat. didisset *l.* Sed, vt iam admonui, etiam atque
37. dist. etiam videndum est, ne huiusmodi Sirenes ab

instituto itinere nos auertant, & τὸ πᾶσις, vt est
 „ in prouerbio, ἔργον fiat. Si quis (inquit Hierony-
 „ mus, enarrans epistolam ad Titum) artem no-
 „ uerit grammaticam vel dialecticam, vt rectè
 „ loquendi rationem habeat, & inter falsa & vera
 „ diiudicet, non improbamus ^{l.} Idem alibi, Non-

l. c. si quis ar- ne vobis videtur in vanitate sensus & obscurita-
tem, 37. dist. te mentis ingredi, qui diebus ac noctibus in dia-

m. c. nonne, lectica arte torquetur? &c. ^{m.} Et Gratianus re-
37. dist. fert à Gregorio quondam episcopum reprehen-

suum fuisse, non quia seculares, vt vocant, literas
 didicerat, sed quia contra episcopale officium, pro
 lectione euangelica grammaticam populo expo-
 nebat ^{n.} Quæ hætenus à nobis dicta sunt de be-
 neficiariorum eruditione, ea de episcopis accipi
 volumus, & cæteris animarum curatoribus, quo-
 rum munus in docendo consistit. Nam ceteri
 clerici ordinum inferiorum, puta, lectores aut
 cantores, quauis literarum expertes esse non de-
 beant, vt scribit Iustinia. ^o eorum tamen inscitia
 non adeò Ecclesiæ perniciofa est, toleraturque
 in eis qualiscunque literatura, modò vt psallen-
 di ac legèdi periti sint, aut aliàs ad munus suum
 obeundum instructi ^{p.} Atenim nimium seueri
 censores ac rigidi plerisque fortassis videbimur,
 qui rerum omnium tam humanarum, quàm di-
 uinarum scientiam à sacerdote exigamus, cum
 vel in vna aliqua arte ac disciplina excellere dif-
 ficillimum

n. c. turbat,
37. dist.

o. Nouel. 6.
o 123.

p. not. in d. c.
cū in cunctis.
o in d. c. il-
literatos.

ficillimum sit. Sed quid mirum nos in theologo ac sacerdote idem requirere, quod in Oratore Cicero, in architecto Vitruuius? Est enim artium omnium ut præstâtissima, ita longè operosissima ac periculosissima, quæ ad curam animarum pertinet. Nec verò perfectam illam omnibusque numeris absolutam rerum cognitionem, quæ nusquam fortassis reperitur, ita desidero, ut non hîc mediocritatem amplectendam esse censeam, & nos homines esse, id est in magna caligine & rerum ignoratione versari, obliuiscar. In his enim tenebris beneficio sacroque ministerio dignus is iudicari potest, qui medicrem earum rerû, de quibus diximus, scientiam est assecutus, quique talis est quales vulgò homines eruditos appellare solemus. Nec discrepat ab hac sententia, quod de suo architecto scribit Vitruuius in hunc modum: Non debet, nec potest architectus esse grâmaticus ut Aristarchus, sed non agrammatos: nec musicus ut Aristoxenus, sed nec amufos: nec pictor ut Apelles, sed graphidos non imperitus: nec plastes quemadmodum Myron seu Polycletus, sed rationis plasticæ non ignarus: nec medicus ut Hippocrates, sed non aniatrologetos, nec in cæteris doctrinis singulariter excellens, sed in his non imperitus, &c. Verùm ad hanc perfectæ eruditionis ideam, respicere debet is qui alium ordinat, & beneficium ei confert: ac eò digniorè existimare, quo propius ad eam perfectionem accesserit. Nec

q. e. ante, 46.
distinc. c. cum
sit, de eta. &
qual.

r. c. cum nobis
olim. de elect.
e. nisi cum pri
dē. §. pro de
fectu, de re.
nunc. l. scienti
dum. ff. de ac
dil. edit.

enim vlla certa regula aut constitutione id defini-
niri potest, sed eius arbitrio tanquam viri boni
ac prudentis id committitur, vt magnitudine
muneris seu ministerij perpenſa, ceterisque cir-
cunſtantiis omnibus diligenter conſideratis, de
doctrina & eruditione iudicium faciat. Et ſi qui
ſint à ſtudio literarum penitus alieni, & patinis
magis quàm paginis incumbentes, cuiusmodi
noſtra fert ætas quâplurimos, quod vtinam ve-
rè ne dicerem, eos ceu peſtem quandam auerſe-
tur, nec ad vllum beneficium miniſteriũmve ad-
mittat ſ. Hæc autem eo libentius hîc explanare
volui populariter quidem, & craſſa, vt aiũt, Mi-
nerua, ſed niſi fallor vtiliter, quòd vulgaris illa
ſcientiæ diuiſio in eminentem, mediocrem, &
ſufficientem parum commodè ac eruditè ab in-
terpretibus tradita tractâque nobis videatur *.

f. gloſ. prag.
tit. de elect. §.
deinde.

z. not. in d. c.
cũ in cunctis,
de elect.

*An ob vitium corporis à ſacro miniſterio benefi-
ciòque repelli quis debeat. Cap. 3.*

Cũ quæritur an ob vitium aliquod corporis
debeat quis repellì à ſacerdotio, multũ refert an
quis hoc malo ſe affecerit, afficiendũmve cura-
uerit, an violentia, aut natura id ipſi contigerit:
& hi caſus diſtinguendi atque ſeparandi ſunt.
Quod ad primum attinet, præcipiunt canones
apoſtolorum *, vt ἀκροτηρίαζων, id eſt, vt vulgò in-
terpretantur, qui ſibi ipſi virilia amputauit, cleri-
cus minimè efficiatur, quòd ſui ipſius homicida
ſit,

a. c. 21.

fit, & inimicus creationi Dei ^b. Nam is neque
 vitorum, neque mulierum numero habendus es-
 se videtur, vt olim Romæ in causa Genutij cu-
 iusdam decretum fuit, cuius meminit Valerius ^c.
 Eadēque causa eius est, qui sponte digitum
 aliudve membrū huiusmodi sibi absciderit, tan-
 quam inimicus creaturæ Dei, vt diximus ^d, quod
 Ammonio monacho quondā accidisse ferunt ^e,
 qui aurem dexteram sibi amputauit, ne episco-
 pus ordinaretur. Nam verbi ἀκροτηρίαζων, quo ca-
 non vititur, latior videtur esse significatio, quā
 vt de virilium amputatione tantum intelligatur.
 Excusatur sanē is qui valetudinis causa secari se
 à medicis passus est. Nam quanuis id consultò
 factum fuerit, nec absoluta fuerit hæc necessitas,
 tamen valetudinis ratio & instans periculum,
 quod vitare voluit, veniam mereretur ^f. Si quis
 autem superstitione, vel impatiētia libidinis du-
 ctus, aut malæ alicuius suspicionis vitandæ cau-
 sa seipsum castrauerit, vt quondam Origenes fe-
 cisse traditur ab Eusebio ^g. & alius quidam no-
 mine Leontius, cuius apud Theod. mentio est ^h.
 si quis inquam sibi ob huiusmodi causam geni-
 talia exciderit, sacro ministerio indignus iudica-
 tur ⁱ. Grati sunt enim deo eunuchi, quos castra-
 uit voluntas, non necessitas, vt inquit Hierony-
 mus ^k. Sed de his iam satis. Ad eos qui nō spon-
 te & consultò mutilati sunt veniamus. Si quis
 igitur per vim à barbaris ac latronibus, puta eu-
 nuchus factus est, aut ita natus, is ordinari non

b. c. si quis
 absciderit. c.
 hi qui. c. si
 quis pro ægri-
 tudine, 55. di-
 stin. c. signifi-
 cauit, de cor-
 po. vit.
 c. lib. 7. c. 7.
 d. c. qui par-
 tem, 55. dist.
 e. histo. tri-
 per. lib. 8.

f. c. si quis &
 medicis, 55.
 dist. c. ex par-
 te, de corp.
 vit.
 g. lib. 6. eccle.
 histo.
 h. lib. 2.

i. c. hi qui, 55.
 dist.
 k. c. qui sitit,
 11. q. 5.

prohibetur, vt habet vicesimus canon apostolorum, & canon primus Nicenæ synodi ^{l.}. Proinde Dorotheum Antiochiæ episcopū fuisse scribit Euseb. ^{m.} quāuis natus eunuchus esset. Idem dicendum est, & si casu aliquo fortuito id acciderit ^{n.}. Si quis tamen aliquod membrum, aut partem corporis amiserit, quæ ad ministerium functionemque ecclesiasticam necessaria sit, tamen si casu & sine culpa sua, is ordinari prohibetur, non quia læso corpore est, inquit canon apostol. ^{o.} sed ne ministerium ecclesiasticum impediatur. Quod si fortè claudicet tantum, vel oculo defectus sit, sed ita vt munus suum exequi nihilominus valeat, canones eum nō arcent à ministerio. Non enim, vt inquit canon ^{p.} aposto.

p. 77.

p. 76.

» mutilatio corporis ipsum polluit, sed inquinatio
» animæ. Posterioribus tamē decretis pontificum
ministerio excluditur altero carēs oculo, aut aliter læsus, si ea res magnam ei deformitatem afferat ^{q.}. Quod ex cacozelia quadam legis Mosai-
cæ profectum videri potest ^{r.}, vtcunque eam legem Theologi allegoricè interpretentur ^{s.}.

q. c. si euāge-
lica, ss. dist. c.
presbyterum,
de cler. agrot.

r. Leuit. 21. c.
vsque ad cōd.
33. dist.

s. canone hinc
etenim. 49. di-
stinct.

De morbo corporis, qui hominem ministerij be-
nificijque ecclesiastici incapacem reddunt.

item qui dicantur energumēni &
engastrimythi in iure pon-
tificio. Cap. 4.

Quisquis graui morbo laborat, vt ad sacrum
munus obeundum non sit idoneus, is beneficij
capax

capax non censetur, quanuis nec eruditio, nec morum probitas, nec aliæ dotes animi in eo desyderetur ^{a. c. cum inter canonicos, de elect.}. Quid enim si morbo comitiali corripiatur, quem Græci ^{ἐπιληψία} vocant? Nam qui subito concidit, cuius ex ore spumæ mouentur, vt inquit Celsus, cum membrorum ac neruorum distensione, is ad rem diuinam in Ecclesia faciendam utilis iudicandus non est ^{b. c. communiter. 33. dist.}. Idemq; de aliis huiusmodi morbis est statuendum, tamen si eum qui iam ordinatus promotusque est, non deiciant ^{c. tit. de cler. aegrot.}. Mantaci autem ac fanatici, qui à cædæmone vexari existimantur, quin ad hunc locum pertineant, minimè dubito, quanuis Vlpiano is morbus animi, magis quàm corporis esse videatur ^{d. l. 1. de ædil. edi.}. Nam & hi à sacerdotio repelluntur veteribus canonibus ^{e. 78. c. apost. c. maritum. c. cõmuniter c. clerici. c. vsq; ad cõd. 33. dist.}. Et animaduertendum est variis nominibus eos appellari solere: dicuntur enim energumeni, quasi lunatici, vt quidam interpretantur: de quibus sic statuit synodus Carthag. IIII. Vt exorcistæ energumenis manus imponant, vt energumeni paupimēta domorum Dei verrant, vt energumenis assidentibus in domo Dei, victus quotidianus per exorcistas opportuno tempore ministretur ^{f. c. exorcista, 23. dist. c. omni die, de consec. dist. 5. g. c. illud, 26. q. 2. h. Act. 16. c.}. Vocantur & ^{ἑνεργεῖν}, cuius vocis mentio est apud Aristophanem, quasi dicas ventriloqui. Sic enim eos latinè vocat Augustinus ^{g.}, qui spiritum pytho- nem habere dicuntur ^{h.}, quòd malus quispiam genius (immois nempe labiis) ipsorum in ventre inclusus loqui credatur.

DE SAC. ECCL. MINIST.

Eos qui ex iustis nuptiis procreati non sunt, ad
ministerium ac beneficium ecclesiasticum
admitti non debere, & qua ratione
id constitutum sit. Cap. 5.

a. §6. distinc.
c. 1. de fil.
presbyte.
b. c. 23.

Qui ex iustis legitimisque nuptiis procreati
nō sunt, cuiusmodi sunt spurij seu nothi, & quos
naturales appellamus, ij ad ministerium eccle-
siasticum admitti prohibentur ^a. Sunt qui au-
thoritate legis Mosāicæ id confirmare nitantur,
propterea quod in Deuteronomio scriptū sit ^b:
Non ingredietur Manser, id est ex scorto natus,
in ecclesiā domini. Sed viri eruditi ingredi ec-
clesiam domini interpretantur habere commer-
cium cum populo Dei, & habere ius ducendi
Israēlitidem. Quare ad rem ille locus non mul-
tum pertinet. Ratio autem huius prohibitionis
triplex affertur: Vna, est metus incontinentiæ
paternæ: quoniam sæpe accidit vt mores pa-
tris sectetur filius, sitque non corporis tantum
paterni, sed etiam animi quædam imago. Hinc
illud tritum apud Græcos prouerbium, κακὸν
κόρακος κακὸν ὦνον ^c. Fortes enim creantur forti-
bus, &c. Huc pertinet quod Honorius in qua-
dam constitutione de filiis eorum, qui perduel-
lionis rei sunt, loquens, scriptum reliquit: Pa-
terno deberent perire supplicio, in quibus pater-
ni hoc est hæreditarij criminis exempla me-
tuuntur ^d. Quod si quis mihi aut Herculem
ex adulterio natum obiciat, cuius maximè vir-
tus

c. c. si gēs An
glorum, §6. di-
stinct.

d. l. quisquis.
C. ad l. lul.
marie.

tus enituit, aut eos pontifices, quos Damasus apud Gratianum recenset^e, aut si qui sint alij si-
 miles, quibus arte benigna, & meliore luto fin-
 xit præcordia Titan. Huic respondeo ex Theo-
 phraſti ſententia, quæ raro accidunt, ea contem-
 ni à legiſlatoribus^f. Altera prohibitionis ratio
 eſt, vt hoc etiam pœnæ genere plectatur ac vin-
 dicetur crimen paternum, quanuis nihil admi-
 ſerint filij, & reuera alieno laborent vitio^g. Nam
 verum eſt quod ſcribit Paulus Iuræconſulrus^h,
 tantum eſſe affectum patris in filium, vt pœna
 moleſtiâque filij magis quàm ſua terreatur & ex-
 crucietur. Qua ratione inductum eſt, vt libera
 non ſit cum filiis naturalibus teſtamenti factio,
 nec poſſit eis pater quantum voluerit, relinque-
 reⁱ. Vnde ob crimen perduellionis, filij quanquã
 inſontes & nulli affines culpæ, puniuntur^k. Qua
 de re ſic loquitur Cicero in quadam ad Brutum
 epiſtola: Nec verò me fugit, quàm ſit acerbum
 parentum ſcelera filiorum pœnis lui, ſed hoc
 præclarè legibus comparatum eſt, vt charitas li-
 berorum amiciores parentes reipublicæ redde-
 ret. Et alibi: Illud videtur eſſe crudele, quòd ad
 liberos, qui nihil meruerunt, pœna peruenit, ſed
 id & antiquum eſt, & omnium ciuitatum. Huic
 non diſſimile eſt, quod ſtatuit Conſtantine, de
 muliere, quæ ſe proprio ſeruo iunxit, nempe vt
 filii, quos ex ea coniunctione habuerit, ex utro
 omnibus dignitatis inſignibus, in nuda mancant
 libertate^l. Tertia ratio eſt, eorum qui ita nati

*e. c. Oſius, 56.
diſtinct.*

*f. l. iura ff. de
legib.*

*g. l. ſpurij. ff.
de decurio. l.
legē. C. de na-
tur. lib. c. na-
ſci. 56. diſt.
h. l. iſti quidē;
ff. de eo quod
met. cau.*

*i l. ult. C. de
natu. lib.
k. d. l. quiſ-
quis.*

*l. C. de mul.
quæ ſe pro-
ſer.*

sunt, probrum quoddá & ignominia, ob quam indigni tanto munere iudicantur. Nam etsi prætoris edicto notati non sint, nec inter infames habiti, tamen ea est ferè hominum de ipsis opinio, is contemptus, vt non immeritò macula quapiam aspersi quibusdam videantur. Cuius rei argumentum illud est, quòd nemo est quintali appellatione vt turpi ac còtumeliosa offendatur, receptúmque est eo nomine actionem iniuriarum competere. Itaque quanuis spuris iure ciuili Rempub. capescere liceat, præsertim si necessitas, & hominum penuria id flagiter. tamen alia causa est sacri huius ministerij, quod publicis omnibus, ciuilibúque muneribus longè præstat. Nam & Aristoreles censet viliores humiliorésque personas ad sacerdotium admitti non debere propter honorem qui Deo & religioni à ciuibz est impendendus. Id enim maiestati Dei indulgetur (vt verbis Pauli Iurecòsulti vtar) cuius sacris vacare sacerdotes oportet. Non me mouet quod à quibusdam dicitur spurij nomē apud veteres ignominiosum nō fuisse, cūm Homerus Teucrum alloquens, cūmque laudibus extollens, νόθον nihilominus appelleret.

καὶ σὺ νόθον παρ' ἑστέα νομίστατο ὃ ἐνὶ οἴκῳ.

Sed ne Euripidis versus ab hac sententia nos dimouere possunt, quibus ostendere nititur legitimis liberis nothos inferiores non esse: ita nanque scribit in Antigone.

ὁ νόματι μάλιστα τὸ νόθον, ἢ φύσις δ' ἴση.

Et

m. Azo in
sum. Cod. ti-
en. ex quib.
can. ix. if. arg.
d. c. si. gens
Anglorum.
n. l. 3. vbi not
ff. de lib. &
postu.
o. l. generali-
ter. l. spurij ff.
de decurio.

p. lib. 7. polit.

q. l. nō distin-
guemus. §. sa-
cerdotio. ff. de
recep. arb. r.
lib. lliad. 8.

Et in Euristheo :

μάτῳ δὲ θνητοὶ τοὺς νόθους φεύγουσ' ἄρα
 παῖδας φυτεύειν ὅς γάρ ἂν χρηστὸς φύῃ,
 ὡς τοῦτο μὲν αὐτοῦ πλεὶς φύσιν διαφθίρει.

Et in Andromeda.

Ἐγὼ δὲ παῖδας οὐκ ἴω νόθους λαβεῖν.
 τῶν γνησίων γὰρ οὐδὲν ὄντες ἐνδεῖς
 νόμῳ νοσοῦσιν, & c.

Non enim veterum hīc Græcorum mores
 respicimus, apud quos non ita magno in pretio
 pudicitia fuit, sed nostros Romanorūque tan-
 tum, qui nihil antiquius castitate & pudicitia vn-
 quam habuerunt. Cū igitur hęc ita se habeant,
 ponendum est, & pro certa firmāq; regula con-
 stituendum, cum q̄i ex iusto matrimonio e-
 ditus non est, nullum beneficium consequi pos-
 se. Idq̄ue potissimum in sacerdotum filiis lo-
 cūm habet, cū ne filij quidem eorum iusti ac
 legitimi, beneficium paternum capere possint.
 Paternum vocamus, quod pater αμίως, & nulla
 media intercedente persona possedit. Regula
 suprascripta sic accipienda est, nisi quis natali-
 bus restitutus, aut vt vulgò loquimur, legitima-
 tus sit. Nam hęc restitutio naturales filios iu-
 stis & legitimis omnino exæquat, vt ait Iusti-
 nianus. Præterea professio monastica hanc ma-
 culam ex natalibus contractam quadantenus
 abstergere dicitur. Nam ordinari potest mo-
 nachus, quanvis nothus sit, sed nullam dignita-
 tem, seu præfecturam ecclesiasticam cōsequi po-

f. c. cū in eun-
 ctis. c. innotuit.
 de elect. c. 1.
 de fil. presby.
 t. c. ad extir-
 pandas. c. ex
 extranmissa,
 de fil. presby.
 v c. per vene-
 rabilē, qui fil.
 sint leg.

x. Nouel. 74.
 tit. quib. mod.
 nat. eff. su.
 4. Nouel. Lu-
 stinia. 5. tit. de
 mona. c. non
 liceat. 19. q. 3.

b. c. 2. 36. test. b. Sed et si gratiam canonis spurio facere videtur. *c. 1. de sum fuerit summo pontifici* (quod interdum expedit & necessarium est, ne summum ius, quod dicitur, summa fiat iniuria) is quodcunque be-

c. c. innotuit, neficium adipisci poterit. c. Plenam siquidem & liberam quidlibet statuendi, permittendi, decernendi facultatem habet Ro. Pontifex in re

beneficiaria, quasi legibus omnibus canonibusque omnino solutus sit, ut supra admonuimus. Eadem causa videtur eius esse, cui pontifex ipse sciens & prudens beneficium contulit, cum eo casu voluntas eius obscura non sit, eaque tanquam

d. arg. l. qui. d. ff. de rei ind. principis pro ratione habeatur. Sed an hæc iuris scripti mitigatio ac moderatio cæteris quoque pontificibus & episcopis in sua cuique diocesi

permissa sit, quaeritur. Et vulgò recepta est hæc distinctio: Si de eo quaeratur, qui ad beneficium paternum aspirat, gratia summi pontificis necessaria est, non modo si spurius, sed etiam si verus legitimusque filius sit.

e. c. dilectus, de fil. presb. Sin autem de alio quopiam beneficio, non de paterno agatur, quod spurius nancisci velit, ad constitutionem Bonifacianam recurrendum est, quam ex recentioribus scriptoribus quidam legisse non videtur. Ea autem constitutio omnem faciendæ gratiæ facultatem, nisi circa minores ordines beneficiique

f. c. 1. de fil. presb. in 6. simplicia, quibus animatum cura non coheret, episcopis ademit, & summo pontifici attribuit.

Quibus

*Quibus sacris initiatum esse eum oporteat, qui ad
sacrum beneficium promouetur. Cap. 6.*

Nemini potest sacrum beneficium conferri,
nisi sacris initiatus sit. Proinde si cui nondum
manus imposita est, quanuis fortè clericus fieri
& in numeros, ut ita dicam, sacre militie refer-
ri mox cupiat, rata non est beneficij collatio^b.
Idem dicendum est & de eo qui clericorum mo-
re & ritu viuit, nec tonsura, nec veste, nec cate-
ris rebus quibuscunque ab eisdem differensⁱ.
Hinc consequens est, si quis obtento iam bene-
ficio clericus effectus fuerit, irritam nihilominus
beneficij collationem esse: quia quod initio non
ualuit, tractu temporis cōualescere non potest^k.
Verum imprimis videndum est, ut ea ordinatio
manuumque impositio rectè atque ordine fiat.
Aliàs beneficij collatio tanquam laico prophe-
nōque homini facta nullius momenti plerūque
iudicabitur^l. Exemplis, ut res dilucidior sit, hoc
demonstrabimus. Beneficij quod cum anima-
rum curatione coniunctum est, quisquam capax
nō est, nisi ad presbyterij usque gradum promo-
tus fuerit, nec enim clericum esse hīc sufficit^m.
Sed gradatim ad hunc presbyterij honorem a-
scendisse oportet. Nam is, cuius virtus in mino-
ribus leuioribusque officiis probata non est, ut ad
maiores amplioresque honores non tam ascen-
dat, quā profiliat, nec ratio, nec vetus discipli-
na ecclesiastica patiturⁿ. Nam & Paulus vetat

g. c. cū aded,
de rescrip. c.
ex literis, de
transac. c. 2.
de inslit.
h. arg. l. ex
eo, de milit.
test. not. in d.
c. 2. de inslit.
i. not. in d. e.
2. Sch. 3. part.
q. 6.

lx. l. quod in
initio, de reg.
iur. not. in d.
c. 2.

l. glo. prag.
tit. de elect. §.
deinde verb.
ordinibus.
m. c. licet ca-
non. de elect.
in 6.

n. 52. 59. dist.
c. 61. tit. de
cler. per sal.
pro. l. ut gra-
datim, demū,
c. hono.

ne ^{neque} episcopus ordinetur, id est qui recens
 Christianæ militiæ nomen dedit^o. Quid enim
 absurdius quàm ei gubernacula tradere, qui re-
 mum tenere non nouit? vt verbis vtat Augustini
 ad Valerium^p. Itaque his qui beneficium huius-
 modi petit non tantum se sacerdotem seu pres-
 byterum esse, sed gradatim & progrediendo per
 omnes inferiores ordines ed prouectum docere
 debet. Et quanquam hic rigor interdum laxatus
 legitur, vt cùm Nicolaus etiamnũ laicus ad epi-
 scopatũ promotus est: Seuerus ex lanificio voca-
 tus est ad archiepiscopatum: Ambrosius nõdum
 sacra tinctus aqua archiepiscopus est electus⁷:
 tamen nouorum, vt ait poëta, factorum exempla
 contra veteres canones ecclesiasticamque disci-
 plinam non temerè ad consequentiam trahi de-
 bent^r. Hinc tractatur quæstio, si quis non à suo,
 sed alterius ciuitatis antistite ordinatus sit, an ea
 ordinatio valeat: & imprimis cõstat, simulatque
 inter alicuius Ecclesiæ clericos quis receptus est,
 non posse eum ab alterius Ecclesiæ episcopo or-
 dinari. Id enim cõcilio Sardicensi ided vetitum
 est, quòd discordia inter episcopos inde nasci
 soleret: cautumque est nominatim ac disertè, vt
 irrita sit ordinatio. Graue siquidem erat episco-
 po, qui iuuenem instituere & erudire in sua Ec-
 clesia cõperat, sperans sibi & toti Ecclesiæ im-
 posterũ vsui fore, ob alterius episcopi sollicitatio-
 nem fortassis eo commodò priuari^s. Itaque quo
 casu ea ordinatio ad consequendum beneficium
 iure

o. 1. ad Ti-
 moth. c. 3, &
 in decret. 48.
 dist.

p. c. ante, 40.
 dist.

q. c. statuimus
 61. dist. Theo-
 dor. lib. 4. ec-
 cle. histo. c. 6.

r. l. 1. de cõst.
 prin. c. nõ ex-
 emplo, 26. q.
 2. Vide cano.
 apost. 79.

f. c. 1. 71. dist.

iure pontificio necessaria est, ita ordinatum beneficij incapacem esse arbitror. Verum is qui nōdum in Ecclesia aliqua factus, ut ita dicam, tyrocinio, ad alienam ecclesiam se contulit, & ibidem ordinatus est, videtur tanquam sacris rectè initiatus beneficium capere posse, cum ratio suprascripta hīc cesset, Nec me lateat constitutionibus pontificum posterioribus, atque adeò conciliis generaliter prohibitum esse, ne quis ab alienæ ciuitatis episcopo ordinetur, quod perditissimi quique, quorum in patrio solo mores cogniti essent, ad alienam ciuitatem confugere, & ad sacrum munus obrepere solerent^r. Sed nusquam statutum reperio, ut irrita nulliusque momenti sit talis Ordinatio^v. Etenim pleraque in iure tum ciuili, tum pontificio facta tenent, quanuis ea fieri prohibeantur^{*}. Quæri potest, quomodo probet quis se ordinatum & sacris initiatum esse, si fortassis ea de re controuersia oriat^r. Et videtur Theodosij imperatoris constitutio nullam probationem, nisi quæ literis episcopi fiat, admittere⁴. At iure pontificio à clericis peregrinantibus literæ probationis huius gratia minimè exiguntur, sed testes aut etiam argumenta sufficiunt^b.

t. c. i. c. eos, de tēp. ord. in 6.

v. Guid. pa. q. 449.

x. l. i. §. bi. duum quan, ap. l. relega- torum. §. ad tempus, de in- terd. & rele.

a. l. si qua per calumniā. C. de episc. & cler.

b. c. 2. 3. de cler. peregr.

An cælibatus beneficiariorum necessarius sit. Cap. 8.

Ut intelligamus an coniugati beneficiorum capaces sint, alius repetenda est disputatio no-

stra, videndumque est non modò, qui recentioribus constitutionibus pontificum, sed etiam quid priscis canonibus de ea re statutum fuerit. Igitur vetus Ecclesia coniugatos à sacerdotio non summouebat, modò vnus vxoris mariti essent. Si enim habet canon Apосто. V. Episcopus aut presbyter aut diaconus vxorē suam prætextu religionis non abiicito: si abiicit segregator à cōmunionē: si perseuetat, deponitor. Non enim idonea hæc causa visa est matrimonij dissolueridi, tametsi ea Iureconsultis veteribus probetur^c. Idem & synodo Gangrensi, & sexta synodo sancitum est^d. Sed & Nicæna synodo id quoque comprobatur. Nam vt scribit Sozomenus, cū in Nicæna synodo vellent aliqui episcopis, presbyteris & diaconis vxorum suarum vsum interdicere, exurgens quidam nomine Paphnutius contradixit, honestam rem coniugium esse contendens, & castitatem cum propria vxore concubitu. Cuius sententiam synodus laudauit & amplexa est^e. Sed & ipsi Apostoli Christi, Petrus, Philippus, Paulus, leguntur vxores habuisse^f. Hinc Iustinianus^g, Epiphanius patriarcham œcumenicum laudat, quod ex sacerdotibus genus & originem ducat. Et Harimenopulus^h de lege clericis matrimonium interdicente differens, verbo ἀκριβείας vtitur, πῶς δὲ ἀκριβείας νόμον, inquit, πῶς κληρικῶν, id est, de rigore legis, quæ de clericis lata est, quandoquidem legislator θεομαχεῖν, vt puto, & cum natura pugnare ipsi

c. l. vitricum, de donat. inter vir.

d. c. si quis docuerit. c. si quis discernit 28. dist. c. quoniam. 31. dist.

e. c. Nicæna, 31. dist.

f. lib. 3. ecclesiæ histo. c. 30.

g. Nouel. 3.

h. lib. 4. procl.

ipsi videbatur. Nec aliter sensisse Chrysippum opinor, qui ducendam uxorem sapienti præcipit, ne Iouem Gamelium & Genethliū violet. Quāquam id ceu ridiculum notat Hieronymus in Iouini. Ex his autem qui calibes in clerum peruenierant, id est qui ante ordinationem matrimonium non contraxerant, Canon apostolorum X X V. iubet ut lectores tantum & cantores, si velint uxorem ducant, cæteris puta diaconis & presbyteris, id non permittit. Constitutum tamen fuit synodo Ancyrana, ut diaconi tantum, nam de presbyteris nulla mentio est, si in ipsa ordinatione protestati fuissent, se velle matrimonium contrahere, nec posse se continere, postea uxorem ducere possent, & nihilominus in ministerio manere ^{i. e. diaconi,}. Adde quod presbyteri, quanuis aduersus votum in ordinatione ^{28. dist.} factum, & expressam professionem, uxorem duxissent excommunicabantur tantum, nisi gratiam eis episcopus facere voluisset, ut habetur c. X V I. con. Chalcedo. aut à ministerio sacerdotiōque summouebantur, ut scribit Iustinianus ^{lx. Nouel. 22.}, & habetur in cano. 1. Neocæsar. conc. nec ^{de hijs qui nuptias iterant.} ideo dirimebatur matrimonium ^{l. c. nuptiarū,}. Hodie autem ^{27. q. 1. c. qui dam. 27. dist.} ita ius constitutum est, ut coniugati nullo modo ^{o. c. 2. c. cum decorem, de cler. coniug.} ordinentur, nec ad beneficia aut dignitates ecclesiasticas aspirēt, id quod de presbyteris sanxit Iustinianus, nouel. 123. Veriti sunt fortē istius iuris authores ne grauissima matrimonij onera functionem muneris ecclesiastici impediāt, nec

immeritò. Negotium habere qui vult, inquit Plautus, nauem & mulierē, hæc duo sibi comparato. Hinc Cicero rogatus ab Hircio, vt post repudium Terentiæ sororem eius duceret, omnino facere superfedit, dicens non posse se vxori & philosophiæ pariter operam dare^m. Coniugatos accipimus, qui verbis in præsens tempus conceptis nuptias contraxerunt, quanuis fortasse secutus non fuerit cōcubitusⁿ. Orientalis tamen Ecclesia hanc constitutionem tanquam moribus populi parum congruentem nō recepit, sed adhuc veteres canones seruat^p. Quod ad eos attinet, qui cælibes in clerum admittuntur, hoc iure vtimur, vt lectores, cantores & qui in inferioribus ordinibus sunt constituti, nec ad subdiaconatum vsque conscenderunt, vxorem ducere possint, tenetque matrimonium quod ita contractum est, nisi alia causa obstat: beneficia verò sua minimè retinent, sed statim vacare dicuntur^q, id quod nonnulli accipiunt, etiamsi matrimonium ob aliquod impedimentum efficax non sit: sed hoc inferius disputabitur. Cæteris omnibus, puta hypodiaconis, diaconis, presbyteris, episcopis vxorem ducere fas nō est, nullumque est matrimonium, quod ab ipsis contrahitur: præterea beneficiorum suorum amissione mulctantur^r: nec protestatio diaconorum recipitur, cuius paulò antè meminimus, quoniam episcopi nullos ordinare iubentur, nisi se perpetuò cælibes victuros promiserint^s. Sed an sta-

*m. auctor
Hiero. in Io-
uin.*

*n. extra. an-
tiquæ, de vo-
not. in c.1. de
cler. coniug.
p. c. cū olim,
de cler. cōiug.*

*q. c.1. vbi glo.
c. diuersis, de
cler. coniug.*

r. c. vt lex. 27

*q. 1. c.1. c.4.
de cler. cōiug.
c. pen. 27. di-
stinct.*

*f. c.1. 28. dist.
nouel. Iustin.*

323.

tim ac nuptiæ contractæ sunt, beneficia vacant,
an verò priuatio condemnatióque sit necessa-
ria, controuerfi iuris est quæstio, de qua suo lo-
co differemus *.

t. not. in c. i.
de cler. cõiug.

*Digamum à sacerdotio & beneficio ecclesiastico
summoneri, & qua ratione id canonibus
sancitum sit. Cap. 8.*

Quannis coniugatus ad sacerdotium veteri-
bus canonibus admittatur, vt diximus, digamus
tamen omnino repellitur. Digamum vocamus
non qui eodem tempore duas habet habuisse
vxores, quod nunquam in ecclesiâ orthodoxa
permisum, Romano auté iure semper vetitum
fuit *, sed qui diuersis temporibus. Sic enim ha-
bet canon qui dicitur Apostolorum X V I. Qui
post baptismum duabus implicitus fuit nuptiis **
aut concubinam habuit, is episcopus, aut pres- **
byter, aut diaconus, aut denique in consortio **
sacerdotali esse non potest. Cui consentaneæ **
sunt constitutiones Iustiniani ^b. Id quæ sumptum
ex Paulo videtur, qui ad Timotheum & Titum
scribens, episcopos & diaconos vnus vxoris vi-
ros esse vult *. Idem ad Timoth. Vidua, inquit,
deligatur, quæ vnus viri vxor fuerit ^d. Quorum
verborum interpretatio apud Gratianũ extat ^e.
Sic apud veteres Romanos ante Christianismũ,
& alias item gentes, digamũ à sacerdotio repel-
lebantur. Hieronymus ad Gerontiam: Hiero-

a. l. 2. C. de
incest. nupt,

b. Nouel. 6.
nouel. 22. no-
uel. 123.

c. 1. ad Ti-
moth. c. 3. &
ad Titũ, c. 1.
d. 1. ad Ti-
moth. c. 5.
e. 26. dist.

„ phanta apud Athenas euitatur, & æterna debi-
 „ litate fit castus. Flamen vnus vxoris ad sacerdo-
 „ tium admittitur. Flaminea quoque vnus mariti
 „ eligitur vxor. Ad tauri Ægyptij sacra semel ma-
 „ ritus assumitur. Hinc sacerdos vniuiria dicitur à
 „ Trebellio Pollione. Nam etsi polygamia huma-
 „ no diuinóque iure permessa sit, vitandæ inconti-
 „ nentiæ causa, tamen à veteribus patribus nō sa-
 „ tis honesta iudicata est, quod immodicæ cuius-
 „ dam incontinentiæ argumētum esse videretur:
 „ adeò vt non dubitauerit Chrysostomus coniun-
 „ ctionem huiusmodi, scortationem appellare. Et
 „ sanè Paulus, vt ab eo, cuius summa sacrosanctá-
 „ que est apud nos autoritas, incipiam, hortator
 „ est virginitatis ac cœlibatus. *f. Præterea satis con-*
 „ stat, his omnibus qui plures nuptias contrahe-
 „ rent, quanquam laïcis, pœnam olim impositam
 „ fuisse. Sic enim legitur in canone I I I. Neocæ-
 „ sar. conc. De his, qui frequenter vxores ducunt,
 „ & de his quæ sæpius nubunt, tēpus quidem pœ-
 „ nitentiæ iis constitutum, manifestum est, sed cō-
 „ uersatio & fides eorum tempus abbreviat, &c. *g. &*
 „ Item Chrysostomus apud Gratianū, Hac ratio-
 „ ne, inquit, & apostoli præceperunt secūdas adi-
 „ re nuptias propter incontinentiam hominum.
 „ Nam secundam quidem accipere secundū præ-
 „ ceptum apostoli licitum est, secundum autem ve-
 „ ritatis rationem verè scortatio est, &c. *h. Et Au-*
 „ gustin. Nec contra humanæ verecundiæ sensum
 „ audeo dicere, vt quoties voluerint, nubant, nec

f. 1. ad Corin.
c. 7.

g. c. de his,
31. q. 1.

h. c. h. c. r. s.
tion. 31. q. 1.

ex corde meo quotaslibet nuptias condemna-
 re ⁱ. Hæc ratio mouit antiquos iuris pontificij
 conditores, vt Digamos ad sacerdotium non ad-
 mitterent. Quomodo enim potest horrator esse
 viduitatis apud populum, qui & ipse coniugia
 frequentauerit? vt inquit Ambrosius ⁱ. Nec verò
 tantum à sacerdotio, sed ab aliis etiam inferiori-
 bus ordinibus eos summouendos esse putaue-
 runt ^m. Quod si fortè ordinationem eorum se-
 quuta fuerit digamia, vt si fortè in inferioribus
 ordinibus constitutus, alteram vxorem duxerit,
 statim irrita sit ordinatio, digamique omni pri-
 uilegio nudati esse intelliguntur, aded vt à laïcis
 hominibus, & qui nunquam ordinati fuere, non
 differant, idque nouo iure pontificio expressum
 est ⁿ. Veteri siquidem iure hac pœna tantum af-
 ficiebantur clerici, vt ad sublimiores ordines nō
 pateret eis ascensus. Diaconi verò presbyterique
 à ministerio summoueabantur, vt ex Iustiniano
 colligere licet ^o. Quod autem nouo iure matri-
 monium huiusmodi cum sacerdotibus diaco-
 nisve contractum non teneat, nemini dubium
 esse potest ^p, cū ne monogamia quidem ipsis
 vllō modo concessa sit post ordinationem, vt ex
 iam dictis apparet. Quod autem diximus huma-
 no ciuilique iure polygamiā iis, qui initiati nō
 sunt, permissam esse de iure ciuili, quod in libros
 Iustiniani relatum est, accipi volo: Nam apud
 Harmenopulum Græcum authorem ^q constitutio
 cuiusdam Imperatoris legitur, quæ quartas

i. c. vlt. 31. q. 1.

*l. in lib. de of-
fic. c. vna. 26.
dist.*

*m c. si quis vi-
duā. c. cogno-
scamus. 34. di-
stinc. c. mari-
tum. 33. dist.*

*n. tit. de biga.
in 6.*

*o. Nouel. 22.
de his qui
nupt. iterant.
c. seriatim, 32
dist.*

*p. c. à nobis,
de biga. non
ord.*

q. lib. 4. tit. 7.

nuptias interdicat omnino, & irritas esse iubet. Quod de digamis hactenus dictum est, in iis quoque qui viduam duxerunt, locum habet *. Nam hos canon apostolorum X V I l. digamis omnino comparat, hac ut arbitror ratione, quia digamiam vxoris, quam ducunt, probare videtur, cuiusque digamiae, occasionem eis præbere. Nam digamia mulierem non minus, imò magis quam virum dedecere videtur. Quare Portia cum laudaretur apud eam (inquit Hieronymus in Iovin.) quædam bene morata, quæ secundum habebat maritum, respondit, Fœlix & pudica nunquam præterquam semel nubit. Itaque lege Moisaica præceptum fuit, ut Pontifex virginem tantum vxorem ducere posset s. Adde si lubet, quod ridicula vulgò res est, & cauillis hominum obnoxia, vxorem viduam ducere, quod vel tritum apud iuris ciuilibus doctores dictærum, Bulgari iureconsulti discipulorum in præceptorem satis ostendit *. Sed & Verrius Flaccus, ut refert Varro iuris pontificij peritissimus, eos qui viduas ducerent, veteres fossas tergentibus comparare perquam facete solitus fuit. Hæc enim fuisse eius sententia fertur, quia feriis tergere veteres fossas liceret, nouas facere ius non esset: idèd magis viduis, quam virginibus idoneas esse ferias ad nubendum *. Quamobrem non immeritò præcipit Hesiodus, virginem ducendam esse, ut gratis moribus imbui possit *,

r. c. 3. c. debi-
tum, de biga,
c. si quis vi-
duam. 34. di-
stinct.

f. Leuit. 21.

t. glos. l. rem
nō nouam. C.
de iud.

v. Macrob.
lib. 1. Satur.
c. 15.

x. lib. 2. ep-
γυν καὶ ἡμερ.

ναρθεμενὸν δὲ γαμεῖν, ὡς καὶ ἡθεὶς καὶ ἀνὰ δὲ δέξιν.

Eius.

Eiusdémque sententiæ est Aristoteles ^a. Porro ^{a. lib. 1. æcono.} idem ius esse in meretrice, quod in vidua satis perspicuum est, ex canone apostolorū cuius supra mentionem habuimus ^{b. c. 17.}. Qui viduā, inquit, duxit aut diuortio separatam à viro, aut meretricem, aut ancillam, &c. ^{c. si quis viduam. 34. dist. finet.} Meretrix autem quam ^{d. c. vidua. 34. dist.} canon Græcè *ἐραίπα* vocat, accipiēda est auctore Hieronymo, quæ multorum libidini patet ^{e. c. meretricis. 32. q. 4.}, vel ut Augustinus ait, cuius publicè vānalis turpitudine est ^{f. l. palam, de rit. nup.}. Quæ igitur cum vno aut altero semiscuit, meretricis appellatione nō cōtinetur ^{g. c. curandū, c. præcipimus, 34. dist. c. qualis. 30. q. 5.}. Veruntamen ad hanc quoque canon productus est, ut quisquis talem duxerit, à sacro ministerio arceatur ^{h. c. qui in aliquo. 51. dist.}. Idque Toletano cōcilio disertè cautum atq; expressum est ^{h. c. si cuius, 34. dist.}. De eo autem qui vxorem adulteram retinuit, quid iudicandū sit, malo synodi ipsius verbis quàm meis referre. Verba synodi Neocæsar. c. 8. hæc sunt: Si cuius vxorem adulterium commisisse, cū esset laicus, euidenter fuerit probatum, hic ad ministeriū ecclesiasticum admitti non potest. Quod si in clericali eo iam constituto adulterauit, dato reprobatione dimittere eam debet. Si verò retinere eius consortium velit, non potest suscepto ministerio perfrui ^b.

De beneficiariorum ætate, & legibus annalibus:

Item de iis, qui plura aduersus canones beneficia impetrauerunt.

Cap. 9.

M iiij

1. ad Ti- *moth. c. 5. c.* *quid est. 78.* *dist.*
 Etatis quoque habēda est ratio in beneficiis
 conferendis: idq; nos docet Paulus cū Timotheo
 præcipit, vt nemini citò manum imponat. Sed &
 Christus Ioanni, quem maximè charum habebat,
 idēd prætulisse Petrum fertur, quod hic senex,
 ille iuuenis admodum esset. Paulus tamen
 Timotheum adhuc adolescētem Ecclesiæ præfecit,
 cū nulla adhuc regnaret ambitio in Ecclesia,
 & eum prudentia senili eximiāq; pietate &
 doctrina esse intelligeret. Nam sicut veteres
 Romani, authore Cicerone, leges annales non
 habuerunt, quas attulit ambitio, vt gradus essent
 petitionis inter æquales: sic vidētur canones ec-
 clesiastici ministrorum ætatē definientes ex ho-
 minum vitiis profecti esse. Leges egregiæ, inquit
 Tacitus, honesta exēpla apud bonos ex delictis
 aliorum gignuntur. Sic oratorum licentia, Cin-
 ciam rogationem: cādidatorum ambitus, Iulias
 leges: magistratuum auaritia, Calphurnia scita
 pepererunt. Horum igitur canonum constitutio
 & obseruatio perutilis Ecclesiæ ac necessaria nō
 immeritò visa est, in iis præsertim muneribus,
 quæ grauiora maiorisq; momenti sunt. Ratio
 enim vtilitāsque suadet, vt senex aliquis iam ma-
 turus, ac vt Homerus ait, *παλαιά τε πολλά τε εἰδώς*
 potius quā iuuenis rerum imperitus, clauum
 Ecclesiæ teneat. Idq; in omni parte Reipubli-
 cæ præceptum maximè tenēdum, nec vnquam
 sine graui necessitate violādum est. Quare Sylla
 de Mario iuniore dicebat, debere iuuenē prius
 remo,

remo,quàm gubernaculo admoueri. Ac tamet-
 si tribunatum militum puero delatum aliquan-
 do,atque adeo consulatum apud iuris ciuiliſ au-
 thores legamus^b, tamen arbitror nullam id æ-
 tatis hominibus administrationem legibus con-
 cessam fuiſſe, & iuris authores de tribunatu cō-
 ſulatūue honorario ſiue imaginario tantum lo-
 qui,quo titulo tenus & absque vlla administra-
 tione fungebantur. Nam & militię huius imagi-
 narię apud Ciceronem & Tranquil. mentio eſt.
 Videamus igitur quæ ætas legibus & canonibus
 definita ſit. Et imprimis epiſcopus prohibetur
 eligi, niſi qui XXX. annum exceſſerit. Idque
 concilio primum Agathenſi,deinde Lateranen-
 ſi conſtitutum eſt^c, quanuis Iuſtinia. in nouel.
 XXXV. annorum tempus ſtatuat^d. Archimā-
 drita ſiue abbas cuius ætatis eſſe debeat, nuſquā
 certo iure definitum expreſſumque reperitur.
 Quare ad canonem de dignitatibus epiſcopali
 inferioribus generaliter editū, cuius mox à no-
 bis mentio fiet,meritò hunc referemus^e. Mulie-
 ri ſane monialium curam gerenti, quæ abbatiffa
 dicitur, præſtituti ſunt anni XXX.^f Sed eam
 conſtitutionem interpretatione ad viros porri-
 gere & extendere diſſimilitudo rationis non pa-
 titur: cum præſertim exemplo turpe eſſe dicant
 Iureconſulti ſœmineo vocabulo maſculos con-
 tineri^g. In dignitatibus conferendis cuiuſmodi
 ſunt decanatus, archidiaconatus, &c. tempus
 XXXV.annorum ſpectatur. Quod non ſolum in

*b. l. nemo C.
 de religioſ. l.
 ult. C. de mi-
 lit. teſta.*

*c. epiſcopus,
 77. diſt. c. cū
 in cunctis, de
 electio.
 d. Nouel. 123*

*e. d. c. cū in cū
 tis. §. infe-
 riora.
 f. c. indēnita-
 tibus, de elect.
 in 6.*

*g. l. ſi ita ſcri-
 ptū, de leg. 2.*

*b. cl. ne in a-
gro. §. cateris
de sta. mo.
i. c. presbyter.
78. dist.
lx. Nouel. 123
c. nemo, 78.
dist.*

*l. d. c. cū in cū
dis. §. inferio
ra.*

*m. Panor. in
c. super inor-
dinata, de
præben.
n. c. si ed tēpo-
re, de resc. in
6. c. ex co, de
elect. co. lib.*

archimandrita locum habet, vti diximus, sed in præfectis etiam illis monasticorum conuētuum, qui priores conuentuales appellantur^b. In presbytero ætas XXXV, annorū, aut saltem XXX, annorū requirebatur priscis canonibusⁱ. Quod etiam Iustinianus constituit^k. Presbyterumque intelligebāt veteres, qui curationem animarum habebat, cuique certę alicuius Ecclesię committebatur gubernatio. Sed hodie breuius aliquanto temporis spatium, nempe XXV. annorum definitum est^l. Quo tempore diaconi, subdiaconi, acoluthi & ceteri inferiores clerici ordinari debeant in re beneficiarum, quam hīc tractamus, parum refert. Nam cæremonialis est & imaginaria tantum hæc ordinatio sine vlllo onere ac beneficio, quanuis olim promotio esset ad certum ministerium, & cum beneficij collatione coniuncta. Quum igitur ordinationes fiebāt, ad certum ministerium beneficiūque, non vñ nunc absolutè contra Calchedonense cōcilium, alia ætas ordinationi seu ministerio, alia beneficij, quod illi ministerio coniunctum erat, collationi præscripta non erat. De præbendis canonicorum nihil satis expressum offendimus in iure pontificio, sed vulgò receptum est XIIII. annorum tempus, vt minimum requiri^m. Aliqui septem annos sufficere putantⁿ: quorum opinio in simplicibus leuioribusque beneficiis sine curatione animarum, & dignitate vlla, defendi potest, cū sit verisimile non alio consilio cleri.

clericis inferioribus hæc assignata esse, quàm ut
 ex eis ali, & ad ministerium Ecclesiæ institui pos-
 sint. Tempus ergo quo potest clericus ordina-
 ri, id est septem annorum, hîc inspicitur. Hæc
 de legibus Ecclesiæ annalibus breuiter dicenda
 putauî, quibus illud præterea adiciendum est,
 solere pontifices Romanos pro potestate passim
 harum legum gratiam facere, ut telæ quædam a-
 ranearum, ut Anacharsis dicebat, esse videantur.
 Cæteris verò episcopis ita demum permittitur
 hæc relaxatio, si animarum curationem benefi-
 cium non habeat. De huiusmodi gratia, quod
 scribit alicubi Budæus noster, continere me non
 potui, quin hîc adscriberem: Trāslatitium, in-
 quit, esse iādiu cœpit, interpretatione iuris Mer-
 curialis eos, qui nondum tutelæ suorum bono-
 rum facti sunt, imò verò qui necdum in suam tu-
 telam venerunt, ad annos venisse fingi tutelæ a-
 nimarum annalium legum solutione. De iis qui
 ob multitudinem beneficiorum canonibus pro-
 hibitam, beneficiorum minimè capaces esse di-
 cuntur, libro octauo differemus.

*o. not. in d. c.
 super inordi-
 nata. d. c. si co
 tempore.*

*p. c. de his, 28
 dist. c. in sin-
 gulis. 77. di-
 stin. c. ult. de
 tēp. ord. in 6.*

*not. i. c. ei cui.
 de præb. in 6.
 cle. ult. de æ-
 ta. & qual.*

*q. c. i. de æta.
 & qual. in 6*



LIBER QVINTVS,
QVIBVS MODIS ACQVI-
RANTVR BENEFICIA, ET
Ecclesiæ ministri ordinentur.

ARGVMENTVM.

Ne homines non idonei ad ministeria honoris ecclesiasticos aut irrepere aut irrumpere possint, editi sūt varij canones, quibus ratio munerum huiusmodi distribuendorum continetur: quam hoc libro accuratè ac diffusè exequemur & explicabimus. Nam mores hominum variis atatibus ac sæculis subinde mutati effecerunt, vt ex vno genere honores ecclesiasticos deferendi tandem multa exorirentur, Electio videlicet, Postulatio, Translatio, Coniunctio, Fiducia, Mandatum apostolicum, Reseruatio, Nominatio, & cætera quæ singulis capitibus hîc describuntur.

Quæ sit forma & ratio eligendi ministros ecclesiæ, tã vetus quàm noua: quidq; inter ea beneficia intersit, quæ vulgò collatiua & electiua dicuntur. Cap. I.

E R A T I O N E & forma ordinandi ministros Ecclesiæ, nullum in sacra scriptura præceptum extare arbitror, sed ritus ab apostolis obseruatus, quorum
exem-

exemplum vice cuiusdam præcepti nobis esse debet, ex aliquot scriptorum sacrorum locis cognosci potest, quæ nos hîc adscripsimus. Ac primum omnium Lucas scribit ^a, apostolos hortante Petro in locum Iudæ proditoris Mathiam suffecisse, sed cōuocatis prius omnibus discipulis, quorum cōmuni consensu id factum est. Cùm enim duo ipsis sacro munere digni viderentur, Iosephus & Mathias, quos in cōspectu omnium statuerant, tandem precibus apud Deum fufis, & facta sortitione, in eorum cœtum Mathias coopratus est. In hac igitur creatione quanuis interuenerit fors, tamen electio aliqua iudiciũmq; antecessit. Idem in creandis diaconis sorte vfos fuisse apostolos nequaquam ait, sed vnà cum discipulis, communi cōsensu elegisse septem, quibus coram tota multitudine post precationem manus imposuerũt ^b. Idem in cooptatione Barnabæ & Sauli, quæ facta est Antiochię, post preces & ieiunium adhibitam fuisse manuum impositionem refert ^c. Idem presbyteros per singulas ciuitates à Paulo & Barnaba cōstitutos fuisse ait, facta precatione cum ieiunio ^d. Ex quo loco sunt qui colligant, suffragio populi creatos fuisse, quod verbum græcum *ὑποτίθεν*, quo vsus est Lucas, non simpliciter creare significat, sed suffragio & cōsensu populi tantum, quæ manuum eleuatione significetur. Sed hæc sententia apud me dubia adhuc est, cùm id verbum ad alia trāfferri plerumq; soleat. Ex authoribus aliis qui sa-

^a. Acto. c. 1.^b. Acto. c. 6.^c. Acto. c. 13.^d. Acto. c. 14.

cri non habentur, Clemens apud Eusebium scribit^e, Iacobum fratrem Domini à Petro, Ioanne & Iacobo apostolis creatum fuisse episcopum, sed is nullius certi ritus meminit^f. Testatur & Eusebius^g, vita functo Iacobo, omnes apostolos ac discipulos domini, qui tunc superstites erant, ex variis locis in vnum conuenisse, & communicato consilio Symeonem episcopum ele-
gisse. Nec aliud præterea adiicit. De epistola Clementis, qua se Petri successorem in Ecclesia Romana delectum ab eodem fuisse asserit, postea videbimus. Post apostolorum tēpora editi sunt varij canones de episcoporum & aliorum Ecclesie ministrorum ordinatione. Nam canones qui dicuntur apostolorum, à Clemente, vt fertur, conscripti, statuunt, vt episcopus à duobus aut tribus episcopis: presbyter, diaconus, & cæteri clerici ab vno episcopo ordinentur. Nam eo tēpore cæperat in singulis ciuitatibus vnus episcopus, qui presbyteris omnibus præesset, constitui, eiúsque erat ordinatio & manuum impositio, non presbyterorum. Creatis archiepiscopis & Metropolitanis constitutum est, vt episcopus ab omnibus suæ prouinciæ episcopis, si commodè congregari possint, ordinetur: in eoque negotio primas partes obtineat Metropolitanus, eiúsque præcipua sit autoritas. Sic enim Synodi Nicænæ Græcum canonem interpreter, qui de
e. eccles. histo. lib. 2. c. 1. confirmatione apud nos vsitata non loquitur^h.
f. c. porro. 66. distin. Nam præsentibus tam Metropolitanis, quàm
g. lib. 3. eiusdē historia, c. 11. cæteris

h. c. episcopi. 64. dist.

cæteris episcopis, fiebat episcopi electio, quanuis
 hodie post electionem adiri soleant: cuius rei tes-
 tis est Cyprianus^l. Cæteri verò ministri, præ-
 sente episcopo, qui eos ordinabat, eligebantur.
 Ac suffragia non tantum cleri, sed etiam populi
 erant in huiusmodi electionibus^l. Quod veri-
 simile est & apostolorum temporibus obseruatum
 fuisse, licet non satis exploratum id sit. Vnde Leo
 pontifex, Nulla, inquit ratio finit ut inter episco-
 pos habeantur, qui nec à clericis sunt electi, nec
 à plebibus sunt expetiti, nec à comprouinciali-
 bus episcopis cum Metropolitani iudicio con-
 secrati^m. Idem, Vota ciuium, testimonia popu-
 lorum, honoratorum arbitrium, electio clerico-
 rum in ordinationibus sacerdotum constituantur,
 &c.ⁿ. Ipsi etiam principes cum opus erat, au-
 thoritatem suam interponebant. Nec sanè æ-
 quum erat eos deterioris conditionis, quam cæ-
 teros ciues haberi. Ac similis propemodum fuit
 ratio creandorum sacerdotum apud veteres Roma-
 nos ante Christianismum, ut testatur Cicero^o, his
 verbis: Ne hoc quidem vidit maiores nostros tam
 fuisse populares, ut quod per populum creari fas
 non erat propter religionem sacrorum, in eo ta-
 men propter amplitudinem sacerdotij noluerunt
 populo supplicari. Atque hoc idem de cæteris
 sacerdotibus Cn. Domitius tribunus plebis vir
 clarissimus tulit, quod populis per religionem
 sacerdotia mandare non poterat, ut minor pars
 populi vocaretur: ab ea parte qui esset factus,

i. lib. 3. epist. 4

l. c. episcopus,

24. dist. 63. 67. dist.

m. c. nulla,

62. dist.

n. c. vota. 63.

dist.

o. In 2. ora-

tio. de lege

agrar. contra

Nullum.

is à collegio cooptaretur. Rectè tamen constitutum fuit in concilio Laodicensi^p, vt multitudi-
p. c. 13. ni & plebi non permittatur electio^q: quæ, vt ait
q. c. nō est. 63. Origenes, sæpe clamoribus aut gratia, aut pretio
dist. excitata moueri solet^r. Quanquam enim po-
r. c. si ergo. 8. pulo inuito non dabatur episcopus, tamen im-
q. 1. moderatam eius cupiditatem clerus non coge-
 batur sequi, quasi ex populi arbitrio penderet e-
 lectio, sed eos docere ac admonere debebant, &
 grauitate prudentiæque sua ab incæpto reuoca-
 re^s. Electio igitur tam à clero, quàm populo ce-
 lebratur, episcopo vnò præsentē vel pluribus e-
 piscopis, vt iam diximus, inquirebaturq; in mo-
 res, doctrinam, ætatem, natales, & cætera de qui-
 bus integro libro disseruimus supra. Ac si nulla
 nota aspersus reperiēbatur, propter quam reiici
 deberet, statim ab episcopo vel episcopis ma-
 nus ei imponebantur. Nec absque ea inquisitio-
 ne consecrari ordinariue poterat^t. Et plerique
t. con. Nice. aurhores sunt, palam proponi solita fuisse nomi-
c. 9. na ordināndorum, facta omnibus potestate quic-
 quid vellent eis obiciendi^v. Hęc fuit vetus for-
v. Lamprid. ma ordinandorum Ecclesiæ ministrorum. Nec
in Alex. fuit vllum discrimen inter episcopos & alios mi-
 nistros inferiores, nisi quod hi ab vno, illi à plu-
 ribus episcopis ordinabantur. Verùm hæc for-
 ma eligendi non solum immutata, sed etiam in
 quorundam ministrorum ordinatione omnino
 sublata est, ad cō vt plerique citra electionem in
 Ecclesia constituentur, iure quo nunc vtimur,
 ponti-

pontificio. Hinc beneficia quædā electione di-
 cimus acquirere: alia collatione quadam & cō-
 cessione, quæ nullam electionem requirat: Nam
 maiora quædam amplioraque ministeria ac be-
 neficia, cuiusmodi episcopia sunt, solenni ele-
 ctione deferuntur. Cætera ab episcopis, & inter-
 dum à collegiis prætermisso illo solenni electio-
 nis ritu, tribui & conferri solent. Fit autem epi-
 scoporum electio à collegio canonicorum ca-
 thedralis Ecclesiæ, eo ritu & ordine, quem In-
 nocentius in quadam synodo præscripsit *. Cæ-
 teri verò clerici præter canonicos suffragia non
 ferunt, ac multò minus laici, qui priscis tempo-
 ribus interesse electioni, & vere eligere consue-
 uerant †. Is igitur in quem omnes canonici, aut
 certè πολλοὶ καὶ ἀριστοί, id est, maior meliorque pars
 cōsenserit, post communicationem delibera-
 tionemque mutuam, quæ solēnem suffragiorum
 perscrutationem cōtinuè in ipsis, vt ita dixerim,
 comitiis sequitur, à collegio eligi debet: id à ve-
 teribus dirimere sententias vel suffragia, nisi fal-
 lor, dicebatur. Non enim suffragia & sententiæ
 singulorum hîc numerantur solùm, sed etiam
 ponderantur, & is potior habetur nōnunquam,
 quem pars grauior atque melior comprobaue-
 rit ‡. Vincitque in dubio numerus, si nulla in
 meritis candidatorum, aut eligentium affectu,
 cæterisque huiusmodi, inæqualitas appareat. Ad
 quam demonstrandam admittitur is, qui con-
 tra numerum pugnat, nisi aduersarius duarum

x. c. quia pro-
 pter, de elect.

y. c. Massina
 de electio.

a. c. in genesi.
 c. Ecclesia ve-
 stra, de elect.

partium collegij puncta tulerit, vt cōcilio Lug-
b. c. si quādo, de elect. in 6. dunensi statutum est ^b. Cū autem nulla præ-
 terquam in calculis atque suffragiis inæqualitas
 reperitur, non satis est aliquem maiore numero,
 quàm aduersarium niti vt eligatur, sed maiorem
 partem eorum canonicorum, qui adsunt, ab eo
c. c. Ecclesia. c. Cumana. de elect. stare oportet ^c. tamen si iuris civilis authores ma-
 iorem partē anni in interdicto vtrubi aliter in-
d. l. maiore, de verb. sig. terpretati sint ^d. Et notandum est omnes cano-
e. c. coram, de elect. nicos, qui in prouincia degunt, ad hæc comitia
 vocandos esse ^e. Alioqui vulgò dici solet, ma-
 gis obesse electioni cōtemptum vnius absentis,
 quàm multorum præsentium intercessionem,
f. c. bonæ, de elect. & contradictionem ^f. Infirmatur enim ob eam
 causam electio, quanquam aliàs ritè, & plurimo-
 rum consensu celebrata, nisi fortè is, qui spretus
 esse dicitur, quod ita gestum est, postea ratūm
g. c. quod si- cut, de elect. habuerit ^g. Post electionem hoc modo factam,
h. c. nihil. c. cum dilectus, de elect. confirmatio Metropolitanī requiritur ^h, nec an-
 te electus quicquam administrandi facultatem
i. c. nostis. c. l. c. 3. c. nihil, de elect. habet ⁱ. eaque confirmatio maturè fieri debet,
 & inquisitione examinationēque accurata præ-
 cedēte, vt suprà diximus ⁱ. ita vt omnes audian-
 tur, qui ordinationis impediendæ causa quid-
 piam obiiicere voluerint, quanuis fortè compe-
 titores non sint. Quamobrem Bonifacius vete-
 rem illam consuetudinem nomina ordinando-
 rum publicè proponendi, cuius antè memini-
m. c. ult. de elect. in 6. mus, non immeritò repetiit ac renouauit ^m.
 Quòd si facta diligenti inquisitione electus non
 repe-

reperiatur idoneus, non modò non confirmatur, sed etiam in futuris comitiis, in quibus iteratur electio, iure suffragij carent, qui scientes prudentesque talem elegerunt ^{n. c. cū in cun}. Confirmatio ^{ctus. c. cū Vin} nem sequitur consecratio, quæ olim à confirmatione non distinguebatur. Nam canonem illum Synodi Nicenæ, quem supra recitauimus, malè cōuersum è Græco in Latinum huic distinctioni occasionem dedisse suspicor ^{o. c. episcopi,}. Fit autem hæc ^{64. dist.} consecratio ab episcopis provincialibus cum auctoritate Metropolitani, ut ex canonibus à Gratiano cōgestis perspicuum est ^{p. 64. distin.}. Ac tametsi post ^{et seq.} confirmationem res ecclesiasticas administrandi ius habeat electus, tamen consecrare, & alia quædā id genus exequi ei demum licet qui consecratus est ^{q. c. transmissam. c. quod sicut, de elec.}. Hæc cum ita se habeant, dubium nō est, quin episcopium inter ministeria seu beneficia, quæ dicuntur electiua, rectè connumeretur. De cæteris autem quæri solet. Et quorundam veterum opinio est, constitutionem Innocentianam, quæ ritum ordinemque electionis præscribit, ad omnia ecclesiarum quæcūque collegia pertinere. Quæ opinio ad veteris Ecclesiæ ritum propius cæteris accedit. Sed moribus comparatum est, ut in episcoporum tantum & archimandritarum promotione hæc forma seruetur. Et sanè plurimum in hac re consuetudini videtur tribuendum esse. Non enim institutum Innocentij fuit, quæ ministeria beneficiæque electiua essent aut contrà, definire, quod

r. d.c. quia
propter.

eo tempore fortassis erat indubitatum, sed in omnibus electiuis formam atque rationem eligendi ideò constituere voluit, quòd vnusquisque propriam quandam eligendi viam, aut inutilem plerunque, aut perniciosam ecclesiis pro suo ingenio comminisceretur & excogitaret. Itaque in canonicorum promotione, aut aliorum qui inferiores sunt, eam formam seruari necesse non est. Sed cur ea beneficia, atque alia huiusmodi electiua non dicuntur, cum suffragiis omnium canonicorum promotio fiat? Respondeo duplicem huius rei causam esse: una est, quia cum suffragiis suis protinus beneficium conferant collegæ, nec vllam episcopi confirmationem expectent, simplex meràque electio nequaquam esse intelligitur, quocunque modo sententiam in conuentu suo dixerint. Vt enim beneficium collatione acquiri dicatur, an ab vna aliqua singulari persona, an ab vniuersitate aut collegio conferatur, nihil interest. Sunt qui hæc beneficia mixta appellent: nec id quidem malè, præsertim si solennis ille constitutionis ritus in dicendis sententiis obseruetur. Eadem enim opera & eligere & conferre dicuntur, quia nulla ipsis confirmatione post eam electionem opus est. Altera causa est, quia quoties Innocentianæ constitutionis forma seruati non solet, sed consensum quoquo modo in cœtu atque conuentu declarari sufficit, vt fit plerunque, non videtur propriè electio dicenda esse, quanuis fortè consensus,

sus, autoritas, aut confirmatio antistitis superioris requiratur *s. Proinde collatiua dicuntur* *f. glos. c. sicut, de elect. in 6.*
 etiam ea beneficia, quæ episcopus cum consensu & consilio collegij confert, quoniam absque solenni ritu constitutionis Innocentianæ, is consensu voluntasque declaratur. Cum autem eximia habeantur ea ministeria beneficiâque, in quibus præter ritum solennitatemque electionis, confirmationem quoque antistitis necessariam esse maiores nostri voluerunt, constitutum est à Bonifacio octauo, vt generalibus diplomatum pontificiorum verbis contineri minimè intelligantur *.

t. c. cum in illis, de præb. in 6.

De eo genere ad sacra ministeria beneficiâque promouendi, quod vulgò postulationem vocamus. Cap. 2.

Antiquis recentioribusque canonibus multifariam prospectum est, vt hominum ambitionum temeritas retundatur, & vt ne quis indignus promoueatur ad ministeriū Ecclesiæ. Volunt enim canones in ministrorum electione, morum, doctrinæ, ætatis ratione haberi, & cæterarum rerum, de quibus lib. 4. abundè tractatum fuit. Illud etiâ nominatim cautum est, ne quis episcopus ad aliam ciuitatem trãferri possit, de quo plenius infra differemus. Quod si qui contra hanc disciplinam aliquem elegerint, non solum intercidit electio, sed electores etiam,

quī ius suffragij habent, eius amissione mulctantur, vt antè diximus. Verū hęc seueritas absque humaniori interpretatione & *πεινέειν* consistere non potuit. Quid enim si vir spectatæ integritatis & eruditionis reperiatur, qui sacris initiatus nondum sit, aut iustæ ætatis non sit, nec alius idoneus fortè existat, qui Ecclesiæ præficiatur? Quid si Ecclesiæ magna aliqua vtilitas ac necessitas suadeat, episcopum vnius ciuitatis in aliam transferri? Itaque visum est iuris pontificij authoribus ita rem temperare, vt summum ius æquitati cedat, & nihilominus salua sit præscarum legum canonūque reuerentia. Non enim temerè electoribus permittitur alienæ ciuitatis episcopum aut nothum hominem vel prophanum, vel nō legitimæ ætatis quasi sacro munere dignum, cōtra leges institutāque maiorum eligere, sed superiorem antistitem adire, ab eoque veniam gratiāque canonum postulare ipsi licet. Qua impetrata eligere ita demum poterunt, si vitium propter quod canones electionem prohibent, libello postulationeq; sua complexi fuerint & nominatim expresserint ^a. Idque iure pontificio sic est constitutum. Sed moribus receptum est vitandi circuitus inanis causa, vt si visa fuerit æqua postulatio, statim ordinetur minister Ecclesiæ, aded vt postulationis admissio iustæ electionis cōfirmationisque vim ac potestatem habere dicatur ^b. Huius autem postulationis nullum apud veteres exemplum reperio,

^a. not. in c. innotuit. de elect. & in c. vlti. de post. præla.

^b. not. in c. vlti. de post. prælato.

rio, nisi fortè in promotione Ioannis Chryso-
 stomi, cuius mentio est lib. X. Triper. histo. c.
 I I I. Sed ne ea quidem promotio huic nostræ
 omnino similis est. Nam tametsi vtilitatis ac ne-
 cessitatis causâ à canonum præscripto nonnun-
 quam recederent, vt docet canon Apostolorum
 79. tamè quia episcopi præesse electioni, nedum
 interesse consueuerant, eorûmque ductu & au-
 thoritate omnia gerebantur, hæc solènis postu-
 latio, quæ hodie vsitata est, omnino fuisset su-
 peruacanea. Itaque Theodoritus de Ambrosio *c. lib. 4. eccle. histo.*
 loquens, qui sacro ablutus lauacro nòdum erat,
 cum à populo & episcopis, qui iussu Imperato-
 ris Valentiniani conuenerant, episcopum Me-
 diolani electum fuisse scribit *d. c. statui-
 mus. 61. dist.* *d. c. statui-
 mus. 61. dist.* Quauis Gratianus ad prisca sæculi mores non respiciens, postu-
 latum fuisse potius asserat *e. c. Valenti-
 nianus, 63. di-
 stinct.* Cùm autem dictum
 sit postulationis cōprobationem electionis con-
 firmationi parem esse, quibusdam fortassis vide-
 bitur inter electionem ac postulationem hodie
 nihil interesse. Verùm aliquod discrimen, nec id
 quidem leue adhuc animaduerti potest *f. c. episcopus. 61. dist.* Non
 enim vt electo, ita etiam ei cuius promotio or-
 dinatióque postulatur, vllum ius ex postulatione
 intelligitur acquisitum esse. Atque ideo interim
 canonicis variare, & sententiã mutare permis-
 sum est, donec antistes aditus, ipsique oblata po-
 stulatio fuerit &. Nam canonici cum communi *g. c. hanc, de
 post. pralat.* consensu & consilio postulandum esse aliquem
 decernunt, nequaquam se eum eligere testantur,

sed libenter electuros ostendunt, si per leges & canones liceret. Quorum canonum rigorem laxari ac remitti, & eligendi potestatem sibi fieri suppliciter petunt, aut certe voluntatem suam à superiore antistite comprobari, perinde ac si vera legitimâq; esset electio, quod hodie receptum est, ut diximus. Ea siquidem petitio si iusta utriusque Ecclesiæ videatur, pro solenni legitimâque electione haberi solet, ut nullam aliam electionem postea celebrari necesse sit. Quæ ratione vulgò traditum est in huiusmodi postulationibus, ritum ordinemque constitutionis Innocentianæ, cuius paulò antè meminimus, omnino servandum esse. Nam licet ex duabus viis altera extraordinaria sit, nihilominus eodem ferre ambas, & par in utraque periculum esse videmus. Præterea qui hominē sacro munere indignum postulant, non continuo ius suffragij, ut electores amittunt, cum poscentes veniam, & vitium agnoscētes confitentēsq; eius quem ordinari desiderant, canones violare non videantur. Quod tamen est ita accipiendum, nisi tale vitium sit, ut gratiam canonum remissionemque sperare non debeant, ut puta, si noxius aliquis sceleratiusque vir postuletur, in quo nulla vitæ emendatio cluceat. Hunc enim quem nefarium est promovere, postulantes, exemplo eligentium plecti mulctariq; debere constitutum est. Quamvis autem electio ac postulatio res diuersæ sint, tamen quibus verbis utantur postulare volen-

i. d. 1. de post.
prælato.
l. c. episcopus,
61. dist.

volentes, non multum referre arbitror, modò voluntas eorum obscura non sit. Nam siue postulandum se eligere, siue eligendum postulare dixerint, nihil contra canones facere videntur, si constet eos gratiam ab antistite suo exposcere velle, quia fortè vitium aliquot exponunt propter quod iure suo eligere se non posse vltro fatentur^m. Nam & veteres promiscuè his verbis vfos fuisse animaduertimusⁿ. Nec me mouet quòd Bonifacius constitutione quadam sua, hoc pronuntiandi genus vt captiosum subdolumque improbauit^o. Nam aduersus eos edita est ea constitutio, qui sacro munere indignum quempiam eligere cupiunt, sed quia verentur ne paterfacta tandem eius indignitate, pœnæ sint obnoxij, his verborum inuolueris improbitatem suam tegere conantur. Quæri solet à quo gratia remissioque, de qua hîc loquimur, postulanda sit. Et quidem Romanus pontifex, cum de promotione episcoporum agitur, quòd res magni ponderis sit, & ad exemplum maxime pertineat: eò nomine adiri consuevit^p. Pro cæteris vero maioribus ministeriis ita denum si vitium, propter quod inhihetur electio, tale sit, vt aliis antistitibus gratiam canonum facere nò liceat; Proinde si candidatus XX. annos natus sit, nec animarum curatio petatur, sed aliud quiduis ministerium Ecclesiæ, apud proprium episcopum hæc venia rectè postulabitur: cum hoc genus gratiæ inter ea quæ recepit, ac sibi reseruauit Romanus

*m. c. post trās-
lationem, de
renunc.*

*n. c. literas 63
dist.*

*o. tit. de post.
prælat. in 6.*

*p. not. in c.
vlt. de post.
prælat.*

9. tit. de eta. pontifex non recenseatur ?

et qualis. in

6.

Translatio episcoporum quamobrem sit prohibita, aliter explicatum, quàm à iuris Pontificij enarratoribus factum adhuc sit. Cap. 3.

o. d. c. episcopu. c. propter.

7. q. 1.

f. lib. 5. eccle.

histo. c. 11.

t. lib. 1. c. 19.

x. nat. in c.

vlti. de post.

pralato.

Diximus in superiori capite, episcopū vnus ciuitatis ad aliam trāsire non posse, sed quia obiter id tantū attigimus, & res est animaduersione digna, nunc de ea breuiter hic disserendū est. Dubium autem non est, quin hæc sedium mutatio, vt ecclesiis valde pernicioſa, iam olim canonibus prohibita sit, idque ex concilij Nicēni c. 15. Sard. c. 1. Antioch. 16. c. 21. Chalced. c. 5. Carthag. 3. c. 38. perspicuum est *. Fit & huius prohibitionis mentio, in cōfessione fidei, quam misit Papa Damasus Paulino episcopo Theſſalonicæ apud Theodor. f. Ac idem Theodoritus, Eusebium quendam insectatur, qui Nicomedia deserta, cuius erat episcopus, contra canones ad Constantinop. ecclesiam transierat. Cuius prohibitionis rationem hanc esse dicunt iuris pontificij consulti, quia matrimonium quoddam inter episcopum & ecclesiam intelligitur contractum esse, quod hominum arbitrio dissolui non potest, iuxta illud, Quos Deus coniunxit, homo non separet. Itaque aiunt eum qui episcopio se abdicauit, in alia ciuitate eligi & ordinari posse, quod priori vinculo matrimonij obstrictus esse desierit *. Sed profectò longè alia ratio veteres ad id constituendum impulit, quæ concilio Sardicensi

dicenſi apertiffimè expreſſa eſt, cuius cōcilij hæc
verba ſunt, è Græco in Latinum ſermonem con-
uerſa, cano. 1. Oſius epifcopus dixit, non minus „
mala conſuetudo, quàm pernicioſa corruptela „
funditus eradicāda eſt, ne cui liceat epifcopo de „
ciuitate ſua ad aliam ciuitatem tranſire. Mani- „
feſta eſt enim cauſa qua hoc facere tentant, cū „
nullus in hac re inuētus ſit epifcopus, qui de ma- „
iore ciuitate ad minorem trāſiret, vnde apparet „
auaritiæ eos ardore inflādari, & ambitioni ſer- „
uire, & vt dominationem exerceāt. Si ergo om- „
nibus placet, vt huiusmodi pernicies auſterius „
vindictetur, nec laicam communionem habeat, „
quī talis eſt? Vniuerſi dixerunt, Placet. etiam ſi „
talis aliquis extiterit temerarius, vt forſitā excu- „
ſationem afferat, quòd populi literas acceperit, „
cū manifēſtū ſit præmio & mercede paucos, „
qui ſyncerā fidem non habent, potuiſſe corrūpi, „
vt clamarent in Eccleſia, & ipſum petere vide- „
rentur epifcopū, omnino has fraudes remouen- „
das eſſe damnamus, ita vt nec laicam cōmunio- „
nem in finē accipiat talis, quod ſi vobis omnibus „
placet, ſtatuite. Vniuerſi dixerunt, Placet. Huius „
autem canonis pars tantū poſterior extat, in c. 2.
tit. de elect. lib. 1. Decret. ſed à iuris pontificij do- „
ctoribus, qui ex fonte non hauſerunt, parum ro- „
tè explicata. Eandē quoque rationē confirmat
Leo pontifex in quadam epiſtola his verbis, Si
quis epifcopus ſuæ ciuitatis mediocritate deſpe- „
cta adminiſtrationem celebrioris loci ambierit, „

„ & ad maiorem plebem se quacunque ratione
 „ transtulerit, à cathedra quidem pellatur aliena:
 „ carebit etiam propria, vt nec illis præsideat, quos
 „ per auaritiā concupiuit, nec illis, quos per su-
 b. c. si quis epi perbiam spreuit ^{b.} Et in Theodorit. ^{c.} clarè testa-
 scopus. 7. q. 1. tur authores canonum huiusmodi translationes
 c. lib. 5. eccles. prohibuisse, vt ambitionem præciderent. Illud
 e. 8. non possum non admirari, quod Socrates ^{d.}, pri-
 d. in eccles. hi- scis canonibus hanc trāslationem episcoporum
 storia. vetitam fuisse negat, ideoque Proclum quēdam
 e. lib. 2. Tri- episcopum ordinari potuisse contendit ^{e.}: cano-
 per. c. 8. nes enim ante id tempus de ea re editi hodie re-
 periūtur, quos supra indicauimus. Verumenim-
 uero mutatio hæc tantam potest vtilitatem ali-
 quando afferre ecclesiis, vt non immeritò tole-
 rari debeat. Canones siquidem mutationem se-
 dis interdicentes, de ea non intelliguntur, quam
 necessitas vtilitasq; ecclesiarum flagitat, sed quæ
 ex cupiditate & ambitione episcoporum profi-
 cisitur ^{f.} Cuius rei exempla apud Socratem va-
 f. c. mutatio- nes, c. scias. c. ria leguntur in historia ecclesiastica, cuius modò
 episcopus, 7. mentionem fecimus ^{g.} Et quædam alia pontifex
 q. 1. Anthetius refert, vulgòque receptum ac proba-
 g. lib. 2. Tri- tum est, quod is de Petro ex Antiochia Romam
 per. c. 8. Theo- translatò scribit, tametsi de ea re nonnulli dubi-
 dor. lib. 5. c. 8. tent ^{h.} Sed ne prætextu vtilitatis ac necessitatis
 h. d. c. muta- leges ecclesiasticæ eludantur & infringantur,
 tiones. hodie vnius Romani pontificis arbitrio hæc
 i. toto. tit. de transferendi facultas omnino commissæ est ^{i.}
 trāsla. episco,

Qui

Qui alia via ad episcopalem sedem aspirauerit,
pœna aduersus eum iure pontificio statuta est,
vt munere utroque careat ^l.

*l. c. si quis epi
scopus. c. c.
seq. 7. q. 1. c.
quato, de tras.
la. episc.*

*Quale sit nominationis ac præsentationis ius
iis competens, qui patroni ecclesiarum
dicuntur. Cap. 4.*

Præter episcopos canonicosque, quorum an-
tè mentio facta est, sunt aliæ quædam personæ,
quarum voluntas & consensus interdum in or-
dinandis ministris ecclesiarum requiritur. Nam
si quis sacram ædem condiderit, atque consti-
tuerit clericum, qui sacri ministerij curationem
habeat, nominare ei licet, & episcopo offerre, vt
ab eo si idoneus iudicatus fuerit, ordinetur, nec
potest episcopus absque ea nominatione quen-
quam in huiusmodi Ecclesia ordinare. Id enim
non solum canonibus pontificiis, sed etiam iure
ciuili constitutum est ^m. Sicut enim institutum
eius meritò commendatur, qui pio affectu reli-
giosoque ductus, de sententia consilioque anti-
stitis sui, rem suam consecrat Deo, eiusdem pro-
prietate amissa, ita æquum visum est cum ali-
quid iuris retinere, quod pietatis ipsius singula-
risque in ecclesiam voluntatis perpetuum mo-
numentum esse possit. Idque adeò probatur, vt
vulgò proditum sit, tale ius ei competere, quan-
uis nominatim non receperit in constituenda
Ecclesia ⁿ. Nec multum refert, vt hoc ius reti-

*m. c. decerni-
mus, 16. q. 7.
nouel. 67.
123.*

*n. c. significat-
uit, de testi.*

neat, an basilicam fundauerit, in suoque solo aut extruxerit ab initio, aut dirutam collapsamque restituerit, an verò ad ædificij ministrorumque tutelam redditum ei vectigalque certum largitus fuerit *. Nam sine redditibus, qui dotes ecclesiarum in quibusdam canonibus non malè dicuntur ^p, vt dotes prædiorum apud Papinianum ^q, nec quicquam ædificaretur ecclesia. Quauis ergo dominus sit eius soli, in quo basilicam ædificat, aut earum rerum quas Ecclesiæ constitutæ donat: tamen ratio iuris non patitur, vt post consecrationem dedicationemque is locus, aut aliæ res Deo consecratæ, in eius dominio manere dicantur, quauis eo verbo quidam abusi fuerint ^r. Itaque patroni appellatio magis quàm domini ei cõuenire credita est, quasi Ecclesiæ defensor propugnatorque tantum sit. Potest & idcirco patronus appellatus videri, quòd cum eo qui seruum suum manumisit, aliquam similitudinem habeat. Is enim etsi dominus serui manumissi esse desinat, tamen ius quod dicitur patronatus in iure ciuili, in eum perpetuò obrinet. Horum verò patronorum duo sunt genera, Vnum est laïcorum, ad quos nomine suo ex iis causis, de quibus locuti sumus, id ius pertinet: Alterum est ecclesiasticorum, quibus non suo nomine hoc competit, sed Ecclesiæ potius, cuius gubernationem administrationemque habent. Operæpretium igitur est ea iura, quæ patrono post Ecclesiæ constitutionem supersunt,

o. r. filis. 16.
q. 7.

p. c. decretū.
10. q. 1.

q. l. 3. de in-
struc. leg.

r. c. monaste-
riū. 16. q. 7.

persunt, breuiter & summatim perstringere. Quorum illud primum præcipuumq; habetur, quod iam attigimus, nempe eorum qui ecclesiis præficiendi sunt, nominatio. Sic enim à veteribus linguæ Latinæ authoribus dicitur *o. cui* vocabulo & Græcum, quo Iustinianus utitur, respondet, vulgus præsentationem vocat. Verum hominem idoneum & sacro munere dignum, idq; intra certum tempus nominare patronus debet. Nam patrono laïco tempus quatuor mensium, ecclesiastico sex ad nominandum iure pontificio præscriptum est. Quo tempore præterito absque patroni consensu liberum est episcopo Ecclesiæ ministrum ordinare *f. Quan-* uis autem nominandi ius habet patronus, in eum tamen qui ab episcopo ordinatus est, nullam sibi potestatem vindicat. Quare ne ob culpam quidem gradu suo deicere eum potest, sed hoc ad antistitis officium spectat. Nec verò rerum Ecclesiæ administrandarum ullam habet facultatem, sed quia patronus est atque defensor Ecclesiæ, si malè versari ministros deprehenderit, non solum admonere eos & increpare, verum etiam deferre, tam apud magistratum ac principem, quàm apud episcopum poterit. Sed & si ad inopiam fuerit reductus patronus, ex pro- uentibus Ecclesiæ ali sustentarique debet, licet eorum dispensatione aliàs non habeat. Nam & is qui seruum manumisit, cui hūc quadamtenus similem esse diximus, à liberto suo alimenta

*o. Brut. ad
Cic. epist. 7.
Plin. lib. 2.
C. 4. epist.*

*f. tit. de iur.
patro. in 6.*

t. c. filius, 16.

9. 7.

v. c. quicun-

que. 16. q. 7.

c. nobis, de

iur. patro.

x. l. si quis d
liberis, de lib.
agnos.

a. c. confide-
randum, 16.

q. 7.

b. c. i. de iure
patro.

c. cle. 2. de iu-
re patro.

d. c. ex infi-
matione, de
iure patro. c.
nemi. 36. q.

7.

e. c. ex literis,
c. de iure. c. cū
sæculū, de iu-
re patro.

quoq; exigit iure ciuili *. Ius igitur patronorum
in ecclesias in iis ferè consistit. Et notandum est
mortuo patrono id ius ad hæredem ipsius tran-
sire ^a. Ac si plures existant hæredes in solidum
quidem patroni sunt, non pro partibus hæredi-
tariis ^b. Verùm quod ad nominationem, de qua
hîc differimus attinet, non singuli hæredes in
solidum ius nominationis habent, vt melior sit
occupantis conditio, sed omnes simul nominât
ac eligût, in qua electione stirpium magis, quàm
capitum rationem habendam esse constitutum
est, ita vt plures vnius patroni hæredes, vnius
tantùm personæ vicem sustineant ^c. Huius quo-
que iuris donatio permutatiôque permittitur ^d.
Sed quia iuris diuini aliquid immixtum habet;
honestum visum non est iuris pontificij authori-
bus, vt pretio cuiquàm acquiratur. Ideôque ven-
ditio eius prohibita est, nisi vniuersitas quædam
prædiorum, cui hoc ius accedat, distrahatur ^e.

De iure ordinandi ministros Ecclesiæ, beneficiâque
conferendi, quod tanquam caducum ad supe-
riorem antistitem deuoluitur. Cap. 5.

Quia sæpenumero contingit, vt qui ius ha-
bent promouendi ministros Ecclesiæ, siue bene-
ficia ministeriis assignata conferendi, negligenti-
ores sint in eo negotio: æquum sanè fuit, huic
malo atque incommodo idoneum aliquod re-
medium quærere. Itaque canonibus pontificiis
certum

certum tempus definitum est, intra quod si Ecclesie vacanti prospectum non fuerit, statim id ius tanquam caducum, ad superiores antistites deuoluitur, idq; gradatim, vt qui propioris gradus est, primùm adeatur, & eo cessante reliqui fursum versus progrediēdo, donec ad summum pontificem peruēctum fuerit. Caducum autem satis commodè ac Latine dici posse videtur, non aliter ac Iuriconsulti veteres caducam hereditatem, caducum legatum, caducam dotem, caduca bona vocant. Qui versantur in foro, & qui ius pontificium interpretantur, ius etiam deuolutum, nec id quidem ineptè meo iudicio appellare solent. Sic enim à veteribus iuris auctoribus hereditas, tutela, dominiū, bona deuoludicuntur. Sed vt cognoscamus, quod spatium temporis singulis antistitibus, vel sodalitiis canones præscripserint, sciendum est si de præfulatu aut cœnobiarcha agatur, trium duntaxat mensium illud tempus esse. Sin de aliis præfecturis atque ministeriis inferioribus, sex mensium. Quod tempus non ex quo vacare cœpit Ecclesia computandum est, sed ex quo antistes vel collegium vacare eam sciuit, nec impedimento aliquid ei fuit, quo minus Ecclesie vacanti consuleret. De tempore patronis ecclesiarum dato ad nominandum, siue, vt loquimur, præsentandum, quod quatuor aut sex mensium est, postea dicemus. Vnum hîc notandum est, quod vulgè receptum video, ei qui nominatum à patrono

f. c. licet, de sup. neg. præla. c. nullus, de con. præb. g. l. ite veniunt, de pet. hered. l. si quis officiu. l. dote, de ritu nupt. l. 3. de iis quæ in test. del. l. 9. de S. C. Syll. l. 2. si qu. aliqu. test. probi. tit. C. de cad. toll. h. l. pupilli, de soluti. l. ad fiscum, rer. a. mot. l. in frau. de de iur. fise. l. deniq; quod vi aut clam. l. si quis sub conditione, de testam. tut. i. c. ne pro defunctu, de eleg. c. obuentibus, 63. dist. c. post quā, 50. dist. l. c. nulla. c. dilectus, de con. præb. m. c. quia diuersitate, de con. præb.

instituendi ius habet, id temporis spatium, de quo hîc differimus, tribuendum non esse, quod canônes de temporis præfinitione editi, de eo qui nominatum instituit, minimè intelligantur. Non enim videtur rationi cōsentaneum, vt post semestre tempus, quod patrono indulgetur ad nominandum, tantundem antistiti ad eum qui nominatus est instituendum concedatur, ne Ecclesiæ nimis diu pastoribus ministrisque suis carentes ac destitutæ iaceant. Itaq; vtilius esse putant iuris pontificij consulti, si moderatum aliquod tempus à superiore antistite statuatur, intra quod institutio promotiôq; huiusmodi fieri debeat. Eadêmque causa eius est, ad quem electionis confirmatio pertinet *. Et hæc quidem omnia de cessatione & negligentia eorum accipienda sunt, qui ius promouendi vel beneficia conferendi habent. Nam si promotus sit indignus, vel aliter cōtra canones peccatum sit, &c. caduci iure ordinatio promotiôque protinus, & ~~amissus~~ ad summum pontificem deuoluitur: præterquam in inferioribus ecclesiis, vt Bonifacius constituit *.

n. not. in c.
nulla, de cōc.
præben.

s. c. quanquã,
de elect. in 6.

*Coniunctio beneficiorum, quam Vnionem
vocant, quæ sit, & quibus ex causis
permittatur. Cap. 6.*

Genus quoddam acquirendi beneficia hodie
vfitatum est, cùm beneficio, quod quis possidet,
aliud adiicitur & coniungitur. Nam etsi legibus
cano-

Canonibúsque pontificiis solutus non fuerit, tamen utrunq; obtinere potest. Cuius coniunctionis causa est utilitas aliqua, vel necessitas Ecclesiæ, ut exempli gratia, Si duæ vicinæ ciuitates, pagi vel cōpoleis sint, in quibus multitudo populi non mediocriter decreuerit, si fana diruta sint, quæ reparari ac in pristinum statum restitui faciliè nequeant: si duo pastores ex oblationibus commodè non possint ali, & vnus pro tempore sufficere videatur *p.* Ac tales magistratuum coniunctiones multæ apud Iustinianum descriptæ reperiuntur, quales beneficiorum, munerumque ecclesiasticorū sunt, de quibus hîc disserimus *o.* Ciuitatum quoque ac populorum, qui in vnum coierunt, quædam exempla reperiuntur in antiquis monumentis, veluti Albæ atque Romæ apud Liuium. Extat & elegans descriptio Ouidiana *q.*, in his versibus:

*Hæc ubi narrauit, Tatium fortémque Quirinum,
Binâque cum populus regna coisse suis:
Et lare communi socios generósque receptos,
His nomen cunctis Iunius, inquit, habet.*

Hæc autem coniunctio tribus modis fieri posse dicitur *r.* Primus est, cum duæ Ecclesiæ in vnū veluti corpus confunduntur & coalescunt, adeò ut vna Ecclesia, vnum ministerium, vnumque beneficium, non duo verè dici possint. Et hanc cōfusionem Iustinianus verbo Græco *ἐνωσις*, alij vulgò vnionē, quasi verbum verbo red-

*p. c. & tēporis. c. postquā
16. q. 1. c. 2. de religio. do. c. eā te, de eta. & qual.
o. Nouel. 8.
24. 25. 26.
27. 28. 29.
q. lib. 6. Fasto.*

r. glos. in d. c. & tēporis, & in c. 1. ne sede vacante.

f. Nouel. 18.

dentes, sed nō satis Latinè vocant. Itaque beneficium, quod huiusmodi accessione auctum & amplificatum est, non modo *συννημμένον*, vt noster Pomponius loquitur, sed etiam *ἡνωμένον* iectè appellabitur ^a. Secundus modus est, cū ita connectūtur Ecclesiæ, vt in vnum quasi corpus minimè consentur, sed vt vna superior sit ac principalis, altera inferior & accessoria. Quo casu in inferiore vicarius, qui sacrum ministeriū obeat, constitui solet ^v. Tertius modus est, cū neutra subiicitur alteri, sed ambabus suum titulum gradūq; retinentibus, idem minister præficitur ^x. Sic enim à Gregorio Cumanam Musitanámque ecclesiam copularas legimus, vt quāuis vtraque maneret episcopalis, vnum tamē atque eundem episcopum haberet ^a. Sed quæritur, cuinam hoc ius coniungendi beneficia competat. Et certi iuris est, Romanum tantūmodo pontificem duos episcopatus coniungere posse, adeò vt ne legato quidem eius id liceat ^b. Aliarū verò ecclesiarum *ἑνωσις*, & colligatio episcopis cuiusque ciuitatis ac diœceseos permittitur ^c, modò vt collegij ecclesiastici consensum adhibeant ^d. Beneficium tamen episcopio suo adiungere, vel collegio consentiente, eos non posse constitutum est ^e. Archimandritæ autem hanc coniungendi potestatem non habent, sed ipsis consentientibus, episcopi cū opus est, id exequuntur ^f. Verū animaduertendum est, ita demum hanc beneficiorum coniunctionem valere, efficacēque esse, si ob

l. rerū mixtura, de vsu cap.

v. c. extirpandæ. §. qui verò, de præbē. x. c. i. ne se vac.

a. c. tēporis, l. 6. q. 1.

b. c. quod translationem, de offi. leg.

c. c. sicut vniuersis, de excess. prælato.

d. c. dudū, de reb. ecc. nō al. in 6.

e. c. si vna, de reb. eccle. non alie.

f. c. in agro. §. adhuc, de statu monachō.

si ob manifestam Ecclesiæ utilitatem necessitatemve fiat, idque causa cognita, & iis omnibus vocatis, quorum interest *s.* Qua de re celebra Oldradi atque Decij respōsa in manibus sunt *h.* Est enim valde alienum à ratione, & canonibus pontificiis contrarium, vt absque graui causa & necessitate duabus ecclesiis præficiatur vnus, aut duobus in Ecclesia muneribus fungatur *i.*, ac multo magis vt duas ecclesias ad vnam redigendo, cultus diuinus aliquod decrementum recipiat. Proinde quisquis contendit *ἰνώσει* acquisitionem sibi esse beneficium, ritè ac solenniter eam factam docere debet, siue à Romano episcopo, siue ab alio quocunque antistite facta proponatur *l.*

g. c. i. ne se. vac. c. expofuisti, de præb. c. dudū, de reb. ec. in 6. h. Old conc. 261. Dec. cō. 275. i. c. cum non ignores, de præb.

De fiducijs ecclesiarum tam perpetuis quàm temporarijs, quæ commendationes dicuntur. Cap. 7.

l. l. actor. C. de præb. Old. c. Dec. vbi sup.

Priscis temporibus cū Ecclesiæ vacanti pastor idoneus statim præfici non poterat, interim vt ea euitarentur mala atque incommoda, quæ vt plurimum *ἀναρχία* parit, solebat Ecclesia vacans probo alicui viro commendari & committi, qui tanquam tutor quispiam aut procurator bona fide actus sui rationem redderet. Hic enim pastor Ecclesiæ non erat, & ad tēpus solū constituebatur *m.* Itaque poterat & alterius Ecclesiæ ministro hæc curatio administratioque mandari. Non enim cōtra canones pontificios duabus

m. c. constitutum, 7. q. 1.

*n. c. clericum.
c. qui plures.
21. q. 1. c. obi-
tum. c. Gati-
nensis, 61. di-
stinc. c. dudū,
2. de electio.*

ecclesiis præfici videbatur, aut ab vna ad aliam transferri, cum vnus Ecclesiæ pastor perpetuus, alterius verò custos temporarius essetⁿ. Sed nec illa inquisitio vsquequaque adhibebatur, quā in promotione pastorum ministrorumve necessariam esse diximus. Proinde ei qui monachus nō erat, siue regularis, vt vulgò loquuntur, monasterium poterat commendari, donec aliquis ex sodalibus hæteriarcha electus creatusque esset. Verum res longè vtilissima, & ad consulendum ecclesiis vacantibus inuenta & excogitata, tandem in ipsarum perniciem pestemque mirabiliter conuersa est. Nam quibus per canones non licet præfici ecclesiis aut monasteriis, moribus comparatum est, vt eisdem Ecclesiæ vel monasteria imperpetuū, & quandiu viuunt commendentur. Atq; ita concipitur formula huius commendationis in diplomatibus pontificiis, vt libera non solum dispensatio rerū, sed etiam consumptio atque dissipatio ipsis permissa intelligatur. Et sanè mirum est homines ingeniosos, qui fucum hunc commenti sunt, tantæ corruptelæ non alium colorem quæsiisse, ne tam apertè despici canones, & palam ludibrio haberi viderentur. Quasi verò consilium eorum non cuius norum perspectumque sit, qui hac arte corruptelam maximam tueri & adumbrare conantur, qui verbis decoris obuoluunt vitium, & vt Aristophanes ait, *ὀνόματι πλεονεκτήσουσι τὴν μοχθηρίαν*. Itaque etsi vetus nomen adhuc remanserit, &

Com-

Commendatio dicatur hoc beneficij acquirendi genus, quod Latinè & propriè fiduciam appellari posse crediderim: tamen res sic immutata ac deleta est, vt priscæ illius fiduciæ, de qua iam diximus, vix imago quædam vmbraue supersit. Vnde vulgò dicitur, titulum hunc fiduciarium hodie à legitimo titulo nihil differre: & fiduciarium administratorem perinde ac iustum verumque gubernatorem Ecclesiæ fructus sibi acquirere, quanquam si ad veritatis amulsum, & veterum institutorum normam hæc exigere velimus, neuter rebus Ecclesiæ aliter quàm vt commendatis vti debet. Idque Leo pontifex ait, & nos suprà annotauimus *P.* Nec aduersatur huic sententiæ, quòd Commendare apud iuris authores nihil aliud est quàm deponere: ac idcirco custos & procurator tantum videtur dici debere, qui hac ratione promouetur *q.* quoniam, vt diximus, plenior illa conceptio diplomatis pontificij, & mores vbique recepti faciunt, vt non simplex custos, depositarius procuratorve, sed dominus quodammodo habeatur. Nam & procuratores in rem suam appellantur à iureconsultis, qui nihil minus quàm procuratores sunt, & suum, non alienum negotium gerunt. Et certum est huiusmodi procuratoribus fiduciariorum istos dispensatores aut vt verius dicam, fucatos dissipatores, de quibus loquimur, perquam similes esse, cum ipsis non Ecclesiæ gratia, sed sua potius (vt rectè quidam aiunt) admi-

o. not. in c. nemo, de elec. in 6.

p. c. sine exceptione. 12. q. 2.

q. l. commendare, de verb. sign. l. Lucius, de pos. c. 1. de pos.

r. l. qui stipendia. C. de procur.

f. Alc. in l.
pactū curato.
C. de pact.

t. l. i. § si sic
deposuero, de
pos.

v. c. nemo, de
elect. l. 6. not.
in c. si consti-
terit, de accu-
satio.

nistratio concedatur f. Atque hinc fit, vt fidu-
cia huiusmodi perpetuæ nunquam reuocentur,
quanuis depositum mandatūmve simplex reuo-
cari possit. Illud postremò annotandum est,
quod Roma. pontifex episcopia monasteriāque
imperpetuum commēdandi potestaté sibi vnus
vindicat, eodēque iure vtūtur ceteri episcopi
in fana ministeriāque parœciæ suæ, exceptis cu-
rationibus animarum, quas ad semestre solum
tempus commendare possunt v.

De pontificiis diplomatis, quæ vulgus gratias ex-
pectatiuas, & mandata de prouidendo appel-
lat, copiosa disputatio. Cap. 8.

Inter genera distribuendorum Ecclesiæ be-
nificiorum, quæ hodie vsitata sunt, vnum longè
celeberrimum est, de quo iam dicturi sumus,
per diplomata scilicet pōtificia, quæ vulgò man-
data de prouidendo & gratiæ expectatiuæ ap-
pellantur. Ex aula siquidem pontificis Romani
proficiscūtur diplomata, quibus mandat ac præ-
cipit beneficia quibuscumlibet cōferri in diem mor-
tis eorum sacerdotum ac ministrorum, qui ipsis
fruuntur. Conuenit tamen inter omnes quot-
quot sunt iuris pontificij enarratores, hanc be-
nificiorum distribuēdorum rationem apud ve-
teres in vsu non fuisse. Cuius rei argumentum
afferunt sanè quàm probabile, quòd ne in volu-
mine quidem decretorū, quod Gratianus edidit
vllū exemplū vllāve mētio horū diplomatum
repe-

reperitur. Avaritia etenim aulæ pontificiæ, post aliquot sæcula, hoc nouum pecuniæ aucupium adinuenit, quod nunquam veteribus in mētem venerat. Ac tamen si speciosæ rationes adduci soleant, quibus tanta *ἀσχημονέπειτα* tegatur & excusetur, tamen res ipsa loquitur, & nos quotidie factis docet experientia, quantum hæc lues pestisq; noceat Ecclesiæ. Nam imprimis occasio datur captandæ mortis alienæ, præsertim sceleratissimis & profligatissimis hominibus, qui talia diplomata ferè impetrant. Iurecōsulti veteres, quibus hæc Euangelij lux nondum affulserat, pacta conuentionesque detestantur, quibus hæreditatem suam quis promittit alteri, ne eius hæreditatis spe ad optādā promissoris mortē inuitetur, cū tamen verisimile sit, inter notos homines & amicos huiusmodi pacta iniri, & eum qui ita paciscitur ac promittit, probabili aliqua causa adduci, vt alteri fidat. Hoc autem diplomatum genere beneficium non ei quem eligit charūque habet beneficij possessor, cuique iusta aliqua causa est confidendi, sed homini plerunque nō solū ipsi ignoto, sed etiam improbo ac maleuolo, quem libuerit Ro. pontifici nominare, confertur aut conferri mandatur. Deinde lites & controuersias innumerabiles pariunt hæc diplomata, quibus nec Reip. quicquam est exiti-
lius, nec Christiano homine indignius. Verissimum enim est quod Isocrates homo à nostra religione alienus scribit, officium esse boni princi-

pis eas leges condere, quæ inter ciues quàm pau-
 ciſſimas lites gignant. Nec dubium eſt cordatis
 hominibus, nedum Chriſtianæ religionis cultoribus,
 hanc partem iuris pontificij probari non poſſe. Hæc enim diplomata tantũ offundũt ubi-
 que tenebrarum, tantãmq; fraudibus & ſtrophis
 forenſibus fenestram aperiunt, vt alię ſuper alias
 contentiones & lites hinc quotidie exoriantur,
 ac velut Anabatarum more pugnent litigatores
 & cauſidici, nec iudices quamlibet perſpicaces
 facilẽ ius & æquum in tanta caligine perſpicere
 poſſint. Quæ res efficit vt aſtutiſſimus quiſque,
 callidiſſimus & improbiſſimus, quanuis nullo
 iure aut titulo nitatur, ſæpius in hoc certamine
 victor euadat, & ſimpliciores homines libera-
 liorĩſque ingenij iuſtiſſimam cauſam amittant.
 Non enim libẽter tam odioſis litibus ſeſe impli-
 cari ſinunt, & ancipitem iudiciorum aleã refor-
 midant, cùm præſertim ad ſtrophas eludendas,
 quas fraudulentis captioſiſque homines facilẽ hĩc
 cõmiſciũtur, nati aſſuefactique non ſint. Quid?
 quòd in his litium anfractibus ingenti ſumptu
 opus eſt, cui ſufficere nequeunt inopes clerici,
 ideòque opulentioribus cedere coguntur? Præ-
 terea hæc πολυπράγμοσύνη pontificum ἀλλοτρίως πι-
 σμάπων & ipſos auertit à proprio munere functio-
 néque ſua, & alios antiſtites non ſine aliqua for-
 taſſis iniuria interturbat, vt neutri in tanta con-
 fuſione munus ſuum obire poſſint. Ac vt ſum-
 matim omnia complectar, nec neceſſe habeam
 ſpeciatiim

ſpeciatiſſimè enumerare, quæ in canonibus concilij Baſilienſis perſcripta ſunt, illud dicam, quod aulae Romanæ quidam alumnus * ab alio nescio *a. Gomeſia.*
 quo acceptum in commentaria ſua referre non dubitauit. Nempe huiusmodi pontificum diplomatis, ius canonicum funditus euerſum deſtructumque eſſe. Sunt tamen nonnulli, qui ſtudio, ut credibile eſt, pontificibus blandiendi, aſſerunt, quicquid habent iuris reliqui epiſcopi in re beneficiaria, id Rom. pontifici acceptum ferendum eſſe, quaſi omnia ab ipſo tanquã fonte aliquo prodierint. Et cum poſſit iure ſuo totius orbis beneficia arbitrato ſuo diſpenſare ac diſtribuire, præclarè cum cæteris agi cenſent, ſi partem aliquam benignè ſcilicet eis largiatur & indulgeat *b. gloſ. c. quã- quã, de elect. in 6.*
 Sed quæ fuerit olim epiſcoporum in hac re poteſtas atque authoritas ſatis antè demonſtrauiſus lib. III. Ut autem concedamus Rom. pōtifici quiduis impunè hīc licere, tamen omnes boni, ut ſpero, mihi aſſentiētur, nō modò quid liceat, ſed etiam quid honeſtum ſit ab eo ſpectandum eſſe. Quid autem indecentius ac fœdus in Eccleſia poteſt eſſe, quàm hæc miniſteriorum, functionumque eccleſiaſticarum perturbatio? Mitto quod peſſimè videntur pontifices Romani ſibi ſuxque maieltati conſulere, cum eo nomine, ut cætera miſſa faciam, *c. c. peruenit, 11. q. 1.*
 quæ non ſunt huius inſtituti, tantam apud Chriſtianum populum ſibi conſent inuidiam, ut niſi Deus aliquis huc rei proſpiciat, magnum

ab vniuersa ruina excidióque periculú sit. Quã-
 ro circumspectiùs Lacedemoniorum ille rex, qui
 vxori obiurganti, quod minus ac humiliter re-
 „ gnú filiis esset traditurus, quàm accepisset, Ego,
 „ inquit, eo maius relinquam, quo diuturnius. Ve-
 rùm vt ex diuerticulo in viam redeamus, certú
 exploratúmque est ius quo vtimur, quacunque
 ratione id constitutum fuerit. Quod vt intelli-
 gamus, animaduertédum est, cùm primùm Ro-
 mani pontifices cœperunt vbique terrarum be-
 neficia dispensandi facultatem sibi vindicare,
 parcè admodum ac moderatè ipsos ea potestate
 vfos fuisse. Non enim imperiosis istis diploma-
 tis terrebant statim episcopos, & ad sibi paren-
 dum cogebant, sed vt leuiter primùm tentarent
 eorum patientiam, literis monere eos ac rogare
 solebant. Sed cùm preces & monita grauatè ab
 episcopis reciperentur, ac plerunque ea contem-
 nerent; mox in præcepta conuersa sunt. Verùm
 ne ea quidem satis neruorum habuere, cùm be-
 neficium interim collatum alij adimédum non
 videretur, sed contumacia tantùm non obtem-
 perantis plectenda. Iraque ratio tandem excogi-
 tata est, qua beneficiorum dispensatio ad ponti-
 ficis Romani potestatem & arbitrium omnino
 reuocaretur, datis nempe per diplomata execu-
 toribus, qui aut episcopos ad parendú cogerent,
 aut eis imperium detrectantibus ipsi conferrent.
 Sic precibus primum vfi pontifices Romani,
 deinde iussu ac minis, postremò vi aperta, hanc
 sibi

sibi potestatem comparauerunt. Prospiciebant enim episcopos æquiore animo iugum accepturos, cui paulatim assueuissent, quàm si id ab initio per vim ceruicibus eorum esset impositum: sicut Milonem ferunt eò facilius taurum gestasse, quòd eundem adhuc vitulum crebrius ferre solitus fuisset. Ac fuit tempus, cùm hic ritus obseruabatur, vt trinas literas eiusdem beneficii nomine ad episcopos mitteret pontifex, quarum vnæ monita tantum, alteræ præcepta, postremæ legis actionem atque executionem complecterentur. Verùm hoc ritu antiquato, in quo veteris moris quædam velut reliquiæ conspiciebantur, vltimas solû, id est, executorias, vsus Romanæ aulæ ad hunc vsque diem retinuit: quæ effectum habet in octo mensibus tantùm, vt canon pontificius docet. Nam quatuor menses liberos habet reliqui episcopi, nec beneficia eo tempore vacantia coguntur iis cõferre, qui talia diplomata impetrant, quanuis nullo non tẽpore pontifex Romanus beneficium vacuum iure occupationis conferat. Sed etsi nullum à põtifice diploma impetratum fuerit, dubium non est, quin cæteri antistites in sua quisque paræcia, ecclesiis quocunque tempore anni vacantibus providere possint. Sunt autem huiusmodi executorum pontificis Romani duo genera. Quibusdam enim ita mandatur executio rescripti pontificij, vt antistites & collegia compellant ad beneficium conferendum, sacra communione eis in-

*d. not. in c.
abbatem, de
reſcript.*

*e. c. ſi ſoli de
eo, con. præ-
ben. in 6.*

*f. c. ſi capit-
ls. de con.
præb. in 6.*

terdicta, non etiam vt ipſi beneficium conferâr,
aut in poſſeſſionem mittant ^{d.}. Itaque hoc man-
dato ita demû potestas conferendi adimitur an-
tiſtitibus, ſi irritum & inane decreuerit ponti-
fex quicquid aduerſus ea factû fuerit ^{e.}. Alij ſunt
executores ad providendum vulgò appellati,
quibus à Romano pontifice mandatur, vt negli-
gentibus episcopis, ipſi provideant Eccleſiæ, qua
de agitur, & beneficium conferant. Eſtque ma-
gna vis & potestas huius mandati, quia ſimu-
lâtque oblatû eſt episcopo vel collegio, omnem
providendi Eccleſiæ facultatem continuò amit-
tit, & quaſi vinculo quodam iniecto conſtrictas
manus habens, beneficium amplius dare non po-
teſt ^{f.}. Sed hoc ius Leonina conſtitutione, cuius
ſæpe meminimus ſuprà, magnopere in Francia
immutatum eſt. Nam ea conſtitutione modus
diplomatum quaſi vectigalis cuiuſdam ab anti-
ſtitibus exigendi definitus eſt, ita vt nulli ponti-
fici Romano toto ſui pontificatus tempore plu-
ra cōcedere liceat. Eſt enim cōſtitutum vt in eos
antiſtites, qui decem beneficiorû diſtributionē
habēt, vno diplomate contentus ſit: in eos verò
quibus quinquaginta, aut eo amplius beneficio-
rum diſpēſatio cōpetit, duobus diplomatis poſ-
ſit vti. Deinde ea cōſtitutio nulla diplomata pro-
bat, quibus beneficiorum nōdum vacātium ſpes
offeratur, niſi verbis, ita vt conſtitutum eſt, con-
ceptis perſcripta fuerint. Eſt enim præſcripta for-
ma & cōceptio diplomatis pōtificij, qua præter-
miſſa

missa vel mutata, mandatum pontificis irritum nullumque habetur. Quod tamen est ita accipiendum, si quid contra voluntatem ac sententiam eorum, qui formulæ exemplum proposuerunt, vel adiectum, vel detractum fuerit. Nam qui existimant id exemplum omnibus negotiis convenire, ut ne tantillum quidem ex eo immutare fas sit, per similes iis sunt, qui ex vulgaribus exomologeseos formulis peccata enunciant sacerdoti, etiam ea quæ non admisere confitētes. Extat autem formula rescripti siue diplomatis in ea constitutione Leonis plenè descripta, quam nos hîc integram non referemus, præcipuas tantum eius clausulas discussuri & explanaturi.

Prima igitur clausula diplomatis est, qua pontifex Rom. excommunicatū absoluit, hætenus ut diploma ei cōcessum valeat. Nam aliàs rescriptum ab eo, qui summotus est à sacra cōmunionē impetratum nullas vires habet. Effectus autem huius clausulæ ad nullam aliam rem porrigitur, adeò ut plerique tradiderint, nisi excomunicatus postea absolutus fuerit, beneficiū ei prætextu diplomatis conferri non posse. quæ sententia non solum Leonis formulæ, sed æquitati etiā ac rationi congruit. Interdum quoque hæc clausula ne ad diploma quidē, de quo hîc loquimur, confirmādum prodest, sed eas exceptiones, quæ ab aliis collectæ sunt, omitto. Facile autem hinc perspici potest, quod antè diximus, singulas huius formulæ clausulas nō in omnibus diplomatis

g. c. 1. de rescriptis. in 6. c. potestatis, de cler. excom.

necessarias esse. Quid enim si is cui conceditur diploma, piorum ac fidelium communione sum-
motus non sit?

Secunda clausula est, qua pontifex omnia be-
neficia eius, cui diploma conceditur, cum vera
eorundem æstimatione ac precio, pro expressis
habet, quanvis expressa fortè non sint. Nam re-
scriptum tanquam obreptitium careret viribus,
nisi pōtifex huius expressionis gratiam faceret ^b.

*h. c. si propo-
nente, de re-
scrip. c. si mo-
tu proprio,
de præben. in
6.*

Cætera verò si quæ insint personæ vitia obtentu
huius clausulæ, pro expressis habenda non sunt:
quia hanc extensionem formula non admittit.
Sed ne hæc quidem clausula ubique necessaria
est, cūm beneficia non habentibus constet eam
omnino superuacaneam esse. Eadēque est se-
quentium ferè clausularum ratio.

Tertia clausula est, qua pontifex exprimit, se
nemine postulante, diploma vltro concessisse,
quæ clausula omnem obreptionis suspicionem
tollit, efficitque vt ea tacuisse nihil noceat; qui-
bus alioquin non expressis pontifici obreptum
videretur ^d. Non enim ob conceptionem diplo-
matis arguendus est is qui ipsum non impetra-
nit, sed vltro sibi delatum accepit, tamen si fortè
contra leges, aut canones concessum fuerit ^e.

*i. c. si motu
proprio, de
præben. in 6.
et reg. cæcel.*

*l. l. i. c. de
pet. bo. sub.
m. glos. l. si. c.
Romanus, de
præben.*

Hæc clausula tamen non impedit, quominus
vitia personæ, quæ diplomate iuari vult, ipsi
obiiciantur, quasi legibus canonibusque solu-
tus sit à principe, idque vulgò receptum est ^m.

Alij sunt præterea varij effectus huius clausulæ;
do

de quibus cæteri diligenter scripsere *.

Quarta clausula est, qua pontifex ostēdit non purē ac simpliciter se mandare, sed ita demum si pro alio non scripserit. non enim velle intelligitur pontifex pluriū beneficiorum dispēsationem ab ordinatio antistite exigere *. Et hæc quoque clausula satis demonstrat hanc formulam pro varietate negotiorum mutari posse. Quid enim si antistes quinquaginta beneficiorū conferendorum ius habeat? Nōne ex iam dictis cōstat pontificem Romanū duorum beneficiorū donationem sibi vindicare posse? Itaq; conditio ita concipi poterit, si pro duobus aliis non scripserimus.

Quinta clausula est, qua Romanus pontifex canonicum creat eum, cui diploma cōcedit, hac fine ut ad honores ecclesiasticos aspiret: idque propter morem ecclesiarū sit, quo honorem ecclesiasticum consequi nemo potest, nisi in canonicorum collegium ascitus fuerit. Et quia hi canonici honorarij suffragia ferre dicūtur, & quædam alia huiusmodi iura habere, quāvis nulla sit eis annona adhuc attributā *: ideo Romanus pontifex ne canonicorum numerum augendo eos oneret, nō simpliciter hūc canonicum creat, sed cum hac adiectione, ut dignitatem siue administrationem obtinere possit.

Sexta clausula est, qua pontifex exprimit se beneficium duntaxat conferri velle, quod post mensem quān oblatum fuerit antistiti diploma vacauerit. Nam alioqui periculum erat, ne tan-

n. Fel in c. ad aures, de rescrip. c. causam. l. c. vlti. de test. Stat. phil. de lit. grat. o. c. mandatū de rescrip.

p. c. pro illorum, de prob.

tisper mandati pontificij denūtiatio sustineretur ac differretur, dum alicui opimum beneficiū habēti mortem instare exploratum esset. Sic enim futurum erat, vt muneribus expectationum donati à pontifice, opulentissima quæque beneficia auferrent. Verū hęc clausula facit, vt appetēte hora mortis facta denunciatio non valde profit denuncianti, cū ante finem mensis liberum sit antistiti beneficium alij dare. Clausula autē sum-mota pontificis, candidatus non nisi certior factus de imminente beneficiarij morte, & certam spe deuorato beneficio mandatum denunciaret antistiti.

Septima clausula est, qua Roma. pontifex vt legibus omnibus canonibúsq; superior, cuicunque legi, constitutioni, priuilegio, consuetudini derogat, per quam effectus diplomatis impediri posset. Hactenus de eo diplomate, quod antistitibus, & cæteris mittitur: quorum partes sunt, vacantibus prospicere ecclesiis, & eisdem ministros præficere. Cui diplomati aliud ceu appendix quædam accedere solet, quod ab executione vulgò nomen accepit. Nam eo diplomate mandat cuiuspiam alij Romanus pontifex, vt non obtemperante antistite, mandatum ipse exequatur. Nec difficilis est hęc posterior formula, modò vt prior rectè intelligatur.

De exhibitione ac denunciatione diplomatis pontificij.

Man-

Mandatum Roma. pontificis denunciari ac exhiberi debet, vt de nominatione postea dicemus, sitque ea exhibitio antistiti aut vicario, ad quem dispensatio beneficiorum spectat, non ei cui executio mandati pontificij committitur ^{9. q. c. duobus, de rescr. in 6.}
 Hæc enim denunciatio est necessaria, ne alioqui possit antistes mandati ignorance causari ^{r. c. si capitulo, de conc. præb. cle. canon. de elec. si. l. qui in alterius, de reg. iur.}
 Qua ratione mortuo interim antistite successori eiusdem denunciabitur ^{l. Cum autem hæc rescripta pontificis perpetua sint, nullum ad ea offerenda tempus præscriptum esse videtur. quâuis de rescriptis, quæ litium causa impetrantur aliud cōstitutum sit v.} Tractatum est an ea quodque appendix edi debeat, quæ nō ad antistitem, sed executorem potius dirigitur: quod non videtur magnopere necessarium esse: nec formula id Leonina apertè requirit: tamen quia controuersum est ius, tutius & consultius erit vtraque literas edere. ^{t. l. falso. C. de diuer. rescrip. v. c. si autem, c. plerunque, de rescrip.}

De effectū diplomatis pontificij.

Oblatio exhibitioque mandati siue diplomatis pontificis obnoxium quodammodo obstrictumque beneficium reddit, vt alij conferri nequeat ^{4.} Quod aded verum est, vt is qui mandatum denunciauit ac exhibuit, cæteris omnibus anteponat, quâuis scholarum candidati sint ^{b. tit. de mād. apost.}
 Sed hoc est ita accipiendum, si beneficium quod petitur tale sit, vt ad diplomaticam hanc ponti-

ficis dispensationem pertineat. Quædam enim beneficia his mandatis non includuntur, ut exempli causa, beneficia electiua, in quibus regie nominationi locus est ^c. Item beneficia in comitatu Romani pontificis vacantia, quæ pontifices, quibus voluerint, dare solent, atque ita constitutum est ^d. Beneficia quoque sæcularia iis qui mandatum habent ad regularia obtinenda non obstringuntur, aut contrà ^e. Nec alia, videtur, earum ecclesiarum causa esse, quarum præfectos nominant patroni, qui laici dicuntur, aut earum quæ in ciuitatibus sunt, vel oppidis muro cinctis, aliarumve id genus, de quibus in tractatu nominationum dicemus. Cum autem plures simul ambiunt, petuntque idem beneficium ab antistite sibi dari, is præfertur cæteris, in cuius gratiam prius rescripsit pontifex, quâuis fortè alius antè suas literas ediderit ^f. Quod si eodem tempore pro omnibus rescriptum fuerit, tunc literarum editionis denunciationisque tempus spectatur: in qua editione si concurrant, poterit antistites aditus, cui visum fuerit gratificari ^g. Canon tamen pōtificius in hac gratificatione impetrationis, gradus, temporis, possessionis, patriæ, & quarundam aliarum rerum habendam esse rationem ait ^h. Fit etiam interdum ut posterioris melior sit, quàm prioris conditio: veluti si pontifex in posteriore mandato disertè expresserit, ut is anteriori præferatur ⁱ. Sed hæc clausula apud nos minimè recipitur, quòd contra Leoninam for-

c. tit. de reg. ad præl. no.

d. c. 2. de præben. in 6.

e. §. volumus, tit. de colla. in cōcord.

f. c. eum, cui, de præb. in 6. c. tibi qui, de rescrip. in 6.

g. c. duobus, de rescr. in 6.

h. reg. cancel. 15.

i. c. pe. de con. præb. in 6.

formulam adiiciatur rescripto. Idem accidit & cum prior mandati executionem non prosequitur ^l. Quid enim si iuri suo expressim renunciauerit ^m? Quid si eo negligēte & alias res agente, beneficium fortē alteri iam collatum sit ⁿ? Idem & in omnibus casibus dicendū, in quibus mandatum extinguitur: veluti si is qui obtinuit diploma, postea uxorem duxerit ^o, si aliud beneficium consecutus sit, quod simul cum eo quod petitur retineri nequeat ^p. Mortuo sanē pontifice mādata huiusmodi expirare vulgō receptum est ^q. Quod quidem est ita accipiendum, nisi res integra esse desierit ^r.

*De reservationibus beneficiorum tam vniuersē
quā sigillatim factis. Cap. 9.*

Affines sunt beneficiorum reservationes mādati pōtificis, de quibus iam differuimus. Nam Roma. pontifex beneficia quædam sibi reservare ac recipere solet, vt cum postea vacauerint, ea solus conferat, idque vel vniuersē, vel sigillatim. Vniuersē, cum maiores (loco exempli) dignitates Ecclesiæ: sigillatim, cum certi alicuius fani beneficium reservat. Hoc inter mādata, de quibus diximus, & reservationes istas interest, quod illa ius tribuunt impetrantibus, his verō nihil iuris cuiquam acquiritur, quanuis fortē persona expressa sit, cuius gratia reservatum est beneficium: ideoque vacāte postea beneficio, liberum

l. §. declarantes, titu. de mand. apost. m. c. sollicitē. c. audita. de rest. spo. n. c. si tibi absenti. c. si clericus, de præben. in 6. c. tibi qui, de rescrip. in 6. Panorm. c. Fil. in c. capitulū, de rescr. o. c. 1. de cler. coniug. p. de gratiæ, de rescrip. q. c. si cui, de præben. in 6. §. rectē, instit. mād. Panor. in c. dilectus, 2. de præben. r. c. si super gratia, de offic. de leg. in 6.

*f. not. in c. cii
dilectus, de iu
re patro. &
in c. 1. de offi.
leg. in 6.*

est pontifici, cuius alij arbitrio suo id dare *f. Ve-*
rùm hæ reſeruationes Leonina conſtitutione ,
qua nunc vtimur in Gallia , optima ratione ſu-
blatæ ſunt, ſicut & cætera diplomata, quibus be-
neciorum nondum vacantium ſpes oſtēditur.
Quod quemadmodum accipiendum ſit , antè
docuimus . Sed animaduertendum eſt eas tan-
tùm reſeruationes prohiberi , quæ à pontifice
Romano fiūt. Nam beneficia, quæ in aula Ro-
mana vacant, quæque nō tam à pontifice, quàm
à iure ipſo pontificio excipiuntur ac reſeruan-
tur , à diſpenſatione pontificis non eximit con-
ſtitutio ^r.

*t. c. 1. de præ-
bend. in 6.*

*De pontificum diplomatis, quæ vacantium
beneficiorum nomine impetran-
tur. Cap. 10.*

De poteſtate Roma. pontificis in beneficio-
rum vacantium diſtributione breuiter diſſerui-
mus lib. I I I. Verùm vt iam orſis quædam at-
texamus, ſuperiorum capitū diſputatio nos ad-
monet. Nec videtur docendi ratio , quam inſti-
tuimus, permittere , vt pontificum diplomata,
quæ vacatium beneficiorum nomine impetran-
tur, ab iis de quibus proximè tractatum fuit, ſe-
paremus. Romanus igitur pontifex fani cuiuf-
cunque beneficia quocunque tempore anni va-
cent, iure occupationis largitur , & cum omni-
bus Chriſtiani orbis antiſtitibus ita concurrit, vt
cos, beneficium dando, anteuertere poſſit, idque
lib.

lib. I I I. docuimus. Donat & suo magis quàm
 vllius occupationis iure fanorum omnium be-
 neficia, quorum præfecti in comitatu pontificio
 mortem obierint ^{a. c. 2. de præ}. Sed quæstio hinc existit, ^{ben. in 6.}
 quam in iudicio agitatam memini, An si quæ
 beneficia vacent eo tempore anni, quod Leoni-
 na constitutio scholasticis viris attribuit, ponti-
 fex Romanus aliis personis ea beneficia arbitra-
 tu suo donare possit? Et cōstitutionis verbis ex-
 pressum est, liberè pontificem ea beneficia con-
 ferre posse. Sed ea verba absque vlllo incommo-
 do videntur posse intelligi, modò vt scholarum
 candidatis, & cæteris quibus alia parte constitu-
 tionis hi menses attributi sunt, conferat. Quam
 interpretationem vtilitas ipsa, quæ, vt Hora-
 tius ait, iusti & æqui mater est, hoc præsertim
 tempore admittendum esse suader.

*De concilio Constantiano ac Basiliensi, & de Prag-
 matica Gallorum sanctione, Romanorumque
 pontificum decretis, quibus eam aut
 conuellere omnino, aut labefacta-
 re studuerunt. Cap. II.*

Antequam de nominationibus tam regis
 quàm scholasticorum conuentuum dicere inci-
 pio, licet hîc paulisper digredi, & pauca quæ-
 dam de duobus nobilissimis conuentibus Con-
 stantiano scilicet & Basiliensi, in medium addu-
 cere, quorum cognitio ad id quod instituimus,

summè est necessaria. Sigismundus Imperator cum dissidia motusque ingentes videret in Ecclesia (erant enim tres Romani pontifices, Ioannes Bononiæ, Gregorius Arimini, & Benedictus in Hispania) nihil antiquius habuit, quàm ut pacem & tranquillitatem Ecclesiæ restitueret. Itaque magna cura studioque perfecit, ut eius rei gratia, consensu regum ac principum faceret conuentus indiceretur Constantiæ: in quo ipse cum Ioanne pontifice interfuit. Nec sanè irritus fuit eius conatus: nam in eo conuentu, pontificio imperio tribus illis, quos iam nominaui, abrogato, Martinus V. omnium consensu & suffragiis pontifex declaratus est, & omnes ferè contentiones sublata. De constitutione verò ac emendatione Ecclesiæ, quia quadriennium iam totum in dissidentium pontificum negotio consumptum fuerat, & nimis diu Ecclesiæ suis pastoribus caruerant, nihil confici potuit, eaque res in proximum conuentum synodumque reiecta est. Duo autem memorabilia decreta eius conuentus, & ad corrigenda vitia Ecclesiæ magni usus extiterunt. Vnum, ut conuentus siue synodus œcumenica, quasi à Christo protinus accepta auctoritate, pontificem etiam Romanum parere suis decretis cogat: & contumacem dictoque non audientem coërceat. Alterum eiusdem synodi decretum est, ut decimo quoque anno conuentus Ecclesiæ habeatur, ac sub finem cuiusque conuētus, locus ad proximū celebrandum

dum idoneus à pontifice Romano de sententia totius conuentus aut ab ipso conuentu constitutatur. Nec pontifici id tempus prorogare liceat, ac ne locum quidem mutare, extra quàm si necessitas aliqua id flagitet, & collegarum consensus accedat. Itaque mox secutus est conuentus Basiliensis rectè si quis vnquam alius legitimeque indictus. Verùm Eugenius, qui in Martini defuncti locum sussectus fuerat, modis omnibus hunc conuentum dissoluere conabatur, nulla ratione decretorum Còstantianorum habita, quia satis prospiciebat, nisi ea decreta deleantur omnino, & perpetuæ obliuioni traderentur, fore vt paulatim coactis in ordinem Romanis pontificibus, quorum erat iam inuidiosa potestas, maiorem sibi libertatem Ecclesia vindicaret. Sed Basileæ congregati patres nequaquàm ab incepto desistunt, præter paucos quosdam factiosos, qui ad conuentum alium Eugenij in Italia quo iure quaque iniuria ab ipso indictum, proficiscuntur. Nam cæteri quorum & numerus maior erat, & authoritas amplior, egregia constantia vsi, Eugenium vt contumacem & factiosum pontificatu deiecerunt, multaque præclarè & vtiliter decreuerunt in eo conuentu, quorum præcipua capita partim ad auctoritatem conciliorum asserendam, partim ad ministros Ecclesiæ ordinandos, in officioque continendos, partim ad rem iudiciariam constituendam, & lites dirimendas spectant. Quare Gallo-

rum rex Carolus VII. synodo per oratores suos id ab eo contendente, non inuitus fecit, vt ea decreta in regno suo tuenda susciperet: sed habito prius in Biturigum ciuitate procerum, antistitum, aliorumque eruditissimorum hominum atque grauissimorum conuentu, quorum authoritate & consilio adductus, ad eius synodi decreta confirmanda nobilem illam cōstitutionem edidit, quæ Sanctio pragmatica vulgò appellatur. Quàm fœda autem ac planè miserabilis facies Ecclesiæ, quāta rerum omnium perturbatio atque indignitas tum fuerit, vel præscriptio ipsa præmiūque constitutionis Carolinæ satis indicat. Proinde nihil ea constitutione popularius in Gallia, nihil maiore bonorum omnium plausu vnquam exceptū fuit. Ante eius promulgationem infinita emanabāt ex aula pontificis Romani diplomata, quæ ordinem ecclesiasticum & hierarchiam perturbabant omnino atque peruertebant. Antistitibus ordinandorum Ecclesiæ ministrorum adimebatur & è manibus extorquebatur facultas. Indignissimi quique passim ad munera ecclesiastica (viris sanctitate & doctrina commendabilibus præteritis) promovebantur. Et quod longè turpissimum, ac bonis moribus maximè contrarium est, non eorum modò qui è viuīs excesserant, sed superstitem etiam spirantiūque hominum sacerdotia beneficiisque in diem mortis eorum, cuius captandæ dabatur occasio, conferri solebant. Præterea
lites

lites & controuersia de rebus sacris & spiritalibus Romæ disceptabantur, contra veteres canones, & alia quædam huiusmodi quotidie designabantur, quæ sigillatim hîc recenseri non est necesse. Ex quibus omnibus malorum atque incommodorum lîas exoriebatur. Nam præter neglectam religionem, cultumque diuinum, quo nihil potest exitiusius dici, exhauriebatur res nummaria pecuniis omnibus ad sacerdotiorum nundinas, id est, ad Romanam aulam exportatis. Nisi fortè quis credat, aut gratis fuisse concessa, aut paruo constituisse ea Romæ, quæ magna ex parte ad quæstum excogitata esse, nemo est adeò rerum imperitus, ut non intelligat. Adhæc litibus omnia feruebant, præsertim inter ecclesiasticas personas. Superiorem causam habens, ob difficultatem itineris, & magnitudinem sumptuum ut plurimum cedere aduersario, & manus dare cogebatur: deferiebantur ciuitates populo certatim Romam commigrante, & ut verbis Vlpiani summatim omnia complectar, viribus & viris miserè destituta erat Respublica^b. Proinde rex Christianiss. Carolus cum vniuersa Gallia suæ Ecclesia facile adductus fuit, ut Eugenij cauillationibus valere iussis, tam necessaria eo tempore decreta, quasi cœlitus ad se demissa complecteretur, & sanctione sua cõfirmaret. Scitè etenim ac verè quidam eruditionis nomine vbique terrarum notus ac nobilis, cum quo mihi satis diu magna

b. l. 3. de numer. & honor.

fuit familiaritas & consuetudo, de hac sanctio-
 ne loquens, Palladium Franciæ eam vocare con-
 suevit. Vt enim Palladis illud simulachrum in
 vrbe Troiana è cælo quondam cecidisse fertur,
 ita & hæc sacratissima constitutio ad fouen-
 das Palladis artes, & viros eruditione insignes
 honoribus & beneficiis ornandos diuino quo-
 dam fauore Gallis cōcessa videtur: Ac sicut præ-
 dictum fuit ab Apolline eius ciuitatis futurum
 exitium, si id simulachrum extra mœnia porta-
 retur: sic illa sanctio sine maximo nostro incom-
 modo è Republica tolli omnino non potuit. Ea
 tamen adeò inuisa fuit Romanis pontificibus,
 ob eam, de qua iam diximus, causam: vt ex an-
 naliū scriptoribus constet, nunquam eos quie-
 scere potuisse, donec ea si non penitus conuulsa
 & abrogata, at certè mirum in modum labefa-
 ctata imminutâque esset. Non enim obscurum
 est, quibus machinis Pius II, Sixtus IIII, Inno-
 cent. VIII, Alexander VI, Iulius II, Leo X,
 eam oppugnaverint. Sed nemo acrius Pio eam
 aggressus est, si nostris annalibus fides habeatur:
 à quo tamen ipso cū adhuc priuatus esset, &
 Æneas Syluius vocaretur, Synodus Basiliensis
 strenuè contra Eugenium defensa fuerat. ~~Atque~~
~~hinc facile apparet, simul cum nomine antea-~~
~~tum hominem, & velut quodam circæ poculo~~
~~in aliam partem repente conuersum fuisse. Quod~~
~~& plerisque aliis principatu pontificio exorta-~~
~~re aduersus omnium expectationem accidisse~~
 ferunt

~~foram. Hoc enim est aliam certissimum inter~~
~~id genus homines. Si us violandum est, regna~~
~~diuina violandum: diis rebus pietatem colas.~~
 Pius igitur pontifex à Ludouico vndecimo Gal-
 liarum rege inductus, miris rechnis edictum ex-
 pressit de huius cōstitutionis abrogatione. Et fa-
 ma est in ea cōitione pontificem Ioanne Ballua
 Gallo homine, & apud regem gratioſo, qui ad
 purpuram tūc aspirabat, sequestro & interprete
 vsum fuisse. Certè constat Balluam magno cum
 impetu, & gladiatorio, vt ita dicam, animo mā-
 data regis ad curiam centenariam detulisse, vt
 ea iudicio suo de more comprobaret: & eo no-
 mine contentionem ei fuisse non mediocrem
 cum regio cognitore, singularis integritatis, con-
 stantiaque viro, qui à fano Romani cognomi-
 nabatur. Is enim tam iniquæ postulationi quan-
 quam sub principe imperiosissimo adeò virili-
 ter obstitit, intercessitque, vt negotium confici
 non potuerit. Hūc etiam conatum grauirer ad-
 modum ac prudenter curia ipsa repressit. Ac cir-
 cūfertur etiam nunc libellus eiusdem curiæ,
 quo Ludouico regi persuadere nititur, nihil exi-
 tialius Reipublicæ Gallicæ posse contingere,
 quàm si pontificis Romani ea in re desyderio
 aut cupiditati potius obsequatur. Religiosior e-
 nim hūc videbatur esse rex, apud quem fortassis
 nulla non in re, vt plerunque fit, sacrosancta pō-
 tificis authoritas habebatur. ~~Idque eum confi-~~
~~dero, in actum mihi venit quod Lilius de Boc-~~

~~» et a talibus loquens foribit in hac verba: Nihil~~
~~» est in specie fallacius quàm approba religio, cum~~
~~» deorum auctoritate pretenditur foetiorum. Subiit e-~~
~~» nim Dominos timere, ne fraudibus humanis vin-~~
~~» dicandis divini iuris aliquid immixtum vio-~~
~~lente.~~ Itaque totus ferè liber Ludouico oblatus
 eò spectat, ut is omni religione exolutus, ponti-
 ficis auctoritatem in eo negotio non magni-
 faciat, nec tam quid impotentes homines fla-
 gitent, expendat & consideret: quàm quid uti-
 litas regni, atque aded Ecclesiæ, cuius propu-
 gnator est, exigat. Erant enim eo tempore, nec
 hodie tales plerique desunt, qui aduersus Ba-
 siliensem conuentum, Carolinamque constitu-
 tionem differentes, simplicioribus hominibus,
 & diuini iuris humanique peritia non sat in-
 structis facilè argutiis suis imponerent, ut Lu-
 douico regi fucum eos fecisse mirum non sit.
 Sed sophisticæ eorum rationes, ne dicam syco-
 phanticæ, nihilomagis eruditos ac pios homi-
 nes mouere possunt, quàm philosophi nescio
 cuius argumenta, qui niuem, qua nihil est can-
 didius, atram esse hominibus persuadere cona-
 batur. Et horum calumnias ac sophismata acutè
 refellit edito nominatim hac de re libello, clari
 inter Iureconsultos nominis Panormitanus ar-
 chiepiscopus, qui & ipse conuentui Basiliensi
 interfuit. Meritò igitur Pij non satis pia volun-
 tati, & postularis iniustissimis vehementer ab
 omnibus reclamatum est: ideoque re infecta
 eius

eius nuncij atque interpretes abire coacti sunt. Quod cum animaduerneret Sixtus, non ita multo post constitutionem annuente Ludouico, sed mitiorem paulo, ac pacis cuiusdam fœderisque titulum præ se ferentem, edidit. Verùm ea quoque bonorum omnium consensu, quibus Romanæ artes non incognitæ erant confestim explosa reiectaque est. Ad extremum Leo decimus telam pertexere cupiens, quam Iulius paulò antè exorsus fuerat, post varias coitiones, quæ in vulgus tandem innotuerunt, non sine perpetuo quorundam nostratium probro, constitutionem promulgauit, qua Pragmaticæ sanctioni multum derogatum est, quâuis ea omnino antiquata abrogatâque non sit, idque prius inescato mirabiliter Francisco rege, factum est vt nouis assentiretur decretis, quæ ob eam causam conuëtorum nomen postea semper retinuerunt, Maluit enim rex scenæ & temporis seruire, cum aliquo suo commodo, quod & ipse fatetur: ac de iure publico aliquid remittere, quàm pro hac Helena toties cum Rom. pontificibus dimicare, cum præsertim ab illis nonnihil periculi imminere sibi intelligeret. Ac tametsi scholasticus Lutetiæ conuentus, hoc, vt ita dicam, Palladium sibi ereptum ægrè ferens à pontificis decreto ad sacrum Ecclesiæ conuentum prouocasset, obtinuit nihilominus Leo, vt eius prouocationis ratione non habita, decretum suum regia authoritate subnixum curia cœtenaria reciperet:

c. c. x. de treu.

et pa. in ex-

tra. com.

utque ex eius præscripto in omnibus summis
imisque tribunalibus imposterum ius reddere-
tur. Nec dubitat quisquam paulum modò ver-
satus in foro, quin hac constitutione Leonina,
tanquam certo iure in rebus iudicandis hodie
utatur.

*De nominatione regia in ordinandis antistitibus, &
quales regis candidatos esse oporteat. Cap. 12.*

Conuentis regiis ac pontificiis, aut, si mauis,
constitutione Leonina, cuius supra memini-
mus, honores ecclesiastici longè aliter quàm ca-
nonibus statutum sit, in Francia deferuntur: ita
ut nec electioni, nec postulationi ullus hodie sit
locus relictus. Itaque duplex hosce honores con-
ferendi genus apud nos usitatum est, per nomi-
nationem scilicet regiam, & scholasticam, de
quibus sigillatim hîc tractabimus. Nominatio
autem verbum est maximè huic rei accommoda-
tum & appositum, quo & veteres Latinos au-
thores in re non adeo dissimili usos fuisse cõpe-
rimus. Plin^d. Sic illa die, qua sacerdotes solent
nominare, quos dignissimos sacerdotio iudicât,
me semper nominabant. Idem^e, Mihi verò e-
tiam illud gratulatione dignû videtur, quo suc-
cessi Iulio Frontino principi viro, qui me no-
minationis die per hos continuos annos inter
sacerdotes nominabat, tanquam in locum suum
cooptaret, quod nunc euentus ita comprobauit,
ut non

ut non fortuitum videretur. Brut. ad Cic. Is Pan-
 sæ locum petere constituit, eam nominationem
 à te petimus, neque coniunctiori dare benefi-
 cium, quàm nos tibi sumus, neque digniorē no-
 minare potest, quàm Bibulum. Græci nomina-
 tionem huiusmodi *προβολὴν* appellant. Quo ver-
 bo usus est aliquando Gregorius. Ut igitur à Re-
 gia nominatione incipiamus, Caput vnum est
 constitutionis Leoninæ, ad eam nominationem
 pertinens, quo hæc ferè continentur. Vacante
 Ecclesia cathedrali vel Metropolitana, episco-
 pus à collegio canonicorum nō eligatur, sed rex
 intra sex menses virum grauem atque idoneum
 Romano pontifici offerat ac nominet. Ut autem
 idoneus habeatur, præter ea de quibus lib. IIII.
 disseruimus, annos ut minimum septem & vi-
 ginti natum eum esse oportet, quanuis veteres
 canones maiorem ætatem requirant. Præterea
 necesse est eum in schola aliqua celebri solenni-
 bus gradibus ac titulis præditum esse: nempe
 Theologiæ aut iuris ciuilis, vel pontificij magi-
 sterio siue doctura, qui apex est honorum scho-
 lasticorum, aut certè huic proximo gradu, quem
 vulgò Licentiam vocant. Nos aliquanto erudi-
 tius vel prodocturam, vel *μακροδιδασκαλίαν* possu-
 mus appellare. Romanus verò pontifex princi-
 pis candidato, in quo nihil horum desideretur,
 vacantis Ecclesiæ gubernationem committere
 debet. Quòd si idoneus non fuerit is qui prodi-
 tus ac nominatus est, principis partes sunt, alium

Q

quenuis intra spatium trium mensium dignio-
 rem & commodiorē nominare. Et hoc quidem
 trimestre spatium labitur, simul atque repulsam
 accepit candidatus, & is qui in comitatu ponti-
 ficis hoc negotium ipsius nomine procurabat,
 de ea repulsa certior factus est. Sunt tamen ex
 candidatis principis nonnulli, quos pontifex
 creare antistites cogitur: tametsi hæc eis nō in-
 sint, quæ scilicet constitutione Leonina veteri-
 bus canonibus addita sunt: id est, tametsi hono-
 res illos scholasticos consecuti nō sint. Sic enim
 ea constitutio videtur accipienda esse. Nam eos
 qui secundum canones nullo modo idonei sunt
 ad regendam ecclesiam, à pontifice ordinari ra-
 tio non patitur. In hunc numerum regis genti-
 les ac consanguinei & alij illustres splendidique
 homines referuntur. Sæpe enim utilitas aliqua &
 ratio temporis exigit, ut huiusmodi personæ, si
 mediocritas aliqua eis adsit, posthabitis humi-
 lioribus, ad sacra antistitia promoucantur: nec
 aliter id fieri debere constitutione ipsa disertè
 expressum est. His adscribendi sunt & sodales
 mendicantes, quibus lege sodalitij solennibus
 conuentuum scholasticorum gradationibus in-
 terdictum est, si modò tam excellens sit eorum
 virtus & doctrina, ut eos præfici ecclesiis publi-
 cè intersit. Quod dictum est de episcopis, id in
 cœnobiarchiis, quas vulgo abbatias vocamus,
 locum habet, & aliis præfecturis inferioribus,
 si tales sint, ut electiuræ dici mereantur. Quod
 quem-

quemadmodum accipiendum sit, suprà disseruimus *f.* Sed animaduertendum est inter episcopia & cœnobiarchias aliquid discriminis reperiri. Nam ætas triū & viginti annorum hîc sufficit, nec scholasticis gradibus ornatum esse principis candidatum necesse est. Monasticæ autem vitæ ac instituto, idq; eiusdem ~~scilicet~~ & ordinis (nam sectarum inter hos diuersitas magna est, vt lib. 1. diximus) addictum soléniter cum deuotúmque esse oportet: alioqui nec regis nominatio, nec pontificis ordinatio proderit. Postremò notandum est hoc nominandi ius interdum principi non cōperere, vt puta, si in aula & comitatu pontificis Romani mortuo antistite vacauerit Ecclesia, quia tunc solius pōtificis nutu & arbitrio Ecclesiæ prouidebitur. Eiurato tamen præsulatu principis nominatio adhuc necessaria est, cū lex de morte tantū loquatur. Sed & si collegio alicui ecclesiastico, aut mōnasterio cōcessa fuerit speciali quodam priuilegio facultas pastorem antistitemque eligendi, conuenta regia pontificiâque eisdem non præiudicant.

*De scholastica nominatione, qua nunc in Gallia
ferè vtimur, compendiosa, sed accurata
commentatio. Cap. 13.*

Conuentu Basiliensi, & inclyta illa Caroli
constitutione, de qua fusè disseruimus, literatis
viris tertia honorum ecclesiasticorum pars certa

forma contributa fuerat, exceptis antistitiis ac præfecturis, de quibus superiori capite tractatū fuit. Eamque partem eis saluam reliquit pontifex Leo, & si forma nōnihil ab eo immutata sit. Nam beneficia quæ quatuor mensibus vacant, id est, tertia parte anni, literarum cultoribus, qui scholasticis gradibus præditi fuerint, conferuntur, sed ita ut inter eos aliqua sit distinctio. Quidam enim à scholastico ipso conuentu solenniter nominantur atque commendantur, honores ecclesiasticos ac beneficia collaturis antistitibus. Alij absque vlla scholæ cōmendatione ambiunt, & vtrisque sui menses ad petitionem sunt attributi. Sed de his qui scholarum candidati, seu, ut loquimur, à scholis nominati sunt, potissimum hīc loquimur: de quibus librum vtilem & copiosum Rebuffus noster cōscripsit. Et quia diffusum est hoc argumentum summatim id tractaturi sumus, sed adhibita methodo, quæ res implicatas euoluat ac explicet: & paulò obscurioribus lucem aliquam adferat. Sūt autem præcipui quidam loci totius tractatus, quos hīc attingere singulos decreuimus.

1. *Quis nominare possit.*

Certo certius est scholis publicis ac celebrioribus Franciæ hoc ius nominandi, prodendique beneficiarij competere. Id enim ita constitutum est, tum ut honoratiores essent scholæ, quas nullo

lo non honoris, beneficentiæque genere profecti sunt maiores nostri &, tum etiam quia certius ac fide dignius videbatur magistrorum præceptorumve de discipulorum studiis, quàm aliorum testimonium ^b. Scholas publicas hic vocamus, publicè, seu, quod idem est, publica auctoritate institutas, quas Leo, more vulgari, vniuersitates vocat: non quòd omnium disciplinarum in eis vigeat professio, vt quidam ait ⁱ, sed quòd professoribus ac studiosis literarum, corpus, collegium ac veluti Rempubicam habere liceat, quanuis aliàs id iure prohibitum sit. Id enim significat vniuersitas apud Iureconsultos ^l. Itaque tametsi schola aliqua publica ad certarum tantummodo disciplinarum professionem instituta sit, quales sunt in Gallia pleræque: ea nihilominus hoc iure vtetur. Cùm autem Leo de scholis publicis regni Franciæ passim loquatur in constitutione sua, satis perspicuū est, in finibus tantum Fraciæ huic scolasticæ nominationi locum esse. Verùm prouincia aut ciuitas Franciæ accedens & coniuncta, quasi pars quædam ipsius ad cōstitutionem nihilominus pertinere videtur ^m. Nec multum referre arbitror, an post constitutionem coniunctio huiusmodi, & ^{et} facta, aut schola fortassis noua publicè instituta sit necne, cùm sermo generalis atque indefinitus futura quoque complectatur. Nam si in constituenda seruitute ita sit cautum, ne luminibus officiat, omne lumen tam præsens quàm futu-

*g. l. quicquid.
C. de aduo. di
uer. iud.*

*h. l. nemini.
C. de aduo.
di. iud.*

*i. Eras. in de
pronunc.*

*l. tit. quod cu.
vniuer. & ti
tu. de coll. illi.
l. actor, rem
rat. hab.*

*m. l. si conue-
nerit. §. si nu-
da de pig. act.
l. inter socerū,
§. cum inter,
de pac. dot.*

n. l. si feni-
tus, de fer. vr.
præd.
o. lib. I. Dec.
3.

rum contineri veteres respōderunt *. Atque ita
in specie non dissimili censuit Liuius *, In fœde-
re Romanorum Carthaginensiumque cautum
fuerat, vt neutri alteris eorūve sociis bellum
,, inferrent. Saguntinis postea in populi Roma.
,, societatem adscitis bellum intulere Carthaginē-
,, ses: quærebatur an id cōtra fœdus ab eis factum
,, esset. De qua re is ita pronuntiat, Satis cautum
,, erat Sagūtinis sociis vtrorumque receptis. Nam
,, neque additum erat iis, qui tūc essent, necne qui
,, postea assumerentur: & cū assumere nouos li-
,, ceret socios, quis æquum censeret, aut ob nulla
,, quenquam merita in amicitiam recipi, aut rece-
,,ptos in fidem non defendi, &c.

I I. *Quis possit nominari.*

Vt quis nominari possit à scholastico con-
uentu, non sufficiunt vulgaria illa, de quibus lib.
I I I I. diximus, sed quædam alia necessaria sunt,
ex Leonina constitutione. Nam gradibus titu-
lisque scholasticis præditum esse eum, qui nomi-
natur, oportet: quorum primus est eorū qui ty-
rocinij depositi insignia accipiunt, & vulgò Ba-
calarij dicuntur: ex quo gradu Theologiæ pro-
fessores duos faciunt: alter est eorum qui mello-
didascali designantur: tertius ac supremus do-
ctorum siue magistrorū est, quorum suprā men-
tionē habuimus. Scholasticos titulos cū dico,
eos tantum intelligi volo, qui à scholasticis con-
uentibus

uentibus solenni & accurata inquisitione prius facta, deferuntur. Quare doctores codicillares (sic enim more veterum appellari posse videntur, qui diplomate principis seu pōtificis, honorarios illos titulos consecuti sunt) vulgò receptū est, eius nominationis, de qua loquimur capaces non esse. Et notandum est horum graduum, vel infimum ac minimum sufficere, vt valeat nominatio, præterquam in medicinæ dialecticæque studio: cū in hoc magistrum, in illo melodidascalum esse oporteat. Prætercā tēpus certum constitutione definitum est, quod in studiis ante solennem illam gradationem consumptum esse necesse est, vt puta in Theologiæ studio, in quo gradus quatuor reperiuntur, tribus superioribus gradibus decem annorum spatium, sex verò annorum infimo præscriptū est. In studio iuris civilis aut pōtificij summo ac medio septennium, infimo quinquennium est statutum. Eadēque est ratio medicinæ, nisi quod infimi gradus in ea ratio non habetur, vt diximus. In dialecticæ philosophiæque studio quinquēnium magistris præstituitur: & iis qui *μαλλοδιδασκαλίας* titulo ornari solent *p.* Excipiuntur generosi homines, & claris natalibus orti, quos nobiles ac gentiles appellamus. In qua nobilitate iudicanda vtriusque parētis genus spectatur. Nam ij ad primum gradum in studio iuris civilis aut pōtificij post triēnium aspirant. Idque arbitror constitutum esse, vt id genus homines ad studium iuris allician-

*p. §. præter-
capit. de col-
la. in concor.*

tur, quibus publicè interest Reipublicæ guber-
 nacula potius, quàm tenuis fortunæ hominibus
 committi, eadem prorsus ratione, qua M. Cice-
 ro quondam Romæ senatum decreuisse scribit,
 ut de principum filiis sex singulis Hetrurię popu-
 lis in diuinandi arte instituendi traderentur, Ne
 „ ars, ut ipse inquit, tanta propter tenuitatem ho-
 „ minum à religionis autoritate ad mercedem
 „ & quæstum abduceretur. Splendor enim ille na-
 „ talium nō mediocre calcar est ad virtutem. Vn-
 „ de Salustius in Iugurth. Sæpe, inquit, audiui
 „ Quintum Maximum, P. Scipionem, præterea
 „ ciuitatis nostræ præclaros viros solitos ita dice-
 „ re, cū maiorum imagines intuerentur, vhe-
 „ mentissimè animum sibi ad virtutem accendi,
 „ scilicet non ceram illam, neque figuram tan-
 „ tam vim in sese habere, sed memoria rerum ge-
 „ starum eam flammam egregiis viris in pectore
 „ crescere, neque prius sedari, quàm virtus eorum
 „ famam atque gloriam adæquauerit. Quod si
 quis indignetur nobilibus tantum deferri in ec-
 „ clesiasticis honoribus assequendis, quorum ple-
 „ rique fortassis à maiorū virtute & gloria quàm
 „ longissimè absunt, is quæso Senecam audiat, ita
 „ loquentem 9: Aliquando daturum me etiam in-
 „ dignis quædam non negauerim in honorem a-
 „ liorum: sicut in petendis honoribus quosdam
 „ turpissimos nobilitas industriis, sed nouis, præ-
 „ tulit. Non sine ratione sacra est magnarum vir-
 „ tutum memoria, & etiam plures bonos iuuat,
 „ si

si gratia bonorum non cum ipsis cadat . Cicero-
 nem filium quæ res consulem fecit , nisi pater ?
 Cinnam nuper quæ res ad cōsulatum recepit ex
 hostium castris ? Quæ Sextum Pompeium , alió-
 que Pompeios , nisi vnus viri magnitudo ? Tan-
 ta quidem vt satis altè omnes suos etiam ruina
 eius attolleret . Quid nuper Fabium Persicum ,
 cuius osculum etiam impediret viri nota boni ,
 sacerdotem non in vno collegio fecit , nisi Ver-
 rucosi & Allobrogici , & illi trecēti qui hostium
 incursioni pro Rep. vnam domum obiecerant ?
 Hæc debemus virtutibus , vt non præsentēs so-
 lum illas , sed etiam ablatas è cōspectu colamus .
 Quomodo illæ id egerunt , vt non in vnam æta-
 tem prodesse , sed beneficia sua etiã post ipsas
 relinquerent : ita & nos non vna ætate grati su-
 mus . Hic magnos viros genuit , dignus est bene-
 ficiis , qualiscunque est , dignos dedit . Hic egre-
 giis maioribus ortus est , qualiscunq , est sub vm-
 bra suorum lateat , vt loca sordida percussu so-
 lis illustrantur , ita inertes maiorum suorum luce
 resplendeant .

III. *Quomodo sit concipienda.*
nominatio.

Nominatio in scripturam debet redigi , vt ex
 Leonina constitutione satis apparet , quæ litera-
 rum identidem meminit . Quauis alioqui scri-
 ptura ad conficiendum negotium minimè sit ne-
 cessaria . A scriba autem scholastici conuentus

r. §. præfati
§. volumus.

f. l. contrahi-
tur, de pign.

i. §. præfati.
§. volumus.
v. not. in §.
possunt. In-
stit. de testa.

x. §. volumus.

describi, & eiusdem conuentus annulo signoue obfignari eam oportet¹. Cuius signi quænam sit sculptura siue aposphragisma parum refert, modò à consuetudine hîc nō recedatur². Idemque dicendum est de ea testatione, quæ ad legitimi studiorum temporis fidem faciendam conficitur. Præterea nominationis formula sacerdotia omnia ac beneficia quæcunque is qui nominatur, obtinet, possidetue vna cum vera iustaque vectigalis obuentionumq; æstimatione, & quantitate complecti debet³. Cùm enim eos nominare non liceat, qui beneficiis aucti sunt ad quantitatem ducentorum aureorum, vtile visum fuit in nominationis formula huius quantitatatis mentionem fieri. Qua ratione percepta quæstiones aliquor, quæ ab aliis copiose hîc tractatæ sunt, facile definiri poterunt. Quid autem appellatione beneficiorum cõtineatur, docuimus libro secundo.

IIII. Apud quos nominare oporteat.

Quia nominationis, de qua loquimur, finis & scopus hic est, vt nominato beneficium quod postea vacauerit, cōferatur, satis constat ita concipiendam esse nominationem, quasi apud eos fiat, qui beneficiorum conferendorum ius habent: cuiusmodi sunt episcopi, collegia, & cæteri, quos lib. 2. commemorauimus. Eadem est patronorum ratio, sed ecclesiasticorum tantum, quos nominatim exprimit Leonina constitutio,
non

non etiam laïcorum, in quos non simili potestate & imperio, ac in ecclesiasticos vti solent Romani pontifices. Durum siquidem est, nec sacerdotali modestiæ congruum, prægrandes vberisque possessiones à laïcis hominibus non modò gētilitiis hæreditatibus detractas, sed etiam iuri humano & commercio exēptas, ita sacerdotes tenere, vt liberum etiam illud ecclesiarum patrociniū, quod benefici homines receptum voluerunt, ipsis auferatur⁴. Sed de his patronis aliquanto fusius suprà disputatum fuit.

⁴. not. in. c. 2.
de præb. in 6.

V. De professione ac denunciatione, quam
insinuationem vocant,

In scholastico conuentu nominari solent literati viri absentibus antistitibus, alijsue, qui promouendi ad sacra ministeria potestatem habēt. Quamobrem ne eius rei ignorationem causari possint, professio quædam denuntiatioque apud eos est necessaria. Et est constitutum, vt quadragesimæ tempore ea denuntiatio fiat. Triplex autem ac interdum quadruplex testatio ipsis edenda est. Vna de gradu, quo quis præditus est: altera de legitimo studiorum tempore: tertia de nominatione scolastici conuentus: quarta de nobilitate & genere. Harumque omnium descripta exempla penes antistitem, vel patronum aliumue cui editio facienda est, demitti debent. Ac postquam edita semel fuerint hæc omnia, e-

ditionem repetere candidatus non cogitur, sed quotannis nomen suum profiteri debet, ne fortassis mutasse volūtatem, & nullum amplius beneficium affectare credatur ^b.

b. §. præfati.

§. teneantur.

VI. De effectu nominationis.

Ea vis est ac potestas nominationis scholasticæ, ut petitio legisque actio sit prodita, qua nominatus beneficium suo tempore vacans petere possit, si modò ritè & ex formula professus fuerit: Tempus autem quod Leonina cōstitutio nominatis attribuit, mensis est Iulius cum Ianuario. Nam cæteri qui gradibus scholasticis insigniti sunt, non tamē proditi seu nominati à scholastico conuentu, Aprilem & Octobrem, alij alios menses habent. Quibus omnibus in orbem beneficia conferuntur, nec vlla potuit commodior ratio excogitari, qua viri literati tertiā partem beneficiorum consequi possint, quàm hac circulari collatione. Quæ igitur mense Iulio Ianuarioque vacant ob mortem, inquam, beneficiarij, non ob beneficij eiurationem, adedò nominatis obstricta, ut ita loquar, obnoxiaque sunt, ut suo iure ipsis ea petere liceat, & alij facta collatio irrita sit ^c. Hinc plerique aiunt cum qui alij contulit beneficium, possè mutata voluntate, nihilominus nominato conferre, quæ sententia probabilis est ^d. Sed animaduertendum est, quoties scholæ candidatus petit, curare cum oportere,

*c. §. si quis vel
rò. §. ult.*

*d. c. non præ
stat. de reg.
iur. in 6.*

re,

re, vt non simpliciter, sed tāquam nominato expressim beneficium sibi conferatur: alioqui inutilis est collatio. atque ita confusionis fraudūque vitandarum causa saepe iudicatum est. Tempus autem intra quod petere debeat nominatus, constitutione expressum non est. itaque videtur id boni viri arbitrio relictum esse. Sed æquum est ac rationi consentaneum, Lateranensis concilij tempus spectari, quod sex mensium est. *e. c. 2. de con. p. x b.* Quod si requisitus antistes petentem ambiente-
 rémque repulerit, ius conferēdi, vt caducum ad superiores antistites gradatim deuoluitur *f. vt su- f. §. si quis ve- rō.* prā diximus. Et pœna constitutione expressa eidem irrogatur, nisi iustam huius repulsæ cau-
 sam allegauerit *g. cap. 3. h. §. ult.* b. Iusta verò causa potest esse, exempli loco, si is qui monasticis votis minimè ob-
 strictus est, beneficium petat, quod eius tantum sectæ atque instituti homines capere possint, aut contrā. Sic enim habet constitutio, vt sæcularia
 sæcularibus, & regularia regularibus, conferantur *i.* Quæ verba à nobis explicata sunt lib. 2. *i. §. Et insit-*
 Sed etsi alius cum ambiente concurrat, qui vi-
 deatur ei præferendus esse, iusta negandi causa est. Nam inter nominatos is potior cæteris habetur, qui prior nominatus est. Ac si plures eodem
 anno sint nominati, qui summo gradu, id est do-
 ctura, præditi sunt, mediis, & medij infimis anteponuntur, quibusdam exceptis, quos exprimit
 constitutio *l.* Inter eos qui à scholastico conuen-
 tu proditi non sunt, sed in candida pura petunt, *l. §. statu- mus.*

ut ita dicam, locus est gratificationi, sicut & inter eos qui prodiiti nominatque sunt, cum nulla inter ipsos disparitas inæqualitâsque reperitur. Hæc autem circularis promotio collatiôque beneficiorum non perpetuò locum habet. Nam in metropolitanis cathedralibûsque ecclesiis annuæ quædam sunt theologis attributæ, quas præbendas theologales vulgò appellamus, quod nemini, præterquam theologo, possint conferri, quocûque tempore anni vacent^m. Curatio quoque animorum in ciuitate semper ei defertur, qui gradibus scholasticis præditus est: aut saltem legitimo temporis spatio, id est triênio, vel theologiæ, vel iuri ciuili aut pontificio operam dedit, &c. Nec id modò de ciuitate constitutum est, quod verbum peculiarem habet significationem in iure pontificio, sed etiam de quacunque comopoli mœnibus cinctâ: quæ auctore Pomponio oppidum dici posse videtur*. Adde quòd Romanus pontifex occupationis cuiusdam iure, à nonnullis existimatur beneficia quocunque mense vacantia cuius conferendi liberam potestatem habere. Sed hæc quæstio, quæ iuris controuersi est, paulò pòst à nobis discutietur.

*m. §. statui-
mus.*

*n. §. statuim⁹.
o. l. pupillus.
§. oppidum,
de verb. sign.*



LIBER SEXTVS,
DE IIS QUÆ IN BENEFICIIS
DISTRIBVENDIS PRÆCIPVE
obseruanda sunt.

ARGVMENTVM.

Genera omnia acquirendorum beneficiorum recensuimus in superiore libro, & explicauimus. sed quia in huiusmodi acquisitione multa necessariò obseruanda sunt, visum est nobis ea statim hîc subiungere, & idcirco separatim hoc libro tractare, quòd superior ad iustā magnitudinem excreuerit.

Beneficium antequam vacet, nec dandum nec promittendum esse: & quàm grauiter in hac re aduersus sacros canones peccari soleat. Cap. I.

BENEFICIA ecclesiastica, vt admonuimus lib. 2, temporaria non sunt, vt publica ciuiliâque munera quondam in Repub. Romanorum, sed perpetua potius, vt in Gallia sunt magistratus regij. Ac talis ferè olim fuit Romæ Auguratus, quē Plin.

lib. 4. Epist. existimat inigne sacerdotium esse, quod non adimatur viuenti: hoc tamen interest, quòd sacra ministeria ac beneficia nostri temporis ob maleficium & aliam legitimam causam amittuntur. Auguratus verò ita perpetuus est, ut quamlibet nocens ac sceleratus homo nunquam eo priuari queat, autore Plutarcho ^a. Proinde si quis administrationem ecclesiasticam habeat, nō aliter ei successorē mittere licet, quā si mortē obierit, aut aliàs vacauerit Ecclesia, quā administrat ^b. Ac fuit quorundam opinio, ne mortuo quidē beneficiario posse beneficium dari, antequā demortui cadauer sepulturæ traditū fuerit ^c. quod tamē vsquequaq; receptū non est. Vacantē verò Ecclesiā aut beneficiū dicimus, cū prefecto, gubernatore seu administratore caret, nō dissimiliter ac iureconsulti vacantem mulierem vocant ^d, *χολάζουσαν ἐκκλησίαν* dicunt Græci, & hac voce vitur Plin. lib. 10. Epist. ut libr. 8. dicemus. Nec multum refert an possideatur ab alio beneficium, an verò sit vacua eius possessio, ut conferri possit. Sufficit enim in ea causa id esse, ut iure vacans dici queat ^e. Ac sicut viui superstitisque hominis beneficium conferri prohibetur, ita etiam promissio eius interdicta est, quanuis in tempus, quo mortuus fuerit beneficiarius, conferatur. Nec ex tali promissione vlla nascitur obligatio: quod & locum etiam habet, si quis sermone vsus generali, tunc beneficium se datum promittat, cū eius dandi facultas se obtulerit.

a. in Proble.

*b. tot. tit. de
cō. prab. c. nō
furem. 7. q. 1.
c. c. bonæ. 2.
de elect.*

*d. l. qui cætu
ad l. 1. de
vi. pub.
e. con. An-
tioch.*

*f. c. licet, 2. de
praben. in 6.
c. 1. §. sacri.
de homicid.
in 6.*

tulerit s. Nam huiusmodi promissiones anſam præbent affectandæ captandæque mortis alienæ ^{b.} quo nihil eſt à viri boni officio alienius. Id- ^{h. c. 2. de cõr. præb. in an- tiq.} que vel Demadis illius exemplo edocemur, qui Athenis neceſſaria funeribus venditantem damnauit, cum probaſſet magnũ lucrum optaſſe, quod contingere illi ſine multorũ morte non poterat ^{i.} Receptum tamen eſt, vt aſcito in col- ^{i. Sene lib. 6. de benefic. c. 38.} legium canonicorum, annona ſeu præbenda quæ poſteà vacauerit vtiliter promittatur: quia inde- ^{m. c. propoſuit, de con. præben.} corum viſum eſt, quẽquam ſine ſtipendio cano- ^{l. c. relatiũ, de præben. glos. c. 2. de con. præben. in 6.} nici munere fungi in Eccleſia ^{l.} Pontifex ſanè Romanus ab hac regula excipi ſolet, qui benefi- ^{m. c. propoſuit, de con. præben.} cia omnia, licet nondum vacãtia, donandi, con- ^{m. c. propoſuit, de con. præben.} ferendi, promittendi, & arbitrio ſuo distribuendi ac diſpenſandi poteſtatẽ ſibi vnus vindicat ^{m. c. propoſuit, de con. præben.} Sed æquius erat ac longè decentius, cum nõ imperio tantũ, ſed etiam exemplo cæteros epiſcopos in officio continere. Nam in tanto faſtigio collocatus, ſi leges, canones ac maiorum inſtituta contemnat exemplo magis quàm peccato nocet Reipub. Chriſtianæ. Atque hinc fit ple- ^{m. c. propoſuit, de con. præben.} runque, vt non adcò grauis cùm in reliquos antiſtitites, tum in gregem ipſum vniuerſum eius ſit authoritas.

In commune iubet (inquit Claudianus) ſi quid, »

cenſeſque tenendum: »

Primus iuſſa ſubi, tunc obſeruantior æqui »

Fit populus, nec ferre negat, quum viderit ipſum »

Authorem parere ſibi: componitur orbis »

R

- „ Regis ad exemplum: nec sic inflectere sensus
 „ Humanos edicta valent, quàm vita regentis.
 „ Mobile mutatur semper cum principe vulgus.

Qua pœna autem afficiatur is qui superstitis hominis nondum vacans beneficium impetrat, tractatum est. Et imprimis constat eum ecclesiastica communione summoueri ^{n.}. Deinde si quo honore graduque ecclesiastico præditus sit, eo priuatur ^{o.}. Est & pœna infamiæ aduersus eum statuta ^{p.}. Sed si quis probabili errore ductus mortuum aliquem esse crediderit, iustam habere videtur excusationem ^{q.}. Qua de re Philip. Decius in quodam responso disseruit ^{r.}.

n. c. 1. de con. præben.
o. c. imprimis,
2. q. 1.
p. 3. q. 2. c. audiuius.
q. c. præsentium. 7. q. 1.
r. concil. 398.

*Omnem ambitum à collatione beneficiorum
 procul esse debere. Cap. 2.*

In assequendis beneficiis nihil magis fugiendum est, quàm ambitus & largitio. Qua de re extat canon concilij Chalcedonens. ^{a.} in hæc verba: Si quis episcopus per pecuniam ordinationem fecerit, & precio redemerit spiritus sancti gratiam, quæ vendi non potest: ordinaueritque per pecuniam presbyterum aut diaconum, vel quemlibet de his qui cognominantur in clero, promouerit: & dispensatorem aut defensorem, vel quemlibet qui subiectus est regulæ, pro sui turpissimi lucri commodo: is qui hoc attentare probatus fuerit, proprii gradus periculo subiacet, & qui ordinatus est, nihil ex hac ordinatione

a. c. si quis epi scopus. 1. q. 1.

tione vel promotione, quæ est pro negotiatione
facta proficiat: sed sit alienus à dignitate vel soli-
citudine, quam pecuniis acquisiuit. Si quis verò
mediator tam turpibus & illicitis datis vel acce-
ptis extiterit, si quidem clericus fuerit, à proprio
gradu decadat: si verò laicus, anathematizetur.
Græcè sic habet:

Εἴ τις ἐπίσκοπος ἐπὶ χρήμασι χήροισιν ποιήσῃ, καὶ εἰς πρᾶ-
σιν καταγάρῃ τὴν ἀπὸ τὸν χάριν, καὶ χήροισι ἐπὶ χρήμα-
σιν ἐπίσκοπον ἢ χωρὶς ἐπίσκοπον, ἢ πρεσβυτέρους, ἢ διακόνους, ἢ
ἑτερόν τινα τῶν ἐν τῷ κλήρῳ κατηριθμημένων, ἢ προβάλῃ το-
ῦ ἐπὶ χρήμασιν οἰκονόμου, ἢ ἐκδικον, ἢ παρὰ νόμους, ἢ ὅπως τινὰ
τῶν κληόνων, δι' αἰσχροκερδίαν οἰκείαν, ὁ τοῦτο ἐπιχρήσας ἐλέγ-
χθεὶς, κινδυνεύει τῷ πᾶσι τὸν οἰκεῖον βαθμόν. καὶ ὁ χήροισιν ὠφελ-
νός μὴ εἶναι ἐκ τῆς κατ' ἐκπορίαν ὠφελείας χήροισιν ἢ προβο-
λῆς, ἀλλ' ἔτι ἀλλότριος τῆς ἀξίας ἢ τῆς φροντίσεως, οὐ περ
ἐπὶ χρήμασιν ἔτυχεν. εἰ δέ τις καὶ μεσιτεύων φανείν τοῖς οὐ-
τως αἰσχροῖς καὶ ἀθεμίτοις λήμμασι, καὶ οὕτως, εἰ μὴ κληρικὸς
εἴη, τῶν οἰκείων ἐκπιπείτω βαθμοῦ. εἰ δὲ λαϊκὸς ἢ μονάζων, ἀνα-
θεματίζεται.

Extat & constitutio Anathemij imperatoris
cuius hæc verba sunt ^b, Si quenquam vel in hac
urbe regia, vel in cæteris prævinciis quæ toto or-
be diffusæ sunt, ad episcopatus gradum præuehi
Deo auctore contigerit: puris hominum menti-
bus nuda electionis consciëntia, syncerò omnium
iudicio proferatur. Nemo gradum sacerdotij ve-
nalitate precij mercetur: quantum quisque me-
retur, non quantum dare sufficit, æstimetur: pro-
fectò enim quis locus tutus, & quæ causa pote-

b. tit. de epif.
cler. in
Cod. Justin.
c.

„ rit esse excusata, si veneranda Dei templa pecu-
 „ niis expugnentur? quem murum integritatis, aut
 „ vallum fidei prouidebimus, si auri sacra fames
 „ penetralia veneranda proserpat? denique quid
 „ cautum esse poterit aut securum, si sanctitas in-
 „ corrupta corrumpatur? cesset altaribus immine-
 „ re profanus ardor auaritiæ, & à sacris adytis re-
 „ pellatur piaculare flagitium: ita castus & humi-
 „ lis nostris tēporibus eligatur episcopus, ut quo-
 „ cunque locorū peruenerit, omnia vitæ propriæ
 „ integritate purificet: non precio, sed precibus
 „ ordinetur antistes: tantum ab ambitu debet es-
 „ se sepositus, ut quæratur cogendus, rogatus rece-
 „ dat, inuitatus effugiat: sola illi suffragetur neces-
 „ sitas excusandi: profectò enim indignus est sa-
 „ cerdotio, nisi fuerit ordinatus inuitus. Cùm sa-
 „ nè, si quis hanc sanctam & venerandam anti-
 „ stitis sedem pecuniæ interuentu subiisse, aut si
 „ quis ut alterum ordinaret, vel eligeret, aliquid
 „ accepisse detegitur: instar publici criminis &
 „ læsæ maiestatis accusatione proposita, à gradu
 „ sacerdotij retrahatur: nec hoc solum deinceps
 „ honore priuari, sed perpetuæ quoque infamiæ
 „ damnari decernimus: ut eos quos par facinus
 „ coinquinat & æquat, utrosque similis pœna co-
 „ mitetur. Quod autem de ordinatione dicitur,
 „ ad beneficiorum concessionem perfinet, quæ o-
 „ lim cum ordinatione ipsa seu promotione erat
 „ coniuncta, ut libro primo diximus. Si quis igitur
 „ largitione ad sacrum ministeriū promorus,
 „ aut

aut beneficium assecutus fuerit, ab eo repelli & summoueri debet, cum irrita sit ac nulla talis promotio ^{d. c. sancto-} ^{rum, l. q. 1. c.} ^{cū clerici, de} ^{pact.} Nec refert an quis pecuniam, an aliquid pro pecunia parciscatur: quia omnes huiusmodi pactioes iure pontificio improbatur: quibus interuenientibus, gratuita dici non potest collatio ^{e. c. quā pio,} ^{1. q. 2. c. vlti.} ^{de pact.} Hic autem ambitus vulgò Simoniacus dicitur à Simone quodam apostolorum contemporaneo, qui mirificam illam diuinamque vim ac potestatem spiritus sancti gratiam infundendi per manuum impositionem, quam habebant apostoli, ab ipsis emere & mercari voluit ^{f. f. Acto, c. 8.} Quisquis enim rem sacram spiritalemque precio sibi parat, aut alia re quæ precij vice fungatur, hūc Simonicum, quasi Simonis illius æmulum & imitorem, appellamus. Nec quicquam interest an ordinatori, an alij, qui fortè competitor noster sit, largiamur aut promittamus. Quod si quis litem habeat beneficij nomine, & aduersario aliās liti cedere nolēti pecuniam det vel promittat ob sumptus in litem factos, & vexationis redimendæ causa, hæc decisio transactioque non videtur ad Simonicum ambitum pertinere: speciem tamen quandam ambitus habere dicitur: & vt fraudibus via præcludatur, merito improbata est, nisi autoritate antistitis iusta aliqua probabilique de causa fiat ^{g. c. cum pri-} ^{dem, de pact.} ^{c. constitutus,} ^{de transact.} Cum igitur ambitus verè non sit, sed commēitio iure pro ambitu habeatur, pœna trāsigentem non teneri vulgò receptum est: quanuis transactio ir-

*h. not. in d. c.
constitutus.*

*o. c. i. de si-
mon.*

i. Sef. 21.

l. Nouel. 123.

rita sit ^h. Sed quæritur an librariis, qui tabulas ad fidem ordinationis faciendam conscribunt, rectè aliquid detur. Et generaliter constitutum est à Gregorio, ne quid eo nomine accipiatur ^o. Quod pleriq; sic intelligendum censent, si huiusmodi librariis publicè salariū præbeatur. Nam alioqui opera eorum videtur aliqua remuneratione digna. Et sanè Basilienfis synodus pro labore scribentis moderatam dari mercedem statuit ⁱ. Idquæ Iustiniani constitutionibus consentaneum est, quibus quātitas describitur, quæ ministris episcopi ordinantis, ab eo qui ordinatur danda est ^l. Sed & si quis ex substantia facultatibusq; suis aliquid Ecclesiæ offerre velit, non priuatim aliquibus personis ecclesiasticis, id ab eodem Iustiniano nō solum permittitur, sed etiam maximopere commendatur. Verūm ab inuitis nihil exigitur, modica illa quantitate excepta, quam pro entroniastico idem definiit,

*De annuo vectigali, quod vulgò Annatam vocant,
à nouis antistitibus exigi solito, & explicata
lex Iulia de ambitu. Cap. 3.*

Vsitatum est apud nos, & Leonina constitutione, cuius sæpe meminimus, confirmatum genus vectigalis, quod vulgus Annatam vocat. Nam cūm primum recens lectus est, & à rege nominatus, aut episcopus aut cœnobiarcha, Romanus pontifex anni integri fructus eius beneficij

ficij percipit, eosque sibi statim solui ac repræ-
 sentari curat. Hoc vectigal, quod annuū appel-
 lamus, nō quod anniuersarium, sed quod vnius
 anni sit, quidam à Bonifacio nono inuētum, alij
 à Ioanne X X I I. scribunt. Sæpe autem quæ- *a Platin.*
 situm est, an iure possit exigi. Et hæc ferè Theo-
 logorum est opinio, iurisque pontificij consulto-
 rum, Romanum pontificem lege simoniaci am-
 bitus, vt cæteros episcopos teneri, si pro sacris
 ministeriis pecuniā accipiat ^{m.}. Nam præter ca- *m. not. in c. 1. de simo.*
 nones, quos suprâ citauimus, qui pecuniam om-
 nino exigere vetant, hoc genus vectigalis à synodo
 Basiliensi damnatum est: & pœna ambitus ad-
 uersus eos qui hac via ad sacra ministeria Eccle-
 siæ grassantur, atque ad eodē aduersus ipsum pon-
 tificem statuta ^{n.}. *N. Scf. 21.*
~~Sæpe possunt hoc modo promoueri à pontifice, quo-
 minus in canonum pœnam incurrant, & tan-
 quam vitio creati, vt veteres loquebantur, digni-
 tatem honorēque ecclesiasticum amittant, si
 quis ad priuilegiū institutionis normā potius, quā
 receptæ consuetudinis, hæc exigere velit. Nam
 quoquo se vertant pontifices, quibuscunque de-
 cretis, constitutionibus pactisque hanc exactio-
 nem tueātur, diuinum oraculum semper eis op-
 ponemus: Gratis accepistis, gratis date. Quod *o. glos. prag. tit. de annat.*
 cū ita sit, conuētio inter regem nostrum, pon-
 tificēque Leonem in ita turpis omnino ac in-
 honesta quibusdam videtur, ideōque pro non
 scripta haberi ac reiici debere: ita tamē vt cætera~~

~~capita diuidentem conventionis, quæ ratione ho-~~
~~noraturque non abhorrent, nihilominus obser-~~
~~uamus.~~ Non melater à iuris ciuilibus authoribus
 pollicitationes probari, quibus ob sacerdotium
 pecuniam Reipub. quis promittit *p.* Sed alia cau-
 sa est sacerdotiorum Christianæ religionis, ut ex
 iam dictis cōstat. Deinde vltro offertur Reipub.
 ea pecunia, nec eam promittere, aut nō promif-
 sam dare quisquam cogitur. Nec verò inficias
 eo ex fructibus beneficiorum partem aliquam
 decerpi posse, si necessitas aliqua magnaque vti-
 litas Ecclesiæ id flagitet. Verum id coacto con-
 cilio fieri debet, ut appareat in Ecclesiæ gratiam
 & vsum reuera, non in priuatum paucorum ho-
 minum commodum eas facultates erogari &
 impendi. Quod & in synodo Constant. decre-
 tum est *r.* Sed obijciunt aliqui quod Modesti-
 nus ait, legem Iuliam de ambitu Romæ cessa-
 re, quod magistratuum creatio ad principis cu-
 ram pertineat, non ad populi fauorem *r.* Idem-
 que dicendum putant de pontifice Romano,
 cuius in Ecclesia summus est principatus, ut am-
 bitus argui non possit. Quibus ego breuiter re-
 spondeo legem Iuliam aduersus eos latam esse,
 non qui Reipublicæ palam aliquid dabāt, quod
 nulla lege vetitum erat *s.* sed qui populū viritim
 distribuendo pecuniam clādestinis largitionibus
 corrūpebant. Proinde ea lex in iis magistratibus
 locū habere non poterat, quos princeps, non
 populus, creare solebat. Verum ut gratis dentur
 hæc

*p. tit. de pol-
licit.*

q. Sef. 43.

*r. l. i. ad leg.
Iul. de amb.*

*s. tit. de pol-
licit.*

hæc spiritalia sacræque munera, nec eo nomine quicquam accipiatur, episcopis omnibus ac pontificibus & voce diuina, & sacrorum conuentuum canonibus præceptum est, quâdoquidem eorum cupiditati & auaritiæ aliter occurri non poterat. Ac ut obiter de principe dicam, quod dissimulari non potest, quanuis nulla lex principem coërceat, nihil tamen videtur magis à regia liberalitate, splendore & maiestate alienum, quàm ob munera publica à subditis pecuniam exigere: id quod Iustinianus noster in quadam constitutione grauiter & copiosè demonstrat, ac dedignari se ait imitari eos qui ante se imperio præfuerant, qui pro pecuniis conferentes munera publica castigandi eos qui malè & iniustè versabantur in munere suo, potestatem sibi ademerant. Sed memoratu dignum est, quod idem ait, atque utinam principes nostri hoc corruptissimo tempore sæpius id expenderent. *Ἀργυρολογεῖν τὰς ἀρχὰς πείσῃ καὶ πονηρίᾳ προσιμὸν τε καὶ πέραι.* Pecunias ex magistratibus colligere omnis iniquitatis & iniustitiæ principium est & finis. Huic consentaneum est & quod Lampridius de Alexandro Seuero scribit, Honores iuris gladii nūquam vendi passus est, dicens, Necesse est, ut qui emit, vendat. Ego non patiar mercatores potestatum: quos si patiar, damnare nō possum. Erubesco enim punire illum hominem qui emit & vendit. At hodie ô turpem notam horum temporum! quotusquisque absque precio, eoque

t. Nonel 8.

ut ind. sine

quo suff.

ingenti, ad vllum magistratum in Republica nostra prouehitur. Nam etsi principes eam nundinationem minimè probare soleant, in iis quidè certè magistratibus, qui iuri dicendo præficiuntur, nemo tamen est qui nesciat ea munera suffragatores aulicos, velut in auctione licitationeque publica grandius pretium numerantibus addicere solitos esse. Itaque vix vllus hodie reperitur commendatione virtutis & doctrinæ vllò honore auctus in Republica, & cui idem verè dici non possit, quod Caium Cæsarem Syllæ quondam obiecisse ferunt. Cùm enim Sylla indignabundus Cæsari, sua se in illum potestate vsurum esse diceret, ridens Cæsar: Rectè, inquit, tuum putas esse magistratum, quem tuis pecuniis comparasti.

De annuis siue pensionibus, quæ beneficiis velut seruitutes quædam imponuntur. Cap. 4.

Beneficia cùm vacant, integrà & sine vlla diminutione debent conferri. Quare si partem reddituum antistes beneficium conferendo retineat, in legem ambitus cõmittit^a. Sed nec duobus idem beneficium conferre, aut inter duos idem beneficium diuidere potest, nisi ex iusta aliqua causa ritè legitimèque talis diuisio fiat^b. Receptum tamen est, vt quauis vni tantùm detur beneficium, nihilominus ei onus imponatur certam portionem ex beneficij redditibus alteri singulis

^a. tit. vt eccle. benef. sine dimi.

^b. c. maiori- bus. c. vacante. c. cū causam, de præb.

singulis annis pendendi. Quod genus pēsitatio-
nis annuum neutro genere appellari posse arbi-
tror: idque exemplo veterum, quos ita locutos
esse crebrò animaduerti^c. Est igitur hoc annuū
delibatio quædam beneficij, qua ex eo quod v-
niuersum beneficiarij foret, pars quædam alicui
confertur. Sic enim id nobis vtcunque descri-
bere ac delineare visum est, exemplo Florentini
Iureconsulti in legati definitione^d. Sunt autem
huiusmodi annuorum tria genera. Quædam e-
nim ob sacrum spiritaléque munus pendun-
tur: vt cū in Ecclesia aliqua constituitur à mo-
nachis vicarius, qui ecclesiam ac populum re-
gat: nam huic ex redditibus suis partem ali-
quam idoneam erogare coguntur^e. Item cū
præter Ecclesiæ rectorem siue pastorem cleri-
cus quispiam ad Ecclesiæ ministerium necessa-
rius instituitur: cui etiam portio reddituum bene-
ficij debet à rectore ipso suppeditari^f. Ac ta-
met si beneficij, vt ita dicam, hi domini non sint,
sed hanc portionem velut vsufructuarij, & à do-
minis quodammodo accipiant, tamen hoc sti-
pendium à vero iustóque beneficio non differt,
cū ob sacrum spiritaléque ministerium detur.
Alia sunt annua, quæ ob munus aliquod profa-
num, ac, vt loquimur, temporale, præberi so-
lent, vt puta, aduocatis Ecclesiæ, & iis qui so-
nitus tinnitúsque campanæ curam gerunt. Et
hæc annua profana omnino sunt, quæ ob profa-
num officium profanísque hominibus tribuun-

*c. l. scio. §. v.
xori. l. sicut
annuū. l. ti-
tia. §. qui
Marco, de
an. leg. l. ex
annuo. l. si
stipulata, de
donat. inter
vir.
d. l. legatum,
de leg. 2.*

*c. c. de mona-
chis. c. extir-
panda, de præ-
b. c. 1. de præ-
ben. in 6.
f. c. conquerē-
te, de cler. non
resid.*

*g. c. quicum-
que. 12. q. 2.
c. possessiones
16. q. 1. rot. in
cle. 1. de reb.
ecclie. nō alie.*

*h. c. extirpan-
dæ, de præb.
c. audiuimus,
de collis. dete.
i. cle. 1. vt lit.
pend.*

*l. not. in c. ex
parte, de off.
de leg.*

tur *g*. Alia sunt quæ absque vlllo onere ac ministerio conceduntur, & ἀπαρτεὶ καὶ ἀνθρώποις proueniunt: de quibus hîc potissimum tractaturi sumus. Ac in primis sciendum est, certis ex causis hæc onera seruitutésque beneficiis imponi posse, non solum à pontifice Romano, sed etiam ab aliis antistitibus, qui inferiores dicuntur. Itaque si in fraudem, aut absque causa legitima annum alicui attribuerint, nihil actum esse intelligitur *h*. Sed voluntas Romani pontificis iusta legitimâque causa habetur in re beneficiaria *i*. Prima igitur causa est, cùm quis beneficium eiurat, ac dimittit in gratiam alterius, hoc consilio, vt pars aliqua fructuum, vnde se tueatur, ei salua maneat. Nam etsi huiusmodi conditio à Simoniacis ambitu propè videatur abesse *l*: ramen quia totum negotium in voluntatem arbitriumque pontificis confertur, conuenit inter omnes iuris pontificij doctores impunè id licere. Et sanè iustissima plerumque huius rei causa potest esse, vt si ponamus pastorem alicuius Ecclesiæ senio confectum velle ministerium suum cum bona pontificis venia alij cedere, nec tamen eas facultates habere, vt ad victum ei sufficiant: idque supra alibi annotatum est. Secunda causa est, cùm duo permutare cupiunt beneficia sua, sed vnum longè opimius est ac vberius altero: tunc enim ipsis consentientibus pontifex minus ac magis tenue beneficium certæ præstationi annuæ obnoxium reddit. Tertia causa est, cùm

cùm lis inter duos beneficij alicuius nomine orta est. Quo casu solet pacis concordiaëque causa ita res decidi, vt vnus beneficium obtineat, alteri annuum ex eius beneficij fructibus præbeatur^m. Sunt & aliæ causæ, quas commemorant *m. c. nisi essent, de prob.* passim iuris pontificij doctores, sed has tantùm vsus forensis probat in Gallia. Nam etsi quis bene meritus sit de Ecclesia, aut inops, vel infirma valetudine sit, iusta hæc causa annui dandi ex bonis ecclesiasticis habeturⁿ. Et hoc prætextu Romanus pontifex Cardinalibus Romanæ Ecclesiæ annua attribuire consuevit, quod absque eo reditu splendorem suum ~~(cum luxuria dicere non aulum)~~ *n. c. possessiones, 16. q. c. quicunque, 12. q. 2. Oldra. com. 226.* tueri nequeant. Verùm vt supra diximus, quæ causa eum mouerit, inquirendum non esse vulgò traditur.

Annuum, de quo hic loquimur, beneficium ecclesiasticum non esse.

Annua huiusmodi inter sacra beneficia non recensentur, vt iam admonuimus^o. Proinde quæ *o. c. præterea de transf.* de beneficiis constituta sunt iure pontificio, ad ea minimè pertinet^p. Exempli gratia. Laïcis hominibus non minus quàm initiatis attribuuntur: quia nullum sacrum munus ministeriūmue considerant: idèoque contracto postea matrimonio *p. c. quantum, de præben. in 6. not. in c. ad audientiā, de rescrip.* non amittuntur; Quod tamen plerique accipiendum esse aiunt, nisi cùm cedenti beneficio suo annuum constituitur. Quo casu, quia loco be-

q. l. si eum §. qui iniuriari. ff. si quis cau.

r. tit. de renunt.

f. l. si quis in conscribendo.

C. de pact. l. iure mādato.

C. mand.

t. l. cum hi, de trans.

v. c. ult. de reb. permut. glos. prag. tit. decoll. §. item quod ad vniuersitates, in verb. beneficiorum.

beneficij datur, naturam quoque beneficij retinet
 7. Præterea mortuo creditore non dicitur vacare, vt impetrari sicut beneficium aliquod possit, sed velut usufructus extinguitur. Remittitur etiam absque vllius pontificis venia, licet beneficio se abdicare nemo possit, sine pontificis auctoritate^r. Cùm enim priuatum alicuius hominis commodum tantùm respiciat, cur ipsi de eo pacisci arbitrio suo non permittetur^s? Excipitur annuum quod auctoritate pontificis pro alimentis alicui attributum est. Nam ius ciuile non patitur, vt transactio de alimentis sine decreto interponatur^r. Item potest hæc pensio, vt alius quiuus redditus, pecunia redimi. Verùm ob eam, de qua iam diximus, causam pontificis auctoritas accedere consuevit. Atque ita vulgò solent concipi tabulæ, quasi aliquot annorum pensionibus repræsentatis, ac vt loquitur Seneca, in antecessum datis, liberatum sit ea seruitute beneficium. Adhęc, si annuum ita sit alicui attributum à pontifice, vt illud in alium transcribere possit, nihil prohibet eo nomine pecuniam velut emptore accipi. Sed rarò hanc transcribendi emancipandique facultatem pontifices concedunt, vti accepimus. Denique non sicut beneficium, ita etiam hoc ius, quod profanum est, cum beneficio permutare licet, quia sacrarum spiritaliumque rerum cum profanis permutatio non admittitur^v.

Annui

Annui potestas & effectus quis sit.

Quæ sit potestas & effectus annui, nonnihil antè demonstratū est. Sed hic locus aliquanto pleniorē disputationem exigit. Itaque animaduertendum est hoc ius simile quadantenus esse usufructui, quia cum persona exstinguitur ^{a. §. finitur.} Præterea beneficio sic inhæret, ut ipsum sequatur ad quamcunque personam transeat ^{Instit. de usufr. b. c. si quis laicus, 16. q. 1.}. Nam mortuo beneficiario hoc annuum à successore, qui in vacantem locum successus est, posse exigi dubium non est, nisi ex conceptione diplomatistis aliud actum esse appareat ^{c. d. c. nisi essent, ubi glos. de præben.}. Cùm enim ferè non concedatur alicui à pontifice, nisi in perpetuum, & quàm diu vixerit, ratio non patitur, ut finiri mortè beneficiarij dicatur. Quod & de præteriti temporis pensionibus, quas vetus possessor beneficij debuit, accipiendum esse videtur, ad quas Ecclesia siue beneficium obligatum est ^{d. l. imperatores, ff. de pnb. & vetig.}. Nec ideo minus aduersus veterem possessorem, si fructus in vsum Ecclesiæ non impenderit, aut eiusdem fato functi hæredem agatur. Atque ita creditoris erit electio, utrum conuenire malit ^{e. not. in c. 1. de solutio.}. Cùm autem usufructuario cōparetur is, cui annuum attributum est, tractari solet, an onera quæ dicuntur patrimonialia subire cogatur. Et certum est hospitalitatis onus, & alia huiusmodi quæ ordinaria sunt, beneficiario incūbere, cùm eo nomine maiorem partem fructuum ei dimittēdam esse receptum sit.

Cætera verò quæ extra ordinem indicuntur, proportionẽ sustinet is qui annui nomine partem fructuum capit *f.*

f. l. hæctenus, de usufr. l. neque de impẽ. in reb. dot. fact.

Beneficium purè ac simpliciter conferendum esse. Cap. 5.

g. c. vl. de pact. not. in c. significasti, de electio. h. glos. in c. 2. de elect. in 6. i. l. muto, de tute. glos. c. significatum, de præb. not. in l. actus legitimi, de reg. iur. l. cle. 1. vt lit. pend. not. in d. c. significasti.

Quia beneficia gratis conferenda sunt, vt antè diximus, receptum est, collationem sub conditione fieri non posse. Excipitur conditio quæ inest collationi, quanuis fortè non exprimatur, vt puta, si vacat beneficium, &c^b. Nam ea adiectio abusuè tantum conditio appellatur: nec vllam vim suspendendi negotium, quod geritur, habetⁱ. Quod autem dicitur sub conditione beneficium inutiliter conferri, de inferioribus antistitibus vulgò accipi solet, non de Romano pontifice. Huic enim liberum esse aiunt, quanunque libuerit conditionem adicere collationi, modò ea in crimen ambitus iure diuino prohibiti non cadatⁱ. Eadem est alternationis ratio quæ conditionis: idque à pontificij iuris doctoribus plerisque in locis memoriæ proditum est^m.

m. not. in c. pastoralis, 7. q. 1. in c. 2. de elect. in 6. Fel. in c. 2. de appell.

An absque scriptura beneficij collatio valeat. Cap. 6.

Simul atque pontifex beneficium se alicui conferre pronuntiavit, ius ei acquisitum esse intelligitur, tamen si nulla scriptura, nullumue diploma,

ploma, ea de re confectum fuerit ^{n.}. Itaque mortuo statim pontifice à quo beneficium nudo sermone collatum est, irrita minimè est collatio, sed debent à successore diplomata & literæ expediti, in quibus eius concessionis mentio fiat ^{o.}. Quæ literæ ad probationem necessariæ esse dicuntur, contra communes regulas: nec licet beneficiario antequam eas literas acciperit, quicquam attingere, quod ad beneficiū pertineat ^{p.}. Proinde ad fidem collationis faciendam testes non sufficerent ^{q.}, præterquam in exceptis casibus, de quibus non indiligenter ab aliis tractatum est ^{r.}. Tametsi Iason ex facto consultus simpliciter responderit, scripturā necessariam non esse ^{s.}. Quæ autem sit autoritas ac fides literarum siue tabularum, quæ ab antistitibus conficiuntur, quandoquidem diffusè ab aliis agitata est quæstio, eam impræsentiarum omittemus ^{t.}.

*n. c. institutio-
nis, 35. q. 2.*

*o. Bal. in l. hu
manū. C. de
legib. & in l.
vlt. C. de con.
ser. ma. c. lite-
ris, de rescrip.
p. extra. in-
iuncta, de e-
lect. auth. de
mād. prin.*

*q. Panor. in
c. in nostra de
rescrip. not. in
l. pactū quod
C. de pact.*

*r. Fel. in rubr.
de constitut.*

*s. in l. cum
proponas filios
C. de pact.*

*t. not. i. c. post
cessionem, de
probatio.*

S



LIBER SEPTIMVS,
QVOD IVS HABEAT BE-
NEFICIARIVS IN BENEFICIO
suo, & quemadmodum beneficia reti-
neantur & conseruentur.

ARGVMENTVM.

a. l. ult. de le- *Omne ius nostrum, inquit Vlpianus ^a, aut in acqui-*
gib. *rendo, aut in conseruando, aut in amittendo consistit,*
b. lib. 8. Di- *eâque diuisione saepe vsi sunt nostri iuris authores ^b,*
gesto. *quorum exemplum hîc nos secuti post acquisitionē be-*
neficiorum operæpretium duximus, & de eorum con-
seruatione aliquid scribere, tametsi is locus à cæteris
vulgò prætermisus sit.

De decima tam ordinaria & legitima, quàm
extraordinaria atque indicta. Cap. I.



BENEFICIUM ecclesiasticum,
vniuersitas quædam est variis ex
rebus constans, quibus loco sti-
pēdij cuiusdā beneficiarius frui-
tur. Ac vt de singulis breuiter di-
camus, prædia imprimis ac pos-
sessiones,

sessiones, quæ vulgò bona temporalia dicuntur,
 beneficio insunt, vt docuimus lib. 2. præterea dec-
 cimam omnium fructuum partem à populo ac-
 cipit beneficiarius, de qua etià differuimus lib. 2.
 Et quia lex Mosàica eam dari iubet leuitis & sa-
 cerdotibus, quibus nulla terræ portio data fuit,
 cum Moses Hebræis possessiones distribueret ^{a. c. 1. de deci.}
 iuris pontificij doctores contendunt, iure diui-
 no eam sacerdotibus nostri tēporis deberi: quòd
 & pontificum aliquot constitutionibus expref-
 sum est ^{b. c. parochia-}
 quenquam iure diuino ad eam præstationem a-
 stringi dicendum esse, cū ea lex abrogata sit, ^{nos. c. in ali-}
 nec hodie nos liget, vt antè diximus ^{c. glos. c. 1. de}
 asserant, nos ita demum obligari ad decimam ^{deci. in 6.}
 dandam, si voto ad id nos obstrinximus ^{d. l. 2. de pol-}
 hæc decima similis sit ei, quam veteres ethnici ^{licit.}
 vouere Herculi & consecrare solebant, authore
 Plutarch. in Problem. Verū inueterata con-
 suetudo Ecclesiæ, & variæ constitutiones ea de
 re promulgatæ meram liberalitatem fortassis in
 necessitatem conuerterunt. Itaque in hac dispu-
 tatione de decima, vt ministris ecclesiarum iure
 debita, & quam ab inuitis exigere possint, loqui-
 mur. Nec solū de fructibus prædiorum perci-
 pitur: sed etiam de omni artificio, negotiatione,
 quæstu, &c. * Et hinc vulgaris diuisio decimæ ^{e. c. ex trans-}
 in prædialem & personalem orta est ^{missa, de deci.}
 autem Curionibus potissimū, id est presbyte-
 ris qui paræcias regunt, & animorum curatio-
<sup>f. c. ad aposto-
lica, de deci.</sup>

*g. c. ecclesias,
13. q. 1. c. deci-
mæ. c. de de-
cimæ, 16. q. 1.
h. c. cum con-
tingat. c. cum
in tua, de de-
ci.*

*i. c. prohibe-
mus, de deci.
c. cū apostoli-
ca, de his quæ
fi. à præl.*

*l. not. in c. cū
apostolica, de
his quæ fi. à
præl.*

nem habent. Id enim ab initio sic constitutum fuisse dicitur *s.* Debetur interdum & aliis ecclesiis siue monasteriis, vel ob donationem ritè factam, vel ob longi tēporis possessionem *h.* Laici verò huius iuris capaces non esse dicuntur: quia ob sacrum spiritalēque munus clericis cōcessum est. Est enim Lateranensi concilio prohibitum, quod tempore Alex. I I I. ante quadringentos annos habitum est Romæ, & quibusdam pontificū decretis, ne in homines laicos hoc ius transferatur *i.* Ante illud cōcilium sacræ decimæ ius, clientelæ titulo militibus attributū fuerat à principibus quibusdam, idque totius cleri consensu, quodd Ecclesiam populūque Christianum aduersus religionis hostes propugnarent. Et huius rei authorem fuisse in Gallia Carolum Martellum annalibus nostris proditum est. Sed quia id perniciosum ecclesiis videbatur, synodus decreuit, ut ex eo tempore decima in laicum transferri non posset. Quamobrem qui iure clientelæ sacram decimam sibi vindicāt hoc tempore, eam ante synodum illam Lateranensem sibi, ut clientibus Ecclesiæ concessam fuisse cōtendunt. Cuius rei quia difficilis est probatio, utilitatis causa receptum est, ut vetustam possessionem istius iuris cliētelaris, id est, quæ hominum excedat memoriam, probare sufficiat *l.* Ad decimam autem beneficiariis curionibus præstandam, ad eò obligatur populus, ut nemo excusetur, nisi huius muneris vacationem impetrauerit, quæ à pontifice Rom.

Rom. impetrari solet ^m. Nam consuetudine seu longa possessione hoc ius omnino non tollitur, quāvis minui possit, & decima in duodecimam aut aliam partem, quæ minor sit conuertri. ⁿ Ex his quæ iam dicta sunt existit quæstio, de noualium decima cui scilicet debeat, an curioni beneficiario, an verò alij cui ius sacræ decimæ acquisitum sit. Nouale autem hîc intelligitur proscissus nunc primùm ager, qui antè desertus, nec post hominum memoriam cultus fuit ^o: quanuis nonnūquam aliter accipiatur ^p. Ad quæstionem igitur propositā vt breuiter respondeamus, sciendum est imprimis laicos quī ius sacræ decimæ sibi vindicant, ex noualibus nihil percipere posse, sed curiones ipsos potius, quibus solis hoc ius olim competebar. De monachis autē, qui olim laici erant, nunc ferè sunt clerici, & aliis huiusmodi beneficiariis paulò difficilius est iudicium propter constitutionum pontificiarum obscuritatem. Sed vulgò receptum est, si ius sacræ decimæ in certa parçcia disertè concessum eis fuerit, decimam quoque noualium ipsis deberi ^q: quia verba indefinita ad futurum quoque tempus referuntur ^r. Quod si longa possessione id ius acquisierint clerici, decima noualium non ipsis sed curioni debetur, quoniam in loco recens proscisso nullam vnquam decimam perceperunt. Ideoque vsucaptum ab eis hoc ius verè dici non potest ^s. Addendum & illud est, quan-

m. c. dilecti. c. suggestum, c. ex parte, c. licet. c. ad audientiam. c. à nobis, de deci. n. not. in c. in aliquibus, de deci. c. cōmissum, eo. tit.

o. c. i. c. quid per nouale, de verb. signi. in decret. l. vlti. de ter. mo. p. l. sylus. §. noualis, de verb. sig.

q. c. ex parte, de deci. r. l. si seruitus, de seruitut. vrb. præd.

s. c. cum contingat, c. cū in tua, de deci.

acquisiuit, nominatim decimæ noualium ius ita tributum fuerit, vt non aliter ac decima vetere ea fruatur: concessionem tamen huiusmodi dimidiam partem non excedere, ne curiones & pastores ecclesiarum paræciarumque nimis grauentur: id quod Alexandrina constitutione plenius continetur *. Hactenus de legitima ordinariæque decima satis pro instituto dictum est. Est autem aliud genus decimæ, quam ideo extraordinariam & indictam vocare possumus, quòd à pontifice Romano prætextu belli hostibus nostræ religionis inferendi, alteriúsue necessitatis extra ordinē beneficiariis indicatur †. Hodie hanc decimam rex in Gallia beneficiariis indicere ac imperare pro potestate solet, nec vllum ferè certius atque expeditius, quàm ex decumana ista pecunia vectigal habetur.

s. c. statuto, de
deci. in 6.

v. clem. vlt. de
deci. & cod.
tit. in extrau.

De primitiis.

Cap. 2.

Affines decimæ sunt primitiæ, id est, primi fructus ex agro suscepti. Nam & hi lege Mosaiica offerri iuebantur Deo, quanuis certa non esset definita quantitas, sed offerentium arbitrio derelicta, vt Hieronymus ait *. Itaque prætextu legis diuinæ ad certam eo nomine præstationem populum hodie cogi nō posse inter omnes conuenit. Nec dubium est, quin ea consuetudo, cuius meminit Hieronymus, quæ modum definierat, contraria consuetudine abrogari

a. c. i. de deci.

gari & antiquari potuerit ^{b.} Et hunc sanè morem primitiarum offerendarum videntur ab Hebraeis ipsis accepisse Romani, quos scribit Plin. lib. 18. degustare vina aut nouas fruges solitos non fuisse, priusquam sacerdotes primitias libassent.

b. d. c. 1. de deci.

De oblationibus. Cap. 3.

Oblationes dicuntur quæcunque à piis fidelibusque Christianis offeruntur Deo & Ecclesiæ, siue res soli, siue mobiles sint. Nec refert, an legentur testamento, an aliter donentur ^{a.} Et hoc vocabulo vsus est Vlpian. c. 5. ritu. de donat. inter vir. & vxo. Veteres offerumenta vocabant, auctore Festo. Verùm hæc inualuit consuetudo loquendi, vt oblationes specialiter dicantur, quæ altari offeruntur in sacra liturgia, quam vulgus missam, Iustinianus noster *ἀγίαν προσκομιδὴν* appellat ^{b.} Huiusque oblationis, quæ apud veteres vsitata fuit, Theodor. meminit: & nos supra aliquid attigimus lib. 2. Et hæc omnes oblationes, sicut & decima, de qua iam diximus, inter res sacras spiritalésque numerantur: adeò vt clerici tantùm, non etiam laici, eas capiant ^{d.} Cùm autem in bonis ac redditibus recenscantur eius Ecclesiæ cui offeruntur, meritò dicendum est eas ad eius Ecclesiæ rectorem gubernatoremque pertinere ^{e.}

a. c. qui oblationes. c. clerici. 13. q. 2. not. in c. causa. c. cum inter, de verb.

b. Nouel. 123. c. de his, 10. q. 1. c. omnis, de cōsecr. dist. 1. c. lib. 5. eccl. hist. c. 18.

d. c. quia sacerdotes. c. scelerum. c. ult. 10. q. 1.

e. Panor. in c. pastoralis, de his quæ fi. à prala. siue conf.

De diariis, quæ distributiones quotidianæ appellantur, & cur hoc genus erogationis adinuentum sit. Cap. 4.

Canonicorum beneficia ac præbenda duabus ex rebus ferè constant. Nam in quibus ecclesiis est præbendorum distinctio, certa prædia ac possessiones obtinent singuli, quas sic in potestate sua habet, ut redditum ab alio quopiam accipere necesse eis non sit. Fructus autem huiusmodi sibi acquirunt, si præsentés sint in ciuitate, quâuis in templo quotidie non præstant, aut præstantibus non assistant. Nam quia canonicorum collegium velut quidam senatus est Ecclesiæ, ut diximus lib. 1. permulta sunt ad eorum munus pertinètia, quibus exarquendis Ecclesiæ non minus, imò verò magis prodesse possunt. Hoc enim præstanti munus quanuis negligendum non sit, tamè olim inferiorum tantummodo clericorum fuit, nec inter præcipua, ac magis Ecclesiæ necessaria habitum est. Quod & supra admonuimus lib. 1. Præter eas possessiones qui præstant in templo, aut sacris cantionibus intersunt, quanuis plerunque in collegium canonicorum cooptati non sint, hi in singulos dies, atque adeò horas stipendium recipere solent, ac veluti quasdam sportulas, quibus à manu vulgò nomen inditum est, quoddam tantum præstanti in manu tradantur. Sunt qui distributiones quotidianas appellent non ineptè. Ego à Latinis Diaria propriè vocari scio. Qua voce Iustinianum nostrum,

g. c. olim, de
ver. sig.

nostrum, quanvis Græcè scribētem^b, vsum fuisse comperimus. Verba eius hæc sunt de diacōnissa loquentis, quæ cum suspecto aliquo viro habita: *εἰ δὲ τοῦτο ὑπερβῆται πρᾶξι, τῆς ἐκκλησιαστικῆς ὑπηρεσίας καὶ τῶν ἰδίων διαρίων ἀλλοτρίουμένη, ὡς μοναστηρίῳ παραδιδόσθω, &c.* Videtur autem hoc erogationis genus ideo excogitatum esse, vt cū a beneficiariis vulgò contemneretur psallendi aut sacris assistendi munus, quasi proprium ipsorum non esset, spe huius dianomes & mercedis illecti, id munus amplecteretur. Nam iis tantūm qui sacris interfunt hæ sportulæ distribuuntur: non aliis, nisi forrè eos excuset valetudo, &c.ⁱ Et hoc quidem adedò verum est, vt de eo qui ob Theologiae studium abest, constitutum sit, huiusmodi sportulas cum non consequi, quanvis cæteros fructus lucretur^l. Fautor enim studij hoc tantūm efficit, vt absens pro præsente habeatur: constatque ad consequenda hæc diaria præsentiam non sufficere, nisi sacris cantionibus precationibûsque quis assistat. Nam & aliàs quæ de fructibus & obuentionibus beneficij constituuntur, veluti de soluenda beneficiorum decima, de hac dianome intelligi non solent. Quanvis enim fructus aut redditus non malè dici possit^m, munus tamen illud psallendi, adempto præmio facilè defereretur à canonicis, cæterisque Ecclesiæ beneficiariis, quibus ea minutatim distribuuntur, vt spe quæstus id faciant, ad quod efficiendum ideo cogi posse non videntur: quia secūdum ve-

b. Nouel. 123.

i. c. de cætero, de cler. nō res. tit. de cler. non res. in 6.

l. c. licet. de præben. c. super specula, de magist.

m. extra Bo. nifa. tit. de dec.

*¶ d. extra. de
deci.*

terem institutionem fortassis alia fuit eorum in Ecclesia functio. Cuius tamen rei non magnam habuit rationem Bonifacius octauus, vt ex eius constitutione apparet^r. Vnde fit, vt quod in compensationem ministerij illius antiquioris ac præcipui datur canonico, tamen si forte in singulas hebdomadas, menses, aut dies distribui soleat, tamen appellatione Diariorum minimè hîc cõtineatur. Nam interdum canonici nullam certam possessionem pro ministerio suo assignatam habent, sed à diuifore aliquo frumentum aut vinum statò tempore ipsis distribuitur. Sed & panes quoque dantur eisdem illis non omnino dissimiles, qui à iuris ciuilibus authoribus panes ciuiles dicuntur. Eaque cibaria licet cantionibus sacris non assistentes, capiunt^r. Iis autem qui munus suum omnino negligunt, & sine iusta causa absunt, nulli omnino fructus debentur^r, nisi cõtaria sit consuetudo^r.

*¶ extra. postu-
lasti, & ex-
tra cum non-
nulla, de præ-
b. glos. prag.
tit. de ann. §.
voluit, in ver-
bo fruct. b. &
tit. quo temp.
quisq. deb. §.
iubet, i. verb.
distributiões,
Oldra, con.*

18.

*p. c. cum dile-
ctus, de cler.
non resid.
q. c. cū omnes
de cōstitutio.*

*De reditibus & obuentionibus quibusdam
episcoporum. Cap. 5.*

*a glos. c. dile-
ctus, de off.
ord.
b. d. c. dilect^o.*

Iura episcopalia quidam ita describunt, vt partim ad legem iurisdictionis, partim ad legem diœcesanam pertinere ea dicat^r. Quam distinctionem Panor. vt ineptam, & nulla ratione authoritatēue nixam improbat^r. Nobis autem propositum non est, quicquid ad episcopi munus spectat hîc exequi, quod ceteri fufè expli-
cant,

cant, sub tit. de offic. ord. & à nobis non indiligenter tractatum est lib. 1. De redditu & proven-
tu illo tantum hinc differimus, qui ex episcopio
percipitur, præter ingentes possessiones & lati-
fundia, quæ vulgò bona temporalia vocat. Post-
quàm enim redditus Ecclesiæ, qui antiquitus erant
communes, & ab episcopo distribuebantur, di-
uisi sunt, & singulis ministeriis attribui, quæ ad-
modum à nobis dictum est lib. 2. episcopis singu-
lis vectigal quoddam ab inferioribus ecclesiis pen-
di cœptum est. Huiusmodi imprimis illud est,
quod in synodo à singulis curionibus, & infe-
riorum ecclesiarum gubernatoribus exigunt. Nam
duos solidos singuli episcopo dare iubentur ^{d. c. 1. c. illud,}
Cuius muneris vacationem habent monasteria, ^{10. q. 3. con-}
ut concilio Toletano constitutum est ^{querente, de}
que hoc ius vulgò cathedraticum, quod cathedra-
dræ, id est honori episcopali debeatur. Cathedra ^{off. ord.}
enim in iure pontificio pro honore ac munere ^{c. c. inter. 10.}
episcopali sæpe accipitur: propterea quod olim ^{q. 3.}
episcopi, quorum munus proprium ac præci-
puum est docere, sedentes in solio & cathedra ^{f. c. non autem}
docebant ^{c. placuit. c. si}
^{quis episco-}
batur, collocari in eo solio atque throno solebat, ^{fus. 7. q. 1.}
veluti possessionis cuiusdam apprehendendæ gra-
tia. Hinc enthroniasticum à Iustiniano dictum ^{g. c. inter cæ-}
est ^{te de off. ord.}
est ^{h. Euseb. lib.}
suum auspicantes Ecclesiæ largiebantur. Hinc ^{7. eccl. c. 15.}
etiam dictæ sunt cathedrales Ecclesiæ, ut à cate-
ris inferioribus discernantur ^{c. 26. Triper.}
^{lib. 5. c. 29.}
^{i. Nonel. 123.}
^{l. c. venerabi-}
^{li, de verb. sig.}

II. Cùm episcopus aut archiepiscopus provinciæ vel diœceseos suæ ecclesias & monasteria solenni more inspicit, earum ecclesiarum vel monasteriorum præfecti hospitio eum recipere, victumque ei præbere coguntur^m. Et hæc est illa hospitalitas, quam nostræ religionis antesignani tantopere nobis commendaruntⁿ. Cuius forma & ratio quibusdam canonibus atque constitutionibus præscripta est^o. Hoc autem munus ideo procuratio vocatur, quia Ecclesiæ episcopum procurant, id est curant, alunt ac tuentur: sicut pueri dicuntur procurari à nutricibus, & equus à domino apud Plautum, & alios authores Latinos, qui propriè ac emendatè locuti sunt.

III. Quadrans illius decimæ, de qua paulò antè diximus, debetur episcopo, & eorum prætereà quæ à mortuis testamento relictæ sunt ecclesiis inferioribus^p.

IV. Indicitur ab episcopis nonnunquam extraordinaria collatio, si necessitas urgeat: ut puta si ære alieno grauata sit Ecclesia, si ad synodum generalem proficiscendum sit, &c^q. Aliàs omnis indictio prohibetur^r. Sed hæc collatio, de qua loquimur, non videtur olim pro potestate & imperio indici consueuisse, ut nunc assolet: precibus enim ac suasionibus eam impetrabant episcopi, non tanquam dominantes, &c. ut Petrus ait. Proinde hoc munus à τὸ τῆς χάριτος nomen habet, quasi charisterium quoddam sponte oblatum potius, quàm vectigal vi extortum

*m c. conque-
rent'e, de off.
ord. tot. tit. de
censib. c. cum
ex officio, de
prescrip.
n. 42. dist. c. 1.
o. c. placuit.
10. q. 1. c. 1
et sequen. de
censib. in 6.*

*p. d. c. conque-
rent'e, c. de
quarta. de
prescrip. c.
officiu. c. re-
quisisti, de te-
sta.
q. d. c. conque-
rent'e, c. cum
apostolus, de
censib.
r. c. quia co-
gnouimus. 10
q. 3. d. c. cum
apostolus.*

tum ac expressum sit.

De his quæ sacramentorum, & aliarum huiusmodi rerum nomine contra veteres canones exiguntur. Cap. 6.

Vetant canones non solum antiqui, sed & recentiores quoque, ne pro ministrandis sacramentis pretium exigatur^a. Sanctissima etenim res (vt de iurisprudentia Vlpia scribit) pretio nummario æstimanda dehonestandaque non est^b. Ac valde improbatur eorum mos qui pro consecratione basilicarum, aut pro monastica professione pecuniam ab inuitis extorquent^c. Nec eos minus detestantur canones, qui pro sepeliendis in templo vel cæmeterio cadaueribus, aut exequiis pecuniam efflagitant^d. Earum tamẽ rerum nomine à sponte liberalitèrque offerentibus pecuniam, aut rem aliam accipi canones non prohibet^e. Quædam enim honestè accipiuntur, vel authore Vlpiano quæ inhonestè petuntur^f. Quauis autem pro huiusmodi rebus nihil exigere liceat, sed absque pretio atque ad eò cautione vlla præstari debeant, tamen vulgò receptum est, si quid eo nomine vltro offerri consueuerit, vt talis consuetudo veluti pia & honesta obseruetur, ad eamque obseruandam auctoritate superioris antistitis etiam inuiti adigantur: sed suscepto iam sacramento, aut sepulto cadauere, & c. ne alioquin eas res quisquam mercari

a. c. cum in Ecclesiæ, de simo.

b. l. 1. de extra. cog.

c. c. placuit.

c. quam pio.

1. q. 2.

d. c. quæstia.

& seq. 13. q.

2. c. abolendæ

de sepult.

e. d. c. quæstia.

f. d. l. 1. de

extra. cog. c.

non sanè. 14.

q. 5.

videatur. Proinde sacrifici nostri temporis, qui certam Ecclesiam nullam regunt, postquam sacrum peregerint, si consueta merces ipsis non praebeatur, episcopum adire solent, postulantes non quidem aperte, ut sibi pretium numeretur, sed ut laudabilis consuetudo obseruetur, &c. Quo casu episcopus in laicos etiam homines iurisdictionem exercet. Hoc autem genus episcopatus de pecunia, quod a veteribus canonibus, & in iuribus institutis valde alienum est, ex Donationis II. confusione manavit. Quia tunc longe aliud videtur sensus esse, ut per quatuordecim annos de fructibus amoveretur. Sed id in iure bene moribusque nobis consilium non est.

g.c. ad apostolicam, de simo.

An mortuo beneficiario haeres legitimus
ei succedat. Cap. 7.

Certi iuris est beneficia ecclesiastica cognitionis aut propinquitatis iure cuiquam non deferri^b. Nam siue usum habere eos dixerimus, siue usum fructum, dubium non est, quin illud ius morte ipsorum extinguaturⁱ. De fructibus ante mortem perceptis quaestio tractata est, & constat ex iis quae lib. 2. disseruimus, ad haeredes legitimos non transire, cum usufruario magis quam usufructuario beneficiarius comparandus sit. Itaque is qui in demortui locum suffectus fuerit, quasi dispensator administratorque eos capietⁱ. Sed moribus comparatum est, ut beneficiarij per-

h.c. apostolica
8. q. 1. c. 10.
de praeben. c.
ad haec de dec.
i §. finitur.
Instit. de usu-
fruct.

l.c. ad haec. c.
relatū de te-
sta. c. ult. de
off. ord. in 6.

perceptos iam fructus, tanquam usufructuarij, ad hæredes suos transferant^m.

An beneficiarius successorem eligere, & fructus beneficij testamento legare possit. Cap. 8.

Antiocheno concilio^a statutum est, ut episcopo successorem sibi cōstituere non liceat^b. Quo tamen concilio non prohibetur aliquem nominare, quem sibi successorem optet^c. Id enim à plerisque sanctissimis viris factum est, cuiusmodi sunt Petrus, Athanasius, Augustinus, de quibus postea dicemus, lib. 8. Sed talem nominationem synodus vult irritam esse, nisi episcoporum & clericorum suffragiū postea accesserit^d. Ac huius prohibitionis rationem docet Hieronymus in epistolam Pauli ad Titum, cuius verba Gratianus in Rhapsodia sua refert^e. Quod ad fructus attinet, animaduertendum est, iure pontificio non permitti beneficiariis eos testamento cuiquam legare, ac ne res quidem alias ex facultatibus Ecclesiæ, aut contemplatione eiusdem acquisitas^f. Quod est accipiendum, nisi fortè in pauperes eleemosynam cōferre velint: qua tamen in re modus seruari debet^g. Quanuis enim administrator rerum ecclesiasticarum possit arbitrio suo pauperibus largiri, quæ verè pauperum sunt, ut diximus libro secundo, tamen fraudis vitandæ causa, libera legandi facultas non est ei cōcessa^h. Quæ verò ad bene-

*m. §. is vera
Instit. de ver.
diuis. l. si fur.
l. defunctus, de
usufru. l. qui
scit, de usu.*

*glos. prag. tit.
de annat. §.
item quod. in
verb. acquisi-
tos.*

a. c. 23.

b. c. episcopo.

8. q. 3.

c. c. apostoli-

ca, 8. q. 1.

d. c. plerisque

8. q. 1.

e. c. Moses

8. q. 1.

f. c. fixum 12.

q. 5. c. cum in

officiis. c. ad

hæc, de testa.

g. d. c. adhæc.

h. arg. l. vi-

uus si quid in

fraud. patro.

i. e. quia nos. c. relatum, de testa. l. glos. prag. tit. de annat. verb. acquisitos.

ficiarium perueniunt ex amicorum liberalitate, puta, aut artificio aliquo, &c. nec propter Ecclesiam acquiruntur, de his testari potestⁱ. Verum hæc moribus nostris ferè antiquata sunt, permittiturque beneficiariis de fructibus beneficij alijsque huiusmodi rebus arbitrato suo testari^l.

Quibus ex causis rerum ecclesiasticarum alienatio permittatur: Quæ forma in huiusmodi alienatione debeat observari, & declaratus canon Agathensis concilij ad eandem rem pertinēs, qui vulgò malè intellectus magnam iudiciorum varietatē peperit. Cap. 9.

a. auth. de non alie. & auth. de alie. & emp. c. nulli, de reb. eccl. non alie. b. auth. de non alie. & auth. de alie. & emph. c. Bal. i d. auth. hoc ius.

Rerum ecclesiasticarum alienatio canonibus prohibita est, nec earū modò quæ sacra habentur, & hominum commercio exemptæ, cuiusmodi sunt ædes ipsæ, ius decimæ, vasa consecrata, &c. sed prædiorum etiam ac possessionū, quæ bona temporalia vulgò appellantur^a. Non enim beneficiarius harum rerum dominus est, & ius vtendi solummodo habet: eaque prohibitio alienationis ad monasteria xenodochia, nosocomia, & alia huiusmodi pia loca pertinet^b. Sodalitia tamen & φρατρίαι, quas vulgò confraternitates appellamus, hîc non comprehendere ceterè Baldus cœsuit, quod profanæ societates sint^c. Nam & regiis constitutionibus ea Comi Bacchique conuenticula vt pernictosa Reipub. omnino

nino interdicta sunt. Alienationis autem appellatione continetur venditio, donatio, permutatio, emphyteusis, hypotheca, & cætera id genus negotia, quibus aut dominium, aut aliquod ius proximum & affine dominio transfertur ^d. Sed etsi quis ad longum tempus locauerit, id est, vt vulgò interpretamur, decem annorum, alienare is dicitur, quia hoc genere locationis quasi dominium quoddam transfertur in cōductorem, adeò vt ei in rem actio competat ^e. Quibusdam tamen ex causis rerum ecclesiasticarum alienatio permittitur ^f 1. si res alienum vrgeat, nec possit ex fructibus satisfieri ^g. Nam & eandem ob causam prædia minorum, qui sub tutela vel cura sunt, distrahere licet ^h.

I I. Permittitur alienatio rei minus utilis, vt rem aliam vtiliorem ac fructuosiorē acquirat Ecclesia ⁱ.

I I I. Si pecunia ad alēdos pauperes in magna aliqua fortassis caritate annonæ, aut ad redimendos captiuos opus sit, nec ea aliunde suppetat ^j. Hic enim est præcipuus rerum ecclesiasticarum vsus, vt admonuimus lib. 2. Ac vt summatim dicamus, quotiescūq; vel necessitas aliqua, vel manifesta vtilitas Ecclesiæ exigit, receptum est harum rerum alienationē permitti ^m. Et hæc in rebus Ecclesiæ profanis maximè locum habent. Sed & sacra quoque vasa, & alia res huiusmodi nonnunquam alienantur ⁿ. Item decima quæ inter res sacras ac spirituales vulgò

d. l. i. C. de
fud. dot. l. vlt.
C. de reb. a-
lie. §. aliena-
tionis, in au-
th. de non a-
lienand. d. c.
nulli.

e. Cle. 1. de
reb. eccle. non
alie. vbi not.
l. i. de super-
fic.

f. glos. sum. 12.
q. 2. Panorm.
d. c. nulli.

g. auth. hoc
ius;

h. l. i. de reb.
eo. qui sub tu-
te,

i. d. auth. hoc
ius, c. vt super
de reb. eccles.
non alie.

j. l. c. aurum. c.
sacrorum. 12.
q. 2.

m. c. sine ex-
ceptione, 12.
q. 2. c. dudum,
de reb. eccl. nō
alien. in 6.

n. l. sancimus,
e. auth. seq.
C. de sacro.
eccles.

ficarum ita demum valere, si duo concurrant. Vnum est, vt ob iustam legitimamque causam fiat: alterum, vt ordo præscriptus iure pontificio accuratè obseruetur. Quòd si aliter fuerit alienata res, ea cum fructibus vindicari ac repeti poterit ^{b.} Sed longi temporis præscriptione rectè se tuebitur possessor, si bonam fidem habeat ^{c.} Quod tempus à morte tantùm beneficiarij qui alienauit currere incipit, vt concilio Toletano cautum est ^{d.} Excipiuntur sanè aliquot casus, in quibus ille solennis ordo non requiritur.

Primus est, cum res ecclesiastica titulo clientelæ, vel emphyteuscos concedi solita est. Potest enim more consueto ab antistite dari, quanuis formam canonibus præscriptam minimè obseruet ^{e.}

I I. Excipiuntur res mobiles quæ seruando seruari non possunt. Nam earum rerum minimè prohibetur alienatio ^{f.}

I I I. Sunt qui putant factam omissa forma alienationem efficacem esse, si ea nō noceat Ecclesiæ ^{g.} Idque colligi videtur ex concilio Agathensi, cuius hæc verba sunt, Terrulas aut vineolas exiguas & Ecclesiæ minus vtilis, aut longè positas paruas, episcopus sine consilio fratrum, si necessitas fuerit, distrahendi habeat potestatem ^{h.} Verùm ille canon meo iudicio formam illam cuius suprà meminimus nō remittit. Nam quod ibi dicitur, sine consilio fratrum, de aliis episcopis accipi debet, quorum consensus eo tem-

b. c. non liceat

12. q. 2.

c. Panor. in c.

de quarta. c.

non liceat, de

præscr. Guid.

pa. q. 130.

d. c. si sacerdo

tes. 16. q. 3.

c. c. 2. de feud.

c. vt super, de

reb. eccle. non

alie. Bar. i. au

th. qui rem.

C. de sacro. ec

cle. Guid. pa.

q. 134.

f. c. fugitiui.

12. q. 2. l. lex

quæ. C. de ad-

mi.

g. Innocēt. in

c. 1. de in in-

teg. test. Fab.

insti. de eo cui

lib. cau. bon.

h. c. terrulas.

12. q. 2.

pore necessarius erat, vt ex canone septimo eiusdem concilij, & ex concilio Carthaginensi Toletanóque cōstat ^b. Itaque cū necessitas ita vrget, vt episcoporum conuentus commodè non possit expectari, permittit synodus Agathensis sine ipsorum consilio non quaslibet terras ac possessiones distrahere, sed exiguas tantū, & quæ non magnum Ecclesiæ fructum afferūt. Quare in re clericorum siue canonicorum qui præsentibus sunt, tractatus atque consiliū minimè negligendum esse videtur: & qui nobis aduersantur nulla satis firma ratione suam comprobant opinionem. Quod enim dicitur negotium cum pupillo contractum sine tutoris autoritate valere, si id expediat pupillo, sic accipiendum est, cū pupillus aliquid sibi stipulatur: id enim ipsi damnosum esse non potest ⁱ. Et quod Iustinian. ait, pupillum posse cōditionem suam meliorem facere ^l, hunc habet sensum, pupillum vtiliter id negotium cōtrahere, ex quo nullum ei damnum contingere potest, quòdque seruari desiderat, cuiusmodi est stipulatio qua sibi acquirit. Itaque hæreditatem inutiliter adit, quāuis lucrosa sit ^m: quia hæreditatis aditio non semper vtilis est. Similiter alienatio prædiorum pupillarium, quæ inutilis plerunque ac perniciofa est pupillis, absque decreto prætoris & causæ cognitione omnino prohibetur. Nam tametsi in rem minoris aliquando prædia alienentur sine decreto, tamen id perquam necessarium est, ne aliàs exemplum pupillis

*h. §. quod si
necessitas, 10.
q. 2. c. quicum
que. 12. q. 2. c.
nullus, 17. q.
4.*

*i. l. neque. C.
de contr. stip.
l. §. 1. Instit.
de autho. tut.*

*m. l. obligari,
de auth. tut.
§. neque. In-
stit. eo. tit.*

pupillis noceat, cuius hîc maximè habetur ratio. Idem enim hîc veremur, quod Augustus quondam militari disciplina: cuius verba apud Marcum hæc sunt, tit. de re milit. Et si scio fabrilibus „ operis exerceri milites non esse alienum, vereor „ tamen si quicquâ permisero, quod in vsum meû „ aut tuum fiat, ne modus in ea re nō adhibeatur, „ qui mihi sit tolerandus *. Sic enim multa iure n. l. officium, tum civili, tum pontificio passim constituta re- de re milit.periuntur, quæ in speciem iniqua sunt, si quis ad privati cuiusque vtilitatem respiciat, sed in vniuersum ea prosunt & publicè vtilia esse creduntur. Habet aliquid ex iniquo omne magnū exemplum (vt Cassius apud Tacitū ait) quod contra singulos vtilitate publica repēditur. Illud sanè inficiari nolo, si Ecclesia nō cōqueratur, quia se læsam fortassis nō existimat, valere contractū, in quo solennia defuerunt: idq; minorum exemplo *. Verūm aduersarius prætextu omissæ solennitatis, ab eo contractu recedere inuita Ecclesia non poterit, aut eam nolentem ad contractū obferuandum cogere *. Atque ita etiam accipi potest, quod supra diximus, minorem posse conditionem suam meliorem facere *. Quod autem obiiciunt nonnulli ex Vlpiani ad D. Marci orationem interpretatione, quanquam subdificile à plerisque existimatur, tamen facilè, nisi fallor, dilui potest, si quis verba & mentem authoris, id est, D. Marci, expendat, & quid inter eius orationem de alimentis, & orationem D. Seue-

o. l. non eo mi-
nus. C. de pro-
curato.

p. l. quod fa-
nore. C. de le-
gib.

q. §. 1. Instit.
de autho. tut.

ri de rebus pupillaribus interfit, paulò diligentius consideret. Non enim D. Marcus transactionem de alimentis sine decreto factam simpliciter irritam esse vult, sed si ita transactum fuerit, ut repræsentatam pecuniâ alimentarius consumat: unde Ulpianus verba orationis interpretans ita disserit, Si transactio sic fuerit facta, ut
 » semel numeretur ac repræsentetur quod testator particulatim alimentorum nomine præstari
 » voluit, decreto prætoris tunc opus est, quod causa tantum cognita interponitur. Sin autem aliter transactum fuerit, ut puta, ut id quod in singulos annos erat alicui relictum, consequeretur
 » per singulos menses, &c. Huiusmodi transactionem D. Marcus non improbat, quasi decretum in ea sit necessarium. Alia causa est alienationis prædiorum pupillariû à D. Seuero prohibita: quia simpliciter prohibita est quocunque modo fiat, sicut & rerum ecclesiasticarum alienatio, de qua hîc disserimus. Et hæc nostra sententia est de quæstione vulgò agitata, quæ adeò controuersa est in foro, ut iudicia curiæ cærenariæ contraria extent, nec inter classes seu decurias iudicum adhuc conuenire potuerit. Qui contrà sentiunt, æquitatem fortassis aliquam nobis opponent, & simul ecclesiasticorum hominum avaritiam, quorum opes minui magis quàm augeri publicè expediat, ut libro secundo admonuimus. An huiusmodi rationes iudicem mouere debeant, viderint alij. Ego certè meam sententiam

7. l. i. de reb.
co.

tiam ita scripto iure tueor, ut cum iis qui euidēti
 æquitate vel vtilitate nitentur, pertinacius con-
 tendere nolim. Cū igitur hæc ita se habeant,
 quæri potest, si in tabulis nulla solēnitatis in alie-
 nando seruata mentio fiat, an ob diuturnitatem
 temporis interuenisse præsumatur? Et varix iu-
 ris doctorum opiniones reperiūtur, quas ex co-
 rum commentariis ediscere licet *s.*

*s. not. in l. sciē
 dum de verb.*

*De iudiciis & actionibus, quæ pro beneficiis
comparata sunt. Cap. II.*

Iudicia beneficiorum ecclesiasticorum nomine varia, iure prodita sunt. Sed de his tantum hîc loquimur, quæ competunt cum de vniuerso beneficio ac titulo cōtrouersia est. Ac imprimis beneficiario datur rei vindicatio aduersus eum qui beneficium ipsum possidet, seu detinet^a. Nam etsi beneficium res sacra spiritalisque sit, cuius dominum se dicere non potest beneficiarius^b: tamen quasi dominus quidam habetur, & expressa causa nō aliter ac filium suum pater vindicat^c. Et hoc petitorium iudicium, in quo de iure quod quisque litigatorum habet, præcipuè quæritur, in foro ecclesiastico institui debet: ab eaque cognitione ideo abstinent magistratus, quia ordinatio ministrorum Ecclesiæ, vt res sacra ac spiritalis iudicium Ecclesiæ, non profanorum iudicum requirit. Et constat priscis illis scelerioribusque temporibus has controuersias in synodis episcoporum ac presbyterorum magna cum grauitate ac simplicitate dirimi solitas fuisse. Præter iudicium petitorium, & rei vindicationē interdictis quoque possessoriiis beneficiorum nomine vtimur: in quibus de possessione tantum contenditur, siue adipiscenda, siue retinenda, siue recuperanda. Sed moribus nostris retinendæ possessionis interdicta magis frequentantur. Nec dubitat quisquā hodie rerum

*a. l. sancimus.
C. de sacros.
eccle. c. cū venerabilis, de
exceptio.
b. l. in rem de
rei vind.
c. l. i. de rei
vind. Specul.
tit. de appel.
§. nouissime.*

forensium peritus, quin hæc cognitio magistratuum sit, non Ecclesiæ, præterquam si de adipiscenda possessione agatur. Quod & Guido testatur in prima quæstione. Sed rationem huius constitutionis forësis nusquam satis explicatam offendimus, & plerisque possessionis causa non minus, quàm proprietatis sacra spiritalisque videtur. Nam pontificis Martini diploma, cuius est apud Guidonem mentio, nullum ius nouum regi aut magistratibus eiusdem tribuit: sed permittit eis, vt si quem ea de re à maioribus morem acceperint, eundem sartum, quod dicitur, & rectum conseruent. Verùm ex iis quæ lib. 1. disputata sunt de ecclesiastica ciuilique potestate, satis perspicuum est quietis publicæ curam ad principes magistratúsque pertinere. Itaque quanuis eas causas iudicet Ecclesia, in quibus de ministerio ipso & ordinatione agitur, & secundum canones ecclesiasticos iudicari debeant, tamen si quis vim inferat alteri, & ius sibi dicat, nec vsitatis ac legitimis iudiciis experiatur, principis est ac magistratus eam vim cohibere interim dum apud iudicem competentem de iure suo docuerit. Vnde mirum videri non debet, quòd Guido scripsit de interdicto adipiscendæ possessionis magistratus non cognoscere, cum ob vim illatam minimè competat. Cognoscit igitur magistratus de retinenda aut recuperanda possessione. Ac postquam de vi & possessione pronunciauit, postea litigatoribus,

toribus Ecclesiæ iudicium subire, ac petitorium iudicium intendere licet. Nec antè id fieri potest, quàm iudicium de possessione finitum, & sententia omni modo executioni mandata fuerit, vt & iudiciaria lege Francisci regis cautum est ^{d.}. Tametsi autem verè dictum sit à nobis de ^{d. cap. 49.}

iure, quod litigatores se habere contendunt, in ministerio ac beneficio magistratum non pronuntiare, sed de possessione tantùm ac vi illata: tamen in huiusmodi iudiciis possessoriis ea demum possessio, quæ iusta esse docetur, ad victoriam prodest. Idquæ ideo receptum est, ne aliqui cōtra canones absque institutione possideatur beneficium, & homines inexplorati ad munera ecclesiastica cum graui Ecclesiæ incōmodo ac decore prosiliant ^{e.}. Quamobrem lex Regia præcipit litigatoribus, vt iam inde ab initio litis institutæ, tabulas inuicem sibi cōmunicent, quibus de iure suo ac titulo docere se posse confidunt. Sed animaduertendum est plenam tituli iurisquæ probationem hîc nō requiri, sicut in petitorio iudicio, sed qualemqualem sufficere, vt colorem aliquem possessio habeat. Idquæ in ple-
tisquæ interdictis locum habet, quæ causam proprietatis continere dicuntur ^{f.}.

e. c. 1. de reg. iur. in 6. not. in c. in literis, de restit. spol.

f. glaf. cle. de cau. pos. d. c. in literis.

De his qui liberè & quietè beneficium triennio possederunt. Cap. 12.

Quod diximus in superiori capite sola pos-

sessione ius non acquiri in beneficio, nisi ad sit
titulus ac institutio, id perpetuum non est. Si
quis enim beneficium triennio possederit, ne de
proprietate quidem ac titulo vlla potest ei am-
plius controuersia moueri. Idque synodus Basi-
liensis primum cōstituit, litium finiendarū cau-
sa, & ne beneficiariorum ius perpetuo incertum

*g. arg. l. 1. de
vsucap.*

esset §. Cuius synodi decretū æmulati sunt Ro-
mani pontifices in canonibus illis suis, qui regu-
læ cancellariæ appellantur. Hinc etiam manauit
Leonina constitutio, quæ in Gallia nostra con-

*h. tit. de pa-
cis. poss. in cō-
cord.*

uentorum appellationē habet ^b. Ea autem con-
stitutio quatuor requirit, quæ si non concurrant,
huic triennij præscriptioni locus nō est. Primum
est triennij possessio eaque continua, non inter-
rupta, vt constitutionis verba satis indicant. In-
de quæritur, si quis triennio integro non posse-
derit, sed anno fortè vel biennio, an coniungi
possit tempus, quo possedit is in cuius locū suc-
cessit. Et certissimum est, successorem authoris

*i. l. Pompo-
nius, de ac-
quir. pos. l. id
tempus, de v-
sucap.*

accessione vti posse ⁱ. Verùm in his ministeriis
beneficiisque ecclesiasticis verè nulla successio
est, cū is cui mortuo vel eiurante altero bene-
ficio confertur, nullum ab eo ius accipiat, sed
ab antistite potius qui cōferendi potestatem ha-
bet, vt lib. octauo doccebimus ⁱ.

*l. glos. prag.
tit. de pacifi.
posses.*

I I. Quāuis de titulo ac iure possessoris scrupulosa & exacta inquisitio non fiat, tamen speciem aliquam & colorem tituli legitimæque ordinationis eum habere oportet. Nam si prædo
ali-

aliquis per vim beneficium occuparit, nec probabilem causam suæ possessionis ullam possit afferre, præscriptione triennij se tueri non poterit ^{m.}.

*m. d. tit. de
pacif. poss.*

I I I. Quæta possessio hîc requiritur, quam pacificam vocant: nec sufficit possedisse, sed sine controuersia ac interpellatione possedisse necesse est.

I I I I. Videndum est ne aduersarius qui se ius in beneficio habere contendit, bellica vi, aut aliàs impeditus fuerit, quo minus beneficij sui possessioni incumberet. Quo casu si restatione legitima fuerit vsus, triennij præscriptio ei non oberit.

V. Præter exceptiones constitutione expressas, quædam aliæ addi solent non indignæ quæ hîc breuiter referantur, vt puta, si beneficium de quo est controuersia, perpetuum non sit, sed precarium ac temporariû, cuiusmodi sunt ple-ræque monachorum præfecturæ, quas alibi admonuimus propriè beneficia nō appellari. Nam si antistes superior precariam illam administrationem reuocare & adimere velit, à monastica sanè disciplina alienum est, vt is præscriptione temporis summoueatur ^{n.}.

*n. Rot. dec. 1.
in antiq.*

V I. Hæc triennij præscriptio ei non nocere creditur, qui Regaliorum iure beneficium petit ab eo, qui alio iure ninitur. Receptum est enim in Gallia, vt XXX. annorum præscriptio tantum ipsi obiiciatur ^{o.}.

*o. glos. prag.
tit. de pacif. in
verbo, colora-
tum.*

p. c. si benefi-
cia, de præb.
in 6.

V I I. Si euictum fuerit beneficium, quod quis ex causa permutationis acceperat, nec ratio, nec æquitas patitur, vt suum reposcenti exceptio triennij obstet *P.* His exceptionibus aliæ fortassis accedere possunt, de quibus difficile nō erit opinor iudicium, si quæ hîc à nobis summam tradita sunt rectè percepta fuerint. Verùm cessante omni exceptione triennij, possessio vim tituli ac legitimæ institutionis habere intelligitur. Ac eo nomine impetrari solet à rege diploma, quo præcipitur magistratui vt possessorem tueatur. Estque eius cognitionis tanta vis, vt iudicium ecclesiasticum & petitorium, cui aliàs possessorium non præiudicat, omnino perimere dicatur. Proinde possessori non solum acquiritur præscriptio siue exceptio, sed actio etiam, qua aduersus quenuis possessorem experiatur. Nam alioqui aduersus Leoninam constitutionem facile posset ei molestia exhiberi. Aded autem verum est hunc possessorem post lapsum triennij tutum esse, vt ne superiorem quidem antistitem reformidet: cuius est inquirere in eos qui sine titulo beneficia possident *q.* Hic enim titulo penitus non caret, vt ex iam dictis constat.

q. tit. de pa-
cif. poss. in cō-
cord.

De subrogationibus iudicialiis.

Cap. 13.

Vsitatum est in foro nostro subrogationis iudi-

iudiciariæ genus, quod constitutione quadam Bonifaciana olim prohibitum fuit ^{a.}. Nam si ex ^{a. c. 2. vt lit. pend. in 6.} duobus litigatoribus, exempli gratia, vnus decesserit, vel beneficium eiurauerit, vetuit Bonifacius, ne beneficium tertio conferatur, donec lis finita fuerit: idque multiplicationis litium vitandæ causæ factum dicitur, ne scilicet noui subinde litigatores, qui lites protelent exoriantur. Sed inualuit hæc consuetudo in Gallia, vt non expectato litis euentu, cuius tertio, etiam si ex numero litigatorum non sit, conferatur beneficium: post quam collationem in locum demortui, vel eiurantis cum quo lis cœpta fuerat, subrogatur hic recens beneficiarius iudicis de ea re cognoscentis autoritare. Ac si fortè coram magistratu regio lis de possessione mota sit, vt hæc subrogatio fiat, diploma à principe impetrari consuevit. Et animaduertendum est, hanc subrogationem intra annum petendam esse, cum interdicta ipsa, quibus de possessione contenditur, annalia sint ^{b.}, Quamobrem lapso anno in ^{b. l. 1. de interd.} terdicere volens, amplius non auditur, quanuis ad petitorium iudicium via ei præclusa non sit. Quod est accipiendum, si aduersarius qui præscriptionem annalem opponit, interim possessor fuerit. Nam possidente nouo litigatore, vel eo qui beneficium eiurauit, tempus currere non dicitur. Et notandum est, tametsi beneficium simpliciter collatum sit, tamen ius tantummodo in

petrantem translatum videri , quod mortuus habebat , vel is qui beneficium eiuravit . Itaque ius nō modò suum , sed etiam demortui vel eiurantis demonstrare probaréque cogitur , id est , legitimam ordinationem siue titulum , ætatem , natales eiusdem , & cætera de quibus integro libro disseruimus suprà . Quod in eo locum non habet qui beneficium minimè litigiosum , eo , qui beneficiarius vulgò credebatur , mortuo , vel eiurante adeptus est .

*c. Panorm. c.
cum venera-
bilu. de ex-
cept.*

LIBER



LIBER OCTAVVS,
QVIBVS MODIS BENE-
FICIA AMITTANTVR,
ET VACENT.

ARGVMENTVM.

Supereſt locus noſtræ diſputationis poſtremus de amittendis beneficiis. Nos enim antè de acquirèdis retinendiſque beneficiis quàm de eiſdem amittèdis, ſcribere volumus, diuidendi rationem ab Vlpiano traditam, & à veteribus Iureconſultis obſervatam ſecuti: cuius initio libri ſuperioris meminimus. Sunt autem amittèdorum beneficiorum modi præcipui, Mors, Eiu-ratio, Deliſtum, & cæteri, qui ſigillatim in hoc libro à nobis tractati explicatiſque ſunt.

De beneficiis morte beneficiariorum
vacantibus. Cap. I.



V M beneficiarij proprietatem ac dominium rerū eccleſiaſticarum non habeant, ſed uſum aut uſum-fructum, vt antè diximus, conſe-quēs eſt, beneficia ad hæredes nō tranſire^a. Itaque dicuntur mortuis beneficiariis

^a. §. finitur.
Inſtit. de uſu-
fru.

*b. c. susceptiū,
de rescr. in 6.*

vacare vt aliis cōferre possint ⁶. Quo verbo vsus est Plinius lib. 10. Epistol. ad Traianū, in eadem, significatione, Cū sciam, inquit, domine, ad testimonium laudēque morum meorum pertinere tam boni principis iudicio exornari, rogo, dignitati, ad quam me prouexit indulgentia tua, vel auguratum, vel septemuiratum, quia vacat, adicere digneris, vt iure sacerdotij precari deos pro te publicē possim, quos nunc precor pietate priuata. Sed notandum est vt efficax sit collatio huiusmodi, duo imprimis necessaria esse. Vnum est, quod tēpore collationis, fato functus sit beneficiarius: nam si quis beneficium viui adhuc & superstitis hominis impetrauerit, ne secunda quidem collatio postea eo mortuo facta valebit. Alterum est, quod tantum effluxerit temporis à morte beneficiarij, vt pontifex de ea certior fieri verisimiliter potuerit. Qua de re duo canones pōtificij vulgares & omnibus noti leguntur. Quod autem dicitur mortuo beneficiario vacare beneficium, id perpetuum non est, sed quasdam exceptiones habet.

*c. c. ex parte,
de conc. præben.*

I. Cū in Ecclesia aliqua canonicorum ac annouarum siue præbendorum certus definitusque numerus non est. Tunc enim vno ex canonicis mortuo, nō continuō vacare dicitur beneficium, vt in eius locum alius sufficiatur ⁷.

I I. Cū beneficium aliquod episcopo, vel cœnobiarchæ adiunctū est, ita vt episcopus vel cœnobiarcha ad Ecclesiam regēdam vicarium, idque

Idque ad tempus, non in perpetuum constituat. Nam ea adiunctio facit, ut beneficium, cui proprius alioqui gubernator præficeretur, velut pars quædā episcopij aut cœnobiarchiæ esse intelligatur ^{d.}

III. Cùm beneficium autoritate pontificis ob iustam aliquam causam deletum extinguiturque est. Iusta autem causa potest esse, si ministeria, quibus ecclesiasticæ facultates attributæ sunt, Ecclesiæ necessaria non videantur, aut inopia tanta sit, ut ministeriorum numerum minui oporteat ^{d.}.

d. cler. frequēs de excess. prælato.

De beneficiorum eiuratione, quæ & resignatio appellatur. Cap. 2.

e. c. cū accessissent. de constit. c. ult. de verb. sig.

Eiuratione amittitur beneficium, ut puta, si quis iam senio fractus, onus, cui ferendo se imparem sentit, in alium reici velit, ideoque beneficio suo renuntiet. Nam tametsi huiusmodi hominibus nō soleat beneficium adimi, sed potius curator adiungi, quem vulgò coadiutorem dicimus: tamen hæc spontanea eiuratio, quæ & resignatio non malè appellatur, ob iustam causam recipitur ^{f.}. Sed antistitis superioris consensus atque autoritas accedere debet, nec licet venia non impetrata Ecclesiam sibi commissam deserere ^{g.}. Id quod Melitium aliquando fecisse, subditorū inobediētia offensum testis est Theodoritus ^{h.}. Quod est accipiendum, nisi summus

f. tit. de renūc. g. c. admonet, de renūc. l. legatus, de off. præsid. c. suggestum, & c. seq. 7. q. 1. h. lib. 2. c. 31.

i. c. 1. de re-
nunt. in 6.

l. Panor. in c.
significatum,
de præb.

m. c. ad au-
dientiam. 2.
de rescrip. l.
pe. C. de pact.

eiuretur pōtificatus Celestini exemplo . Nam & pontificem Romanum eo se abdicare posse constitutum est ⁱ . Sed & patroni quoque voluntas hīc necessaria est, si talis sit Ecclesia , quæ patronum agnoscat ^l . Quòd si quis diploma obtinuerit à pontifice pro consequendo beneficio , quia nullam adhuc Ecclesiā regit , cuius desertio dānum vllum possit afferre , is cedere ac renuntiare iuri suo absque antistitis venia potest ^m .

Quis possit eiurare.

n. c. pe. not. de
renunt.

o. l. qui à la-
tronibus. de
testa.

p. c. si annun.
de iud. in 6.

Quisquis beneficium ecclesiasticum habet, si iusta probabilique causā ducatur , id eiurare potest . Nec refert corpore sano an infirmo sit, cū vel instāte morte beneficium eiurare liceat: idque ab iis fieri solet, qui in gratiam amicorum beneficiis renuntiant ⁿ . Potest & reus criminis postulatus eiurare, nec postulatus modò, sed etiā damnatus, si à sententia aduersus se lata appella-uerit ^o . Impubes tamen si beneficio aliquo auctus sit, id eiurare posse non videtur, propter infirmitatem consilij , quanuis adultus sine curatore id possit ^p .

Quomodo beneficium eiurandum sit.

Eiurari debet apud superiorem antistitem, vt diximus, vel ab ipso beneficiario præsente, vel ab alio , quem eius rei gratia procuratorem dederit.

derit . Nec dubium est , quin alieno nomine facta eiuratio valeat , nisi mandatum re integra reuocatum fuerit . Quo casu procurator de ea reuocatione certior fieri debet , aut is apud quem eiuratur beneficium . Sed videndum est , ne quis ad beneficium eiurandum metu adigatur , alioquin , vt plerisque placet , irrita est eiuratio . Præterea purè ac simpliciter eiurandum est beneficium absque vlla conditione , pactioneue , ne in crimen simoniaci ambitus incurratur . Itaque vulgò receptum est , eiurationem ita factam non recipi , vt certæ personæ , quam nominat & exprimit eiurans beneficium conferatur , nisi apud Romanum pontificem fiat . Verùm id nec certo iure definitum est , nec magna ratione nititur , meo quidem iudicio . Huiusmodi enim conditio ad simoniacum ambitum minimè pertinet . Veteres plerique non solum doctrina , sed etiam sanctitate clari homines solebant ministerij sui successores eligere ac nominare . Nam vt illud mittam , quod de Petro apostolo & Clemente scriptum est , Athanasius Petrum quendam nominasse legitur in historia ecclesiastica . Augustinus Erradium , & alij alios complures , quos hîc omnes commemorare non est necesse . Nec satis perspicio quid inter eam nominationem intersit & eiurationem hanc , quæ hodie vtimur , conditionalem , si ad rationem & æquitatem magis quàm ad subtilitatem quædam verborum respiciamus . Quid enim refert ,

q. cle. de renunt.

r. c. super hoc de renunt.

f. c. cum pridem c. ult. de pact. glos. in c. ex parte. de off. deleg. t. not. in d. c. ex parte.

v. Theodor. lib. 4. c. 20. triper. lib. 7. c. 37. x. Grat. 8. q. 1

a. d. c. ult. de
pact.

an quis ita pontifici dicat, Ego beneficium meum cum bona tua venia eiuro, & mihi successorem dari opto Hieronymum: an verò ita, Eiuro beneficium in gratiam Hieronymi, qui si tibi dignus eo non videatur, id retinere malo, quàm ut cuiquam alij detur. Non enim omnem conditionem hinc improbant canones, sed eam demum per quam nudinatio quædam beneficiorum ecclesiasticorum induceretur. Quàquam autem rerum non adeò imperitus sim, ut non satis intelligam quid spectare soleant nostro tempore, qui talibus eiurationibus utuntur, tamen affirmare ausim cessante fraude, nec turpem, nec inutilem eiurationem esse. Finge beneficiarium eo esse in Ecclesiam suam animo & affectu, ut eam ab alio quodam regi cupiat, cuius & sanctitatem & eruditionem admiratur: nec aliis sui similibus fortassis, id est, in quibus mediocritas aliqua insit, libenter velit cedere: piaculumne est hanc voluntatem & desiderium suum pontifici enuntiare ac declarare? equidem non arbitror. Hoc tamen iure utimur, ut pontifices siue antistites conditionem eiurationi seu resignationi adiectam, velut turpem ac bonis moribus contrariam reiiciant, & beneficium quasi purè ac simpliciter eiuratum arbitrio suo alij concedant, non sine magna eiurantium captione: præterquam si ex causa permutationis eiuratio facta fuerit, ut postea dicemus.

Effectus

Effectus eiurationis.

Eiurato beneficio & alij collato omne ius in nouum beneficiarū transit, nec priore vita functo, qui in eius gratiam eiurauit, vacare beneficium dicitur. Sed hoc ita intelligendū est, si huic nouæ collationi posterior consenserit. Nam eo non acceptante, sed repudiāte, potius pristinum ius retinet is qui eiurauit: quasi non existēte conditione. Ac tametsi iuris controuerſi sit quæstio, an ei opus sit noua collatione, tamen curia centumvitalis minimè necessariam esse iudicauit. Vacat sanè beneficium aliquando morte eiurantis, quanuis alij interim collatū acceptūque fuerit: idque canonibus aliquot pontificiis constitutum est.

*c. c. si tibi ab-
senti, de præ-
ben. in 6.*

*o 23. Annua-
ry, 1549.*

Primus canon ad eos pertinet, qui cū sint infirma valetudine, beneficia sua mortis instantis cogitatione resignant: estque expressum eo canone, vt decedente eo qui resignauit intra viginti dies beneficium, licet prius alij collatum, vacare intelligatur. An autem hic canon in beneficiis tantū à Romano pontifice collatis locum habeat, quæri solet. Et Decius ex facto consultus respondit, de pontifice tantū Romano canonem accipiendum esse, non etiam de cæteris antistitibus inferioribus: à quo dissentiunt eius canonis enarratores. Sed Decij sententia, decreto Parisiensis curiæ post magnam varietatem iudiciorum tandem comprobata est anno 1550.

die 14. Augusti.

Secundus canon vult, si is qui eiuravit beneficium eiusdem possessor decesserit, vt non aliter valeat interim facta collatio, quàm si eiuratio intra certum tempus publicata & possessio petita fuerit. Quæ publicatio similis est donationum insinuationi, & eandem ob causam, nempe vt vitentur fraudes, inuenta.

De beneficiorum permutatione. Cap. 3.

Magna ratio suadet, vt beneficiariis non permittatur beneficia sua inuicem permutare, & de eisdem, vt de aliis rebus profanis, quarum domini sunt, inter se pacisci. Quò pertinent ea quæ de translatione episcoporum suprà annotauimus lib. 5. Nam & concilio Turonensi huiusmodi permutatio prohibita est^d. Estque pœna iure pontificio in permutantes statuta, vt beneficia sua amittant^e. Proinde si quibus fortè beneficiorum suorum commutatio expedire videatur, ad eundem est superior antistes, coram quo vterque beneficium suum eiuret, non simpliciter, sed vt alterum consequatur. Ac si iustam istius commutationis causam esse animaduernerit episcopus, beneficia de quibus agitur quasi vacantia eiurantibus ipsis conferre poterit, non aliis vt constitutum est^f. Nam nec iis qui expectationum muneribus à Rom. pontifice donati sunt, obnoxia esse hæc beneficia intelliguntur, quanuis ea vacare

d. c. maioribus, de præb. c. quæsitum, de re. permut. e. c. cū olim. de re. permut.

f. c. de re. permut.

care dicantur^g. Huius autem permutationis ratio est in veteribus mentio: quia ex cupiditate sacerdotum proficisci credebatur^h. nec prisca seueritas hoc commercij genus recipiebat, quod hodie vtilitatis velamento, vt pleraque alia adumbrari solet. In recentioribus pontificum constitutionibus quamplurima legunturⁱ: sed bonam partem in superiori capite attigimus, de beneficij eiuratione simplici differentes, quæ cum hac mutua ac reciproca magnam affinitatem habet. Vnum hîc notandum est, si ex altera parte satisfactum non fuerit, quia fortè beneficium traditum non est, aut post traditionem euictum, licere alteri beneficium, quo se abdicauit, repetere^j. Quo casu nouam collationem nõ requiri verius est, modò beneficiarius vim non inferat alij, sed autoritate publica possessionem apprehēdat^m.

De beneficiorum multitudine canonibus prohibita.

Cap. 4.

Cum beneficiarius ad episcopalem honorem prouehitur, vacat eius beneficium, & alij conferri potestⁿ. Idem de eo dicendum est, qui beneficium vnum obtinens, quod animorum curationem habet, aliud simile beneficium cōsequitur. prius nāque beneficium haud dubiè vacat^o: posterius verò ita demū retinet, si priore apud ordinarium antistitem sese abdicauerit, &c. idque,

*g. tit. de rerū
permut. in 6.
h. conc. Chalced.*

*i. tit. de re.
permut.*

*l. c. cū vnuer
forum, de re.
permut. c. si
beneficia, de
praben. in 6.
m. c. cum qui,
de prab. in 6.
d. c. si benefi-
cia.*

*n. c. cū in cū-
elis. §. cū ve-
rò, de elect. c.*

*post electionē,
de cōc. prab.
o. c. de multa,
de praben. c.
quia nonnulli,
de cler. non
resid. cle. si
plures, de
praben.*

p.d.c. de mul-
ta, extra. exe-
crabilis, de
præb.

q.c. præterea,
de præben.

r.d.c. execra-
bilis.

f.c. singula,
29. dist.

t. l. libertus,
ad municip.

l. vl. C. de as-
fesso. l. 5. C.

qui milit. pos.
not. in l. lecta,

de rebus cred.

v.c. sanctorum,

70. dist.

x.d.c. de mul-
ta.

Innocent. III. & Ioan. XXII. constitutionibus expressum est^p, & antiquo iuri non nihil derogatum^q. Si enim prius beneficium non dimiserit, non solum eo priuatur, sed quorumcunque etiam beneficiorum in posterum obtinendorum incapax redditur^r. Nam valde absurdum est vni duo munera committi in Ecclesia, nisi grauis aliqua causa, & necessitas id fieri cogat^s. Itaque concilio Chalcedonensi, & quibusdam aliis vetitum est, ne quis in duabus ecclesiis ordinetur, quod & in muneribus ciuilibus ac profanis imperatorum leges prohibent^t. Postulat tamen aliquando necessitas, aut vtilitas euident Ecclesiarum, vt duo pluræue munera ecclesiastica vnus idemque obeat, vt puta, si ea sit hominum idoneorum penuria, vt præstet vnum multis ecclesiis, quàm singulos singulis præfici. Quæ res ad episcoporum cuiusque ciuitatis curam pertinet^v. In gratiam verò personarum magis quàm Ecclesiarum beneficia coaceruare, quanuis & genere & doctrina aliis antecellant, pessimi res exempli, & antiquis canonibus omnino contraria est. Itaque gratiam horum canonum à solo pontifice Rom. cuius voluntas pro ratione habetur, fieri posse constitutum est^x. Atque ita canones prima specie inuicem pugnantes conciliari posse videtur, quanuis alij aliter nodum dissoluant. ~~Hinc fit, ut captores beneficiorum Romam eorantur confiteri, prætextu literarum, aut nobilitatis, veniant à pontifice impetratum, quæ nemini, quamlibet indi-~~

indigno nebuloni, modo is numeret, donecui
 Quia ex re tanta Ecclesiæ deformatio
 exorta est, & propè dixerim *παρολεθρία*, vt nulla
 vis humani ingenij ad eam indignitatem expri-
 mendam sufficiat. Prodigiosa sanè res est in Ec-
 clesia hæc beneficiorum cumulatio, quæ sine de-
 lectu passim recipitur: nec minus mihi monstro-
 si videtur, qui tot personas in ecclesia sustinent,
 quàm Briareus ille, qui manus centum habuit,
 vt est in fabulis, aut Geryon quem trium fuisse
 corporum perhibent.

*De assiduitate beneficiariorum, quam residen-
 tiam appellamus. Cap. 5.*

Nihil est ab omni ratione alienius, quàm eos
 præfici ecclesijs, qui munus suum negligent. Ita-
 que aduersus eos qui assidui non sunt in eccle-
 sijs sibi commissis, varij canones editi sunt ^a. Va-
 riæ item leges imperatorum, quibus nomina-
 tim cautum est, vt absentes clerici si ad ecclesias
 suas moniti non redierint, beneficia ipsis adi-
 mantur ^b. Nec iusta est eorum excusatio qui vi-
 caria quorundam sacerdotum opera in obeundo
 munere suo vtuntur, cùm ipsi eo fungi debeant ^c.
 Ac indignum est, vt Innocent. ait, conductitijs
 presbyteris Ecclesiam cõmitti ^d. Hoc amplius,
 si exiguus tenuisq; sit redditus beneficij, vt ex eo
 se tueri nequeat clericus, ne hoc quidem casu as-
 siduitatis vocationem habet, cùm ipsi eo benefi-

*a. conc. An-
 tiach. conc.
 Laod. cõ. Sar-
 di. & in de-
 cret. 7. q. 1. c.
 ult. de cler. nō
 resid.*

*b. Nouel. 6.
 58. 123.
 c. c. quia non-
 nulli, de cler.
 non resid.*

*d. 21. q. 2. c.
 ult.*

0. c. cōqueren-
te, de cle. non
resid.
e. c. ult. de re-
scrip. in 6.

f. c. placuit, 21
q. 2. c. perue-
nit. 7. q. 1.
g. c. cū ad hoc
de cler. nō re-
sid. c. licet. ca-
non. de elect.
in 6.

cio se abdicare liceat 9. Omne siquidem benefi-
cium propter officium, laborem, & industriam
conceditur 9. Cessante igitur causa propter quā
datur beneficium, ratio postulat, vt à beneficia-
rio id auferatur. Nec dissimilis est clericus ab
Ecclesia sua absens, militiæ desertori. Quare &
cingulum honoris sui eum amittere, & pro ea
desertione castigari debere constitutum est f.

Incidunt tamen causæ interdum propter quas
excusatione dignus sit clericus, & ab episcopo
suo veniam impetrare debeat s. Citra causam
verò legitimam non licet episcopo veniam assi-
duitatis concedere, quanuis Rom. pontifex, quē
nullæ leges tenent, id faciat. Et hac ratione an-
tistites imaginarij tantum (quod ad curam o-
nūsq̃ attinet) & codicillares fiunt, cuiusmodi
pontifices ac sacerdotes Alexandrū imperato-
rem creasse Lampridius scribit. Ex quo veluti
fonte mala innumerabilia, atque incommoda in
Ecclesiam vniuersam quotidie manant, quæ si-
ne horrore maximo referre nō possumus. Quid
enim indignius est, quàm sacris eos stipendiis
frui, qui venialibus diplomatibus, ne dicam vā-
nalibus, subnixi, de regendis ecclesiis ne cogi-
tant quidem vnquam, vt apertè canones omnes
illudere, & contemptui habere videantur? Ne-
mo etenim est, qui nesciat eos beneficia redditus-
que ecclesiasticos locare, & maius pretium of-
ferentibus addicere consueuisse, non aliter ac
quosus patresfamilias prædia sua, nihil pensi
habent

habentes quàm idoneus ad functionem sacram
 spiritalémque hic redemptor sit, in quém omne
 onus, quod subire eos oportebat, reiciunt. At-
 que ita hæc geruntur, vt quauis publicè nota
 sint hoc sæculo, ficta tamen magis quàm facta
 olim posteritas fortassis existimatura sit: Nihil
 de fructuum dilapidatione hîc dicam, quos pau-
 peribus distribui veteres canones iubent: Non
 enim in tantis vitiis hæc scrupulosius excutere
 animus est: ac per me licet, vt omnem prouen-
 tum iactent, profundant, dissipent. De doctri-
 na sanè diuina, cuius misera plebs mirū in mo-
 dum famelica est, ab ipsis omnino deserta con-
 querimur: Illud enim accidit hoc tēpore, quod
 vates futurum prædixerat ^{h.} *Amos 8.* ³³ Emittam famem in
 terram: non famem panis, neque sitim aquæ, sed
 audiendi verbum domini: & commouebuntur ³³
 à mari vsque ad mare, & ab Aquilone ad Orien- ³³
 tem circuibunt, quærentes verbum domini, & ³³
 non inuenient. Et sanè dubium non est, quin ³³
 hæc pastorum ignauia, errorum omnium & hæ-
 reseon, quibus hodie concutitur orbis, magna
 ex parte fons & origo sit. Nec mirū est gregem
 perire, qui pastore destitutus, luporum insidiis
 quotidie expositus est: Vagos enim quosdā cir-
 cunforaneos ac mercenarios concionatores in
 numero pastorum nō pono, quos longè latèque
 à pastoribus differre sacris literis edocemur. De
 his pastoribus vaticinatur Ezechiel ^{i. c. 34.} ¹, & ita eos
 depingit, vt in eo vaticinio nostri sæculi mores

velut in speculo quodam intueamur : verba eius
 „ hęc sunt, Vx pastoribus Israël, qui pascebant se-
 „ metipsos. Nōne greges à pastoribus pascūtur?
 „ Lac comedebatis, & lanis operiebamini, &
 „ quod crassum erat occidebatis: gregem autem
 „ meum non pascebatis. Quod infirmum fuit, nō
 „ consolidastis: quod ægrotum, non sanastis: &
 „ quod confractum est, non alligastis: & quod ab-
 „ iectum est, non reduxistis: & quod perierat, non
 „ quæstistis: & cum austeritate imperabatis eis &
 „ cum potētia. Et dispersæ sunt oves meę, eò quòd
 „ non esset pastor: & factæ sunt in deuorationem
 „ omnium bestiarum agri. Errauerunt greges mei
 „ in cunctis montibus, & in vniuerso colle excel-
 „ so, & non erat qui requireret, non erat, inquam,
 „ qui requireret. Propterea pastores audite verbū
 „ domini. Viuo ego, dicit dominus Deus, quia
 „ pro eo quòd facti sunt greges mei in rapinam,
 „ & oves meæ in deuorationem omnium bestia-
 „ rum agri, eò quòd non esset pastor, ecce ego ipse
 „ super pastores requiram gregem meum de ma-
 „ nu eorum, & cessare eos faciam, vt vltra non pa-
 „ scant gregem, nec pascant amplius pastores se-
 „ metipsos, & liberabo gregem meum de ore eo-
 „ rum, & non erit vltra eis in escam, &c. Proinde
 hac radice non excisa, aut ego vehementer fal-
 lor, aut vix vllæ flammæ his malis finem allatu-
 ræ sunt. Celebratur veteris cuiusdam philosophi
 dictum, homines non pallio, sed auribus trahē-
 dos esse. Quod vel maximè hīc locum habere
 sem-

semper arbitratus sum. Sed iam satis aut fortè nimium querelis datum est.

*De criminibus, propter quæ beneficia
amittuntur. Cap. 6.*

Ob crimen aliquando beneficium amittitur: idque contingit vel quia ipso iure vacat, vel quia deponitur beneficiarius causa cognita, & beneficio suo priuatur. Exemplis, hoc dilucidius fiet, quæ sequuntur.

I. Ambitus simoniaci reus quibusdam pontificiis constitutionibus deponi iubetur ^a. Quæ constitutiones iudicium ac sententiã requirunt, qua beneficiario adimatur beneficium, nec ante eam sententiã vacare dicitur. sed Paulus secundus atrocitate criminis, quod in dies magis magisque inualescebat, commotus, decreuit ut pœnas omnes legitimas statim incurrat is, qui hoc flagitium admisit, non expectata iudicis sententiã ^b. Ac mihi quidem videtur generaliter accipienda constitutio, siue datum aliquid pro ordinatione, siue promissum fuerit, cum hæc paria sint. Nec aliter sensit Paulus, si quis commodè & absque cauillatione verba constitutionis interpretetur. Sunt tamen qui contendunt de datione tantum, non etiam de promissione intelligendam esse constitutionem ^c: quorum leuissimas, nisi fallor, rationes hîc referre operæpretium non duxi. Vnum hîc notandum est, de

^a. c. de hoc c. insinuatũ, de simo.

^b. extra. cum detestabile. de simo.

^c. Cassado. decis. 5. Gomo. in reg. can. de trien. poss.

beneficio nos hîc non loqui, quod quis per ambitum adeptus est, cùm satis cõstet collationem huiusmodi nullam esse, idque suprâ annotauimus: Nostra etenim disputatio ad alia beneficia pertinet, legitimè acquisita, quæ nihilominus propter ambitum amittuntur. Sed quæstio est, an istius pœnæ episcopus gratiam facere possit, de qua quid alij scripserint, si lubet videto ^d.

*d. Panor. in
c. de simonia-
cu, de simo.*

I I. Qb incontinẽtiam adimitur clerico beneficium, vt puta si focariam, siue concubinam habeat, nec eam ritè monitus, à se dimittere ve-

*e. c. sicut. c. si
autem, de co-
hab. cler.*

*f. iii. de con-
cub.*

*g. l. cum qui
C. de epif. &
cler.*

lit ^e. Nam etsi legibus Romanis permissus sit concubinatus: tamen iure pontificio clericis interdictus est ^f. Ac vt omnis vitetur suspicio, nullam eis mulierẽ, exceptis quibusdam, domi suæ habere licet ^g. Olim monachi ac sacerdotes fœminas apud se retinebant, quæ nec eorum vxores erant, nec concubinæ, sed comites & sociæ cœlibatus, easque Græci *συνδοκῆτους*: interpretes, vulgò subintroductas vocant. Sed & fœminæ quoque viros sibi contubernales hoc modo adsciscebant. Verùm Nicæna synodus propter stupri suspicionem hoc contubernij genus improbauit ^h. Cuius meminerunt Iustinianus & Eusebius ⁱ. De his loquitur Chrysostomus in sermone quodam, *πρὸς τοὺς ἔχοντας συνδοκῆτους*, & Gregorius in quibusdā locis, quæ à Bud. in commentariis Græcæ linguæ referuntur. Quod dictum est de cõcubinato, id multo magis in mascula venere locum habet ^m.

*h. canon. 3. c.
interdixit. 32
d. st.*

*i. Nouel. 123.
l. lib 7. histo.
eccles.*

*m. c. vt cleri-
corum de vit.
& hon. cler.
c. clerici, de
exces. præl.*

I I I. Per-

I I I. Periuirium iusta causa est propter quam beneficiū clerico auferatur. Ac tamen si quidam existiment cum qui peierat cōtinuò beneficium suum amittere, tamē receptius est depositionem priuationemque hīc necessariam esse.^{n. c. quere lam de iureiur. c. peruenit, de fideiuss. o. c. i. de ele. pug. in. ducl. c. ult. de homicid. in 6. c. ex literis, de excess. pralat. p. c. felicitis, de pæn. in 6.}

I I I I. Cædis siue homicidij conuictus, beneficio suo priuatur per sententiam iudicis, nec illud ipso iure amittit.^{q. c. ad abolendā, de hæret. c. cum secundum, de hæret. in 6. r. glos. c. commissā, de cler. in 6. f. Fel. in c. cū non ab homine, de iud. t. Panor. in c. at si clerici, de iud. v. c. fraternitates. 34. dist.}


V. Ob crimen perduellionis, vacant ipso iure beneficia absque vlla priuatione siue depositione^{p.} Eadēque videtur causa hæreticæ impietatis^{q.} Nec vlla declaratio necessaria est ante collationem beneficij, vt Ioan. Andr. scribit^{r.} quanquam ab eo dissentiant nonnulli^{s.}

V I. Præter ea crimina quæ iam recensuimus, generaliter dicendum est, si quid grauius admiserit beneficiarius, aut si quæ nota infamie eidem iniusta sit, eum beneficio priuandum esse. non enim omnia crimina cōprehenduntur certa definitione: sed prudētis iudicis est, in iis quæ^s similia expressis videntur eandem regulam sequi^{t.} Qua in re Panor. admonet, priscorum canonum seueritatem vsquequaq; hīc spectandam non esse, propterea quòd huius sæculi homines cum priscis illis conferri non possint, siue statutam & vires corporis, siue mores & ingenium respicias^{v.}, Iuxta illud Satyrici poëtæ,

Terra malos homines nunc educat atque pusillos.

*x. Panor. in
 c. per inquisi-
 tionē, de elec.
 a. not. in c.
 querela, de iu-
 re iur. m. d.
 b. l. 2. §. miles
 de his qui not.
 infra. l. diuini,
 de iniur. l. in-
 famia. C. de
 decurio.
 c. c. beneficiū,
 de regula. in
 6.
 d. c. 1. de cler.
 coniug.
 e. c. licet ca-
 non. c. cōmis-
 sa, de elect. in
 6.
 f. Staphil. tra-
 cta. de lite.
 grat.*

Quo nomine etiam Homerus crebrò admo-
 dum conqueritur, vel Plinio authore. Quod au-
 tem de infamia diximus, de ea accipiendum est,
 quæ iure ac legibus irrogatur, non de ea, quæ ex
 hominum opinione proficiscitur *. Præterea ob
 iuris infamiam, ipso iure non vacat beneficium;
 sed priuatione ac depositione opus est *, quanuis
 in muneribus dignitatibusque prophanis & ci-
 uilibus aliud constitutum sit *. Eadēque ratio
 munerum publicorum in Gallia (cū perpetua
 sint non minus quàm beneficia ecclesiastica) ef-
 se videtur. Sunt & alij modi, quibus vacant &
 amittuntur beneficia, cuiusmodi est professio
 monastica *, matrimoniū verbis in præsens tem-
 pus conceptis contractum *, & ordinatio siue
 initiatio neglecta ab eo qui beneficium curatio-
 ni animorum cōiunctum adeptus est, &c. * Sed
 hæc partim ex superioribus libris huius tracta-
 tus, partim ex aliorum scriptis cognosci pos-
 sunt f.



FRAN-



Quar. le blasf.



